

# ნიკიტინი მრეწველი

კოსტა  
ფინიმა  
მლექრის



კრებულში შესულ მოთხრობებში ასახულია საქართველოში რევოლუციის პირველი წლები, კოლხეთის წარსული და დღევანდელი მისი მშენებლების გმირობით სავსე ცხოვრება.

მოთხრობაში „ლადო გუდიაშვილის ათას ერთი ღამე“ ასახულია სახელოვანი მხატვრის ცხოვრების ეპიზოდები. ხოლო „პოეტის უკვდავება“ მირზა გელოვანის საბრძოლო გზების იმსახველი დოკუმენტური მოთხრობაა.

## როცა წვიმა მღერის

„ბუნება წარმოშობს,  
მაგრამ არ ქმნის. ქმნის მხოლოდ ადამიანი“.

(კ. პაუსტოვსკი. „კოლხიდა“)



შუადღე იყო. აერობორტში ცხელოდა. უცბად რეპროდუქტორი აუღრიალდა. დიქტორი აცხადებდა, ფოთში მიმავალ თვითმფრინავ „АН—2“-ში ჩასხდომა დაიწყეთ. თვითმფრინავისაკენ შეიღნი გავეშურეთ: ერთი ახალგაზრდა ქალი, რომელსაც ბავშვი ახლდა, მეორე შუახნის მამაკაცი — ცამეტ-თოთხმეტი წლის ვაჟით, მე და კიდევ ორი ახალგაზრდა. ცოტა არ იყოს, არ მესიამოვნა, ბუტაფორულ, პატარა, თითქოსდა ლილიპუტების ქვეყნიდან მოფრენილ თვითმფრინავს რომ მივუახლოვდით. ველარ მოვითმინე და თვითმფრინავის ფრთა ხელით მოვისინჯე, მუყაოსაგან გაკეთებული გეგონებოდათ. — ხელს ნუ შეახებთ, დაინგრევა... — ჩაიჭირქილა ვილაცამ.

მოვიხედე: ჩემს გვერდით მალალი, მოლიმარი ახალგაზრდა იდგა, — ... და ველარ გავფრინდებით კვაკენბერგში, — ხუმრობდა უცნობი. გამეცინა; მივხვდი, რომ კვაკენბერგს ფოთს ეძახდა, ქალაქს, რომლის ცაზეც, როგორც იტყვიან, წელიწადი და თორმეტი თვე წვიმა ჰკიდია, სადაც ზამთარ-ზაფხულ არ წყდება ბაყაყების გამაყრუებელი ყიყინი.

— ბოდიში, მგონი უნდა გაგცნობოდით, — ალექსანდრე ლიტვინენკო, ალიკო, როგორც ოჯახში, ე. ი. გემზე მეძახიან, ტრაულერ „შოთა რუსთაველის“ მთავარი მექანიკოსი. ეს ჩემი მეგობარია, ამავე ტრაულერის ელექტრომექანიკოსი ნიკოლოზ ფეოდოროვი. ამ ყმაწვილის ძირითადი ღირსება ის არის, რომ ატომისა და კოსმოსის ეპოქაში გაწითლების უნარი შეინარჩუნა. მორცხვია, როგორც მეცხრამეტე საუკუნის ასული.

ფეოდოროვი საშუალოზე დაბალი იყო. კეთილი, სათნო თვალები ჰქონდა.

— ყურს ნუ უგდებთ, ენაჭარტალაა, — გამაფრთხილა ფეოდოროვმა და შეეამჩნიე, როგორ აუწითლდა ლოყები.

უნდა გამოგიტყდეთ, რომ ლიტვინენკოს ფამილარობა ცოტა არ იყოს, არ მესიამოვნა, გამაკვირვა კიდევაც, — ჩვენ ხომ პირველად ვხედავდით ერთმანეთს! შემომხედა, უთუოდ იგრძნო, რომ არ მომეწონა მისი ოხუნჯობა და ხწრაფად დაუმატა:

— რად გაგიკვირდათ. ჩვენ ხომ პირველად არ ვხვდებით ერთმანეთს. მგონი, ამ ერთი თვის წინ გაგიცანით. გახსოვთ კედლის გახეთი?

როგორც კი წარმოსთქვა „კედლის გახეთი“, მაშინვე ხარხარი ამიტყდა, იცინოდა ლიტვინენკოც. ფეოდოროვი გაცეცხლებული შემოგვეყურებდა და გაკვირვებისაგან მხრებს იჩეჩდა. მართლაც, ჩვენ კელასურში, კოლმეურნეობა „დიოსკურიაში“ გავიცანით ერთმანეთი.

წამსვე მომაგონდა კედლის გახეთი „საქთევზი“. ერთ კუთხეში მხატვარს კერძო მეთევზე დაეხატა, შემდეგ თევზები, რომლებიც მის ბადეს გაურბოდნენ და „ღიმილით“ პირდაპირ კოლმეურნეობის ბადისკენ მიისწრაფოდნენ. მე და ალიკა სწორედ იქ შევხვდით ერთმანეთს. იგი სტუმრად იყო თავის მეგობართან, მე კი ურნალისთვის მასალებს ვაგროვებდი.

ამასობაში პილოტიც მოვიდა და ჩვენი საუბარი შეწყდა. პილოტი ქართველი იყო, ჯმუხი, მზით გარუჯული.

— აბა, მეგობრებო, მოემზადეთ, გავემგზავროთ ვერძის მოსატაცებლად, — თქვა მფრინავმა ხუმრობით და კაბინაში ჩაჯდა. ჩვენც მივყევით.

პირველ რიგში ბავშვიან ქალს დავეხმარეთ. ალიკმა ფოთოლივით აიტაცა ქალი და თვითმფრინავის ვიწრო კაბინაში ჩასვა, მერე გოგონაც მიაწოდა. ავიდა შუახნის მამაკაცი და მისი ვაჟიშვილი, შემდეგ მე, ფეოდოროვი და ალიკაც მივყევით. თვითმფრინავი შიგნითაც ისეთივე ბუტაფორული იყო, როგორც გარედან.

შიშით ვათვალთვლებდი თვითმფრინავის „სალონს“.

— ნუ გეშინიათ, სულ რაღაც სამას-ოთხასი მეტრის სიმაღლეზე ვიფრენთ. თუ რაიმე შეგვემთხვა, ან ჭაობში ჩავცვივდებით, ან ზღვაში გავადენთ ბათქანს, ნაპირის ახლოს, — იხუმრა მფრინავმა და ძრავა ჩართო. თვითმფრინავი აჯაგჯავდა, ახმაურდა და ბოლოს, როგორც ლქნა, მიწას მოვწყდით.

— ინებეთ საწუწნი კაპეტი, — ალიკომ უბრალო წეულა მო-  
მაწოდა — სტიუარდესა შაქარყინულს ვერ მოგართმევთ, დასვენე-  
ბის დღე აქვს, — კვლავინდებურად ოხუნჯობდა ლიტვინენკო.

ორი წეულა ავიღე და გოგონას გავუწოდე. გოგონამ მადლობის  
ნიშნად მორცხვად გამიღიმა.

„AH — 2“ — მა კურსი კოლხეთის უძველეს ნავსადგურ — ფაზისი-  
საკენ აიღო, რომელსაც დღეს მრავალი ქვეყნის მეზღვაურები ფო-  
თის სახელწოდებით იცნობენ. ტყუილად ვიწუნებდი თვითმფრი-  
ნავს, მშვენივრად მიფრინავდა, ძრავას ხმაური თითქმის არც გვა-  
წუხებდა. სარკმლიდან გადავიხედე: გარკვევით მოჩანდა ზღვის  
ტალღათა ლივლივი.

ძველი კოლხიდა ზემოდან დავით კაკაბაძის ნახატებს წაავაგვს..  
როგორც ამ შესანიშნავი მხატვრის ტილოებზე, სხვადასხვა ფერისა  
და ტონის მკვეთრი საღებავებით გამოირჩეოდნენ მდინარეები, არ-  
ხები, ციტრუსოვანთა ნარინჯისფერი ბალები და ჩაის პლანტაცი-  
ების მწვანე ატლასი. ამომშრალ მიწაზე გაშენებული ახალი სოფ-  
ლები და ხასხასა მწვანე ფერის ჯერ კიდევ ამოუშრობი ჭაობები,  
ლელიანი, შამბნარი, ევკალიპტები, ევკალიპტების ნამდვილი ტყე!  
მოსწრებულად თქვა კოლხიდმშენის მთავარმა ინჟინერმა გოლიათ  
ლაკერბაიმი: ევკალიპტები ჩვენი ერთგული თანაშემწენი და მოკავ-  
შირენი არიანო. ტყუილად ხომ არ უწოდებენ ინგლისელები ევკა-  
ლიპტებს „ტყის ალმასს“, ხეები ასორმოცდაათი-ორასი მეტრის სი-  
მადლისაა, მათში სიცოცხლის უჩვეულო ძალაა ჩანერგილი.

აგერ სვანეთის მიუვალი მთების შვილი გიყი ენგური მოქუხს.  
სულ მალე მძლავრი ენგურპესი მთელ დასავლეთ საქართველოს  
უზრუნველჰყოფს ელექტროენერგიით. აი, რიონიც; აქ ხომ ოდეს-  
ღაც ძველი ბერძნების, რომაელების ხომალდები შემოდიოდნენ,  
აქვე ყვაოდა მარმარილოს სასახლეებით დამშვენებული დიდებული  
ქალაქები. ისინი მტრებმა დაანგრიეს, ჭაობში ჩაიძირნენ. მერე? მე-  
რე კი ამ მიწაზე ქარი ლაქაშს არხევდა და ლაქაშიც ისე ქანაობდა,  
როგორც ზღვის ტალღები. საღამოს ცაზე თეთრი აჩრდილებივით  
მოჩანდნენ სვანეთის ცადაწვდილი თოვლიანი მწვერვალები. ნაბად-  
წამოსხმული, ხურჩინგადაკიდებული, მხარზე ცულგადებული მამა-  
კაცები გაუვალ ჭაობებს შორის დარჩენილი ბილიკებით მიდიოდ-  
ნენ სამუშაოს საქმენელად. მიწა არ ჰქონდათ, ჭაობზე ცხოვრობდ-  
ნენ და აბა რა ექნათ. მიდიოდნენ წვერმოშვებული ბერიკაცები

ლუკმა-პურის საშოვნელად, მიდიოდნენ ახალგაზრდები, ქალები; ტოვებდნენ ჭაობს, ჯუნგლებს; უკან რჩებოდა გამოკეტილი კარვები და ფაცხები, უსარკმლო და უსინათლო ფაცხები, ბრმებივით რომ იდგნენ ჩამკვდარ სოფლებში. ადამიანის ჭაჭანება არ იყო, ჭაობის შხამით და ხაშშით მოწამლულ ჰაერში კოლოების ზუზუნით იდგა, ციება მუსრს ავლებდა დიდსა და პატარას. მესერზე ცხენის თავის ქალა იყო წამოცმული, ჭიშკარზე ნალი იყო მიჭედებული, მაგრამ ნალსა და ცხენის თავის ქალას არ შეეძლო ხალხის ხსნა, ჭაობის გაშრობა, ლელიანის ჩეხვა, მიწის გამოტაცება უქმურიდან. მხოლოდ ადამიანს ძალუძდა ამის გაკეთება, ისევე ადამიანს უნდა ეხსნა ადამიანი. ჭაობით იყო დაფარული ჩრდილოეთიდან მოყოლებული მთელი შავიზღვისპირეთი, მდინარე კოდორიდან ქობულეთამდე — ორას ოცი ათასი ჰექტარი მიწა. რაოდენი სიმდიდრის მოცემა შეეძლო ამ მიწას ამოშრობის შემდეგ! თბილი ზღვა, სუბტროპიკული ჰავა და ნოყიერი მიწები. უკეთეს ადგილს ჩაისთვის, ციტრუსებისთვის, კეთილშობილი დაფნისა და ტუნგოსათვის ვერც ინატრებდა ადამიანი.

...და ხალხმა დაიწყო ფიქრი ჭაობების ამოშრობაზე, აუცილებელი შეიქნა სამკვდრო-სასიცოცხლო ბრძოლა გამოეცხადებინათ კოლხეთის სიკვდილის მთესველი ჭაობებისათვის. ამაზე ოცნებობდა გასული საუკუნის დამდეგს ნიკო ნიკოლაძე, ქართველი მეცნიერი, ფილოსოფოსი და საზოგადო მოღვაწე. მან მელიორაციული გეგმაც კი შეადგინა. მაგრამ... ამას აურაცხელი თანხა სჭირდებოდა და ნიკო ნიკოლაძის გეგმები ოცნებად დარჩა.

მხოლოდ საქართველოში საბჭოთა ხელისუფლების დამყარების შემდეგ აღსრულდა ქართველი ხალხის საუკუნო ოცნება. პირველი იერიში 1925 წელს მიიტანეს ჭაობებზე. 1932 წელს კი დაარსდა ტრესტი „კოლხიდმშენი.“

იერიშის პიონერები იყვნენ ინჟინრები: გრიგოლ გეგეჭკორი, ანდრო გაბუნია, გალინა სერბინა-ჯაფარიძე, მიხეილ დიდენკო, დიმიტრი ლოდობერიძე, ლევან კიკნაძე, ილარიონ ცომაია, გიორგი ჯაფარიძე და სხვები. ზოგი შათვანი დღესაც მუშაობს „კოლხიდმშენში.“

თავის დროზე ჭაობების ამოშრობის გეგმებს პირადად გაეცნო სტალინი და ღირსეული რჩევა მისცა მშენებლებს: ჭაობის ამოშრობა დაეწყოთ ფოთი-ქალაქიდან უბნიდან. ეს უბანი ყველაზე

ძნელი ასათვისებელი იყო და მეტად საჭირო ადგილზე მდებარეობდა.

დაახლოებით ამ დროს ჩამოვიდა ფოთში გამოჩენილი მწერალი კონსტანტინე პაუსტოვსკი. იგი რამდენიმე ხანს ცხოვრობდა კოლხეთში და დაწერა წიგნი „კოლხიდა“. რა ბედი ეწია მისი მოთხრობის შესანიშნავ გმირებს, კოლხიდის გაუვალ ჭაობებს? ეს ამბები მაინტერესებდა, როცა აქ მოვდიოდი...

თვითმფრინავი ფოთის აეროდრომზე დაეშვა.

### ქალაქი, სადაც განუწყვეტილ წვიმს

...„ფოთში, როგორც ყოველთვის, წვიმდა,“ — ასე მინდოდა დამეწყო ეს თავი, მაგრამ წარმოიდგინეთ ჩემი გაოცება: მზიანი დღე იყო, მზიარული.

ამ ქალაქში, საერთოდ, ქარი ქრის და გადაუღებელი წვიმს. მიწა ზღვის დონეზე დაბალია. სწორედ ამიტომაც ძნელი ნიადაგის გადარჩენა ჭაობის შემოტევებისაგან, მიწა აქ არასოდეს არ შრება. ორი-სამი ათეული წლის წინათ, თითქმის მთელი აქაური მოსახლეობა დაავადებული იყო ტროპიკული მალარიით. დღეს დავიწყებულია ეს საშინელი სენი. ექიმი ილარიონ ცომაია ამბობს, უკანასკნელი წლების განმავლობაში მალარიით დაავადების არც ერთი შემთხვევა არ ყოფილა კოლხეთშიო. ეს მართლაც ასეა.

კოლხიდელებმა ასი ათასი ჰექტარი ჭაობიანი ნიადაგი ამოაშრეს და კოლოებს თავშესაფარი აღარ დარჩათ, მალარიაც აღარ ვრცელდება.

...ფოთი. ჯერ კიდევ ოცდაათიან წლებში ეს იყო „ტვირთვადასასროლი წერტი“, ან, თუ გნებავთ, მგზავრების გადასაყვანი ნავსადგური. მხოლოდ ამ გზით შეიძლებოდა სოხუმიდან თბილისში ჩამოსვლა. პირდაპირი რკინიგზა სოხუმსა და თბილისს შორის არ იყო გაყვანილი. პატარა გემების „პესტელის“, „ჩეხოვის“ ან „ტავრიას“ ღია გემბანებზე სიცივისაგან აკანკალებულები მივემგზავრებოდით ფოთში, იქიდან კი რკინიგზით — თბილისში. ორი, ან უფრო ხშირად, სამი დღე-ღამე ვუნდებოდით გზას. ახლა მატარებლით სულ ხუთი-ექვსი საათის სავალი გზაა სოხუმიდან თბილისამდე, ავტომანქანით კი უფრო ნაკლები.

კიდევ უფრო რთული იყო თბილისიდან შინ დაბრუნება. მატარებლისა და გემის მოძრაობის განრიგი არასოდეს არ ეთანხმებოდა ერთმანეთს და ამის გამო ღამის გათევა (და არა ერთის) უზარმაზარ რკინა-ბეტონის საწყობში გვიხდებოდა. პირდაპირ ცემენტის იატაკზე ვიგებდით პალტოს (ვისაც კი გვექონდა) და ისე ვიძინებდით. ზოგჯერ დროს მოსაკლავად „კონკიო“ დავეხეტებოდით ქალაქში. — ეს იყო მეტად თავისებური ბორბლიანი „ტრამვაი“, რომელსაც ჯახირით მიათრევდა ცხენი. ხან კი საათობით ვიდევით ნავსადგურში და ცნობისმოყვარეობით ვათვალისწინებდით უცხოეთის გემებს: ჯეელი მეზღვაურები ტრიუმფებს ჭიათურის მარგანეციო ტვირთავდნენ; ჩვენ, სტუდენტები კი რკინა-ბეტონის ჯებირზე დავსვირნობდით. შუქურამდე რომ მივიდოდით, სვირნობაც მთავრდებოდა. ჩვენთვის ნამდვილი საოცრება იყო ქვის კედლებით გარშემორტყმული ფოთის დახურული ნავსადგური. იმ ხანებში იქ იღებდნენ ფილმს „ამოკი“, სტეფან ცვაიგის იმავე სახელწოდების მოთხრობის მიხედვით. მე აქ პირველად ვნახე საქვეყნოდ ცნობილი რეჟისორი კოტე მარჯანიშვილი. აქვე იყო ნატო ვაჩნაძეც.

ღღეს ისევ აქა ვარ, და სასიამო გულისტკივილით ვიგონებ წარსულს. შორიდანვე დავინახე უხეში, უზარმაზარი ყაზარმის ტიპის რკინა-ბეტონის შენობა, სადაც ბევრი უძილო ღამე გამიტარებია სიჭაბუკისას. შენობა ისევ ისეთი ცივი, უღიმღამო და მრისხანეა, როგორც ამ ორმოცი წლის წინათ. აი, შუქურაც! ოდნავდაც არ გამოცვლილა ამ ხნის განმავლობაში: არც დროს, არც ომსა და ჭარბშხალს არ მოუხდენია მასზე გავლენა. ისევე, როგორც ათეული წლების მანძილზე, ყოველღამ უნათებს გზას ოკეანის ლაინერებს და მეთევზეთა ტრაულერებს, სანაპირო დაცვის კატარღებს და უბრალო, ძრავიან ნაგებს.

აი ტაძარიც: უზარმაზარი, ტლანქი, ზორზოხი, ოდესღაც მეფის რუსეთის ჯარისკაცებისათვის აშენებული ღვთის სასახლე! შორიდან ის მართლაც სალდათის ჩექმას აგონებს ადამიანს. იმ დროს კი რკინა-ბეტონის ერთადერთი ტაძარი იყო მთელს ევროპაში, რომელიც გერმანელმა ინჟინრებმა ააშენეს პირველი მსოფლიო ომის დაწყების წინ და ომის გამო ველარ მოასწრეს დამთავრება. პროექტის ავტორების განზრახვით, იგი კონსტანტინოპოლის აია-სოფიას ასლი უნდა ყოფილიყო. გამოვიდა კი — პაროდია, ნამდვილი პაროდია! ქრისტიანული მართლმადიდებელი ეკლესიის მთავარმა



პროტესტი განაცხადა: როგორ, ღვთის ტაძარი რკინა-ბეტონისაგან?! ეს შეუძლებელიაო. ჩვენს დროში ბევრს ეცადნენ, მაგრამ ვერა და ვერ დაანგრიეს ეს შენობა. მაშინ ერთმა ჰკუთავამჭირახმა მოქალაქემ ქალაქის ხელისუფლებას ურჩია, ტაძარი თეატრისა და მუზეუმისათვის გამოეყენებინათ. მართლაც დაუჯერეს უბრალო მოქალაქის კარგ რჩევას.

სასტუმრო „ფაზისში“ დავბინავდი. თოვლივით თეთრი შენობა კითხვის ნიშანივით დგას ამწეებსა, უზარმაზარ საწყობებსა და ლიანდაგებს შორის. ოთახები სუფთა და კეთილმოწყობილია...

...სალამო ეამს გამომღვინა. გარეთ ბნელოდა, წვიმა ცრიდა. მოსწრებულად თქვა ერთმა უურნალისტმა: აქაური ღამეები სიბნელის, ზვირთთა ზათქის და შხაპუნა წვიმების ღამეებიაო. მომენატრა კოლხური, განსაკუთრებით ფოთის ღამეები. ისინი ჩემი სიყმაწვილის მუღმივი თანამგზავრებია!... ვილაც გაბმით, მონოტონურად მღეროდა და უნებლიეთ ერთი ჩემი მეგობრის, ესტონელი ახალგაზრდა მწერლის იულო ტუულიკის ნაამბობი მომაგონდა:

— ზღვას რომ ვუტყერი, მის აბობოქრებულ ტალღებს რომ ვჭკვრეტ, ჩემი ცხოვრების ერთი პატარა ეპიზოდი მაგონდება, — მითხრა იულომ ერთ საღამოს, სოხუმის სანაპიროზე რომ დავსეირნობდით. ჩემი მეგობარი რბილი, ესტონური აქცენტით ჰყვებოდა: — მას შემდეგ სამი წელი იქნება. თევზს ვიჭერდით ატლანტის ოკეანის ჩრდილოეთით. იქ, სადაც გრენლანდიის აისბერგებია. ლამაზია ეს ადგილები. ტრაულერზე მატროსად ვმსახურობდი და სხვა მეზღვაურებთან ერთად თევზს ვამუშავებდი. ჩემი ცვლა დილის რვა საათზე იწყებოდა და ღამის სამ საათზე თავდებოდა. ცვლის შემდეგ ჩვენ ისე ვიღლებოდით, როგორც უფალი ღმერთი ქვეყნის შექმნის მეშვიდე დღეს, და თავი საწოლამდე ძლივს მიგვჭონდა. მაგრამ ისევე ვიღვიძებდით.

და იცით რატომ? ღერეფანში ჩვენს კაიუტასთან იატაკს წმენდდა ხოლმე ერთი ახირებული, ზორზოხა მეზღვაური. ხან თავას თავს ელაპარაკებოდა, ხან კი მღეროდა, თუმცა მშვენიერად იცოდა, რომ ეს-ესაა მუშაობა დავანიავრეთ და ძილი ყველაფერს გვერჩინა. ბოხი მჭექარე ხმა ჰქონდა, მაგრამ სმენისა კი რა მოგახსენოთ. საცოდავს, როგორც ჩანს, დათვმა დააჭირა ყურზე თათი. მოგვიანებით თვითონ გვიამბო, თურმე ჯერ კიდევ სოფლის სკოლაში სიმღერის მასწავლებელი გალობის გაკვეთილზე განგებ

გზავნიდა შეშის დასაჭრელად, რომ მოწაფეებისთვის ხელი არ შეეშალა. ერთხელ ვეღარ მოვიტომინე, კაიუტიდან გამოვვარდი, გააფთრებული ვეცი მეზღვაურს და მრისხანედ შეეფუძახე: ახლავე გაჩუმდი-მეთქი. ის შეკრთა, ბავშვივით გაწითლდა და ძალიან ხმადაბლა მიპასუხა: დამავიწყდა, პირი ღია დამრჩაო. ცოტა ხნის შემდეგ კი დაუმატა: ვერ წარმომიდგენია, როგორ შეიძლება ეძინოს ადამიანს, როცა მზე ამოდის. ალბათ არ იცით, რა სანახავია ამ დროს ოკეანეო...

მე არ მინახავს, როგორ ამოდის მზე ატლანტის ოკეანეზე, მაგრამ მჯერა იმ უბრალო ესტონელი მატროსისა — ალბათ შესანიშნავი, ულამაზესი სანახაობაა. რაც შეეხება ფოთის ღამეებს, — ეს ღამეები კი არა — მუსიკაა. მომხიბლავი, იღუმალებით აღსავსე მუსიკა, ზვირთცემის ზათქი და შხაპუნის, ავტომანქანების კანტიკუნტი სიგნალები... ყოველივე ეს შეუდარებელ განწყობილებას ქმნის ფიქრისთვის, ჩუმი სევდისა და ნალველისათვის, და უნებურად იწყებ ღიღინს.

უტყვი სიმღერა ნელმა კაკუნმა შემაწყვეტინა. კარი გავაღე, ლიტვინენკო, ფეოდოროვი და კიდევ ორი მეზღვაური — ვალერი ლიტოვკა და ვიქტორ ვეტევი იდგნენ.

— ცოტა არ იყოს, „კაიფზე“ ვარ, — ენის ბორძიკით თქვა ალიკომ (ალბათ უნდოდა ეთქვა, ქეიფის გუნებაზე ვარო), — აი სწორედ ამან გამაბედვინა თქვენთან მოსვლა... პატივი დაგვდეთ და ვახშამზე გვეწვიეთ რესტორანში. ჩვენ ხომ პირველად ვხედავთ ასე ახლოს ცოცხალ მწერალს.

— გთხოვთ! — ერთხმად გაიმეორეს დანარჩენმა მეზღვაურებმაც.

ერთსართულიანი რესტორანი იქვე, სასტუმროს გვერდითაა. დარბაზი სავსეა ხალხით, თითქმის მხოლოდ მამაკაცებია, თუ მხედველობაში არ მივიღებთ ორ-სამ ოფიციანტ ქალს. ყოველ მაგიდაზე კონიაკი, არაყი და ლუდი დგას. უკრავს საესტრადო კვარტეტი. მუსიკოსებში უმაღლესი ვიცანი მოსკოველი მეზობელი ბიჭები კრასნაია პრესნიდან.

მოგვიტანეს ვახშამი: მწვანილი, ჭყინტი სულგუნი, მეგრული ხარჩო...

— უჰ, რა პიმპილიანია! — დაიყვირა ალიკომ და სახე დაემანჭა. მეორე ჭიქის შემდეგ ენად გავიკრიფეთ, მეტი თავისუფლება და

სიახლოვე ვიგრძენით. მეზღვაურები საქმის შესანიშნავი ცოდნით მიჩვედნენ, საიდან და როგორ დამეწყო მუშაობა, სად იყო აუცილებელი ჩემი წასვლა, რა უნდა მენახა, ვის უნდა შევხვედროდი... მეზღვაურებმა ყველაფერი იცოდნენ, ყველას იცნობდნენ აქ. ეს გასაგებიც იყო: ტრაულერები, კატერები, ნავეები ხშირად ჩერდებიან ფოთის ნავსადგურში, აბარებენ თევზს, ამიტომ მეზღვაურები საკმაოდ კარგად იცნობენ ქალაქსა და მის მოსახლეობას.

ცოტა რომ შეენაყრდით, ბიჭებს ვკითხვ, რატომ აიჩიეს მეზღვაურის და ისიც მეთევზის მძიმე პროფესია, მიუხედავად იმისა, რომ თითქმის ყოველ მათგანს უმაღლესი ცოდნა ჰქონდა მიღებული.

— ჩვენი სამუშაო, — ყველას მაგივრად მიპასუხა ალიკომ, — მეოცნებისთვისაა გამოგონილი, რომანტიკოსებისათვის. სწორედ ჩვენისთანა ახალგაზრდები მიდიან ზღვაში, ტაიგაში, ხდებიან ბილოტები და მეზღვაურები; რასაკვირველია... — და უცებ მან სიმღერა დაიწყო:

Люди посланы за делами,  
Люди едут за деньгами,  
Убегают от обиды, от тоски,  
А я еду, а я еду за туманом,  
За мечтами и за запахом тайги...

— მოდი, დავლიოთ ადამიანის კარგი, გაბედული ოცნების სადღეგრძელო! ოცნებისა და „ტაიგის სურნელების“ სადღეგრძელო ყოველი ადამიანის ცხოვრებაში...

რესტორნიდან საკმაოდ გვიან გამოვედით, გამომშვიდობებისას მეზღვაურებმა თავიანთ ტრაულერზე მიმიპატიყეს, დამპირდნენ, სამხედრო სასაფლაოზე წაგიყვანთო, სადაც დაკრძალულია ერთ-ერთი ჩემი მეგობარი — სამამულო ომში დაღუპული მეზღვაური.

მეორე დღეს კონსტანტინე პაუსტოვსკის „კოლხიდის“ გმირებს უნდა შევხვედროდი.

ბედმა განიღმა. მის სიცოცხლეშივე მოვასწარი გამეცნო შე-  
სანიშნავი ადამიანი ანდრო გაბუნია. კოლხეთის დღევანდელი დღე  
განუყრელადაა დაკავშირებული ამ ადამიანის საქმიანობასთან, მის  
გმირულ შრომასთან, მის სახელთან. სწორედ ანდრო გაბუნიაა  
პროტოტიპი კონსტანტინე პაუსტოვსკის წიგნის „კოლხიდის“ მთა-  
ვარი გმირის — შალვა გაბუნიაში. ჯერ კიდევ მოსკოვიდან დავუ-  
რეკე და მოვილაპარაკეთ, რომ ფოთში შევხვდებოდით ერთმანეთს.  
ანდრო იმჟამად საქართველოს მელიორაციისა და წყლის მეურნე-  
ობის მინისტრის მოადგილე იყო. თბილისიდან ფოთში უნდა ჩამო-  
სულიყო. კარგად მახსოვს ჩვენი საუბარი ტელეფონით:

— მიხარია, რომ ჩვენს მშენებლობაზე ჩამოდიხართ, — მითხრა  
ანდრომ. — აქ მრავალ საინტერესო რამეს ნახავთ და გაიგებთ.  
ვეცდები, აუცილებლად ჩამოვიდე ამ დროისათვის ფოთში და თვი-  
თონვე ავიხსნათ, ვიამბოთ, გიჩვენოთ, რა გაკეთდა ოცდაათი წლის  
მანძილზე...

ანდრო გაბუნია ფოთის ხშირი სტუმარი იყო. მისი სამინისტროს  
მრავალი ობიექტი სწორედ კოლხეთის დაბლობებსა და ჭაობიან  
ადგილებში იმყოფებოდა. მან კი, როგორც საყოველთაოდ ცნობი-  
ლია, თავისი შრომითი საქმიანობა აქ, კოლხეთში დაიწყო ათას  
ცხრაას ოცდათორმეტ წელს.

დიდი ინტერესით ველოდი ანდროსთან შეხვედრას. როგორი იქ-  
ნება კ. პაუსტოვსკის ეს „აწოწილი ჭაბუკი?“. დიდხანს არ მომიხ-  
და ლოდინი. ანდრო სწორედ დანიშნულ დროზე მოვიდა სასტუმ-  
როში. გამიღმა და ხელი გამომიწოდა. მაშინვე გამახსენდა კონს-  
ტანტინე პაუსტოვსკის მოთხრობის ერთი ადგილი: „გაბუნია ხში-  
რად წითლდებოდა, იგი იყო მორცხვი, მაღალი... უყვარდა ქარი.  
ასე ეგონა, რომ ქარს მიჰქონდა მისი ტანიდან ციებ-ცხელებისაგან  
გამოწვეული სისუსტე. მშენებლობის უფროსს გაბუნია მიაჩნდა  
ნიჭიერ, მაგრამ ზომაზე მეტად მეოცნებე ინჟინრად, იგი მას „რო-  
მანტიკოს — ინჟინერს“ უწოდებდა და გული მოსდიოდა, როცა გა-  
ბუნიას ოთახში ხშირად პოულობდა ბაგრიცკის ლექსებსა და ალ-  
ფრედ დე მიუსეს „საუკუნის შვილის აღსარებას“.

სასტუმროდან გამოვედით. მზიანი დილა იყო და გადავწყვიტეთ

ფეხით გაგვევლო ქალაქის ქუჩებში. ასეთ პირობებში ალბათ ის უკეთ მომიყვებოდა მშენებლობის ამბავს. მაღლა აიხედა, ცას დააკვირდა.

— იწვიმებს? — ვკითხე ანდროს.

შემომხედა და ჩვენ ერთდროულად მოგვაგონდა კონსტანტინე პაუსტოვსკის იმავე მოთხრობიდან ერთი ადგილი: „ქარმა დუქნის ფანჯარას ერთი მუჭა მტვერი და ვარდის გამხმარი ფოთლები მიაცარა. პალმებმა ნერვიულად აათამაშეს მწვანე ფოთლები, აღელდნენ. მათი ხმაური კბილების რაკარუსს ჰგავდა. საკვამლეებიდან მაღლა კი არ აღიოდა კვამლი, ჰორიზონტალურად ედებოდა ფოთის ქუჩებს და თან მანდარინების ყვავილების დამათრობელი სურნელება მიჰქონდა. ქალაქის მოედანზე ბაყაყებმა ყიყინი შეწყვიტეს.

— იწვიმებს, — თქვა ახალგაზრდა ინჟინერმა გაბუნიაძემ... —

ორივეს გაგვეცინა.

— ნუ გეშინიათ, წვიმა არ წამოვა, — თქვა ანდრომ, კიდევ ერთხელ გაიღიმა, უკვე ნაღვლიანად — ალბათ ასე იღიმებოდა იგი. იმ შორეულ წლებში, — ამოიხვნეშა და გულდაწყვეტით თქვა: — ბეჩოს დუქანი უკვე აღარ არსებობს, ვერ დავიცავით. მივლინებით ვიყავი მოსკოვში, სხვებს არ ეცალათ... ამასობაში ფრესკები — დიახ, ფრესკები, ნუ გიკვიროთ, სხვანაირად ვერ ვუწოდებ იმ შესანიშნავ ნახატებს — შეღებეს, მოაპირკეთეს. ახლა კი იქ ჭაზი უკრავს, ახალგაზრდები ცეკვავენ, წარმოგიდგენიათ, რა კარგი იქნებოდა, რომ ხელი არ ეხლოთ ბეჩოს ნახატებისათვის? საცოდავი ბეჩო ომის დროს სადღაც გაქრა, ალბათ სადმე სული ამოხდა გაჭირვებულს, ვინ იცის იქნებ ლუკმა-პურიც ენატრებოდა!.. მაშინ აღამიანები ჩუმად კედებოდნენ, სანთელივით უხმოდ ქრებოდნენ... პაუსტოვსკიმ ზორბად დაწერა! — ანდრომ ჭიბიდან პატარა წიგნად გამოცემული „კოლხიდა“ ამოიღო. — ეს წიგნი მუდამ თან დამაქვს, — ისე განაგრძო გაბუნიაძე, თითქოს თავის თავს ელაპარაკებოდა. — ჩემი ბიბლიაა, სამაგიდო წიგნი... იმიტომ კი არა, რომ ამ წიგნში ჩემზე ბევრი კეთილი სიტყვაა ნათქვამი, არა! იმიტომ რომ ჰქვიანური, პოეტური წიგნია... და კიდევ, უნდა გამოგიტყდეთ, მასში ჩემი ახალგაზრდობაა, ჩემი ჰაბუკური ოცნებები...

ხილზე ვიდექით. დაბლა, ჩვენს ქვევით, მღვრიე, ატალახებული, ღრმა რიონი მიედინებოდა. ხიდი ქალაქის ცენტრს ნავსადგურთან აერთებდა. მოშორებით კი წყნარი ზღვის სარკესავით გლუვი ზე-

დაპირი მოჩანდა. ზღვა ზემოდან გადმოჰყურებდა ქალაქს და თითქოს მზად იყო, გადაეყლაპა იგი.

— მაშასადამე, თქვენ გაინტერესებთ კოლხიდა? როგორი იყო ის ამ ოცდაათი წლის წინათ, რა გავაკეთეთ ამ ხნის განმავლობაში და რას ვაპირებთ მომავალში... ასე არ არის?

— დიახ, სრული ჭეშმარიტებაა!

— აი, რიონი, არ მოგიყვებით ამ მდინარის ისტორიას, თქვენ ჩემზე უკეთ იცით; მაგრამ თუ რაოდენი უბედურება მოჰქონდა ამ მდინარეს ჩვენი ხალხისათვის ასეულობით წლის განმავლობაში, ამაზე ალბათ თქვენ ბევრი რამე არ გეცოდინებათ... მძიმე იყო ცხოვრება ამ მდინარის ნაპირებზე. წყალდიდობა არბევდა სოფლებს. რიონს მიჰქონდა ფაცხები და კარვები, ახრჩობდა პირუტყვს, ადამიანს, ნადირსაც კი, ანადგურებდა ყანებს. ცხოვრება კი არა, ჯოჯოხეთი ტრიალებდა ყოვანთსა და ყულევში. მთელი წლის განმავლობაში — ან წვიმა და ნიაღვარი, ან პაპანაქება სიცხე იყო, იშვიათად ქარი ამოვარდებოდა და მაშინ გეგონებოდათ, საპარიდან ზვატი და სამუმი აიყარნენ და კოლხიდას შემოესივნო.

— მგონი, თქვენ სამეცნიერო შრომაც გაქვთ დაწერილი კოლხიდაზე, არა? — ვკითხე ანდროს.

— დიახ, დავწერე და არა ერთი. შევისწავლე თანამედროვე მეცნიერებისა და ძველი ბერძნების შრომები. ბერძენ ისტორიკოსს არიანეს ერთ ადგილას ასე უწერია: „ფაზისის მარცხენა ნაპირზე მე აღმართე ძეგლი ულამაზესი ქალის ფაზიანელისა“.

ანდრო მოულოდნელად გაჩუმდა. გამომცდელად შემომხედა და ღიმილით მითხრა:

— ალბათ შეამჩნიეთ, რომ პაუსტოვსკის სიტყვებით მოგიხსრობთ!

— როგორც ვხედავ, თქვენ ზეპირად გცოდნიათ მოთხრობა!

— ოცდაათ წელზე მეტია ვკითხულობ... ზოგჯერ, როცა ვინმეს კოლხიდაზე დაუწყებთ ლაპარაკს, უცბად საკუთარ თავს ვიჭერ იმაში, რომ წიგნის სიტყვებით ვლაპარაკობ... ვერა და ვერ გადავეჩვიე.

— მე მგონია, უკეთეს მადლობას მკითხველისაგან არც ერთი მწერალი არ ინატრებდა.

ანდრომ თავისი კეთილი, ჰკვიანური თვალებით შემომხედა. მართალი ბრძანდებით... შეიძლება მეც ვოცნებობდი, მეპოვა ის

მარმარილოს ქანდაკება. ყოველი ჩვენთაგანის ცხოვრებაში არსებობს მშვენიერი ფაზიანელი ქალი, ოცნება, რომელსაც ველოდებით, ვუფრთხილდებით და გამუდმებით ვეძებთ. უამისოდ არც ღირს ცხოვრება... თქვენთვის ძნელი წარმოსადგენია ყველაფერი, რაც ჩვენ განვიცადეთ, მაგრამ, ხომ ხედავთ, ჩვენი შრომა არ იყო ამაო. ჩვენ მაშინ ბრმებივით ვმუშაობდით და მხოლოდ რწმენით, ოცნებით ვსულდგმულობდით.

სიჩუმე ჩამოვარდა. ანდრო დაფიქრდა. ალბათ იგონებდა, როგორ უამოვიდა აქ და კოლექტორული არხების მშენებლობის უფროსად დაიწყო მუშაობა. როგორ აგებდა ჯებირებს მდინარეების ნაპირებზე, აშრობდა ჭაობებს, თხრიდა, სპობდა ჯაგნარსა და ბარდნარს. რამდენჯერ აუტანია ციებას.

— თბილი, ნოტიო ჰავა აუცილებლია ჩაისთვის, ციტრუსების, ტუნგოს, დაფნის, ბამბუკის, ევკალიპტის, ტექნიკური და ეთეროვანი კულტურებისათვის. უხდება სიმინდს, ლობიოს, მუხუდოს და ბრინჯსაც... მაგრამ გამუდმებული წვიმები ნამდვილი უბედურებაა, — განაგრძო ანდრომ, — როგორ გგონიათ, რამდენი წყალი ჩამოდის აქ ციდან?.. ორასი ათას ხუთასი მილიმეტრი ერთი წლის განმავლობაში! ორასი მილიმეტრი დღე-ღამის განმავლობაში! კოლხილამ ამ მხრივ, სამწუხაროდ, მსოფლიო რეკორდი დაამყარა. კოლხიდის მდინარეების ხშირი წყალდიდობა, წყლით წალეკილი შუამდინარეები, წყალგამტარი ნიადაგი — ყველაფერი ეს იწვევდა ერთ მთლიან ჭაობიანობას, რასაც თან სდევდა საშინელი ჭირი — ტროპიკული ციებ-ცხელება. ამ მომაკედინებელი სენისაგან ადამიანის ხსნა და კოლხიდის ბუნების ცვლა დაიწყო ოცდაათიან წლებში მეღობრობის სამუშაოების გაშლასთან ერთად. იმ დღიდან მოყოლებული ჩვენ ბევრი რამის გაკეთება შეეძლო. როგორც ხედავთ, იქ, სადაც უწინ გაუვალი ჭაობები და ლელიანი იყო, ახლა საბჭოთა მეურნეობები და კოლმეურნეობებია გაშენებული, ათობით და ასობით ახალი სოფელი!.. იზრდებიან გიგანტური ევკალიპტები, მაღარის ხსენებაც კი აღარ არის, მხოლოდ მოხუცები უამბობენ ახალგაზრდებს ციებაზე, როგორც ზღაპრულ ურჩხულზე.

ამ დროს მსუბუქი მანქანა დაგვეწია.

— ახლა კი ჩავსხდეთ მანქანაში, მინდა ზოგი რამ გაჩვენოთ...

მანქანაში ჩავსხდით და ახალი გზატკეცილით გავემგზავრეთ.

— ეს გზატკეცილი სამას ორმოც კილომეტრზეა გადაჭიმული.

შეიდი ფენა ხის მორები ჩავალაგეთ ჭანჭრობში ამ შოსეს გასაყვანად. აქ ლაქაშები იყო... იქით გაუვალი ტყე, ნამდვილი ჭუნგლი, აი, იქ კი, მოშორებით, ანოფელესი მეფობდა... ახლა, როგორც ხედავთ, აქ აყვავებული პლანტაციებია, ბაღები, ლამაზი დაბები... ორი-სამი თვის შემდეგ ახალი საბჭოთა მეურნეობები გვექნება... კოლხიდა ძვირფასი სუბტროპიკული კულტურების ერთ-ერთ უდიდეს ცენტრად იქცა. მე დავასახელებ რამდენიმე ციფრს და თქვენთვის ყველაფერი გასაგები იქნება: კოლხიდა მოგცემს ყოველ წელიწადს ას სამოცდაათი ათას ტონა ჩაის ფოთოლს, ორმოცი ათას ტონა დაფნის ფოთოლს, ეთეროვანი კულტურების ნედლეულს, აბრეშუმის პარკს, ყურძენს, ხილს...

მანქანა აუჩქარებლად მიჰყვებოდა შარავზას, ირგვლივ მრავალი კილომეტრის მანძილზე გადაშლილიყო კოლხეთის ნაყოფიერი ველები, სავსე სხვადასხვა ფერისა და ჭურის მცენარეულობით, აქ ერთმანეთში არეულიყო ნარინჯის ოქრო, ფორთოხლებისა და ლიმონის ქარვა, ჩაის ფოთლის ფირუზი; აქეთ ყურძნით დახუნძლული ვაზი, იქით ფეიხოს ბუჩქები, ადამიანის სიმაღლე სიმინდი, ლამაზი ორსართულიანი ოდები და ფართო, მწვანედ მოხასხასე ეზოები. თითქმის ყველა ეზოში უზარმაზარი კაკლის ხე, ინგლისურად გაკრეჭილი მწვანე ტრიფოლიატის ღობეები, მზიარული გოგო-ბიჭები გიტარით (კვირა დღეა), მაღალი, ტანადი, ჯანმრთელი, ახალგაზრდობა. ფრენბურთის, კალათბურთის, ფეხბურთის თამაშით გართული ჭაბუკები, ნორჩი მხედრებიც კი გვხვდებოდნენ. ზოგიერთ ახალგაზრდას რიგისა და იაპონიის ტრანზისტორები ეჭირა. ესენი მწყემსები იყვნენ, საქონელს მიერეკებოდნენ საძოვრებზე...

სადღაა ლაქაშა და ჭაობში ჩაფლული ძველი კოლხეთი?.. მის ადგილზე ახალი მეურნეობები გაჩნდა: ფოთის, პატარა ფოთის, ჭალადიდის, ახალსოფლის, ქვალონის, სუჯუნის, ზენათის, ანაკლიის, მზიურის, „კოლხეთის ცისკრის“... ამ მეურნეობების შემოსავალი ყოველწლიურად იზრდება სამოცი-სამოცდაათი პროცენტით.

ვიყავით ქვალონის საბჭოთა მეურნეობაში. ეს ადგილი წინათ ჭაობითა და ტყით იყო დაფარული. ახლა კი ირგვლივ ხეხილის ბაღები, ტუნგოს, ჩაის, თუთის, დაფნის პლანტაციებია გადაშლილი. ჩაის პლანტაციებს აქ 768 ჰექტარი მიწა უჭირავს, შორს ისევ მოჩანს ამოუშრობი ჭაობი და ტყე. მშენებლები განაგრძობენ შეუწყველებელ შეტევას. ახლა კოლხები სხვა ტექნიკით ებრძვიან ჭაობსა



და ლაქაშებს, ეკალსა და ბარდს, გაუქვალავსა და გაუვალს. გუგუ-  
ნებენ ბულდოზერები, ექსკავატორები, მიწის მოხრელი მანქანები,  
სკრეპერები.

უკან ვბრუნდებოდით. ორივენი ვდუმდით. შევეყურებდი ჩემს  
თანამგზავრს და კვლავ მაგონდებოდა ერთი ეპიზოდი მოთხრობი-  
დან.

პაუსტოვსკი წერს: „გამოუვალი მდგომარეობა იქმნება. თუ საჩ-  
ქაროდ არ შეაკეთებენ ერთ-ერთ ექსკავატორს, შეიძლება დაიღუ-  
პოს რამდენიმე თვის შრომა, მაგრამ ამისათვის საჭიროა ფოლადი,  
ან ბრინჯაო, რაც მშენებლებს არ მოეპოვებათ. გაბუნია საშინელ  
მდგომარეობაშია, არ იცის რა ქნას, რა გზა გამოიხატოს საფრთხის  
თავიდან ასაცილებლად...“

— ბრინჯაო! — წამოიძახა მან დაბალი ხმით და ისე ხრინწიანად,  
რომ ნევსკაიას მხოლოდ ხიფხიფილა მოესმა. — აი, ბრინჯაო ვიპო-  
ვე! ღმერთო ჩემო, რა სულელი ვარ!

მან აიღო მაგიდიდან ლენინის ბიუსტი და გაიციანა... ნევსკაიამ  
შიშით შეანათა თვალი. მას ეგონა, რომ გაბუნია ჭკუაზე შეიშალა.

გარეთ კოკისპირულად წვიმდა. მიწაზე მუხლებამდე იღვა წყა-  
ლი.

— უნდა გადავადნოთ, ჩამოვასხათ მასრაში და გამოვასარა-  
ტოთ, — ამას სამ საათზე მეტი მოუწოდებდა. მაგრამ სხვა გამოსავალი  
არ არის, დინჯად წარმოთქვა გაბუნია, თან ბიუსტს არ აშორებდა  
თვალს, ჩემს ადგილას ისიც ასე მოიქცეოდა, ასევე გააკეთებდა, მე  
და ჩემმა ღმერთმა!

— ვინ ის? — ჰკითხა ნევსკაიამ.

— ლენინი!...“

ვეღარ მოვითმინე და ვკითხე ანდროს:

— მაშ ლენინის ბიუსტის ეპიზოდი მართალი ამბავია?...“

ყურადღებით შემომხედა.

— დიდი ხანია გაწუხებთ ეს კითხვა?

— უნდა გამოგიტყდეთ — დიდი ხანია!

— არ უნდა დაეწრა ეს პაუსტოვსკის. ადამიანის ცხოვრებაში  
არის ისეთი წუთები, როცა აუცილებლობა გვიკარნახებს თავის  
პირობებს. ასეთი წუთები ყოველი ადამიანისათვის წმინდათაწმინ-  
დაა, ღვთაებრივი საიდუმლოა... არავინ, არც ერთმა სულიერმა არ  
უნდა იცოდეს ამის შესახებ, იმიტომ კი არა, რომ სამარცხვინოა

ამაზე ლაპარაკი, არა, ეს არის მკრეხელობა, ნამდვილი მკრეხელობა! ერთადერთი ადამიანი, ვისაც ამ ამბავს გავუმხელდი, თვით ვლადიმერ ილიას ძე ლენინია, ის რომ ცოცხალი ყოფილიყო...

შელამებისას დავბრუნდით ფოთში. როგორც ყოველთვის, ანდრო გაბუნია მართალი აღმოჩნდა: არ წვიმდა. გამომშვიდობებისას მითხრა:

— ხვალ რაც შეიძლება ადრე მოდით ტრესტში, იქ გაგაცნობთ „კოლხიდმშენის“ პიონერებს, პაუსტოვსკის წიგნის გმირებს. ახლაც ძილი ნებისა.

მანქანა გაისტუმრა და ნელი ნაბიჯით გაუყვა გზას შინისაკენ. თვალი გავაყოლე, დიდხანს ვუყურებდი მიმავალს. რას ვიფიქრებდი მაშინ, რომ უკანასკნელად ვხედავდი ანდრო გაბუნიას...

**ბრასტს „კოლხიდმშენი“**

**და ვინც ალაგინა**

ადრე დილით „კოლხიდმშენიდან“ მანქანა გამომიგზავნეს. შოფერმა გადმომცა, ანდრო გაბუნია სასწრაფოდ გამოიძახეს სამინისტროში და თბილისში გაფრინდაო. ანდრო ბოდის მიხდოდა და მთხოვდა, ტრესტში მივსულიყავი, იქ უკვე ყველა გაეფრთხილებინა და მელოდნენ. გადავწყვიტე, მივყოლოდი გუშინდელ რჩევა-დარიგების კვალს, უპირველეს ყოვლისა, შეეხვედროდი მშენებლობის უკანასკნელ მოპიკანებს — გალინა სერბინას, გიორგი ჭაფარიძეს და მიხეილ დიდენკოს. შემდეგ კი ახალ თაობას გავცნობოდი. ზოგ მათგანს ახლა ხელმძღვანელი თანამდებობა ეჭირა. ბონდო კვატაშიძე „კოლხიდმშენის“ მმართველი იყო; რესპუბლიკის დამსახურებული ინჟინერი, გოლიათ ლაკერბაი ტრესტის მთავარი ინჟინერი გახლდათ, სოციალისტური შრომის გმირი ი. ბერიშვილი ხობის მექანიზაციის სამმართველოს უფროსი იყო, თედორე შამათავა ტეხურის საბჭოთა მეურნეობის დირექტორად დაენიშნათ. თუმცა ტრესტთან მას არავითარი კავშირი არა ჰქონდა, მაგრამ ტრესტმა დაამშრომნა და ამის შემდეგ წარმოიშვა კოლხიდის სიამაყე — ტეხურის საბჭოთა მეურნეობა.

ტრესტის ორსართულიანი მოგრძო შენობა უფრო სკოლას წაგავდა. ტრესტმა ცოცხალი ექსპონატებით სავსე მუზეუმი მომაგონა. ამ შენობიდან გამოუსვლელად თქვენ შეგიძლიათ ყველაფერი

გაიგოთ კოლხიდაზე, ჭაობის ამოშრობის პირველი დღიდან დაწყებული დღემდე. შეგიძლიათ გაეცნოთ კოლხიდის მშენებლებსაც. თუმცა ისინი მეურნეობაში კი არ არიან, მშენებლობაზე მუშაობენ, მაგრამ მათი სურათებით, ხალხის ნაამბობით გაიგებთ მათი შრომითი გმირობის ამბავს. როცა ტრესტში მივედი, მორიგი თათბირი ის-ის იყო დამთავრდა. ტრესტის მმართველმა ბონდო კვატაშიძემ თავის კოლექტივს გააცნო ჩემი თავი, აუხსნა, რა მიზნით ჩამოვედი და ყოველ მათგანს სოხოვა, აღმოეჩინათ ჩემთვის საჭირო დახმარება.

## გ ა ლ ი ნ ა ს ე რ ბ ი ნ ა

ვის არ ასსოვს მოთხრობა „კოლხიდას“ შესანიშნავი გმირი ქალი, შეყვარებული საკუთარ ოცნებაზე, ნაზი, სათუთი, მაგრამ საქმეში შეუპოვარი, შრომით გაუმადლარი, დიდი ნებისყოფისა და მტკიცე ხასიათის. მისი გვარი ნევესკაია გახლდათ. ახლა პირისპირ ვიდექი პაუსტოვსკის გმირი ქალის პროტოტიპ გალინა არკადის ასულ სერბინასთან. ყველანი, დაწყებული გაბუნიადან და დამთავრებული დიდენკოთი, სიამოვნებით მიყვებოდნენ გალინა სერბინას შრომითი მამაცობის ამბავს. მისი მეუღლე, გიორგი ჭაფარიძეც აქ მუშაობს კოლხიდის მშენებლობის დაწყების პირველი დღიდან.

წყლის მეურნეობის ფაკულტეტისა და ასპირანტურის დამთავრების შემდეგ გალინა სერბინა მონაწილეობას ლებულობდა კოლხიდის ჭაობების ამოშრობის პროექტის შედგენაში, კერძოდ, მას ეკუთვნის ჭალადიდის უბნის ათვისების მეთოდების დამუშავება. აგერ ოცდათხუთმეტი წელია, რაც სერბინა აქ მუშაობს. ახალგაზრდა, სუსტი აგებულების გოგონა, ჩამოსვლისთანავე პირველ კოლმატაციურ უბანში სამუშაოთა მწარმოებლად დანიშნეს. სერბინა ერთადერთი ქალი-მშენებელი იყო კოლხიდაში.

— რა დასამალია, — ამბობს გალინა სერბინა. — მიყვარს ჩემი ხელობა, მიყვარს კოლხიდა. აქ მეუღლესთან ერთად ბევრი დაბრკოლება გადამილახავს, მქონია სიხარულით სავსე დღეებიც. აბა, როგორ არ უნდა მიხაროდეს, როცა საკუთარი თვალით ვხედავ ხორც-შესხმულ ჩემს პროექტებს? იმის შეგნება, რომ მე ერთ-ერთი პიონერი ვარ კოლხიდის ჭაობის ამოშრობისა, ძალას და ენერჯიას მიორკეცებს. რაც შეეხება პაუსტოვსკის... მან ცოტა არ იყოს „გაგვა-

ლამაზა“, ასე ვთქვათ, ზედმეტად იდეალურები გამოგვიყვანა... მე, მის წიგნში ბოტანიკოსი ვარ. მესმის, მწერალს აქვს ამის უფლება, ალბათ სხვაგვარად არ შეიძლება. თუმცა ბოტანიკა ნამდვილად მიყვარს, ეს მან იცოდა, მაგრამ ცხოვრებაში უფრო ძნელი პროფესია ავირჩიე. პალუსტოვსკის გმირი ქალი თავდავიწყებით შეყვარებულია კოლხიდაზე. ეს სწორია, მართლაც საოცრად მიტაცებულა ჩემი სამუშაო. ჯერ კიდევ მოსკოვში, როდესაც ჩემს მასწავლებელთან პროფესორ პოტაპოვთან ერთად ვადგენდი პროექტს, გადაწყვიტე, თვითონ ამომეშრო ჭაობები, პროფესორი კი, როგორც იტყვიან, ნავთს ასხამდა ჩემს განზრახვას, ამ ჩემს ცეცხლს, და მირჩევდა აუცილებლად ჩამოვსულიყავი კოლხიდაში, საკუთარი თვალთ მენახა ყოველივე... თვითონაც ძალზე გატაცებული იყო ამ იდეით, ყოველთვის თვალეგაბრწყინებული, ბავშვივით აღტაცებული ლაპარაკობდა კოლხიდაზე. ამ დროს მოსკოვში ჩამოვიდა გრიგოლ გეგეჭკორი და საბოლოოდ დამარწმუნა ჩემი გადაწყვეტილების სისწორეში. ჩემი სურვილით ჩამოვედი ფოთში. ვმუშაობდით ერთსულოვნად, შეთანხმებულად, თავდავიწყებით. არც მალაჩია, არც ნიაღვრები არ გვაშინებდა... მერე, ყველა, როგორც ერთი, ფრონტზე წავიდა. გამარჯვების შემდეგ კი, ვინც ცოცხალი გადაარჩა, მშენებლობაზე დაბრუნდა. მათ იცოდნენ, რომ აქ მძიმე სამუშაოები იყო, ჯოჯოხეთური პირობები... ჰო, მართლა, სიძნელებებზე მინდა მოგახსენოთ: ერთხელ ქვალონიდან ჭალადიდის უბანში მივიდიოდი. იქ იყო № 12 კოლექტორი. მივიჩქაროდი. დამდებოდა, ირგვლივ შამბნარი, ტყე, ჭაობი... არსად ადამიანის ჭაჭანება. ამ დროს, ჩემდა სასიხარულოდ, შორს მოციმციმე სინათლე დავინახე. ერთი კი არა, რამდენიმე, სანათურებივით კრთოდნენ, თითქოს თავისკენ მიხმობდნენ. გამიხარდა. ნათურები კი თანდათან მიახლოვდებოდნენ. ნაბიჯს ავუჩქარე, ვიფიქრე, ექსკავატორის შუქია-მეთქი. თურმე ნუ იტყვიო, საშინლად ვცდებოდი, მგლები ყოფილან, წარმოგიდგენიათ, მშიერი მგლები! კიდევ კარგი, რომ შემთხვევით ექსკავატორის მუშები გამოჩნდნენ და იმათ მიხსნეს განსაცდელისაგან.

ასეთი დრო იყო მაშინ, მგლები და ადამიანები ერთად ცხოვრობდნენ, ერთმანეთის მეზობლად. მაგრამ, მიუხედავად ამისა, არც ერთი ჩვენგანი არ გაქცეულა შრომის ფრონტიდან. უცხოეთის გემების მეზღვაურებიც კი რჩებოდნენ ჩვენთან სამუშაოდ... თქვენ

ალბათ გახსოვთ პაუსტოვსკის მოთხრობიდან სიომა!.. ის გერმანელი იყო, მწერალმა კი რატომღაც ინგლისელად გამოიყვანა. ბევრმა მთელი თავისი შრომითი სიცოცხლე აქ, კოლხიდაში გაატარა. მაგალთად, ტოპოგრაფები, ტრასის ტექნიკოსები რაუდენ ულენტი და კონსტანტინე თოფურია კოლხიდის პროფესორები არიან. მძიმე სამუშაო ხვდათ წილად ტოპოგრაფებს და მეექვსკავატორეებს. აყროლებულ წყალს სვამდნენ, მხეცების გვერდით ცხოვრობდნენ, თვეობით მოკლებული იყვნენ ცხელ საკმელს და ხმელი პურითა და ყველით იკვებებოდნენ, ხშირად მშვიერ-მწყურვალად მუშაობდნენ, უსახლკარონი, უბინაონი. მაგონდება მეექვსკავატორე ზემლენუხინი. ღმერთმა უწყის, საიდან ჩამოვიდა, რომელი შორეული მხარიდან, და რა დახვდა... მაგრამ როდი შეუშინდა სიძნელეებს. მან ბევრი მეექვსკავატორე მოამზადა. თვალწინ მიდგას მექანიზატორი და მელიორატორი ღოღობერიძე. ფრონტზე იყო, ომის დამთავრების შემდეგ ისევ ჩვენთან დაბრუნდა, ახლაც ჩვენთან მუშაობს და ვერაინ შებედავს უთხრას, დროა, პენსიაზე გახვიდეთ...

კარი გაიღო და ოთახში ცქრიალა, ლამაზი გოგონა შემოვიდა. ტანკენარი, ლურჯთავლა, გრძელნაწნავეებიანი, ტიპიური ქართველი გოგონა იყო. ქალიშვილმა რაღაც ნახაზები უჩვენა გალინა სერბინას. სერბინამ ბოდინში მომიხადა, ნახაზებს სინჯვა დაუწყო. როგორც შევამჩნიე, ალაგ-ალაგ მცირე რაღაცეები შეასწორა და პატრონს დაუბრუნა. გოგონა გავიდა.

— ეს ანაა, ჩემი მოწაფე. მოწაფეები ბლომად მყავს. მათ სიამოვნებით ვუზიარებ ჩემი მრავალი წლის მუშაობის გამოცდილებას. ნიჭიერი გოგონებია. ჰო, მართლა, ერთი თქვენთვის მეტად საინტერესო ამბავი მომაგონდა ჩემი ცხოვრებიდან. ერთ ამხანაგზე მინდა გიამბოთ, რომელიც არასოდეს დამავიწყდება.

უფრო მოხერხებულად მოვთავსდი სავარძელში და მოსასმენად მოვემზადე.

— შავი მდინარე, — განაგრძო გალინამ, — არის ასეთი მდინარე ფოთში, კოლმატაყურ უბანში მიედინებოდა. ჰოდა, ეს მდინარე პატარაა, მაგრამ დიდი ზარალი მოჰქონდა: შლამით ავსებდა პალიასტომს, ტბაზე კი მაშინ ჰიდროპლანები ეშვებოდნენ. სასწრაფოდ უნდა შეეწყვიტათ პალიასტომის შლამით ამოვსების პროცესი. მოიწვიეს მეცნიერები, სპეციალისტები... არაფერი არ გამოვიდა! ერთი ინჟინერი მუშაობდა ჩვენთან, ილია ლალიძე. უნდა გამოგიტყ-

დეთ, ჩემს სიცოცხლეში არ შემხვედრია ასეთი ჰუმანური და მართალი კაცი. მახსოვს, როგორ სწუხდა ომის დროს, ჯარში რომ არ გაიწვიეს, ვერ ვაჭერებდით, რომ აქ უფრო საჭირო იყო, ვიდრე ბრძოლის ველზე. თუმცა აქაც ხომ ბრძოლის ველი იყო! ომის წლებში ილია ქალაქის საბჭოს თავმჯდომარედ აირჩიეს. ერთხელ ერთად ვბრუნდებოდით შინ. უცებ ილიამ დაინახა, ხანში შესული ქალი შეშას აპობდა. მაშინვე შევიდა ეზოში, ქალს ცული გამოართვა და თვითონ დაიწყო შეშის დაპობა... ასეთი იყო ის უბედური. ჯერ კიდევ ომამდე ამიხსნა, რა უნდა მექნა, რომ ტბა შლამით არ ამოვსებულყო, რა მომეხერხებინა შავი ღელისათვის.

— მამაკაცები ვერაფერს გახდნენ... ახლა შენ უჩვენე, თუ რა შეუძლიათ ქალებს... შენ ასპირანტი ხარ, ახალგაზრდა ქალი, ეცადე დაუმტკიცო ყველას, რა შეგიძლია.

ალარ ვიცოდი, რა მექნა, როგორ ამეღობა გზა შავი მდინარისათვის. რომ აღიდგებოდა, გეგონებოდა, ქვეყანას წაღეკავსო. ბეტონის კაშხალი თუ გადაუჭრიდა გზას. მაგრამ სად იყო ომის დროს ან ცემენტი, ან მანქანები. ან მუშახელი. ბევრი უძილო ღამე გავათენე იმაზე ფიქრში, თუ როგორ გადამერჩინა პალიასტომი შლამით ამოვსებისაგან და აი, მივაგენი სწორ გადაწყვეტილებას: ესტაკადიდან ვაგონებით მიწას ვყრიდით შავ მდინარეში.

— აი, ხომ ხედავ, აკი გეუბნებოდი, ეცადე-მეთქი. ხომ გაგიმართლა ცდამ! მითხრა ილიამ. იგი ჩემზე უფრო გახარებული იყო.

— გმადლობთ, ილია, მარტო მე ვერაფერს გავაწყო, — მადლიერებით ვუთხარი და გავწითლდი.

— სხვას ნუ აწერ შენს გაკეთებულ საქმეს! — წყენით მითხრა ილიამ.

საკვირველი კაცი! იყო. უსამართლოდ არავის მოექცეოდა, ხოლო, ვისაც კარგად ეპყრობოდა, ღირსიც იყო. კარგად იცნობდა ადამიანს. მისი ძირითადი ადამიანური თვისება თავმდაბლობა იყო. ანდრო გაბუნიაც ასეთია... არა, ჩვენთან მართლაც შესანიშნავი ხალხი მუშაობდა, ისე უყვარდათ თავისი საქმე, ვინც ჩამოვიდოდა, უკან დაბრუნება აღარ უნდოდა.

ერთხელ ხობისწყალზე ხიდი უნდა აგვეშენებინა. და აი, ანდრო გაბუნიათ გამოიგონა თავისებური მილი, რომ წყალი არ მიფშვავ ბოძებთან, თვითონ ჩადიოდა მდინარეში და თხრიდა მიწას. შავ სამუ-

შაოს არასოდეს გაუბრბოდა, თუმცა ანდრო ხიდის მშენებელი არ იყო... ერთი სიტყვით ყველას ნახავთ.

— მანამ კი მინდა თქვენს მეუღლეს შევხვედ, — ვუთხარი გალინას.

— ახლაც დაევძახებ, თუ არ ვცდები, სიურპრიზს გიმზადებთ. — სერბინა ოთახიდან გავიდა, და ზუსტად სამი წუთის შემდეგ დაბრუნდა გიორგი ჯაფარიძესთან ერთად. გალინას მეუღლე თავმდაბალი ჩანდა, მორცხვი, კეთილად იღიმებოდა.

— ხვალ გეცლებათ? — მკითხა ჯაფარიძემ.

— რასაკვირველია, მეცლება!

— დილის შვიდ საათზე გამოვივლით.

„სად უნდა წამიყვანოს?“ — დავინტერესდი. ჯაფარიძემ შემატყრო და ღიმილით მითხრა:

— კმაყოფილი დარჩებით... გაგიკვირდებათ კიდევ... ახლა კი წავიდეთ, მიხეილ სერგევიჩი გელოდებათ.

გამოვემშვიდობე გალინა სერბინას და ჯაფარიძესთან ერთად დაბლა ჩავედი. ქუჩაში, ნანქანასთან, გველოდა ბრეზენტის ტანსაცმელსა და რეზინის ჩექმებში გამოწყობილი, მაღალი, ბრგე, მხარბეჭიანი ათლეტი. ეს იყო სერგეი მიხეილის ძე დიდენკო. მისმა მეგობრულმა ხელის ჩამორთმევამ, კეთილმა თვალეზმამ და გულლიანობამ მაშინვე მიმიზიდა,

## მიხეილ დიდენკო

— დიდენკო, — თქვა მან და ხელი ჩამომართვა. ცას ავხედე.

— არაფერია, — მითხრა დიდენკომ, — წვიმებს მალე შეეჩვევით. აბა, რა არის ფოთი წვიმის გარეშე? თქვენ შოფრის გვერდით დაბრძანდით, რომ უკეთ დაინახოთ მშენებლობა, მე კი თქვენი გიდი ვიქნები.

„ყველგანმავალი“ ადგილიდან დაიძრა და სულ რაღაც ათი-თხუთმეტი წუთის შემდეგ უკვე გავედით ქალაქიდან. ახლა სულ სხვა პეიზაჟს ვხედავდი ირგვლივ, ვიდრე ამ ოცი-ოცდაათი წლის წინათ: სადღა იყო ქაობი. ფართო მოასფალტებულ გზატკეცილს ალვის ხეების მჭკრივი გასდევდა და შარავზა უფრო ხეივანს ჰგავდა, ვიდრე გზატკეცილს. ალვის ხეების გარდა აქ იყო სხვადასხვა

ჯურის ხეხილი, ევკალიპტები, შორს მოჩანდა მუქი მწვანე ატლასი ჩაის პლანტაციებისა, ციტრუსოვანთა მომწვანო ზღვა, სანიმუშოდ მოვლილი არხები და წყლის შემკავებელი ჯებირები მდინარეების გასწვრივ. გიგანტური ექსკავატორები და ბულდოზერები ბეჭემოთებს მიაგავდნენ. შლიუზები და ხელოვნური წყალვარდნილები, აქაც ლამაზი ოდები, ეზოებში ნაირფერი ყვავილებით მოქარგული მწვანე ხალიჩები.

არხებზე მოჩანდა უშველებელი, მცურავი მიწისმთხრელები და ასეთივე მიწის მწოველები. როგორც დიდენკომ ამიხსნა, ამ მიწისმთხრელებით მდინარეს კეტავენ, წინანდებურად ქვებითა და ნიადაგით კი არ ავსებენ, სილით შლამავენ ხოლმე გადასაკეტ ადგილს.

— საიდან დავიწყოთ, რა უფრო გაინტერესებთ? — მკითხა დიდენკომ.

— კოლმატაეიდან.

— პაუსტოვსკის წიგნი კარგად გახსოვთ?

— მგონი, კარგად...

— ჰოდა, იქ კარგად წერია, მოხუცი მეცნიერი, კოლხეთის ენთუზიასტი პახომოვი ამბობს: „კოლმატაეი ნიშნავს ჭაობების ამოშრობას შლამიანი მდინარის წყლის ხელოვნური წყალდიდობით ამ ჭაობიან ადგილებზე...“ ამბობენ, მდინარე რიონს ორჯერ მეტი შლამი მოაქვს. ვიდრე ნილოსსო, ეს შლამი საკმაოზე მეტი აღმოჩნდა, რამაც ბევრად შეგვიმსუბუქა სიძნელები. წყალი იფილტრება ჭაობზე. შლამი ფსკერზე ილექება, გაწმენდილი წყალი კი არხებით მდინარეს უერთდება. გადის დრო, ჭაობი თანდათან ამოივსება, შრება და ნოყიერ ნიადაგად იქცევა. მიმოიხედეთ ირგვლივ, ეს მიწები, პლანტაციები, სოფლები და ბაღები კოლმატაეის წყალობით გახლავთ შექმნილი. მდინარე რიონმა შესაძლებლობა მოგვცა კოლმატაეის გამოყენებით ტორფიანი ჭაობები ამოგვეშრო, რიონს ყოველ წელიწადს შეაქვს ზღვაში ცამეტნახევარი კუბური კილომეტრი წყალი, რომელიც შეიცავს დაახლოებით რვანახევარ მილიონ ტონა შლამს. ვისარგებლეთ ამ გარემოებით და მღვრიე, შლამიანი რიონის წყალი არხებით ამოსაშრობ ადგილებზე მივუშვით, რომ გაწმენდილი წყალი რაბის გავლით ტბისკენ გაგვეშვა, შლამი კი რჩება და ავსებს ჭაობნარს. ამგვარად, ჩვენ ხელოვნურად ვამაღლებთ ნიადაგის დონეს, რომ წყალდიდობებისაგან გადავარჩინოთ.



რატომ მაინცდამაინც ფოთის რაიონში დაიწყეთ პირველი სამუშაოები? — ვკითხე დიდენკოს.

— იმიტომ, რომ ფოთი და მისი არემარე ყველაზე მეტად ზიანდებოდა ხშირი წყალდიდობისაგან...

წუთით სიჩუმე ჩამოვარდა, რასაკვირველია, კაცი ძნელად დაიჯერებდა, რომ ამ ბაღების და პლანტაციების ადგილას სულ ოცდაათიოდე წლის წინათ ჭაობები იყო. მე კი ყმაწვილობისას მატარებლის ფანჯრიდან დამინახავს ის ჭაობები.

— კარგად მახსოვს პაუსტოვსკის ჩამოსვლა, — დაარღვია ღუმილი დიდენკომ, — მასალას აგროვებდა წიგნებისათვის. ის მაშინ ჭალადიდში ცხოვრობდა. მე ქვალონში ვიყავი და ამის გამო არ შეეხვედრივართ ერთმანეთს. მან იფიქრა, რომ მე მოხუცი მეცნიერი ვიყავი და თავის წიგნში პახომოვის გვარით გამომიყვანა. ბოლოს და ბოლოს ამას რა მნიშვნელობა აქვს. ეს მწერლის საქმეა...

დიდენკო ჩაფიქრდა და დაუმატა:

— ახლა სხვა დროა და ძლიერმა, ჰკვიანურმა ტექნიკამ სამუშაოც გაგვიადვილა... მარტო ორი უკანასკნელი წლის განმავლობაში, ოცდაათი ათასი ჰექტარი ახალი მიწა ამოვაშრეთ, მაშინ, როდესაც სამოცი ათასი ჰექტრის ამოშრობას დასჭირდა არც მეტი, არც ნაკლები — ოცდაათი წელი... აბა დაფიქრდით! ციფრები თავისთავად ლაპარაკობენ... ახლა ხალხი თქვით! მაგალითად ინჟინერი ბონდო კვატაშიძე...

— კოლხიდმშენის მმართველი?

— სწორედ მასზე მოგახსენებთ... ბონდომ ახლახან მოათავა ხიმინჯების ჩასარჭობი თვითმსვლელი აგრეგატის კონსტრუირება. ეს აგრეგატი სულ იოლად არჭობს ნიადაგში რვამეტრიან ხიმინჯს. შესანიშნავი მანქანაა ჯებირების ასაგებად და ნაპირების გასამაგრებლად... ბონდო ჯერ სულ ახალგაზრდაა, სწორედ იმ წელს დაიბადა, როდესაც აქ ჩამოვედი სამუშაოდ... ახლა ენგურის საბჭოთა მეურნეობა, რომელიც შეიქმნა ამომშრალ ჭაობზე, ყოველწლიურად სახელმწიფოს აძლევს ჰექტარიდან ხუთი ათას კილოგრამ ჩაის ფოთოლს... არაფერს ვამბობ მეურნეობის სხვა სახის პროდუქციაზე. ჩვენი ოცნება აღსრულდა — კოლხიდა მართლაც აყვავებულ ბაღნარად ვაქციეთ. აბა, შეხედთ ამ მშვენიერებას!

ეკალიპტების ხეივანში მივდიოდით. ამ ცათამბჯენებს თვალს ვერ აუწვდენდი. — ესენიც გვეხმარებიან ჭაობის ამოშრობაში.

დღე-ღამის განმავლობაში ფანტასტიური ოდენობის წყალს იწოვენ ჰაობებიდან, — თქვა დიდენკომ.

ფოთში იმავე გზატყეცილით ვბრუნდებით. გზა პარკის ხეივანს მაგონებდა. ირგვლივ თვალუწვდენელი ჩაის პლანტაციები იყო გადაშლილი. ჩაის მწვანე რიგები მარაოს ბოლოსავით ვიწროვდებოდნენ შორს, თითქოს ცის ლურჯ დასალიერს უჭირავსო ხელში.

საათის ისარი შვიდს უახლოვდებოდა, როდესაც ფოთში ჩავედით. სამუშაო დღე ის იყო დამთავრდა და მშენებლებიდან ზოგი სასადილოში მიდიოდა, ზოგი შინ, ზოგიც (უფრო ახალგაზრდები) კლუბში, ავტომობილების პარკში სკრეპერები, ბულდოზერები და სხვადასხვა ჯურის ამწეები იდგა. მანქანებთან ჯანსაღი, მზით გარუჯული ბიჭები ფუსფუსებდნენ, უფრო სპორტსმენებს ჰგავდნენ, ვიდრე მექანიზატორ მშენებლებს. ყოველი მათგანი მოწიწებით ესალმებოდა დიდენკოს.

— გაიცანით, — დიდენკომ ხანში შესული, ენერგიული კაცია გამაცნო, მიხეილ შუბლაძეა, კოლხიდმშენის სამმართველოს ხობის სამშენებლო უბნის უფროსი, ვეტერანი. შუბლაძეს ოცდაათიანი წლების შემდეგ ფეხი არ მოუცვლია აქედან. ახალგაზრდა სპეციალისტი მოვიდა რიონის წყალსასრუტის მშენებლობაზე და ნაპირების გასამაგრებელ სამუშაოებსაც ხელმძღვანელობდა. პირველი რიგის თითქმის ყველა უბანში უმუშავია.

— თვითონ მოხვედი მანქანის ამოსარჩევად, სხვას არ ენდობი? — ხუმრობით ჰკითხა მიხეილს დიდენკომ.

— მართალი ხარ. სჯობია, თვითონ ავირჩიო, შევადარო.

დიდენკომ შემომატარა პარკი. ბევრ საინტერესო ადამიანს შევხვდი იქ და არა მარტო მექანიზატორებს, მებეტონეებსაც: მელიორაციულ სამუშაოებში ახლა ფართოდ იყენებენ რკინა-ბეტონს.

— თათარ თუნგია, გიორგი უჩანეიშვილი, ივანე დედიშევი, გიორგი ხოჭოლავა, რევაზ გეგენავა, გიორგი ალანია, იური ლუტკოვი... ყველას ვერ ჩამოვთვლით. ესენი ჩვენი საუკეთესო სპეციალისტები არიან, დიუკერების შემწოვი ტუმბოს მშენებლობაზე მუშაობენ. გაჰყავთ გზები, თხრიან არხებს, უცვლიან მდინარეებს კალაპოტებს, ცვლიან ცხოვრებასაც. აბა ჩვენ, ოცდაათიანი წლების ხალხი, როგორ შევედრებით დღევანდელ გმირებს. მაგრამ ჩვენ მაინც დავრჩებით კოლხიდის პირველ მშენებლებად.

დიდენკოს სულ უფრო და უფრო იტაცებდა თავისივე ნაამბობი, როგორც მსმენელთა ენთუზიაზში კარგ ორატორს.

— აქ საჭიროა საქმის ნამდვილი ვირტუოზები. აი, მაგალითად, უზის საკეს ჯანსაღი, ნამდვილი ვაჟკაცი, უზის და თხრის მაგისტრალურ არხს. ოღნავი უზუსტობა და არხი მრუდე გამოვა. ეს კი დაუშვებელია! არხის ფსკერი და კედლები იდეალურად სწორი და ბრტყელი უნდა იყოს.

## გოლიათ ლაკობაძე

„კოლხიდმშენის“ მთავარი ინჟინრის, გოლიათ ლაკობაძის კაბინეტში, უნდა გამოგიტყდეთ, დაუფარავი ცნობისმოყვარეობით შევედი: საინტერესოა, როგორ გამოიყურება ის კაცი, ვინც ასეთ სახელს ატარებს?.. კაბინეტში შემომეგება მართლაც გოლიათი, რომელმაც სენკევიჩის ისტორიული რომანების გმირები მომაგონა. არა მარტო ფიზიკური ძალა მეცა თვალში, მისი გონებამახვილობაც, საქმიანობაც. მკითხა, როგორ მოგეწონათ კოლხიდა, ვინ ნახეთ, ვინ გაიცანითო.

— თქვენ გაინტერესებთ ჩემი საქმიანობა უკანასკნელ ხანებში? ძირითადად ვმუშაობ არხების რეკონსტრუქციაზე, დიუკერებზე — მიწისქვეშა გვირაბებზე. უკანასკნელი წლის განმავლობაში ბევრი რამ გვაკეთეთ. დამთავრებულია დიუკერები მდინარე ცივზე, ტეხურზე და ნოღელაზე. დამთავრებულია რკინა-ბეტონის სამუშაოები. მდინარეები ჩვეული გზით მიედინებიან, გადებულია ხიდეები, მდინარის კალაპოტს ქვემოთ, დიუკერებში კი მიდის ნაწვიმარი წყლები. მთავრდება მიმწოდებელი არხების მშენებლობა და გამაგრებლების მოწესრიგება.

ნათესები და პლანტაციები რომ მოირწყას, დიუკერებზე წყლის მიმღებები ეწყობა, რომლებიც უშუალოდ მდინარიდან მიიღებენ წყალს. შემდეგ ეს წყალი სარწყავ ქსელში მიედინება და მექანიზმების დახმარებით გამოიყენება პლანტაციების მოსარწყავად.

ცხენისწყლის სარწყავი სისტემა თხუთმეტ ათას ჰექტარზე მეტ ფართობს რწყავს წულუკიძის რაიონში, სამი ათას სამას ჰექტარ ჩაის პლანტაციას — მახარაძისა და წალენჯიხის საბჭოთა მეურნეობებში.

საუბარი შეგვაწყვეტინეს. კარი გაიღო და ოთახში შემოვიდა ქერათმიანი წარმოსადეგი მამაკაცი.

— ხელი ხომ არ შეგიშალეთ? — მოკრძალებით მოგემართა მან.

— შემოდი, შემოდი, — უთხრა ლაკერბაიმ და მომიბრუნდა

— გაიცანით, ხობის სამმართველოს მთავარი ინჟინერი ამხანაგი ალტაევი.

— ბოდიში, ეს ის... — მორიდებით დავიწყე მე.

— დიახ, დიახ, სწორედ ის არის, საქვეყნოდ ცნობილი ვატერპოლისტი რუსლან ალტაევი. როგორც ხედავთ, ფოთი არა მარტო ცნობილი ფეხბურთელების სამშობლოა, ვატერპოლისტებისაც.

შემოვიდა სათვალისანი გოგონა და პირდაპირ მე მომმართა:

— ბონდო ლავრენტიევიჩი გელით.

— ტრესტის მმართველი გთხოვთ, — ამიხსნა ლაკერბაიმ, — ჩვენი საუბარი დროებით გადავდოთ, — დაუმატა მან.

#### ბონდო კვატაშიძე

მმართველს ელეგანტური შავი კოსტიუმი ეცვა. თითქოს დიპლომატური შეხვედრა ჰქონდა, ისე მომელოდა. შევედი თუ არა კაბინეტში, წამოდგა, მომეგება, გაცნობისა და მოსალმების შემდეგ მაგიდიდან ჯოხი აიღო და „კოლხიდმშენის“ სამშენებლო ობიექტების ვეებერთელა რუკისკენ მიბრუნდა. მან უკვე იცოდა, რაც მაინტერესებდა.

ბონდო კვატაშიძემ გამაცნო ტრესტ „კოლხიდმშენის“ ფართო საქმიანობა:

— კოლხეთის დაბლობის ორას ოცი ათასი ჰექტარი მდებარეობს დასავლეთ საქართველოში, შავი ზღვის ნაპირებზე. კლიმატი, როგორც მოგხსენებათ, სუბტროპიკულია, ხოლო საშუალო წლიური ტემპერატურა — თხუთმეტი გრადუსი. მცირე ყინვები ხუთ წელიწადში ერთხელ თუ გამოერევა. კოლხეთის დაბლობი დასერილია მდინარეებით. ნალექების სიუხვე, წყალდიდობა, მდინარეთა შუა რაიონების დატბორვა, ახლო-მახლო მთებიდან ჩამომსკდარი ნიაღვრები — აი, რამ დააქაობა ესე კოლხიდის დაბლობი. კოლხეთის ამომშრალი ნიადაგები ყველაზე უფრო ხელსაყრელი და პერსპექტიული ადგილებია ჩაის და სხვა სუბტროპიკული კულტურების მოსაყვანად.

ბონდო დაჟდა, ჯოხი მუხლზე დაიდო და განაგრძო:

— ზოგიერთ ცნობებს ალბათ უკვე გადმოგცემდნენ აქაური ამხანაგები, ამიტომ მე აღარ ვილაპარაკებ ჭაობების ამოშრობის საშუალებათა მიმდინარეობაზე. მხოლოდ მინდა გითხრათ, რომ აშენებულია ორას ორმოც კილომეტრზე მეტი წყალშემკავებელი ჯებირები, რომლებიც რიონს კალაპოტიდან გადმოსვლის საშუალებას არ აძლევენ. გაყვანილია სამოც კილომეტრზე მეტი არხი მთის ნიაღვრების დასაწრეტად და კოლექტორულ-შემგროვებელი არხები მთელ სამელიორაციო ფართობზე, ალბათ უკვე იხილეთ ჩვენი მშენებრივი გზატკეცილებიც.

შემდეგ ბონდო კვატაშიძემ გაიხსენა კოლხეთის ისტორია, მისი მაღალგანვითარებული სოფლის მეურნეობა, ვაჭრობა და ხელოსნობა. ბერძენი ისტორიკოსები და გეოგრაფები აღტაცებას გამოთქვამენ თავიანთ შრომებში მის ზღაპრულ სიმდიდრესა და მაღალ კულტურაზე. მაღალ დონეზე იდგა ტექნიკაც. კარგად იყო განვითარებული ფოლადის წარმოება და მედიცინა. ქება-დიდება კოლხეთის ხილეულობაზე — ვაშლზე, მსხალზე, ლეღვზე და პურის უხვ მოსავალზე ცნობილი იყო მთელს მაშინდელ მსოფლიოში. მაგრამ დროთა განმავლობაში კლიმატი იცვლებოდა. დაიწყო ჭაობიანობა... და ეს პროცესი საუკუნეების მანძილზე გაგრძელდა...

ახლა ჩვენ ვითვლით ოცდაერთ კოლექტიურ მეურნეობას. მათ შორის — თხუთმეტი ჩაის, სამი სუბტროპიკული კულტურების და სამი რძისა და ბოსტნეულის მეურნეობაა. დამთავრდა ამომქაჩავი სადგურის მშენებლობა, რომელიც ზღვაში გადაისვრის ნიაღვრის წყლებს ფოთის ციტრუსოვანთა მეურნეობიდან.

დამთავრდა აგრეთვე საინჟინრო კომპლექსის მშენებლობა, რომელიც განზე გაიყვანს ნიაღვრის წყლებს ჯებირებით გარშემორტყმული მიწებიდან. ასეთებია: ნოღელა-ცხენისწყალი, აბაშა-ნოღელა და ცივა-ტეხური. მათთვის აშენებულია დიუკერები ნოღელასა, ტეხურისა და ცივას კალაპოტებზე.

...ასეთია ამჟამად მდგომარეობა. პრიმიტივისტი მხატვრის — ბეჩოს ოცნება, რომელიც ასე დამაჯერებლად აღწერა პაუსტოვსკიმ — დღეს უკვე განხორციელდა და სინამდვილედ იქცა...

დილის რვა საათზე მე და გიორგი ჯაფარიძე პალიასტომისკენ გავემგზავრეთ.

ცა შავი, მრისხანე ღრუბლებით იყო დაფარული, ცრიდა. მანქანა ნელა მიდიოდა. გიორგი ჯაფარიძე არაფრად აგდებდა წვიმას, მხიარულად მიამბობდა თავისი წარსული მუშაობის ამბავს კოლხიდის მშენებლობაზე.

— ერთხელ ჩვენი ექსკავატორი ჭაობში ჩაეფლო. მოვიყვანეთ ტრაქტორი, მაგრამ როგორ მიგვეღწია ექსკავატორამდე? ისიც ხომ ჭაობში ჩაეფლობოდა...

ტრაქტორს წნელის უამრავი ჩელტი დაეუფინეთ. როგორც იქნა მივიყვანეთ ტრაქტორი ექსკავატორთან, გამოვუბით, მაგრამ თქვენც არ მომიკვდეთ, ადგილიდან ძვრა ვერ უყო. ჩელტებიცა და ტრაქტორიც ჭაობში ჩაეფლო. მოვიტანეთ ჩელტების მეორე ლეიბი, შემდეგ მესამე და ასე, დიდი ტანჯვითა და ვაი-ვაგლახით თითო-თითოდ ამოვართიეთ ჭაობიდან ექსკავატორის ნაწილები. ახლა, რასაკვირველია, აქ მუშაობა ადვილია, ისეთი მექანიზაცია გვაქვს, რომ ჭაობი მისი შიშით ქვესკენელში მიიპარება, — იხუმრა გიორგიმ.

ღრუბლებიდან მზემ გამოანათა და წამსვე, როგორც ზღაპრულ სარკეში, ყველაფერი შეიცვალა ჩვენს ირგვლივ: ალაპარაკდა, ათამაშდა, უფრო მკვეთრად გამოკრთა ხეების სიმწვანე. მაგნოლიის ფოთლებზე შერჩენილი წვიმის წვეთები აღმასივით აკამკამდა. ჩვენს გვერდით დინჯად მიაბიჯებდნენ ხელიხელგადახვეული ქალიშვილი და ჯარისკაცი. მიჰქროდნენ მსუბუქი და სატვირთო მანქანები, ავტობუსები.

— ეს გზატკეცილი ქობულეთამდე მიდის... აი, მდინარეებიც კაპარჭა და მალთაყვა, რომლებიც უდიდეს ზარალს აყენებდნენ ძველად ფოთის მოსახლეობას. მაგრამ ადამიანებმა ისინი მოთრგუნეს, მოაშინაურეს, გამოწაფეს, ახლა საშიში აღარ არიან. აი, ტბაც!

პალიასტომის ტბა! რამდენი ლეგენდა გამიგონია ამ ტბის შესახებ! და აი; ახლა ვიდექი მის წინ. მისი მძლავრი ფაფარაყრილი ტალღები მრისხანედ ეხეთქებოდა ნაპირს. ნიაგი აშრილებდა ალვის ხეების გრძელ რიგს, მათი ვარჯები ერთმანეთს ეხვეოდნენ.

შორს, ჰორიზონტზე მოჩანდა ლურჯი მთები. ისინი ზოოპარკის გაზარმაცებული ლომებივით გაწოლილიყვნენ.

— ერთი აი, ამ სოფელს შეხედეთ! — გიორგიმ მალთაყვისპირა სოფლისაკენ მიმახედა. თეთრი, კირით შელესილი პატარა სახლები, ეკალიბტები, ხეხილის ბაღები, ხეთა ტოტებზე შემოხვეული ვაზი „იზაბელა“, ვაზი შემოჰხვეოდა სახლის აივნის ბოძებსაც. სახლების უკან, მდინარეში, ხეებზე მიებათ ძრავიანი ნაგები, მათ ახლო საქმიანად ფუსფუსებდნენ რეზინისჩექმებიანი ყმაწვილები, ლობებზე გასაშრობად გაეფინათ სათევზაო ბადეები. ღონიერი, ბრგე, ჩასხმული, წვერმოშვებული მამაკაცები ღირებებს აკეთებდნენ. ძველებურ კაბებში გამოწყობილი, ლაშაზი ყვავილებით მოჩითულთავსაფრიანი ქალები ეზოში და აივნებზე ფუსფუსებდნენ. ჩემთვის ეს სრულიად უცნობი სამყარო იყო, ეს სოფელი არაფრით არ ჰგავდა სხვა სოფლებს.

— ესენი სტაროვერები არიან! რამდენიმე ათეული წლის წინათ მოვიდნენ რუსეთის შუაგულიდან და აქ დასახლდნენ. ცხოვრობენ კარჩაკეტილად, როგორც მათი წინაპრები — რელიგიური სექტის წევრები. ისე, სიმართლე რომ ვთქვათ, ნამდვილი მშრომელები არიან! უყურებ მათ შრომისმოყვარეობას და გიხარია. ჰყიდიან თევზს, ღვინოს, რძეს. ქალები და ხნიერი მამაკაცები ისევე იცვამენ, როგორც მათ წინაპრებს ეცვათ ასიოდე წლის წინათ. ტორფის წარმოებაში მუშაობენ. ჯერ დაუსახლებელ ახალ ამოშრობილ მიწაზე მოჰყავთ სიმინდი, ლობიო. შესანიშნავი მეთევზეები არიან, დიდძალ თევზს აბარებენ სახელმწიფოს, მათი შვილები კი, უმეტესად ვაჟები, შეუდარებელი მეზღვაურები გამოდიან. მაგრამ ნათქვამია, ყოველი ციხე შიგნიდან ტყდებაო. ისეა ამ სტაროვერებშიც: მათ შვილებს აღარ უნდათ მამა-პაპისეული კანონებით ცხოვრება. პაპები და მამებიც ხელს ვეღარ უშლიან, ახალი ცხოვრება სპობს ყოველივე ძველსა და დრომოჰმულს. ახალი ცხოვრება ახალ ტექნიკასა ჰგავს, რომელიც აშრობს ძველი კოლხეთის ჭაობებს... ძველი, დაუწერელი კანონები აქ ვერ გაჭრის.

მოვიდა პატარა მოტორიანი ნავი. მოტორისტმა შონიამ ბოღიში მოიხადა დაგვიანებისათვის. ჩავსხედით ნავში და ჩავუარეთ ტურბაზას. ტურისტები პლაჟზე მზის აბაზანას ღებულობდნენ, მზეზე იხუხებოდნენ.

გავიარეთ სოფელი მალთაყვა, მოხუცებს ყურადღება არ მოუქცევიათ ჩვენთვის. ახალგაზრდები ცნობისმოყვარეობით გვიყურებდნენ. ერთ რეზინისჩექმებიან ყმაწვილს „ჯინსი“ ეცვა. ფოთში ბევ-

რია უცხოელი მეზღვაური. ისინი მზად არიან ნახევარ ბოთლ არაყ-ში პერანგიც კი მისცენ. ზოგი ყმაწვილი იჭდა ნავეში, ზოგი გულად-მა იწვა, უკრავდნენ აკორდეონს. ზოგიც ტრანზისტორს უსმენდა.

ცოტა ხანში სტაროვერების სოფელი უკან მოვიტოვეთ და არ-ხში შევედით.

წყალი, წყალი, წყალი!

არხებში ისეთი სიჩქარით და გახელებით მიჰქუხდა წყალი, თითქოს უნდოდა ყველაფერი გადაეცალაპა გარშემო. რომ გამოგი-ტყდეთ, ცოტა არ იყოს, შევშინდი. არხს ორივე მხარეს გასდევდა ტორფის კუნძულები და შამბნარი. ქარი არხვედა კაცის სიმაღლე ლერწამს... ეკალ-ბარდები, ტორფი, ლელიანი... და ასე დაუსრუ-ლებლივ! აი, ერთადერთი, ობლად დატოვებული ექსკავატორი. ძველთაძველი, პატარა, სასაცილო ექსკავატორი იყო. ჩვენ ისე ახ-ლოს მივცურავდით მისგან, რომ ფირმის უანგმოდებული მარკაც გავარჩიე. ექსკავატორი პირველი დღიდან მუშაობდა აქ.

ისევ გაუვალი ეკალ-ბარდები, ჭაობები. ეტყობა, ამ ჭაობებს აღარ ამრობენ, ნიადაგი უნაყოფოა. წყალი დაწრეტილია და კო-ლოების ბუდედ ვეღარ იქცევა.

— რობინზონ კრუზოს კუნძულს მინდა ვეწვიოთ, — სიცილით მითხრა გიორგი ჯაფარიძემ. იქნებ, განგებ გამომიტყუა აქეთ, რომ მიჩვენოს, რა გიგანტური არხები გაუთხრიათ ამ გაუვალ ჭაობებში. მაგრამ არა, აი, რა მიაშობო გიორგიმ:

— 1943 წელს მწუხარებასა და ნაღველს დაესადგურებინა ყო-ველ ოჯახში. ბავშვებიც კი გადაჩვეოდნენ ღიმილს. მაგრამ მუშა-ობით ყველა მუშაობდა, ღრმა მოხუცებიც კი. ომი იყო.

ზესტაფონის ახლოს ერთ სოფელში ფრონტიდან დაჭრილი ჯა-რისკაცი ბრუნდებოდა. ბრძოლა აღარ შეეძლო და ნაღვლიანი, თა-ვისი ბედით შეწუხებული შინ მიდიოდა. უბრუნდებოდა დედას, ცოლს და ერთადერთ ვაჟიშვილს, რომელიც ჯერ არ ენახა. მაგრამ შინ საშინელი ამბავი დახვდა: ცოლი და ბავშვი მძიმე ავადმყოფო-ბას გადაჰყოლოდნენ, ორი ძმა ფრონტზე დაღუპულიყო, მოხუც დედას ჯავრით თავი დაეხრჩო. მეზობლები გულთბილად შეხვდნენ მეომარს, მზად იყვნენ, ყველაფრით დახმარებოდნენ, შეემსუბუქე-ბინათ მწუხარება, გაეზიარებინათ მისი ჭირ-ვარამი, მაგრამ ჯარის-კაცმა ვერ გაძლო შინ, რა გააჩერებდა იმ სახლში, სადაც ერთი ახლობელი აღარ დახვდა ცოცხალი! მიატოვა შშობლიური კერა,



გაექცა აუტანელ მწუხარებას, მაგრამ ცოლ-შვილის, დედისა და ძმების დარდი თან გაჰყვა.

გავიდა წლები. დამთავრდა ომი, ქვეყანა მძიმე კრილობებს იწუშებდა. ცხოვრება კალაპოტში ჩადვა. შვეებით ამოისუნთქა ხალხმა. სოფელში თითქმის მიავიწყდათ ჯავრისა და მწუხარებისაგან გაქცეული ჯარისკაცი. და აი, უცებ ფოთში უცნაური ხმა გავარდა: პალიასტომის ერთ პატარა კუნძულზე ვიღაც გატყუიებული კაცი ცხოვრობსო. შეიქმნა მითქმა-მოთქმა. დაირხა ათასი ჭორი, მაგრამ მალე გაიგეს სინამდვილე. კუნძულზე სწორედ იმ სოფლიდან გაქცეული ჯარისკაცს დაედო ბინა, აქ შესქიდებოდა მარტომმარტო დარდსა და ვარამს, წელგაუმართავ შრომაში ჩაეკლა გულისჯავრი. ჭაობიანი, გამოუსადეგარი კუნძული ედემად ექცია. ამ შრომის კაცს ილიკო ერქვა.

ორმოცდასამი წლის იმ ნაღვლიან საღამოს ილიკო შინიდან პირდაპირ ზესტაფონის რკინიგზის სადგურზე გავიდა, ჩაჯდა პირველ მატარებელში და დილით ფოთში ამოჰყო თავი. არავის ნახვა, არაფრის გაგონება არ უნდოდა, მისი ამბავიც არავის აინტერესებდა. ფოთში არავის იცნობდა, მაგრამ ჯერ კიდევ ომამდე ჰქონდა გაგონილი, რომ კოლხეთში უკაცრიელი კუნძულები იყო. საღამო უამს გამოვიდა ტბის ნაპირას, ერთი სტაროვერი მეთევზისაგან 'რადად' იყიდა ძველი ნავი, ჩაჯდა შიგ და მოუსვა ნიჩბები. შევიდა არხში, დიდხანს მიცურავდა და ბოლოს, როგორც იქნა. მიალწია ერთ პატარა კუნძულს. შეიძლება განგებაც აირჩია ეს მწირი კუნძული, რადგან არ უნდოდა სიცოცხლე... არ უნდოდა არაფრის გაკეთება. ერთადერთი სურვილი დაეუფლა მთელ მის არსებას — მომკვდარყო... მაგრამ ნელ-ნელა გამოერკვა, უსაქმოდ ვერ გაჩერდა, ვერ მოისვენა, ცხოვრებამ თავისი მოითხოვა და ბოლოს შრომას მოჰკიდა ხელი.

მართლა ასე იყო ეს ამბავი, თუ ადამიანის ფანტაზიის ნაყოფია, ვერ გეტყვით, არავინ იცის დაწვრილებით ამ „რობინზონ კრუზოს“ წარსული, თვითონაც არ უყვარდა თავისი ამბების მოყოლა. მაგრამ ეს არ არის მთავარი. მთავარი ისაა, რომ ილიკომ ეს მწირი, საცხოვრებლად უვარგისი კუნძული ედემის ბაღად აქცია.

დაიწყო ნიადაგიდან. ახლო მდებარე კუნძულებიდან მოჰქონდა მიწა, დღე და ღამეს ასწორებდა, ჰამდა პანტას, მაჟალოსა და მცენარეულობას. იჭერდა თევზს, ხოცავდა ნადირს, ნანადირევს და

თევზს სასუქზე, თესლსა და ნერგებზე უცვლიდა სტაროვერებს. დაიდგა ფაცხა. ერთი-ორი წლის შემდეგ, როცა დარწმუნდა, ნიადაგი გაუმჯობესდაო, დაიწყო თესვა, დარგო ხეხილი, გააშენა ჩაისა და ციტრუსების პატარა პლანტაცია, გაიჩინა ფუტკარი. თან განუწყვეტილვ ანოყიერებდა ნიადაგს. ყოველივე ეს ადამიანის შესაძლებლობებს აღემატებოდა, მიიმე სამუშაო იყო, თითქმის აუტანელი. ქალაქში იშვიათად დადიოდა. ერთხელ ბედმა გაუღიმა: უთვისტომო ქალიშვილს შეხვდა, ისაუბრეს ამ მთისა, იმ ბარისა; ქალიშვილს მოეწონა ილიკო და კუნძულზე გაჰყვა.

დაქორწინდნენ. ქორწილში მიწვეული იყვნენ მთვარე, ვარსკვლავები, ილიკოს დარგული ნორჩი ხეები, ვარდის ბუჩქები, ფრინველები, შამპანურიც კი იყიდა ილიკომ ამ დღისათვის, ღვინო ხომ თვითონვე ჰქონდა, შესანიშნავი, ახალი მოსავლის „იზაბელა“. პატარძალი სულ თეთრებში იყო გამოწყობილი, წარმოიდგინეთ გვირგვანი და მანდილიც კი ეხურა. ერთი სიტყვით, ყველაფერი ისე იყო, როგორც მიღებულია პატივცემულ, ტრადიციულ, შეძლებულ ოჯახებში. ალიონზე შევიდნენ ფაცხაში და ამ დღიდან დაიწყო „ადამისა და ევას“ ნამდვილი ცხოვრება ამ პატარა კუნძულზე...

ორი წლის შემდეგ ილიკომ მშვენიერი ოდა აიშენა; ძველი ქოხი საწყობად გადააკეთა. მარანიც დაიდგა, სასიმიინდეც. ცოლიც ისეთივე მშრომელი გამოადგა, როგორიც თვითონ იყო. ცხრა შვილი შეეძინათ ცხრა წელიწადში. საზრუნავმა იმატა და ილიკომაც უმატა შრომას. მალე ბავშვებიც ამოუდგნენ მხარში გამრჩე დედ-მამას. მართალია, კარჩაკეტილად ცხოვრობდნენ, მაგრამ საჭმელი არ აკლდათ და სასმელი, რადიომიმღებიც ჰქონდა ილიკოს, ჟურნალ-გაზეთებიც ჩამოჰქონდა კვირაობით. წიგნებსაც მოაყოლებდა ხოლმე და ნელ-ნელობაში კარგი ბიბლიოთეკა შექმნა.

და აი, ვეწვიეთ „ილიკოს კუნძულს“... არც თამთამების ხმაური, არც ველურების ჟივილი, არც ნახევრადშიშველი აბორიგენები, რასაკვირველია, არ შემოგვგებებია.

შევედით მწვანედ დაბურულ ტევრში. ტოტებით ერთმანეთში ჩახლართული უზარმაზარი ხეები სახურავივით ფარავდნენ ნავსამელს. ქვიტ ლამაზად შემოლობილ ნავმისადგომზე საშუალო ტანის ფენშიშველი, წვერმოშვებული, ხანშიშესული მამაკაცი იდგა და გვიღიმოდა. ეს იყო კუნძულის „მფლობელი“ ილიკო.

— კეთილი იყოს თქვენი მობრძანება ჩემს მშვიდობის კუნძულზე! — ხუმრობით გვითხრა მასპინძელმა.

გიორგიმ ჩემი თავი წარუდგინა, მწერალიაო. — ოღონდ ეურნალისტი ნუ იქნება და სხვაზე ყველაზე ყაბულსა ვარ! ეურნალისტები ძალზე ცნობისმოყვარე ხალხია, ლამის არის სულში ჩაგიძვრნენ. იმედი მაქვს, ფოტოაპარატები არ გექნებათ! — მოუბრუნდა ჯაფარიძეს და ისევ ხუმრობით დასძინა:

— გადაღებები სასტიკად აკრძალულია, ჩემო ძამია, სტრატეგიული მნიშვნელობის კუნძულია, აბა!

... როგორც იყო, ამ „არასტრატეგიული“ გასაუბრების შემდეგ ფეხი შევდგით პალიასტომელი „რობინზონ კრუზოს“ სამფლობელოში.

ნახევრად აგურითა და ნახევრად ხისგან ნაგები ლამაზი, ჩუქურთმებიანი, გრძელი აივნისანი ოდის წინ, მშვენიერი ბალი იყო გაშენებული, ბაღში გადაჯვარედინებულფეხებიანი გაურანდავი ხის გრძელი მაგიდა იდგა. სუფრის ირგვლივ სკამები იყო ჩამწყობებული.

— ეს სუფრა ზეიმისა, ქორწილისა და ხშირი სტუმრიანობისთვისაა დადგმული, — აგვიხსნა ილიკომ, — ადარი, როგორც მოგეხსენებათ, ხშირი სტუმარია ამ მიდამოში, მაშინ მაგიდას ბრენენტს ვაფარებთ და სეფა გამოდის, შენ ხარ ჩემი ბატონო... ჰო მართლა. ბოდინს ვიხდი, ცოლი და ბავშვები ფოთში არიან. ახლა ქალაქშია, როგორც იტყვიან, დიდ მიწაზეც. გვაქვს ბინა, ჩემი ორი ვაჟი წელს უმაღლესში აბარებს.

ეზოში ბიჭები ფუსფუსებდნენ, ზოგს მაისური ეცვა. ზოგს ჯარისკაცის გიმნასტურა და ჩექმები. ილიკომ შეამჩნია, რომ ცნობისმოყვარეობით ვათვალთვლებდი ყმაწვილებს.

— ესენი ჩემი მეგობრებია, დღეს ჩვენთან ქორწილია. იური, ერთი წუთით მოდი.

ქერა, მზით გარუჯულმა ჭაბუკმა, იმწამსვე მოიბრინა და ჩვენს წინ მორცხვად შედგა.

— გაიცანით, იურა ცუბერა, ჩემი ფრონტზე დაღუპული მეგობრის ვაჟია. ამ ქვეყანაზე აღარავინ ჰყავს, მეზღვაურია. მე და ჩემი ცოლი ვართ ამისი დედაც და მამაც. თავს მოვალედ ვთვლი, ქორწილი გადავუხადო იურას.

ჩვენ, რასაკვირველია, მოუწონეთ კეთილი განზრახვა და მეტა

პატივისცემითა და რიდიტ გავიმსკვალეთ ჩვენი უჩვეულო მასპინ-  
ძლისადმი.

— დიდად გამახარებთ, თუ ქორწილში დარჩებით, — მოგვმართა  
მორცხვობისაგან წამოწითლებულმა იურიმ. შემდეგ მე მომიბრუნ-  
და და დასძინა: — ბიჭებიც მოვლენ ტრაულერიდან. — როგორც  
ჩანდა. იური შორიდან მიცნობდა.

გიორგის გადაუხედე, მინდოდა მისგან თანხმობა მიმელო.

— დავრჩებით, რატომაც არა, სიამოვნებით, ოღონდ ქორწილს  
შემდეგ ფოთში კატარლით უნდა ჩაგვიყვანოთ.

— მაგის ფიქრი ნუ გაქვთ, — ჩაერია საუბარში ილიკო. — სა-  
ქორწინო ესკორტი ჩაგიყვანთ კოლხეთის დედაქალაქში. უკიდურეს  
შემთხვევაში, ჩემი კატარლა მზადაა და იმით გაგისტუმრებთ.

ცუბერამ მოიბოღიშა და ამხანაგებისაკენ გაეშურა.

ილიკოს ეზოს დათვალიერებას შევუდექით. ერთგან ორ გრძელ-  
წვერა სტაროვერს სარეცხელები ეჭირათ და ჭურებს რეცხავდნენ.

— ახალი ოსიავლისათვის ვემზადები, — აგვიხსნა მასპინძელმა. —  
ყოველი ჭური ორას ვედრო ღვინოს იტევს. რადგან ღვინოზე ჩა-  
მოვარდა საუბარი, ჩვენი ექსკურსია მარნიდან დავიწყეთ. ვიცა,  
ტურისტებად ჩამოხვედით ჩემთან, აბა ისე უბედური ილია ვის გა-  
ახსენდებოდა.

— როგორ გეკადრებათ, ბატონო ილიკო. ჩვენ...

— არა უშავს, საბოდიშო არაფერია.

მიუხედავად სინესტისა, რომელიც კუნძულზე მეფობდა, მარან-  
ში სიმშრალე იყო. კედლებზე ხახვისა და ნივრის გალები ეკიდა.  
დამკვებელი კიტრი, პამიდორი, ნიორი თუ წიწკა, ჭერზე — შე-  
ბოლილი ხმელი სულგუნი, ტარანი და შაშხი. მიწისპირზე კი ქვევ-  
რების თავები მოჩანდა. ილიკომ კალათიდან კაკალი ამოიღო და  
დაამტვრია. კაკალი მსხვილი იყო, მსუბუქი სიფრიფანა ნაჭუჭები  
ჭკონდა. დარჩეული ლებანი ხის ჯამზე დააწყო, მერე ერთი ქვევრა  
მოხადა, ალბათ, ის, რომელიც ქორწილისთვის იყო განკუთვნილი,  
კედლიდან ხრიკე ჩამოხსნა და ღვინო ამოიღო.

— ღვინო კი არა, ცხონებაა, — თქვა ილიკომ და ხრიკე მომა-  
წოდა. მადლობა გადაუხადა, მოვსევი, ისე გავსინჯე, როგორც საუ-  
კეთესო დეგუსტატორმა.

არაჩვეულებრივი ღვინო იყო და მასპინძელს ვუთხარი:

— მირონის ღვინოა! ასეთს, ალბათ ღმერთი სვამს ედემში.

კიდეც მოესვი, დაკაყოლე ნიგოზი და ხრიკე მასპინძელს დაეუბრაუნე.

— რა ჯიშისაა? — იკითხა მენავე შონიამ.

— უსახელო კუნძულის ჯიშისაა, — იხუმრა მასპინძელმა და ნაღვლიანად გაიღიმა.

ილიკოს თვალში ნისლი ჩაუდგა. არასოდეს არ მენახა ასე ახლოს ასეთი სევდიანი კაცი, სევდიანი დაკარგული დედის, შვილის, ცოლის და ძმების გამო.

ხრკე ხელიდან ხელში გადადიოდა.

მასპინძელმა თაროდან ჭაჭის არაყი გადმოიღო. მაგრამ სასტიკად ვიუარეთ. ასეთ ღვინოს ჭაჭის არყით როგორ გავაფუჭებდით.

— სამჯერ მაქვს გამოხდილი, აპა! — თქვა ილიკომ და ჩვილივით მოეფერა არყით სავსე ბოთლს.

— ხომ არ მოგშივდათ? ეგებ წაგვეხემსებინა. ახლავე მოგართმევთ ყველაფერს. რა სულელი ვარ. ღმერთო, იმწამსვე უნდა გამეშალა სუფრა. ალბათ არ გისადილნიათ, — შეწუხდა მასპინძელი.

მადლობა გადავუხადეთ. — არ გვშია, საქორწილო სუფრას დავლოცავთ-თქო, — ვუთხარით და ცოტა ხნის შემდეგ მარანიდან გამოვედით.

— კარგი ბიჭია ცუბერა. ჩემს უფროს ვაჟთან მეგობრობს... ჩემს ხელში დალია სული მამამისმა, მუტეღში მოხვდა ტყვია უბედურს. — ილიკომ სათქმელი აღარ დაასრულა, ამოიხვნეშა.

კარ-მიდამოს დათვალეირება განვაგრძეთ. საღორეში იორკშირის ჯიშის უშველებელი ღორი იწვა და ძუძუს აწოვებდა ცხრა გოქს. ბოსელში უხვად ეყარა თივა. ეზოში დაკუნტრუშებდნენ ხბორები, დინჯად იცოხნებოდნენ ზაქები. ილიკოს ფუტკარიც მრავლად ჰყავდა. სკებს რომ შეეხედეთ, გული გაგვინათდა, მაგრამ ილიკოს ჩხბილის ბაღზე ლამაზი იშვიათად მინახავს. ბროწეული, ბია, ხურმა ისე ანათებდა, როგორც ახლად გაპრიალებული თითბერი. ვაშლიც იყო და მსხალიც, ატამიცა და ქლიავიც, მუშმალაცა და ფეიხოაც.

— ხეხილმა დამაბრუნა ამ ქვეყანაზე, სიცოცხლე მაჩუქა, ნება არ მომცა მოემკვდარიყავი! შვილივით ვუვლი და ისინიც არაფერს იშურებენ ჩემთვის. ისე შევეჩვიე ამ მწვანე მეგობრებს, როგორც საკუთარ შვილებს, — ჰყვება ილიკო.

შევედით მეორე, უფრო მოზრდილ, თითქოსდა ახლად გაშენე-

ბულ პარკში: მაგნოლიის ხეები, პალმა — ჰამეროპსები, ოლენდრები, ბზა, დრაცენა, ფინიკი, პალმა, ტუია, ევკალიპტები, წაბლი... და ვინ მოთვლის კიდევ რა ხე არ იყო, დიდ ხეებზე ლიანასავით გაბმულიყო „იზაბელას“ ვაზი. ცოტა იქით — მტირალი ტირიფი, ხელოვნური ტბა და პატარა კუზიანი ხიდი ამ ტბაზე. კოკის ნატეხებში აქა-იქ ჩარგულია აგავა, ზოგან ხის მორები დევს დასაჯდომად. და ისევ ყვავილები, ყვავილები, ყვავილების ზღაპრული ხალიჩა. ჰაერში ვარდ-ყვავილების დამათრობელი სურნელი ტრიალებს. რა ფერის ვარდსა და ყვავილს არ ნახავთ აქ: შავს, წითელს, ვარდისფერს, შინდისფერსა და კიდევ და კიდევ მრავალფერს.

— ეს ჩემი მეუღლის სამეფოა. საათობით ზის აქ მარტოდმარტო. ჯერ კიდევ შვილის შექენამდე შეიყვარა ეს ადგილი, ბავშვი რომ გაუჩნდა, თითქმის სულ არ გამოდიოდა აქედან. დაწვეწვდა ბავშვს დასაძინებლად, თვითონ კი წიგნით, ან კიდევ საქსოვით ხელში იჯდა, კითხულობდა, ქსოვდა, ოცნებობდა. ქალებს ოცნება უყვართ... მგონი, კაცებსაც გვიყვარს. მე კარგ ოჯახზე ვოცნებობდი და ამისრულდა... ოჯახი ბედნიერებაა... ბედნიერება ყოველთვის სძლევს უბედურებას. ასე იყო და ასე ჩქნება. ადამიანი დასაბამიდან ბედნიერებისათვის იღვწის...

კვლავ განვაგრძობთ კუნძულის თვალიერებას. აი ბოსტანიც. რა სახის ბოსტნეული გინდათ, რომ აქ არ ნახოთ! სხვადასხვა ჯურისა და ფერის კომბოსტო, ჭარხალი, ბოლოკი, მწვანელი: ქინძი, ოხრა-ხუში, ნიახური, პრასა, ცერეცო, კამა, პიტნა, ხახვი, ნიორი, სურნელოვანი ტარხუნა და ცხარე წიწმატი; ტკბილი სტაფილო და ცხარე წიწყა, პამიდორი, კარტოფილი, ბატატი, საზამთრო, ნესვი, სხვადასხვა ჯურის გოგრა, ლობიო, კიტრი. ბოსტანი შემოღობილია ჩაის მწვანე ბუჩქებით.

— ჩაის, რასაკვირველია, არ ვკრეფ... ისე დავრგე, სილამაზისა და კოლექციისათვის. ეს კი ჩემი ვენახია! — მასპინძელმა შესანიშნავად მოვლილ ვენახში შეგვიყვანა. ფართო, ფირუზისფერი ფოთლები, ფოთლებზე ნაკვალევი ვაზის პარფიუმერიისა: შაბაიმნის ლურჯი წერტილები. სხივჩამდგარი დიდი. მწვანე მტევნები, შავი, წითელი, ვარდისფერი მტევნებიც ციმციმებს...

— აქ სხვადასხვა ჯიშის ვაზია: ჩხავერი, საფერავი, ალექსანდრიული, ოჯალეში. ცოტ-ცოტაა ყველაფერი. მაგრამ ამ ნიადაგზე ისინი ძალიან განსხვავდებიან თავიანთი „მშობლებისაგან და ნათე-

სავეებისაგან“... ხშირი წვიმები, რასაკვირველია, გავლენას ახდენს, მაგრამ, ღვინო მაინც კარგი დგება.

ვენახის ბოლოს, მავთულზე, ორხეშუა, ჩურჩხელები შრებოდა— თხილისა და კაკლის იმერული ჭანჭუხები.

ვენახი კაი ძალი იყო. მე და გიორგიმ ერთმანეთს გადავხედეთ. გვიკვირდა, როგორ შეძლო ერთმა ადამიანმა ყველაფერი ეს გაეკეთებინა.

— აი, თურმე სად ყოფილა ბეჩო, ვინ თქვა, მოკვდაო? ვინ გაავრცელა ეს ჭორი? ბეჩოს გაუცოცხლებია თავისი ნახატები.

ილიკომ გაკვირვებით შემომხედა. არ იცოდა, ვინ იყო ბეჩო. არ ჰქონდა წაკითხული პაუსტოვსკის მოთხრობა. ჯაფარიძემ ეშმაკურად გამიღიმა.

და ბოლოს, პლანტაციაში. სუბტროპიკულ ზონაში შევედიო. პლანტაციის შუაში, პატარა მინდორზე ლამაზი ფანჩატური იდგა, ვაზით იყო გადახურული. სამი მხრით ვაზის კედელი ეკრა, მანდარინისა და ფორთოხლის ხეები დახუნძლული იყო ნაყოფით. ხეებს იქით წყლის ფართო ზედაპირი მოჩანდა.

— რას უშვრებით ამ აურაცხელ მოსავალს? — გაკვირვებით ვკითხე ილიკოს.

— სახელმწიფოს ვაბარებ. სხვათაშორის, კარგ ფასს მაძლევენ. ნაწილს ბაზარზე ვყიდი, დანარჩენს ნათესავ-მეგობრებს ვუნაწილებ. ჩემთან სააგარაკოდაც ჩამოდიან, მნახულობენ მეზღვაურები, ნავსადგურის მუშები, ჯარისკაცები, სწავლულები, სტუდენტები, მშენებლები. მე და ჩემი მეუღლე ყველას სიამოვნებით ვღებულობთ, გვიყვარს სტუმარი, ალბათ მარტოობისაგან დახარბებული ვარო ადამიანს. სტუმრებიც თავისუფლად გრძნობენ თავს ჩვენთან. აი პლაჟიც, მართალია, პატარაა, მაგრამ დიდს არაფრით არ ჩამოუვარდება, არც კეთილმოწყობით, არც ხარისხით, ოღონდ ეს კია, რომ წყალი არ არის მარილიანი.

...მართლაც მშვენიერი პლაჟია და თითქმის არაფრით არ განსხვავდება ნამდვილისაგან, ტალღებიც კი ასკდება ნაპირს...

განვაგრძეთ გზა, მივუახლოვდით ფლანგის კარს — ბალი და ბოსტანი გამოლობილია სახლის ეზოსაგან, ქათმებმა და პირუტყვმარომ არ გააფუქონ.

ილიკომ ოდაში მიგვიწვია: დიდი სუფთა ოთახები, თეთრად შეღებილი კედლები. ოთახებში აუცილებელი საჭირო ნივთები:

ლოგინი, ტახტები, ჭურჭელი, კარადები. კაი ძალი წიგნები, თვალსაჩინო ადგილას — შოთა რუსთაველის „ვეფხისტყაოსანი“. გაზეთები, ჟურნალები, რადიომიმღები.

— მიყვარს წიგნები, მუსიკა... ბავშვები განსაკუთრებით სპორტით არიან გატაცებული. აი, იქ, ხეებს შორის დარბიან, ბურთს თამაშობენ, რგოლებზე ვარჯიშობენ.

სახლიდან გამოვედით, არხის ნაპირას მდგარი გრძელი სკამისაკენ გავეშურეთ. წყალში ჩყუმპლაობდნენ იხეები, ბატები და დახეთ ჩემს გაკვირვებას, ბამბუკი აყვავებულიყო. მართლაც საოცარი სანახავია ბამბუკის ყვავილობა...

— მეცოდებიან ეს საბრალონი. ეს ხომ გედის სიმღერაა...

— რატომ?

— ბამბუკი მხოლოდ ერთხელ ყვავილობს და მერე იღუპება. ლამაზი სიკვდილია, არა?

მართლაც რომ ლამაზი და უცნაურია.

— ჩემთვის კი მწუხარებდა, გლოვის ნიშანია. დაიღუპება ჩემი მრავალწლიანი შრომა. სიკვდილის წინ ბამბუკი ადამიანს ანიჭებს ამ განუმეორებელ სილამაზეს. თითქოს მადლობის ნიშნად. იქნებ ამის მეტად ვერასდროს ვეღარც ვიხილო ბამბუკის ყვავილობა...

სამწუხარო სანახავია, როცა უყურებ აყვავებულ, სიცოცხლით სავსე ბამბუკებს, რომლებიც იაპონურ გრავიურას მოგაგონებენ, გიჟირთ იმისი დაჭერება, რომ ისინი დაპყრიან ყვავილს და მიიტყვლებიან...

...მზე ჩადიოდა. უშველებელი გავარჯარებული ბურთი ეშვებოდა ზღვაში. იშვიათად მინახავს მზის ასეთი ჩასვლა. ვიება დისკო ზანტად ჩადიოდა, ეციმოდა საღდაც უთსკრულში და მწუხრი ეფანებოდა მიდამოს. ანაზღად თეთრი ღამეები მომაგონდა. ალბათ იმიტომ, რომ ცაზე სავსე მთვარე დაცურავდა... ამ დროს განსაკუთრებით ნათელია ხოლმე ქართული ღამეები.

ჩემდა გასაოცრად კუნძული ელექტროლამპიონებმა გააჩირაღდნეს. მიმოვიხედე, ჭაფარიძესთან მივედი, იგი რალაცაზე ეკამათებოდა მასპინძელს და სტაროვერებს. ილიკომ შემამჩნია ცნობისმოყვარეობა: ელექტრომუქს კატარღის ძრავა იძლევაო. მართალია, არ არის მძლავრი, მაგრამ მაინც ელექტრომუქია.

უცებ შორიდან მუსიკის ხმა მოისმა. ხმა თანდათან ახლოედებოდა. მალე ფერად-ფერადი ლამპიონებით გაჩირაღდნებული დი-



დი კატარლაც გამოჩნდა, მაშინვე ნავსაბმელისაკენ გავეშურეთ. გზაში უნებლიეთ შევჩერდი. საქორწინო სუფრა გავშალათ, რა არ ელგა სუფრაზე, ათასგვარი კერძი და ხილეული, სასმელი, ყვავილები.

შავ კოსტიუმში გამოწყობილ ცუბერას თეთრი ვარდი უმშვენებდა მკერდს, მღელვარებისაგან ფერი დაკარგვოდა, იდგა სუფრასთან და ადგილიდან ვერ იძვროდა.

ყველაფერი მზად იყო სტუმრების მისაღებად.

ბოლოს კატარლაც მოახლოვდა. ცუბერამ თვითონ მიიღო თოკი კატარლიდან, თვითონვე მიაბა ნაპირს, არავის დაანება. გადმოისროლეს ხიდი და თავით ფეხამდე თეთრად მოსილი პატარძალი კატარლიდან ნაპირზე გადმოვიდა.

მას მოჰყვნენ მეზღვაურები. ყველა აქ იყო კაპიტნიდან დაწყებული ტრაულერის უბრალო მეთევზითა და მეზღვაურით დამთავრებული. ახალმოსულებმა მაგიდაზე დააწყეს ოციოდე ბოთლი შამპანური, შემდეგ ყველანი შემოუსხდნენ სუფრას, სუფრის თავში კი გრძელწვერა მასპინძელი დაჯდა და მაგიდა ლეონარდო და ვინჩის გენიალურ „საიდუმლო სერობას“ დაემსგავსა.

ყოველთვის მასპინძელი თამადაობს. ეს კანონადაა ქცეული ამ კუნძულზე. თუმცა ილიკო მაინცდამაინც კარგ ორატორობას ვერ დაიტრახებდა, მაგრამ სიმართლე რომ ითქვას, მისი სადღეგრძელოები მოკლე, ზედმიწევნით თანამედროვე და გონებამახვილურა იყო.

კუნძულის პატრონი ადგა, აიღო დიდი, მდიდრულ ყდაში ჩაქმული წოგნი და პატარძალს მიაჩთვა. ეს „ვეფხისტყაოსანი“ გახლდათ. შემდეგ მამაშვილურად გადაეხვია ნეფე-დედოფალს და გადაჰკოცნა. მერე კი წამოვიდა საჩუქრები ახლადდაქორწინებულთათვის: ფოთის კომკავშირის საქალაქო კომიტეტიდან. საზღვაო ნაწილიდან, სადაც ცუბერა მსახურობდა, მეზღვაური მეგობრებისაგან, ნავსადგურის მუშებისაგან.

დაუკრა ორკესტრმა. დაიწყო ცეკვები. პირველი ცეკვა მეზღვაურული „იაბლოჩკო“ იყო, შემდეგ კი ულტრათანამედროვე ცეკვებზე გადავიდნენ.

გარაყრავს კუნძულზე შეეხვდით. ეს ისეთი სანახაობა იყო, რომელიც ალბათ არ დამავიწყდება.

დილის ათ საათზე დიდი ტრაულერი საზეიმო ესკორტით გაემართა ფოთის განაპირა, ძველი კუნძულისაკენ, სადაც საზღვაო-სამხედრო სისაფლაო იყო და მივიწყებული შუქურა. ჭერ კიდევ ფოთის ნავსადგურის გაშენებამდე ის შუქურა გემებს და ხომალდებს უჩვენებდა გზას.

ძველი შუქურა, ახლა უკვე მთლიანად შემოხლართული მწვანე სურათი, მაღლობზე დგას და ადამიანს საშუალო საუკუნეების სასახლეს აგონებს. დაბლა, შუქურას ირგვლივ, საზღვაო-სამხედრო სისაფლაოა, სამარადისო საყუდელი გმირი მეზღვაურებისა, რომლებმაც სამშობლოს სიცოცხლე შესწირეს.

მინდოდა ჩემი მებრძოლი მეგობრის, 1944 წელს ომში დაღუპული მეზღვაურის, კოსტია რაუზეს საფლავი მენახა. ომის დამთავრების შემდეგ სამხედრო ნაწილიდან შემატყობინეს მისი დაღუპვის ამბავი. რაუზე ფოთის სასაფლაოზე იყო დასაფლავებული. მაშინ მოვიჩინე მეგობრის საფლავი.

მას შემდეგ თითქმის მეოთხედი საუკუნე გავიდა და ახლა ისე ვლელავდი, თითქოს ცოცხალ კოსტიას უნდა შევხვედროდი. მეზღვაურებმა, კაპიტანის თანხმობით, გადაწყვიტეს კუნძულზე წავეყვანეთ და თვითონაც მოეხადათ მოქალაქეობრივი ვალი, ენახათ გმირ-მეომართა საფლავები, სამშობლოს დამცველთა საუკუნო განსვენების წმინდა ადგილი, გმირობისა და თავდადების ძეგლი. ის დაღუპული ჯარისკაცები მათი ხნისანი, მათსავეთ მხიარულები, ჯანითა და სიცოცხლით სავსენი იყვნენ. ჰქონდათ ოცნება, შეჭხაროდნენ სიცოცხლეს. ზოგს ალბათ ცოლ-შვილიც ჰყავდა, დედ-მამა, და-ძმა, ჰყავდათ სატრფო.

მზიანი დღე იდგა, მიუხრებულ ზღვას ულტრამარინის ფერი დაჰკრავდა. სასაფლაო გალავნით იყო შემოღობილი, ზღვის მხარეს უფრო მაღალი კედელი აღემართათ. უწინ სასაფლაო პირდაპირ ზღვას უერთდებოდა. ზღვის პირას, ხეებქვეშ გრძელი სკამები იდგა და ზღვაც აქ, პატარა ყურეში, მუდამ წყნარი იყო, თითქოს დაუბერებელ, ჰაბუკებად დარჩენილი მეზღვაურების მარადიულ ძილს დარაჯობდა.

— ეს ღობე სამხედრო მეზღვაურებმა შემოავლეს იმ კატასტროფის შემდეგ, — ამიხსნა კაპიტანმა.

— რომელი კატასტროფის?! — შეშფოთებით ვკითხე მე.

— არ გაგიგიათ? გასულ წელს აქ მოულოდნელად საშინელი გრიგალი ამოვარდა და გადარეულმა ზღვის ტალღებმა ნახევარა სასაფლაო გაიტაცა.

ეს ამბავი ჩემთვის მოულოდნელი იყო და ერთგვარი ცუდი წინათგრძნობით ვუსმენდი კაპიტანს. განგებ არაფერი მიკითხავს.

მდუმარედ შევცქეროდი ობელისკს, ძმათა სასაფლაოს. მე და კაპიტანმა მოწიწებით დავაწყეთ მის კვარცხლბექთან თაიგულები. მეზღვაურებმა ქუდი მოიხადეს. ამ ცერემონიალის შემდეგ ჩქარა ნაბიჯით გავეშურე მეგობრის საფლავის სანახავად.

კონსტანტინე რაუზეს საფლავი აღარ იყო.

აღარაფერი დარჩენილიყო ძველი, მყუდრო საზღვაო-სამხედრო სასაფლაოსაგან. რომელსაც ქალაქის მთელი მოსახლეობა უვლიდა, ელოლიაგებოდა. მხოლოდ აქა-იქ შემთხვევით შემორჩენილიყო თითო-ოროლა საფლავი და რკინის ღობე. რკინის დაფანგულ ძეგლებზე უკვე ძნელი ამოსაკითხი იყო წარწერები. ყოველი დაღუპული მეზღვაური ცალ-ცალკე იყო დაკრძალული, ახლა კი ძმათა სასაფლაოები გაეთხარათ. ჩემი მეგობრის საფლავის ადგილსაც ძმათა სასაფლაო დამხვდა. რკინის დაფაზე სწრაფად ჩავიკითხე დაკრძალულთა გვარები: ნ. ვ. ბატრაკოვი, ვ. ა. სადიკოვი, დ. ა. კარპენკო, სერებრიაკოვი (უინიციალოდ), პ. ს. ზაიაცი, ვ. ზ. ფედორიაკინი, ი. ვ. ილჩევი, სავა (უინიციალოდ)...

მიმოვიხედე. შორიახლო მოხუცი იდგა, სასაფლაოს მცველი, ჩემი ძველი ნაცნობი — კლიმენტი დამენია, გვერდით თავისი თანაშემწე და მეგობარი ქორქია ედგა.

— კლიმენტი, თქვენ გეცოდინებათ, რა მოუვიდა კაპიტანის საფლავს? — მოხუცმა კარგად იცოდა, რომელ კაპიტანზეც ვკითხებოდი.

— ზღვამ წაიღო, შეიღო, ვერ ვიხსენით, — ამოიოხრა მოხუცმა.

კლიმენტი დამენია ოთხმოცდახუთი წლისაა, მისი მეგობარი კი ოთხმოცისა. მათი ცხოვრება მთელი რომანია, ეპოქის ისტორია, და გაჭრილი ვაშლივითა ჰგავს ბევრი ადგილობრივი მკვიდრის თავგადასავალს.

ჩვენი საუკუნის დასაწყისში ორი უწვერულვაშო ყმაწვილი მალარიის შიშით ჭაობებს გაექცა და ფოთის ნავსადგურში ტვირთმზიდავებად დაიწყეს მუშაობა. მშობლები არ ჰყავდათ, ისინი ტრო-

პიკული ციებ-ცხელებისა და მძიმე, აუტანელი შრომისაგან დაი-  
ხოცნენ. ჭაბუკები ჯანსაღები იყვნენ, ახოვნები და მაშინვე შეამ-  
ჩნია ძველმა მეთევზემ, ფოთის დარბაისელმა, საპატიო მოქალაქემ  
ბერძენმა იორიკ კალიფატიდომ. მან ყმაწვილები სამუშაოდ მიიწვია  
ორანძიან ნავზე და ამრიგად ორივე მეგობარი მეთევზე გახდა.

მოხუც ბერძენს ხუთი ვაჟი და ერთი ქალიშვილი ჰყავდა, ფო-  
ტინე, მზესავით ნათელი, ქერა, შველივით გოგონა, — ძველი ბერ-  
ძნული, კლასიკური სილამაზის განსახიერება იყო. ფიდიასი და  
პრაქსიტელე ალბათ უარს არ იტყოდნენ ასეთი ცოცხალი ნიმუში-  
საგან ქალღმერთის ძეგლი ან ცოდვილი ფრინა გამოეძერწათ. მაგ-  
რამ უბრალო მეთევზის ქალიშვილი ფოტინე ცხოვრობდა მეოცე  
საუკუნეში, მივარდნილ, პროვინციულ ნავსადგურში, ქალაქ ფოთში  
(რომელიც უფრო დაბას ჰგავდა მაშინ) და როგორც ყოველი ბერ-  
ძენი მშრომელი ქალი, დღედაღამ მოუსვენრად მუშაობდა.

ორი ქართველი მეზღვაური პირველი დღიდანვე ფოტინეს თა-  
ყვანისმცემელი გახდა, ორივეს ერთად შეუყვარდა ეს მშვენიერი  
გოგონა. ფოტინემ უპირატესობა დამენიას მიანიჭა. ჭკვიან და ეშმაკ  
იორიკის თვალებს არ გამოეპარა ჭაბუკების გულის დარდი, მან  
ისარგებლა პირველი მსოფლიო ომით და მალე ორივე მიჯნურს  
ჯარში უკრა თავი.

ჭაბუკები შავი ზღვის სამხედრო ფლოტის მატროსები გახდნენ.  
შემდეგ კი ამბავი ელვის სისწრაფით განვითარდა. ომი. რევოლუ-  
ცია. აჯანყება სამხედრო ხომალდზე, რომელშიაც ჩვენი ნაცნობი  
ვაჟებიც აქტიურ მონაწილეობას იღებდნენ, მალე ისინი ბოლშევი-  
კურ პარტიაში შევიდნენ და ხალხის საქმისათვის თავგამოდებით  
იბრძოდნენ.

დამთავრდა ომი, გაიმარჯვა რევოლუციამ და 1921 წლის თე-  
ბერვალში ისინი თავის ნავსადგურს დაუბრუნდნენ. ფოთის მუშებ-  
თან და მეზღვაურებთან ერთად, ქართველ ხალხთან ერთად ჩვენში  
საბჭოთა ხელისუფლების განმტკიცებას შეუდგნენ.

ბებერმა იორიკმა ყველაფერი აწონ-დაწონა, ყველაფერი გაზო-  
მა თავისი პრაქტიკული ჰკუთით, ყველაფერი შეიგნო, თუმცა დიდი  
აღტაცება არ გამოუთქვამს თავის ყოფილ მოჯამაგირებთან შეხ-  
ვედრისას. მისი შვილები კი, დამენიასა და ქორქიას ხნის ბიჭები,  
აღტაცებით შეეგებნენ საბჭოთა ხელისუფლებას, ისინიც თანაუგრ-

ძნობდნენ ბოლშევიკურ პარტიას და იმ დღიდან მათი ერთადერთი ოცნება საბერძნეთში რევოლუციის მოხდენა შეიქნა.

იორიკ კალიფატიდი ახლა აღარ იყო წინააღმდეგი თავისი ლამაზი ქალი ერთ-ერთი ამ „წითლისთვის“ მიეთხოვებინა. რაც შეეხება ფოტინეს, მისი გული ისევ ძვერდა სიყვარულით დამენიასადმი და მას გაჰყვა ცოლად. უბედური ქორჭია სამი დღე-ღამე სამიკიტნოდან არ გამოსულა, სვამდა, დარდს ღვინოში იკლავდა, ჯავრს იმაზე იყრიდა, ვინც მის მიწოდებულ ღვინოს არ დალევდა, ამფსონად არ გაუხდებოდა. ბოლოს დაწყნარდა, როგორც ზღვა დიდი ქარიშხლის შემდეგ, თავი იმითლა ინუგეშა, რომ ფოტინე მის საუკეთესო მეგობარს მაინც გაჰყვა და გადაწყვიტა, არასოდეს ცოლი არ შეერთო.

გადიოდა წლები. ფოტინემ თავის საყვარელ კლიმას — ასე ეძახდა ქმარს — სამი ვაჟიშვილი აჩუქა. კლიმენტი ნავსადგურში მუშაობდა თავის მეგობართან ერთად. იორიკი კი ვაჟებით საბერძნეთში გაემგზავრა. ამბობდნენ, რომ იქ ერთი კარჭაპი შეიძინა და კარგ ფულსაც შოულობდა თავის უმცროს ვაჟთან ერთად, დანარჩენმა ოთხმა ვაჟმა კი დროებით გადადო რევოლუციაზე ოცნება და ვაჭრობას მიჰყო ხელი...

ფოტინესა და კლიმენტის ვაჟები (მართლაც ზღაპრული ბიჭები იყვნენ: ჭანსადები, ზედმიწევნით გულკეთილები. ერთი შავი იყო, მეორე ქერა, მესამე კიდევ თითბერნარევე ბრინჯაოს ქანდაკებას ჰგავდა. რა დედამ შობაო, იტყოდა მათი მნახველი) გაჰყვნენ მამისა და ბაბუას კვალს და ისინიც შავი ზღვის ფლოტის მატროსები გახდნენ. ეს იყო მეზღვაურთა სასიქადულო დინასტია. კლიმენტის ოთახის კედლები დაფარული იყო მათი სიგელებითა და მადლობის ნიშნებით.

დაიწყო სამამულო ომი და ძმები დამენიები პირველი დღიდანვე ცეცხლის მოწინავე ხაზზე აღმოჩნდნენ. „ვებრძებით მტერს, დედას ვუტირებთ ფაშისტებს!“ — წერდნენ ისინი მშობლებს.

ომის მეორე წელს სამივენი ბრძოლის ველზე დაეცნენ, როგორც ნამდვილი გმირები და პატრიოტები. უფროსს დალუპვის შემდეგ საბჭოთა კავშირის გმირის წოდება მიენიჭა.

ფოტინემ ვერ აიტანა მწუხარება და შვილებისადმი სიყვარულით სავსე მისი გული სამუდამოდ გაჩერდა. ასე დარჩა მარტოდ-მარტო ჩამქრალ კერიასთან კლიმენტი დამენია. მასთან ერთად ქორ-

ქიამაც დაკარგა ერთადერთი არსება, ვინც ქვეყნად ყველაზე ძვირფასი იყო მისთვის — ფოტინე, ომის დასასრულს ორივე ღრმად მოხუცს ჰგავდა, თუმცე წლოვანებით არც ისე ბებრები იყვნენ.

აი, რატომ დადგა აქ დარაჯად დამენია. უნდოდა დაეცვა, მოეელო ომში დაღუპული მეომრების საფლავებისათვის. ეგონა, რომ ამით თავისი შვილების საფლავებს უვლიდა, რომლებიც, ღმერთმა უწყის, სად იყვნენ დამარხულები, თუკი საერთოდ ელირსათ დასაფლავება. მასთან ერთად მოვიდა მცველად მისი განუყრელი მეგობარი ქორქიაც.

ფიქრებისაგან გამოვერკვიე და მეზღვაურებთან ერთად განვაგრძე კონსტანტინე რაუზეს საფლავის ძებნა. ეგებ მოხუცი შეცდა და კონსტანტინეს ნეშტი ახალ სამარეში გადაიტანეს-მეთქი, მაგრამ ტყუილად ვეძებდით. საათის განმავლობაში შემოვიარეუ მთელი სასაფლაო, წაუკითხავი არ დაგვიტოვებია არც ერთი წარწერა, ორჯერ-სამჯერ ვსინჯავდით ყოველ მათგანს, ძლივძლივობით, დიდი წვალებით ვკითხულობდით ზღვის წყლისაგან წაშლილ, დაუანგულ წარწერებს... ამაოდ ჩაგვიარა შრომამ!..

დაღლილები, გამწარებულები დასასვენებლად ჩამოვსხედით და დამენიამ დაიწყო იმ საშინელი ღამის ამბის მოყოლა.

ღღისით უჩვეულო სიწყინარე იყო, მოხუცებმა ყვავილებში ჩაფლული საფლავები დაათვალიერეს და ნელი ნაბიჯით გაემართნენ ზღვისკენ; დასხდნენ გრძელ სკამზე და ტკბებოდნენ ზღვის ყურებით, ლამაზი მზის ჩასვლით... ზღვა ამშვიდებდა, დარდსა და ვარამს უქარვებდა მათ. ისე ისხდნენ, თითქოს შვილების დაბრუნებას ელიანო.

მართლაც, უჩვეულოდ ლამაზი, პატარძალივით ჩუმი იყო ზღვა იმ საღამოს.

მოხუცები ადრე წავიდნენ დასაძინებლად. კლიმენტის მშვიდად ეძინა. საოცარია, იმ ღამეს, ამ ათეული წლის განმავლობაში პირველად დაესიზმრა შვილები. საშინელი სიზმარი ნახა. მას შემდეგ მუდამ შიშით იძინებს, კიდევ არ ვნახო ასეთი სიზმარი შვილებზეო. ისინი ერთიმეორის გვერდით სამ ღია საფლავში იწვნენ, ლამაზი სახეები ისე ჰქონდათ დასახიჩრებული, ვერც კი იცნობდით, და ცრემლმორეული თვალით იხვეწებოდნენ, მიწა მოგვაყარეთო. სიცივისაგან იკრუნჩხებოდნენ, იყინებოდნენ...

მოხუცმა განწირული ხმით დაიყვირა და ალბათ კიდევ დიდხანს

იყვირებდა, ქორქიას რომ არ გაეღვიძებინა, ქორქია მეგობრის სას-  
თუმალთან იდგა და ცივ ოფლს სწმენდდა შუბლიდან. კლიმენტიმ  
გაიღვიძა და ბავშვივით ატირდა.

ამ დროს ზარების რეკა გაიგონეს. ეზოდან საშინელი ხმაური  
მოისმოდა: ქარი ღმუოდა. ზღვა გუგუნებდა. მოესმათ სირენის კი-  
ვილიც.

მოხუცებმა სწრაფად ჩაიცვეს და ეზოში გაცვივდნენ. რაც იქ  
დაინახეს, ნამდვილი საშინელება იყო.

ღელვა და ქარიშხალი ათ ბაღს აღწევდა. სასაფლაო სულ ერთი-  
ანად წყლით იყო დაფარული, ზოგი საფლავი დაემსხვრია და  
მკვდრები ცალკე ტივტივებდნენ, კუბო კიდევ ცალკე... მატროსის  
ქუდები, მაისურები, მაისურები...

ამ დროს იელვა, მოხუცებმა წამით დაინახეს ზღვა, მაგრამ ნე-  
ტა კი არ დაენახათ! ზღვა თითქოს ნაპირზე გადმოსვლას და ქვეყ-  
ნის წალეკვას ლამობდა. ორსართულიანი სახლის ოდენა ტალღები  
ნაპირისკენ მიჰქროდნენ, გემები შევლას ითხოვდნენ.

კვლავ იელვა, გავარდა მეხი, დაეცა სასაფლაოს. კვიპაროსებმა  
ერთიმეორის მიყოლებით ზღარათანი მოადინეს მიწაზე. მოხუცებმა  
სწრაფად ახსნეს თავისი ძველი ნავეები, აანთეს ფარნები და აღუ-  
ღებულ, მაგრამ ცივი ზღვიდან მკვდრების ამოყვანა დაიწყეს.

ტრემლი ახრჩობდა კლიმენტის, იცნობდა თითოეულ მკვდარს,  
ყოველი მათგანის დაკრძალვას ესწრებოდა.

აი, მაიორი, რომელიც აოცებდა მოხუცს თავისი ღიმილით. აი-  
ტაცა მაიორის ნეშტი და ნავში ჩადო. მკვდრები ისე საღი ჩანდნენ,  
თითქოს გუშინდელი დამარხულები ყოფილიყვნენ. მოხუცები მიხ-  
ვდნენ, რომ მარილიანი ზღვის წყლით გაყლენთილმა მიწამ შეინახა  
ისინი ასე უვნებლად.

— ვიჭერდით, ვღებდით ნავში, გამოგვქონდა ნაპირზე და ვა-  
წყობდით შუქურის ძირას, მაგრამ ვგრძნობდით, რომ მარტო ვე-  
რას გავაწყობდით ბუნების სტიქიასთან, ეს ჩვენს ძალ-ღონეს აღე-  
მატებოდა. ამხელა სასაფლაო და ჩვენ, ორი უბადრუკი, მწუხარე-  
ბით მოტეხილი მოხუცი. ზღვა კი არ ისვენებდა, უფრო და უფრო  
ღრმად იჭრებოდა ნაპირზე და ახალ საფლავებს იტაცებდა...

— ზღვა თუ მოენატრათ მატროსებს. ვაი, ჩვენი ბრალი! —  
თვალტრემლიანი, ნერვიული დაძაბულობით აკანკალებული, ჰყვე-  
ბოდა კლიმენტი.

ამ დროს თურმე სანაპიროს დაცვის პროექტორმა გაანათა ზღვა და სასაფლაო, მოხუცებმა დაინახეს დაღუპული მეომრები. ახლა ისინი მეორედ იღუპებოდნენ.

დამენიამ საჩქაროდ გაიხადა და ზღვაში შევიდა. ქორქია ისე გააოცა ამხანაგის საქციელმა, დაძახებაც კი ვერ მოახერხა, იფიქრა, გაგიჟდაო. მაგრამ არ გასულა რამდენიმე წუთი და თვითონაც მიბაძა მეგობარს. პროექტორისტმა, როგორც ჩანს, შეამჩნია ისინი და აღარ აშორებდა მათ შუქს.

მოხუცები ნავში ასვენებდნენ მიცვალებულებს, გამოჰქონდათ ნაპირზე, ცლიდნენ ნავებს, კვლავ იჭერდნენ გვამებს და კვლავ ნაპირზე გამოჰქონდათ.

ღონე ელეოდათ, აღარც ფეხი ემორჩილებოდათ, აღარც ხელი, სიცივისაგან გაითოშნენ, საძრაობა დაკარგეს, მაგრამ მაინც არ ჰყრიდნენ ფარ-ხმალს. კლიმენტიმ ხელი სტაცა ფარანს, სახლის სახურავზე ავიდა და დაიწყო „SOS“-ის სიგნალების მიცემა. სიგნალს სანაპირო დაცვის კატარღას აძლევდა. კატარღა სასაფლაოსკენ წამოვიდა, ჯიქურ მოაპობდა მძვინვარე ტალღებს.

კატარღიდან იკითხეს: რა მოხდაო?

კლიმენტიმ ძლივს გაიხსენა ზღვის კოდი და ფარნის შუქით გადასცა კატარღას სასაფლაოზე მომხდარი უბედურების ამბავი. ქორქიაც არ იჯდა გულხელდაკრეფილი, კოდის ნიშნებს კარნახობდა კლიმენტის.

— ხომ არ გაგიჟდი, მოხუცო! — უპასუხეს კატარღიდან. მკვდრებისთვის სადა გვცალია, ტრაულერის დასახმარებლად მივდივართო.

რადას იზამდა კლიმენტი! რასაკვირველია, პირველ რიგში ტრაულერი უნდა გადაერჩინათ. მოხუცი ძველ შუქურაზე ავიდა. გაკვირვებისაგან სახტად დარჩა. იქ ქორქია დახვდა. პროექტორის აწესრიგებდა. როგორც კი პროექტორი აინთო, კლიმენტიმ ბერკეტს ხელი სტაცა, ტრიალი დაუწყო — პროექტორი ძლიერ შუქს ჰფენდა ზღვას.

მალე სახანძრო რაზმი მოვარდა სასაფლაოზე, მეხანძრეები გადმოხტნენ მანქანიდან. მეთაური კლიმენტისთან მიიჭრა:

— აბა, გვიჩვენე, გვიჩვენე, მოხუცო, რა გავაკეთოთ!..

მეორე დღის შუადღისათვის ზღვა დაწყნარდა.

ქალაქის ხელისუფლებამ და საზღვაო-სამხედრო ნაწილმა სა-



საფლავს გალავანი შემოარტყეს. მოიტანეს სახლის ოდენა ქვები და სასაფლაო წყლისაგან გადაღობეს. მიწა რომ გაშრა, მიცვალებულთა დამარხვას შეუდგნენ. მოხუცებმა თითქმის ყველა მიცვალებული იცნეს, ამან გააადვილა საფლავის ქვაზე გვარების დაწერა.

სამოქალაქო პანაშვიდზე და დასაფლავებაზე დიდძალი ხალხი მოვიდა, მოვიდნენ პიონერები, მოწაფეები, სტუდენტები, უკრავდა სასულე ორკესტრი. მეორედ მარხავდნენ გმირებს.

— როგორ უყვარდა საბრალს ზღვა! — წყნარად ვთქვი და თვალწინ დამიდგა ჩემი მეგობარი.

სიჩუმე ჩამოვარდა. არაფრის თქმა არ შეიძლებოდა მოხუცის ნაამბობის შემდეგ. მასპინძლებს გამოვემშვიდობეთ და ტრაულერზე ავედით.

პატარა გემს, რომელმაც ჩვენ აქ მოგვიყვანა, „შოთა რუსთაველი“ ერქვა.

კაპიტანმა ბრძანება გასცა, დაღუპულ მეზღვაურთა ხსოვნის აღსანიშნავად, ზალპი მიეცათ. მატროსები მწყობრში ჩადგნენ და ბრძანების თანახმად ათჯერ გაისროლეს ჰაერში.

გამომშვიდობებისას კლიმენტის ცრემლი ჩამოუგორდა დანაკლებულ ლოყაზე. ჩვენ რომ არ დაგვენახა, მოხუცმა სწრაფად მოიწმინდა კურცხალი დაკოყრილი, ბებრული ხელით...

## მოგზაურობა აფხაზში

დილაადრიან გავემგზავრეთ ტეხურის საბჭოთა მეურნეობაში, საზღვაო-სამხედრო სასაფლაოზე ყოფნის შემდეგ ძალიან ცუდ გუნებაზე ვიყავი. არ ვიცი, რამდენ ხანს ვიარეთ, აქეთ-იქით არც ვიყურებოდით.

— ტეხურის საბჭოთა მეურნეობის ტერიტორიაზე შევდივართ, — მითხრა იურიმ, — მაგრამ მეურნეობის კანტორამდე კიდევ კარგი ძალი სავალია.

ეკვალიპტების ხეივნი მივდიოდით, სუფრასავით სწორ, მოასფალტებულ გზატკეცილზე, რომელიც უფრო ავტოსტრადას ჰგავდა; ყვავილების, ხეების, მცენარეების საამო, შესანიშნავი სუნი იდგა. სადღაც ჩიტი გალობდა. იურის ვთხოვე, ნელა ევლო. მან

ირონიულად გააქნია თავი, ჩაიღიმა და მანქანის სვლა შეანელა. აი რას მეტყველებდა მისი ღიმილი: „უცნაური ხალხია ეს ურუნა-ლისტები, აბა რა დაინახა აქ ისეთი! ევკალიპტები, ბამბუკი, ჩაი, ციტრუსები... მთელი კოლხეთი ასეთი არ არის? შოფერი ასე ოც-დაერთი-ოცდაორი წლის იქნებოდა და, რა თქმა უნდა, უჭირდა იმის წარმოდგენა, რომ ოდესღაც ეს ადგილები გაუვალი ჭაობითა და ტყით იყო დაფარული. აქ იმალებოდა მაცი ხვითა და ათავისუფლებდა სამეგრელოს თავადაზნაურებისაგან თურქ ვაჭრებზე გაყიდულ ყმებს. ის ჭაობები მაშინ მათი მხსნელი იყო.

რიგ-რიგობით გვხვდებოდა გზაში სიმინდის, ციტრუსების, ჩაის მინდვრები. პლანტაციებს ოთხივე მხარეს ქარებისაგან იცავენ ალვის ხეები და ევკალიპტები. ისევ ბეჩო მომაგონდა, ნახატები ღუქნის კედლებზე. როგორ ჰგავდა მაშინდელი მისი ნახატები ზღაპარს, ოცნებას! ბეჩოს ფრესკებმა ოცდაათი წლის შემდეგ შეისხეს ფრთები.

იურიმ სიმღერა წამოიწყო: «Листья летят, наверно снится им весна». ალბათ არ არის ნელ სვლას ჩვეული, ამიტომ დაიწყო სიმღერა. ეს რუსი ყმაწვილი აქ დაიბადა და გაიზარდა, ამიტომ ყველას იცნობს ზუგდიდიდან დაწყებული, ცხაკაიათი და ფოთით დამთავრებული. თავის თავს ჩემს გიდად თვლის და საკმაოდ კარგად მიხსნის ყველაფერს, რასაც შევეკითხები. თავი სერიოზულად უჭირავს, ასე მგონია რაიონული გაზეთის მოწინავეს ვკითხულობ, ისე აქვს გაზეპირებული პასუხები ჩემს გიდას.

— შეხედეთ, — მეუბნება იური, — პლანტაციები გარშემორტყმულია ქარსაცავი ხეებით. დააკვირდით, აქ ხეების სამი რიგია: ალვის ხეები, ცაცხვის და ისევ ალვის. სამივე რიგი საიმედოდ იცავს პლანტაციას. რიონის ხეობიდან ძლიერი ქარები მოვარდება ხოლმე.

— შენ ნამდვილი აგრონომივით ლაპარაკობ, იური!

— სხვაგვარად არც შეიძლება — თავმომწონედ მომიგო მან, — შემოდგომაზე სასოფლო-სამეურნეო ინსტიტუტში ვაპირებ შესვლას. — ისე თქვა ეს სიტყვები, თიოქოს დარწმუნებული იყო, რომ აუცილებლად ჩააბარებდა გამოცდებს.

უცებ დაამუხრუჭა მანქანა. კინალამ წინ წავეარდი და თავით დავეტაკე სარკმელს. გაოცებულმა შევხედე იურის, მან კი გზისკენ მიმითითა: მანქანის წინ ტანმორჩილი დედაბერი იდგა, ხელში

უშნოდ გამოჩორკნილი ჯოხი ეჭირა. დავაკვირდი. თვალს არ ვუჭერებდი. ჩემი ძველი ნაცნობი, სოფელ ჭვარის კოლმეურნე, ასოც-დაოთხი წლის საქებარ მარგია იყო.

— გამარჯობათ, საქებარ, საიდან სად?

საქებარმა ხელით შუბლი მოიჩრდილა, თვალი მოქუტა, ცნობისმოყვარეობით ამაივალ-ჩამათვალეირა. მანქანიდან გადმოვედი და ორივე ხელი გავუწოდე მოხუცს.

— აა, შენა ხარ, შვილო, — გაუხარდა საქებარს და ბექტგბზე თავისი გამხმარი, ძარღვებიანი ხელი მომიცაცუნა — აი, ხომ ხედავ, ისევე შევხვდით ერთმანეთს, ვიწროა ქვეყანა, ჩემო შვილო. ჭვარიდან მოვდივარ სტუმრად ჩემს საყვარელ დორაოესთან.

— თქვენი ნათესავია თუ?

— ამ ქვეყნად ჩვენ ყველანი ნათესავები ვართ... იმ ქვეყნისა კი რა მოგახსენოთ...

— კი მაგრამ, ნუთუ ფეხით...

— ჩემი ფეხები ამ მანქანის ბორბლებსა ჰგავს. ჰო. ფეხით მოვდივარ, ამიტომ ვცხოვრობ ამ ქვეყანაზე ასე დიღხანს. გზაში თუ ძალიან დავიდალე, კეთილი შოფრების მეტი რაა. აი, ასეთი კეთილი ბიჭები, როგორც შენი შოფერია, ყველა მიცნობს, გააჩერებენ მანქანას და ცოტას ქე გამატერებენ სოფლიდან სოფლამდე...

ჩემს გაცემას საზღვარი არ ჰქონდა ვერ წარმომედგინა, რომ ამ ხნის ქალი ასე იოლად გამოივლიდა ამოდენა გზას.

— ძალიან გამიხარდა, შვილო, შენი ნახვა, — მითხრა საქებარმა, როცა ჩაჯდომაში ვეხმარებოდი, — წავიკითხე შენი დაწერილი წიგნი ჩემზე... ღმერთო ჩემო, რატომ შექუხდით ასე, — მოულოდნელად თქვენობით დამიწყო ლაპარაკი. — ამდენი ქება გამიგონია, შე კაი კაცო, არ ვარგა, არა! კიდევ კარგი, რომ ოცი წლისა არა ვარ, თორემ თავბრუ დამეხვეოდა... ისე კი ახალგაზრდები უნდა აქო, შვილო, ეს ერთგვარი წაქეზება იქნება მათთვის. აბა, მე რათ მინდა ქება. თუ ღმერთთან მატან ამ ქებას, ჰო, სწორი ხარ, შეიძლება არც მიმიღოს იმ დალოცვილმა, მითხრას, ამდენ ხანს სად დაეხეტებოდი, დროზე ვერ მოხვედიო!

შოფერს სიცილი აუტყდა (იურიმ მშობლიურ ენასავით იცოდა ქართული).

— რა გაცინებს, ბიჭო, ტყუილს ვამბობ თუ?

— დაუტატახა იურას საქებარმა და ისევე მე მომიბრუნდა:

— დოროთესთან მილიხარ? ალბათ გაზეთში უნდა გაწერო. დაწერე, შვილო, დაწერე, ოღონდ კარგად დაწერე, დოროთე ნამდვილი მშრომელი და ბრძენი კაცია ხომ ხედავ, რა სამოთხე აგვიშენა ამ ოდესღაც გაუვალში? ტყუილად ხომ არ მისცეს გმირობა, აბა ჩემისთანა მომუშავე ვის რად უნდა.

— კიდევ მუშაობთ, ბებია საქებარ!

— რას მიქვია კიდევ? აბა, პურს შენ მაჭმევ? მაგისთანა რამე აღარ გამაგონო! როგორ თუ არ ვმუშაობ! ყოველ წელიწადს ვკრეფ ჩაის!.. ვიცი, ყოველ წელიწადს სულ უფრო ნაკლებს ვკრეფ, მაგრამ რას იზამ, ვებრდები... ეჰ, რა არ გადამხდენია, რა არ მინახავს, რა არ განმიცდია!

— მაცი ხვითია თუ გახსოვს, საქებარ?

— მაციც მახსოვს, ეკა ჭავჭავაძე ოსურპატონიც და უტუ მიქავაც... მოვწონდი მე იმ ყაჩაღს.

იურის ისევ ჩაეცინა უღვაშებში, მაგრამ მე შეეუბღვირე და სახე მოგვარიდა.

— ო, რა ვაჟკაცი იყო ორივე, მაციც და უტუც. უტუ დინჯი იყო, წერა-კითხვა იცოდა, ბრძენს ვუწოდებდით... მაცი კი, ვო მაცი.. აჰ, ამ ჭაობებში ისე გაძვრებ-გამოძვრებოდა, რომ... შიშის ზარს სცემდა თურქებს და ჩვენს ბატონებს...

საქებარი გაჩუმდა, ფიქრებმა წაიღო, ალბათ ასი წლის წარსულს იგონებდა, როდესაც გრძელწინაწინავე ცუგრუმელა გოგოს უტუ მიქავა ეტრფოდა და ვინ უწყის, კიდევ რა იყო ასი წლის წინათ.

— ერთი წელია, რაც აქ არ ვყოფილვარ, — ისევ დაიწყო საქებარმა, — და შეხედე, რამდენი რამე გაუკეთებია ამ დალოცვილ დოროთეს... აფერუმ, მე და ჩემმა ღმერთმა, აფერუმ, დოროთე. ასეა, როცა ადამიანს შრომა უყვარს! შეხედე, შეხედე, დიდუ, დიდუ, ამას რას ვხედავ, ნანაია მარჯა! — იცინოდა საქებარი. — შეხედეთ, დოროთეს ტრაქტორი მიჰყავს, ტრაქტორი!

მეგონა, მოხუცს ეჩვენება-მეთქი, მაგრამ არა, როგორც იურამ დამიმოწმა, დოროთე შამათავა, სოციალისტური შრომის გმირი, მეცნიერებათა კანდიდატი და ამ მეურნეობის დირექტორი მართლა იჯდა ტრაქტორის საჭესთან.

— ვო, დოროთე, ბიჭო, ჩამოდი მაგ ეშმაკის კერძიდან, დირექტორს არ ეკადრება... შეხედე, რა სტუმრები მოგიყვანე!..

არ ვიცი, გაიგონა თუ არა შამათავამ დედაბრის ძახილი, მაგრამ ტრაქტორი გაჩერდა, კაბინიდან ოცი წლის ბიჭივით გადმოხტა ქერა, ჯმუხი, შუახნის ვაჟკაცი და ჩქარი ნაბიჯით გამოემართა ჩვენსკენ.

— კეთილი იყოს თქვენი მობრძანება! — მომესალმა დოროთე შამათავა. მან უკვე იცოდა ჩემი ჩამოსვლის ამბავი.

— ოო, საქებარ, როგორ მასიამოვნე, ასეთი სტუმარი რომ მოიყვანე. შენც ხომ მოსკოვიდან არ მოჰყვები! — გაეხუმრა მოხუცს, მერე, თითქოს ჩვენს წინ თავს იმართლებსო, მოიბოდიშა: — ჩვენს ტრაქტორისტს ვაჟი შეეძინა და როგორ არ გამეშვა სოფელში. სხვა ტრაქტორისტებს საქმე ყელამდე აქვთ და ვიფიქრე, ცოტას წავიმუშავებ-მეთქი; ახალგაზრდობა გავიხსენე.

— მგონი, ხელი შეგიშალეთ...

— რასა ბრძანებთ, ერთი საათის სამუშაო დარჩა, სადილის შემდეგ მოვათავებ. წამობრძანდით, ბატონო.

არა, კოლხეთიდან ლეგენდარულ არგონავტებს ოქროს ვერძი არ მოუტაცნიათ. აქ ახლა ახალი ლეგენდა იქმნება და ამ ლეგენდას შრომის ადამიანები ქმნიან.



ეს იყო 1942 წლის დეკემბერში. ფაშისტი მტაცებლები კავკასიონთან მოსულიყვნენ. ბრძოლები მიმდინარეობდა სვანეთის მისადგომებთან. თბილისი თავდაცვისათვის ემზადებოდა, ყველა, დიდი თუ პატარა, მობილიზებული იყო ამ საქმისათვის.

მოქანცული ვიჯექი შტაბში და ვიგონებდი წარსულის დღეებს. დიდი ხანია არ მომდიოდა სამკუთხა წერილები ფრონტიდან. დუმდნენ ჩემი საუკეთესო მეგობრები. კოლია პროტოპოპოვი თავისი თვითმფრინავით დაჰქროდა შავი ზღვის სანაპიროებზე და შიშის ზარს სცემდა მტერს. სამხედრო ექიმი, მწვლავური კონსტანტინე რაუზე ომობდა და ჰკურნავდა მატროსებს ბალტ-ფლოტის კრეისერზე; კაკო ბოხუა იცავდა ლენინგრადს, რომელიც ომის დაწყების დღიდან მისი მშობლიური ქალაქი გახდა. ყველაზე უმცროსი მეგობრის, პოეტ მირზა გელოვანის შესახებ კი მე დიდი ხანია არაფერი ვიცოდი... ჯერ კიდევ 1939 წელს ჯარში გაწვეული, იგი მონაწილეობდა თეთრფინელთა წინააღმდეგ ბრძოლებში. ამ ხნის განმავლობაში მას არ შეუწყვეტია ჩემთან მიწერ-მოწერა, მაგრამ სამამულო ომის დაწყების შემდეგ, არც ერთი წერილი არ მიმიღია მისგან. არ ვიცოდი რა ბედი ეწია.

ფიქრებმა გადამისროლა ჩემს მშობლიურ ქალაქ სოხუმში... მომაგონდა მირზა გელოვანთან განუწყვეტელი კამათი ლიტერატურაზე, პოეზიაზე, სიყვარულზე, ადამიანის დანიშნულებაზე.

განსაკუთრებით მაგონდებოდა ნავით გასეირნება მაისის ერთ საღამოს: ვკითხულობდით ლექსებს... ზღვა იყო წყნარი, მთვარის შუქით განათებული. მირზა კითხულობდა თავის ახალ ლექსებს, იგი პოეტად იყო დაბადებული და არც ერთი წუთით, არც ერთი წამით არ ავიწყდებოდა პოეზია. რამდენი ალტაცება, წმინდა ოც-

ნება, რაოდენი სიყვარული იყო ამ რომანტიკულ ქაბუქში! იგი გაოცებულ ბავშვს ჰგავდა: უბრალო, გულწრფელი, თავაზიანი. ლურჯი, მუდამ ანთებული თვალები ჰქონდა. ბუნების ნამდვილი შვილი, შეურიგებელი რაინდი იყო ცხოვრების ყოველგვარ უკუღმართობასთან, უწმინდურებასთან.

ნავიდან მისჩერებოდა მთებს, გალუღაუებულ ქალაქს და მიზიარებდა თავის გულისნადებს:

— რა საოცარია ცხოვრება, კოლია, შეხედე რა უცნაურია ეს ღამე, ეს ქალაქი, რამდენი პოეზიაა ირგვლივ და მე ზოგჯერ ჯავრი მომდის, ასე მგონია, ცრემლები წამსკდება თვალებიდან, რადგან უძლურებას ვგრძნობ ყოველივე ამის გამოსახატავად. აბა, როგორ მოვათავსო მთელი ეს დიდებულება ლექსის სტრიქონებში?... ვერ მიმიგნია ნამდვილი პოეტური მწვერვალებისათვის. შევძლებ კი მივალწიო?... ასე მგონია, ვდგავარ შემოქმედების მწვერვალის წინ უძლური, უსუსური... და მაინც უდრეკი ალბინისტივით არ ვეშვები ჩემს მიზანს — უნდა დავიპყრო მწვერვალი... მაგრამ ვაი, თუ... — ის კარგა ხანს დუმდა და შემდეგ განაგრძო:

— გახსოვს ანდრეი ბელი?

«Золотому блеску верил,  
А умер от солнечных стрел,  
Душой века пзмерил,  
А жизнь прожить не сумел!...»

ვაი, თუ მეც ასე მომივიდეს!..

ტელეფონის ზარმა გამომარკვია მოგონებიდან. მადლობა ღმერთს, როგორც იქნა, ამუშავდა ტელეფონი... ვტაცე ხელი მილს და ძლივს გავიგონე ცოლის შორეული ხმა: „ჩქარა მოდი, სახლში სიურპრიზი გელოდება, ნუ დააყოვნებ! იჩქარე, დღესვე მიემგზავრება...“

„ვინ მიდისო, რა სიურპრიზი, რას მეუბნებოდა?...“ იმ წუთშივე გამოვვარდი შენობიდან და ერთ საათში ფეხით გავიარე ხუთი კილომეტრი. ძლივს მივალწიე სახლამდე. კარებში მიცდიდა ცოლი, სახეგაბრწყინებული, ილიმებოდა. მან ფართოდ გამიღო კარი და მითხრა: „აბა, შეხედე, ვინ გელოდება!“ ოთახის შუაგულში იდგა საზღვაო ოფიცრის ფორმაში გამოწყობილი კონსტანტინე რაუზე!.. საკუთარ თვალებს არ ვუჭერებდი. მხურვალედ გადავიხვებო ერთმანეთს.

კოსტიას ეჩქარებოდა, ღამის ათ საათზე გადიოდა მატარებელი შავი ზღვის სანაპიროსაკენ. იგი ბალტიკიდან მოდიოდა. მისი გემის დაღუპვის შემდეგ სამხრეთის ფრონტზე გადაისროლეს. ორი თვის განმავლობაში მოდიოდა ალყაშემორტყმულ ლენინგრადიდან და პარტიზანებისა და ბელორუსიის ფრონტის სამხედრო ნაწილების დახმარებით, თავის ამხანაგებთან ერთად, ჩამოაღწია საქართველომდე.

ჩვენ ვიჭექით და ვდუმდით, არ ვიცოდით, რაზე გველაპარაკა, იმდენი გვექონდა სალაპარაკო და იმდენად მოულოდნელი იყო ჩვენი შეხვედრა, ამ შეხვედრით გამოწვეული სიხარული. შემდეგ კოსტიამ შეიხსნა კიტელი, გულის ჯიბიდან კარგა მოზრდილი პაკეტი ამოიღო და გამომიწოდა. ჩუმად გავხსენი წერილი და გაოცებისგან ენა დამება, ეს იყო ჩემი მეგობრის, მირზა გელოვანის ცამეტი ლექსი, ფანქრით მწყობრად დაწერილი.

— მშვენიერი ლექსებია... — როგორ ვწუხვარ, რომ აქამდე არ ვიცოდი. რა შესანიშნავი პოეტი ყოფილა გელოვანი!

— წერილი არ გამოუგზავნია? — ვკითხე მე.

— ვერ მოასწრო, მთხოვა სიტყვიერად გადმომეცა, რომ ამ დღეებში მოგწერს. — კოსტიამ მომცა მისი საველე ფოსტის ნომერი. შემდეგ დახედა საათს და როცა დარწმუნდა, რომ ცოტაოდენი დრო კიდევ დარჩა, მთხოვა მეთარგმნა მისთვის ლექსი. გაისმა მწუხარე და შურისძიებით აღსავსე სტრიქონები:

„ტყვიები, სისხლი, დაქრილის ბოდვა

სხვა მოგონებებს, არ დამანებებს.

როგორ სციოლქათ, როგორ სციოდათ,

როგორ სციოდათ შემოღამებებს.

ჩვენ შორის გაწყდა გზები, თუ აზრი,

და როგორც სუნთქვა თრთოლვით ვათავდა,

და ყინვა ფინურ დანაზე ბასრი

ლენინგრადისკენ გზას გვიკაფავდა.

და როცა რკინა ტყვიამ დაძენდა,

როცა დაუშვეს ფრთები ანჭებმა,

საძმო საფლავში იწექ ნაძვებთან,

ვერ ესწრებოდი ჩვენს გამარჯვებას.

ხტგან ნახმლევი და ნატყვიარი

და მე მესმოდა ქარის შრიალი,

სწორებთან სდუმდი, გიძმეს სწორებმა.

როგორც შენი ხმის განმეორება“.



წუთით გრძელდებოდა დუმილი. შემდეგ კოსტიამ ასწია თავი და ცრემლნარევი ხმით წარმოსთქვა:

—ჰო, მან მიაშობო, როგორ დაიღუპა მისი იაროსლაველი მეგობარი ფრონტზე, — კოსტიამ ამოიოხრა, — ამ ლექსების შემდეგ მე ის შემეყვარდა, როგორც მკვიდრი ძმა, როგორც ნამდვილი მეგობარი... აბა, კარგად დაუფიქრდი, ირგვლივ მხოლოდ ცეცხლი და სიკვდილია, იგი კი იბრძვის კიდეც და ასეთ ლექსებსაც წერს!.. როგორი ვაჟკაცი უნდა იყოს ადამიანი, რა გამძლე და გამარჯვებაში დარწმუნებული...

კოსტია მართალი იყო, ლექსები ნამდვილად დაწერილი იყო პოეტის „საკუთარი ნერვების წვენითა და საკუთარი გულის სისხლით“.

• • •

მე გავაცილე კოსტია. ჩვენ უსიტყვოდ დავემშვიდობეთ ერთმანეთს, ან რაზე უნდა გველაპარაკა იმ საშინელ წუთებში? მხოლოდ გამომშვიდობებისას კოსტიამ ჩვეული მხნეობით მითხრა: — დამთავრდება ომი, კვლავ შევიკრიბებით და წავიკითხავთ ლექსებს.

ომი დამთავრდა... მაგრამ აღარ დაბრუნებულან: კოსტია რაუზე, მირზა გელოვანი, ნიკოლოზ პროტოპოპოვი, კაკო ბოხუა...

კოსტია რაუზესთან შეხვედრის შემდეგ მირზასაგან წერილი მივიღე 1942 წლის 24 დეკემბრით დათარიღებული.

„ძნაო კოლია!

ზამთარი მოვიდა ჩრდილოეთიდან. შეეთერთდნენ, შელამაზდნენ მწვანე ნაძვის ხეები. უხილავი ხელი სათუთად სწყვეტს თოვლის ფიფქებს და ისვრის სწორედ ისე, როგორც მე მჩვეოდა ხრიზანტემების ფურცვლა. როგორ მიყვარდა თეთრი ხრიზანტემები და ყვითელი დღეები შემოდგომისა!.. ხშირად, ტყეს აყოლილი ეუცდიდი შელამებას, რომ მეტკირა ულამაზეს სანახაობისათვის — მთები რომ ბაცდებიან მზის სხივებდასრეტილნი, იხვევენ ზეწარს არგამკვირვალეს. ბინდი იწყება ხის ფესვებიდან, თითქოს მიწიდან ამოდის ბინდი, შეჰყვება სიმაღლეს, როგორც უსურვაზი, როგორც ფიქრი მძიმე და ბნელი, და ტოტების ქვეშ შაშვები ჭახჭახებენ, ტირიან შელამებას.

მიყვარდა მთები. ჩემი ბავშვობის ლამაზ ოცნებას, როგორღაც თავისებურად ეწვივნენ ისინი... მომენატრებოდა — გამომეტანა ტკბილი ტკივილი მთებიდან განწორებისა... ტფილისის ქუჩებში მოხეტიალეს მაწუხებდა განცდა მთის და გაურკვეველის, მაგრამ ეს არ იყო ის, ახლა რომ განვიცდი.

მეგობრები, სიყვარული და მშვიდი ნათელი პოეზიისა მიქარვებდა უსახო ნაკლს ჩემი სულისას. ოღონდ ესაა: არასოდეს მეგონა, თუ ასე ძვირფასნი იყავით: მოხუცი, კბილებქანგიანი მთები და თქვენ, ჩემი მეგობრები.

ახლა განსაცდელი მოადგათ მათ, ჩემს მოხუცებს. ზოგჯერ წარმოვიდგენ: ჩემი ორეული დადის მთებში და მას ჩალათინის ქალამნებიან ბიჟს ელის განსაცდელი: მტერი მოსდგომია კავკასიონის მთებს და ცდილობს მოხაროს ცადასული თეთრი მწვერვალები... მოხაროს ისინი და დასცინოს სისპეტაკეს მათსას.

მე მოხუცი დედა მყავს მთებში. ის ალერსით მზრდიდა მომავალ მშენებელსა და მეომარს. ის ომში წასულს მიმზადებდა თბილ ხელთათმანებს — მაღალ დაღესტანში, თუშეთში, მლიან სამეგრელოში. ის ყოველდღე, ყოველდამე ფიქრობს ჩემზე და მტრის განადგურებაზე. ყველა სახლში, ყველა ოდაში ლოცულობს ჩემი ჯანმრთელობისათვის. ის დასცქერის ნაპირებ-მოსირმულ არაგვს და მიგონებს მე — ხელმოუტარავ მეთევზეს. ის შესცქერის თოვლით შეთეთრებულ მთებს და მიგონებს უებრო მონადირეს... მუშაობენ, ირჩებიან გოგონები და მისი დამქვნარი ბაგეები ჩურჩულებენ ჩემს სახელს: მეძახიან საამაყო მუშასა და ქალების საფიცარს.

დედაჩემი საფრთხეშია!.. მტერი მოსდგომია კავკასიონის მთებს.

სატრფო მელოდება მთებში... ჩემი სიყვარული მელოდება. ის, ეშხიანი მუშაობს ჩემს მაგიერ. დაკორძდნენ მისი ნაზი ხელები. ის იმედით მელოდება და უნდა მნახოს გამარჯვებული, სახემოციანარი. ის სიჩუმეში ჩურჩულებს ჩემს ამაყ სახელს და მელოდება... სიყვარული მელოდება მთაში.

მტერი მოსდგომია კავკასიონის მთებს. ასეული წლების წინათ, ომით მობრუნებული ჩემი გმირი წინაპარი აშენებდა ვარძიას, სიონს. მცხეთას, ალავერდს. მაღალ მთაზედ ზურგით აჰქონდა მძიმე ლოდები და ჰქმნიდა ტაძრებს კედლებმოხატულს. ის იჭდა ამ ტაძრებში. სწერდა „ვეფხისტყაოსანს“, „სიბრძნე სიცრუისას“. სწერდა, აშენებდა, ჰქმნიდა და მე მიტოვებდა საამაყოდ.

პაპიჩემის სახლი, პაპიჩემის ნაამაგარი საფრთხეშია ახლა. მტერი მოსდგომია კავკასიონის მთებს...

მაგრამ, როგორ შეიძლება ყაზბეგის მოხრა?!..

პირდაპირია იგი ჯა სპეტაკი, ცადმართული, ის იწყება თეთრი მწვერვალებიდან და მიწიერმა ვერ მოხაროს მისი ხერხემალი...

აი, როგორი ფიქრები არ მაძლევენ მოსვენებას, ჩემო ძმაო... შენ როგორა ხარ? მომიკითხე ღორა, დამიკოცნე პატარა ლალი. გიგზავნი ჩემს უკანასკნელ ლექსს. შენი მირზა“.

წავიკითხე ლექსი და ცრემლი მომერია. ეს იყო მირზა გელოვანის დღეს ყველასათვის ცნობილი ლექსი „სახეში გვათოვს, მტერი არა ჩანს“... არ გასულა რამდენიმე დღე, რომ ამ წერილს მეორეც მოჰყვა 1942 წლის 30 დეკემბრით დათარიღებული, სწორედ ახალი წლის წინადღეებში:

„სალამი, ძმაო კოლია! ვზივარ სანგარში და ვწერ წერილს. სიცივესაც კი არ ვგრძნობ, და, საზოგადოდ, არაფერს არ ვგრძნობ... წარსული წლის შემოდგომაზედ ჩვენი ნაწილები უკან იხედვდნენ... და აი: მალოიაროსლავეცში გავლისას მე ვნახე: ყუმბარის ძალას მავთულებზედ შეეგდო კაცი. კაცი ეკიდა მავთულებზედ და არავის მოსდიოდა აზრად ჩამოეხსნა, მიწაზე დაედო მისი ჰაერში ნაწამები, ჰაერში გაციებული გვამი. პისტოლეტის მესამე გასროლით გავწყვიტე ერთი მავთული და ის ჩამოვარდა!...

და მოვდიოდით უკან — მოსკოვისაკენ... მოვდიოდით თავჩალუნულნი, გააფთრებულნი. ყველა ჩვენთაგანის თვალებში იჭდა მრისხანება და თავმოყვარეობის ძალაუნებური შელახვა. ჩვენ მოვდიოდით, მაგრამ ეს არ იყო ბრძოლიდან გაქცევა — გატეხილის, დამარცხებულის... ეს იყო უკან დახევა ვეფხვის, რომელიც ემზადება ნახტომისათვის.

და როცა ვუცქეროდი მათ, ჩემს მილიონ ამხანაგებს და თანამებრძოლებს, თვალებს, რომელთა მრისხანე ალიც ამბობდა უდიდეს რწმენაზედ — გამარჯვებაზედ, ჩვენს უახლოეს გამარჯვებაზედ, მე მაწვებოდა სურვილი მთელი ქვეყნის გასაგონად მეყვირა:

— Берегись Европа!..

ერთ ნისლიან ცივ დღეს, როცა პირველი თოვლის ფიფქები ძლივს შიარღვევდნენ უმძიმეს ჰაერს, მე შევხვდი ხარკოველ ნაცნობ კაპიტანს, პავლენკოს. ის ამოვიდა ტანკიდან, შემნიშნა:

— როგორ ცხოვრობ გელოვანო?!...

— ისე... როგორც ყველანი!...

მე ნაწყენი ხმა მქონდა:

ის იღიმება... მიკვირს ეს ღიმილი. მისი ფართო მხრები რატომ-  
ღაც ირხევიან. მხარზე ხელს მარტყამს, თითქმის ჩურჩულით ამ-  
ბობს:

— არაფერია. ცოტა მოიცადე და, ნახავ!

ნისლიანი დღე თოვლს ცრიდა და მისი კოლონა ეფარებოდა მო-  
სახვევს. გრუხუნებდნენ, გუგუნებდნენ ფოლადის ტანკები და უფ-  
რო მეტის დაჯერებით იჭრებოდა ჩემს გულში ეს ფოლადის ხმა-  
ური, როგორც გამარჯვების მაუწყებელი, დამაჯერებელი ხმა.

მოსკოვი, ქალაქი — გული საბჭოთა ქვეყნის. ყველა მოსას-  
ვლელში ვთხრიდით სანგრებს, ვაშენებდით ბლინდაეებს, ვნაღმავ-  
დით მინდვრებს. აქა-იქ სახლის სახურავებზედ შენიღბული საზე-  
ნიტო ტყვიამფრქვევები. ამდგარიყო ეს უშველებელი ქალაქი და  
ემზადებოდა თავდაცვისათვის.

და მე მერგო წილად ვყოფილიყავი ამ ქალაქის დაცვის მონაწი-  
ლე და მეომარი. მე მერგო წილად მშვენიერი ხვედრი მებრძოლისა  
და საბჭოთა მოქალაქის. მტერი ძალიან ახლოს იყო. ლენინგრადის  
შოსეზედ; თითქმის ხიმკამდის მიადწია მტერმა და აქ, მოსკოვის  
კარიბჭესთან აიმართა ჩვენი მრისხანე თავგანწირვა, როგორც არ-  
დანებების გარდაუვალი კედელი. და შეერთა მტერი, გაბრუნდა  
დასავლეთით. უწესრიგოდ მიჰყვებოდა დასავალს და ჩვენ მივდევ-  
დით მას, როგორც ნადირს დაჭრილსა და გაცოფებულს.

ღიმიტროვის, ვოლოკლამსკის, სერპუხოვის, ვარშავის, მინსკის  
გზებზე — მოსკოვიდან კვლავ გაიღვეს ჩვენი ცხენების ფოლადის  
ნალებმა. კვლავ ვიპოვეთ ჩვენი შემტევი ხმა და გაზაფხულამდის  
ყოველ მეტრზედ ეწყვნენ ისინი — საბჭოთა მიწის დასაპყრობად  
მოსული გადამთიელები. ეწყვნენ ისინი და მათი ცივი თვალების  
უაზრო მზერას მე ვპასუხობდი: — ასე თხოულობს ჩვენი დანგრე-  
ული ქალაქების, დამწვარი სოფლების სიჩუმე“.

...მოვიდა 1943 წლის გაზაფხული. გარდატეხის გაზაფხული.  
მირზა რეგულარულად მიგზავნიდა წერილებს და ლექსებს. აი, რას  
მწერდა 1943 წლის მაისში ლეიტენანტი მირზა გელოვანი:

„ძნაო კოლია! მე დღეს მომაგონდა შენი საყვარელი აფხაზური  
ანდაზა, რომ „მეგობრობას, როგორც ხანჯალს, ორი ბასრი აქვს და  
მას მტერი ვერ მიეკარებაო“. შენ რომ იცოდე, რა მრავალადა მყავს

ეხლა მე მეგობრები: რუსები, უკრაინელები, ბელორუსები, და ჩვენი მეგობრობა იმ ხანჯალსა ჰგავს... აბა, გაბედოს მტერმა, მოგვი-ახლოვდეს.

დღეს ჩვენ განსაკუთრებული დღე დაგვიდგა, ჩემო მეგობარო, — დავიწყეთ მტრის განდევნა ჩვენი მიწა-წყლიდან. და მას, ვისაც თუნდაც ერთხელ წარმოუდგენია მძაფრი დიდება სვანეთის ცადაზიდული მყინვარებისა, ჩემი საქართველოს მწვანე მინდვრების სილამაზე, ვინც ბავშვობიდან ალტაცებული იყო „ვეფხისტყაოსნის“ რაინდული სულით, ვინც გაიჟღინთა ლერმონტოვის პოეზიის სევდით, ვინც თუნდაც ერთხელ მაინც იყო მთვრალი ჩაიკოვსკის მუსიკით, — ჩემთან ერთად ასწიოს თასი ჩვენი გამარჯვებისა... თუმცა რაღა დაგიმალო და, ჩემი მათარის ფსკერზე მხოლოდ რამოდენიმე წვეთი სპირტილა კიაფობს...

მაგრამ საქმე ამაში როდია: ჩვენ ყველანი, აი, ეს ბიჭები ომმა დაგვაახლოვა, ასეთი მეგობრობა კი მუდამ მტკიცე საფუძველზეა დამყარებული, იგი არამც და არამც არა გავს მშენებელ სოლნისის კიბეს... სხვათა შორის, იბსენის სიტყვები მომაგონდა: „რაც უნდა ბნელი არ იყოს ღამე, მას შესცვლის მუდამ შვიანი დილა“. აი, ღმერთმანი მოვიდა იგი. შვიანი დილა... მგონი, ჩვენ მალე შევხვდებით, მეგობარო... ხო, მართლა, კოლია, მომწერე თუ მოგდის წერილები კოსტიასაგან, სად არის, როგორ არის, მე დიდი ხანია არაფერი არ მიმიღია“...

მაგრამ კოსტია რაუზე ცოცხლებში არ იყო უკვე, მე ხომ ვერ მივწერდი მირზას ამის შესახებ?...

დღეს, როდესაც უკვე მერამდენეჯერ ვკითხულობ ამ წერილებს, ვფიქრობ ფილმზე „ჯარისკაცის ბალადა“. არაერთხელ შინახავს ეს ფილმი. არა მარტო იმიტომ, რომ ამ სურათში მე დავინახე არაჩვეულებრივი სახე დედისა, არა მარტო იმიტომ, რომ მსახიობ ივაშოვის მიერ შექმნილი სახე ჯარისკაცისა — დაუვიწყარია, არამედ იმიტომაც რომ ეს ჯარისკაცი მთელი თავისი შინაგანი ბუნებით არაჩვეულებრივად გავს პოეტ ჯარისკაცს, მირზა გელოვანს.

„ჩემო ძმაო, — მწერდა მირზა 1943 წლის 13 თებერვალს, — დიდი ხანია არ მიმიღია შენგან წერილი, მიზეზი არ ვიცი და ვღეღავ.“

გიგზავნი ჩემს ახალ ლექსებს რვეულიდან — „საომარი ლირი-

კა“. ისინი აქ, ფრონტზეა დაწერილი და, ალბათ, ეს გარემოება ეყოფა მას გასამართლებელ საბუთად“.

ამ ლექსებში არ შესულა ის რამდენიმე ლექსი, რომლებიც მე ირაკლი აბაშიძეს გავუგზავნე. ჰო, მე მაინტერესებს დაბეჭდეს თუ არა თუნდაც ერთი ლექსი ჩემი ლექსებიდან?... მაგრამ ეს, სხვათა შორის.

როგორ ცხოვრობ, კოლია, როგორ მიმდინარეობს შენი ცხოვრება, მეგობარო? რასა სწერ, რა დასწერე? იცი, ამ ოთხი წლის განმავლობაში მე არა ვარ საქმის კურსში, გამოვითიშე, არ ვიცი, ჟურნალებს, წიგნებს არ ვღებულობ. არ მწერენ ის დალოცვილები, ერთადერთი ჩემი დაიკო, რუსუდანი, არ მივიწყებს.

მე გადავწყვიტე არავის არ მივწერო წერილი, მხოლოდ შენ მიიღებ ჩემს წერილებს და მე დარწმუნებული ვარ, რომ გამიგებ. ჰო, მაპატიე ზოგი რამ ჩრდილი ჩემი ლექსებისა, მე ხომ უპირველეს ყოვლისა ადამიანი ვარ. გიგზავნი „სონეტს“. აი ხომ ხედავ მომავალზე ვფიქრობ, სიყვარულზე“.

აი, კიდევ წერილი, 1943 წლის 18 ივნისით დათარიღებული:

„კოლია, შენ გახსოვს, როგორი ვიყავი მე?.. ჩვენ მივდიოდით მანქანით სადგურისაკენ. იყო დღე გაფითრებული, წყნარი, როგორც ნამტირალევი ბავშვის თვალები. მარჯვნივ შავი ზღვა და ცის დასავალი. მაღალი სიმიწებები ჩურჩულებდნენ აფხაზურ ახოებში და არ ვიცი რისთვის, მაწუხებდა რაღაც, შენ ძმურად მკითხავდი, რატომ გავფითრდი.“

„ნეტავ შემხვდებოდე ახლა, მეგობარო! ველარ მიცნობდი, ომმა განკურნა ჩემი ავადმყოფი ნერვები და მიკვირს, როგორი ვიყავი გუშინ. ჩემს ლექსებს სინაზე აწუხებდა. მე მჩვეოდა წყნარი ღიმილი. ახლა გადავეჩვიე ღიმილს და მხოლოდ მაშინ, როცა მტერი გარბის ჩვენი ცეცხლის ქვეშ, როცა დაჭრილთა ოხვრა, ან მტრის გვამების ცივი შემოხედვა მხვდება მიმავალს, ვიცი: ჩემს ბაგეზედ დარბის ღიმილი: ღიმილი კაცის, რომელიც გააშმაგა შურისძიების წყურვილმა.“

ამბობენ „ძმა!“ მე არ ვიცი, რა არის „ძმა“. მე არ ვიცი, რა არის „სისხლი“. ძმა ის არის, შენს გვერდით რომ წევს ცივ ბლინდაეებში. ძმა ის არის, დაჭრილს რომ მოგეფერება, მკლავს შეგიხვევს და შენი სისხლის წვეთებისათვის დაღვრის მტრის სისხლს.

ჩემი სისხლი და ხორცი ის არის, ღაღღილს რომ მოგიწვება

გვერდით, გაიბობხს საკუთარ ოცნებაზე, გამარჯვება რომ უქსოვს რწმენას.

ძმა ის არის, ვაზნებს რომ გიშნადებს თავაუხრელი. კაბინეტში ჩაკეტილი მუშაობს: სინჯავს ჯავშნის სიმაგრეს, იგონებს იარაღს, რომ ჩვენ მოგვაწოდოს. ძმა ის არის, სიტყვას რომ სინჯავს, როგორც მახვილს, მტერთან შემმუსვრელს. ძმა ის არის, ჩვენი იდეა რომ სწამს, ჩვენი გამარჯვება და მომავალი...

ახლა ლამეა. მიწიან ქოხში, ნაბოლარას შუქზე გწერ ამ წერილს და მინდა ჩემი სიტყვა მისწვდეს ჩემს მთებს — ჩემს მეგობრებს: მინდა ყველას, ვის გულშიაც სცემს სიცოცხლე, გადაედვას ზიზღი მტრისადმი, რომელიც ასე მწვავს მე.

მე შორსა ვარ მთებიდან, მაგრამ თუ აქ რუსეთის თოვლიან ველებში მომხვდება მტრის აშარი ტყვია, დაე, იცოდეს მთამ, მე მას ვიცავდი.

მე ვიცავ ჩემს სამშობლოს შავი ზღვიდან, კასპიის ნაპირებიდან პოლუსადის გადაჭიმულს, ბალტიიდან, კარპატის კალთებიდან, წყნარ ოკეანემდის გადაწოლილს, სამშობლოს ვრცელსა და ხელმოუხვეველს, სამშობლოს ახალგაზრდასა და ლამაზს.

თქვენ გესმით ჩემი ძახილი, მეგობრებო? იარაღი, მხოლოდ იარაღი. სიკვდილი მტერს, ვიდრე მას არ მოუეკლავართ. სიკვდილი გერმანელ დამპყრობლებს, ცეცხლითა და მახვილით დასანგრევათ მოსულთ, ოცდახუთი წელი ჩვენ რომ ვაშენებდით.

სიკვდილი ფაშისტებს“.

ასეთი იყო მირზა: ტანკენარი, თავმდაბალი ყმაწვილი, რომანტიკოსი, მირზას ბავშვობიდან უყვარდა წიგნები, ტყე, ნადირობა, მაგრამ ყველაზე უფრო მას მთები უყვარდა — მისი წინაპრები შორეულ, ზღაპრულ სვანეთიდან იყვნენ წამოსული. მას უყვარდა მდინარე, ყვავილები, ვენახი, მინდორ-ველი და ისევ მთები... ნადირობამ, იარაღმა, ცურვამ, მთებში ხეტიალმა გამოაკაჟა მისი ნაზი და სუსტი სხეული. ამიტომ იყო, რომ შემდეგ ფრონტიდან სწერდა დედას: „რომ იცოდეთ, როგორი მადლობელი ვარ თქვენი, რომ ბავშვობიდან ჩამინერგეთ სიყვარული იარაღისადმი, სიმართლისა და მამაცობისადმი“.

„... სამი-ოთხი დღის წინათ მწერალთა სასახლეში ნუკრივით შემოვიდა ერთი ყმაწვილი... — ასე იგონებს მირზა გელოვანს პოეტი რაჟდენ გვეტაძე თავის „ლაშაურ საღამოებში“, — ეს ცნობის და

ცოდნის მოყვარული ყმაწვილი მოულოდნელად შემოიჭრა პოეზიაში და ყველამ მაშინვე შენიშნა მისი უბადლო ნიჭი და გულწრფელობა, მისი უჩვეულო პოეტური ხმა. ლექსებმა „აონი“, „შავლეგო“, „ლენინს“, „გალაკტიონ ტაბიძეს“, „ბალადა არმიის მშენებლებზე“ და სხვ. უმაღვე მიიპყრეს საერთო ყურადღება“.

პოეტის მეგობარი ვახტანგ ბეწუაძე წერს:

„1939 წლის ნოემბრის ერთ სუსხიან დილას გაუყვა იგი დიდ გზას მოახლოებული გრიგალებისაკენ, საიდანაც აღარ დაბრუნებულა, წასვლის წინ იგი მეუბნებოდა: „მინდა ჯარისკაცის ცხოვრება განვიცადო და, ვინ იცის, დიდი გრიგალის მონაწილეც გავხდეთ. თუ ცოცხალი დავბრუნდი, მაშინ ჩემს ლექსებს მეტი სიმართლე და გამბედაობა ექნებაო“.

მაგრამ პოეტს არ დასცალდა ომის დამთავრება, იგი დაიღუპა ბელორუსიაში 1944 წელს. იმ დროისათვის კაპიტან მირზა გელოვანს ოცდაშვიდი წელი შეუსრულდა.

აი რას სწერდა ის 1941 წელს დედასა და დებს: „ომი დაიწყო, ვიცოდი, რომ დაიწყებოდა... გჯეროდეთ, ჩემო ძვირფასებო: თუ ჩემი ბედი ამ ომში დამთავრდება, თუ სიკვდილი მიწერია ამ ომში, ძალიან ძვირად დავუსვამ მტერს სიცოცხლეს ჩემსას, დაე, ნუ შეგარცხვებათ, რომ მე თქვენი სისხლი და ხორცი ვარ, მე მაქვს უდიდესი სიმშვიდე. ჩემში ცოტნე დადიანის სულია და ნებისყოფა და თქვენ შეგიძლიათ ამაყად სთქვათ, რომ მე ვიცავ სამშობლოს, რათა მომავალი თაობები იყვნენ ჯანსაღნი, ბედნიერნი და ძლიერნი. მე საკუთარ სიცოცხლეზე მეტად მიყვარს ჩემი სამშობლო. ის, ყველაფრის მიუხედავად, ცოცხალია და მისი შვილების დაძახილი აღვიძებს გრიგალებს... ეს არის ყველაზე დიდი ომი, რაც კი ყოფილა დედამიწის ზურგზე. არც ჰანიბალის, არც მაკედონელის, არც ნაპოლეონის ომები არ შეედრებიან ამ ომს სიდიდით. არც სადმე ისეთი დიდი გული ყოფილა ქვეყნად როგორც მე მაქვს, როგორც აქვს ჩემს ამხანაგებს“...

ასეთი იყო პოეტი და მეომარი მირზა გელოვანი, რომელმაც ბრძოლის ველზე უკვდავყო თავისი სახელი.





მარტში რუსეთის ჯარი პარიზში შევიდა.

ნაცრისფერ ნისლში გახვეულ ვეებერთელა ქალაქში სიცოცხლე თითქოს ჩამკვდარიყო. არმიელთა კოლონებმა უხმოდ გაიარეს სენტ-ანტუანის სანაპიროს უკაცრიელი ქუჩები და ცენტრისაკენ გაემართნენ. ჭრაჭუნით მიდიოდნენ ოთხთვალები, გუგუნებდნენ ქვემეხები და ბრძანების სიტყვებს ნესტიან ჰაერში ახშობდნენ.

მაგრამ ქალაქმა თანდათანობით იწყო გამოცოცხლება. ფრანგული ლაპარაკი მხოლოდ აქა-იქ გაისმოდა. ბიჭუნები, ღარიბთა უბნების ეს ცნობისმოყვარე გავროშები და მისი უშიშარი ბინადარნი ქუჩებს მოედნენ.

რუსეთის არმიის ოფიცერთა რიგებში იმყოფებოდა ოცდაექვსი წლის ქართველი პოეტი, ბარკლავი დე ტოლის ადიუტანტი თავადი ალექსანდრე ჭავჭავაძე — მაღალ-მაღალი, გამხდარი, თავმომწონე, მის ფერმკრთალ სახეს, თხელ ტუჩებსა და მაღალ, გახსნილ შუბლს (თმა უკან ჰქონდა გადავარცხნილი) თითქოს ამპარტანობის იერი გადაჰკრავდა, მაგრამ სხივიანი, ლამაზი, ოდნავ მოჭუტული თვალები იმდენ სითბოსა და შინაგან ძალას ამჟღავნებდნენ, რომ პირველი შთაბეჭდილება უმალ ქრებოდა. — ოდნავ კოჭლობდა. ჭრილობა, რომელიც ოდესღაც სამშობლოში მიეღო ჭერაც არ შეხორცებოდა მთლიანად, მაგრამ ეს სულაც არ უშლიდა ხელს ხარბად დასწაფებოდა ქალაქის ღირსშესანიშნავ ადგილებს. ფრანგული მან მშობლიურ ენაზე ნაკლებად არ იცოდა და ამიტომ თავისუფლად გრძნობდა თავს.

გაზაფხული ჭერ კიდევ არ იგრძნობოდა პარიზის ქუჩებში: ფრანგები თავს იკავებდნენ, ამჯერად არ ლალობდნენ მათთვის დამა-

ხასიათებელი მხიარული მახვილსიტყვაობით — ამაყად და უხმოდ იტანდნენ დამარცხების მთელ სიმძიმეს.

ნაპოლეონი ჯერ კიდევ არ ურიგდებოდა დამარცხებას. თავის გენერლებთან და ერთგული არმიის ნაწილებთან ერთად ფონტენე-ბლოში იდგა. იმ დროის მაკიაველი — ტალეირანი კი დახელოვნებულ ოსტატის სიმარჯვით ამზადებდა სენატს იმპერატორის ხელისუფლების აღმოფხვრისათვის. პაერში ტყუილად როდი ტრიალებდა ტყვია-წამლის სუნი.

ახალგაზრდა პოეტმა ყველაფერი დაივიწყა ამქვეყნად და ნოტრ-დამში ცისკრის ლოცვაზე გაემართა, სადაც მოწიწებით უსმენდა ბახის მუსიკას; მას აღრე არასოდეს განეცადა სიამოვნების ასეთი იშვიათი ღვთაებრივი გრძნობა. მოეჩვენა რომ ეს ციური, მომაჯადოებელი ბგერები მას უკვდავებასთან აზიარებდა, არაამქვეყნიურ ძალას მატებდა, ეს ბგერები შლიდა ყოფასა და უსასრულობას შორის არსებულ ზღვარს. სადღაც შორს იკარგებოდა ყოველდღიურობის წვრილმანები, ყველა ამქვეყნიური საზრუნავი.

ამ ტაძარში, რომელიც ხუროთმოძღვრული ხელოვნების უკვდავ ქმნილებას წარმოადგენდა, ყველაფერი ერთ მიზანს დამორჩილებოდა. ეს მიზანი იყო ადამიანის დაახლოება წარმოსახვით შექმნილ ღვთაებასთან. ტაძრის ცადაბჭენილი გუმბათები და თვით ქვებიც თითქოს ამღერებელიყვნენ ორდანთან ერთად. „შემთხვევითი როდი ყოფილა, რომ კათოლიკურ ეკლესიას ასე დიდი გავლენა აქვს თავის მრევლზე“, — გაიფიქრა ალექსანდრემ.

საღამოს კი სპექტაკლი ნახა პარიზის უძველეს თეატრში — „კომედი ფრანსეზში“, თამაშობდა დიდებული ტალმა. დღეს მაინც განსაკუთრებული იყო საფრანგეთის სცენის ღვთაება.

ახალგაზრდა ოფიცერი პოეტის მეგობარი შირხანოვი კარგად იცნობდა პარიზულ ცხოვრებას და ჩურჩულით უყვებოდა ალექსანდრეს ეპიზოდებს სახელგანთქმული ტრალიკოსის ცხოვრებიდან:

— ერთხელ ტალმამ სთხოვა ნაპოლეონს, გამოეთქვა აზრი მისი თამაშის შესახებ. იმპერატორი დიდხანს დუმდა. შემდეგ კი აი, რა

უთხრა მას: „ტალმა, გამოიარეთ ხოლმე ჩემთან სასახლეში დილა-ობით. თქვენ იქ იხილავთ პრინცესებს, რომელთაც დაუქარგავთ გულის სატრფო, ხელმწიფეებს, რომელთაც უკვე აღარ გააჩნიათ სახელმწიფოები, ყოფილ მეფეებს, რომელთაც ომმა მაღალი ღირსება დააკარგინა. გამოჩენილ გენერლებს, რომლებიც იმედოვნებენ გვირგვინის მიღებას ან კიდევ ითხოვენ მას. ჩემს ირგვლივ თავმოყრილია მოტყუებული პატივმოყვარეობა, მწვავე მეტოქეობა, კატასტროფაა ჩემს ირგვლივ, ნადველი, გულის სიღრმეში ჩამალული მწუხარება, რომელიც თავს იჩენს დროდადრო. რა თქმა უნდა, ყოველივე ეს ტრაგედიაა; ჩემი სასახლე ტრაგედიებითაა სავსე და თვითონ მე ჩვენი დროის ყველაზე ტრაგიკული პიროვნება ვარ. განა საკუთარ უესტებს ვსწავლობთ, პოზებს ვღებულობთ? რასაკვირველია არა! ჩვენ ვლაპარაკობთ ისევე ბუნებრივად, როგორც ყოველივე ადამიანი, რომელსაც რამე მისწრაფება ან ინტერესები ალაპარაკებს. ასევე იქცეოდნენ ის პირებიც, რომელთაც ჩემამდე ეკავათ მსოფლიო სცენა და ასევე თამაშობდნენ ტრაგედიას ტახტის ირგვლივ. აი მაგალითები, რომლებზედაც საჭიროა დაფიქრდეს ადამიანი“.

— პასუხი სწორედ რომ ნაპოლეონის საკადრისია... — შენიშნა ალექსანდრემ.

აქ ყველაფერი განსაცვიფრებელი იყო ამ ზღაპრულ ქალაქში, — ქალაქში, სადაც შუბის წვერზე წამოეგო და თავი მოიკლავდა კონდეს მეტროტელმა, როცა დარწმუნდა, რომ მეფის სუფრისათვის შეკვეთილი თევზი იგვიანებდა; ქალაქში, სადაც საფრანგეთის რევოლუციის მრისხანე დღეებში ხალხი ასამართლებდა და სჯიდა მეფეებსა და პრინცებს. აქ შეხვდებოდით ფრანგებს, რომლებიც სისხლის უკანასკნელ წვეთამდე იბრძოდნენ თავისუფლებისათვის და ფრანგებს, რომლებიც მზად იყვნენ თავი გაეწირათ თავიანთი იმპერატორისათვის.

მართლაც რომ გასაოცარ წინააღმდეგობათა ქალაქი იყო პარიზი. ჭავჭავაძე მთელი დღეობით დახეტილობდა ქუჩებში. შედიოდა პოეტების კაფეებში, ფერწერის მუზეუმებში. დიღხანს იდგა პუსე-

ნის სურათის „დავითის ტახტზე ასვლა“-ს წინაშე, უსმენდა ბერლიოზსა და როსინის, უყურებდა სახელგანთქმული რაშელის თამაშს, ალტაცებამი მოყავდა ის ლუვრისა და ვერსალის ხელოვნებას.

ვერსალი!.. აქ ხომ მისი თანამემამულე, სულხან-საბა ორბელიანი ეწვია „მეფე მზეს“ და დახმარება თხოვა თავისი სამშობლოსათვის!

ალექსანდრეს მოსწონდა სენის უჩვეულო ნაპირები; ზოგჯერ საათობით იდგა სანაპიროზე, ღამე კი თარგმნიდა ლაონტენს, კორნელს, რასინს და... კითხულობდა ვოლტერს, ამ კეთილ ცინიკოსს.

პოეტს ხშირად ეჩვენებოდა, რომ თითქოს ისინი სტუმრად იყვნენ ძველ, განათლებულ მეგობართან, რომელთანაც ჯდომა, საუბარი და ერთი ჭიქა მაგარი ყავის დაღევა ჭეშმარიტი სიამოვნების მომგვრელი იყო. მისთვის პარიზში ყოფნას ამჟამად ისეთივე მნიშვნელობა ჰქონდა, როგორც პეტერბურგში ცხოვრებას და ჩრდილოეთის სატახტო ქალაქის ბრწყინვალე წარმომადგენლებთან მეგობრობას.

ისტორია კი თავისი გზით მიდიოდა, ახალ-ახალი ამბები ერთმანეთს ცვლიდნენ.

ექვს აპრილს ნაპოლეონმა ხელი მოაწერა გადადგომის აქტს. მედროვე კ. ა. ბოროზდინი, რომელიც ამ დროს თბილისში ცხოვრობდა წერდა: „ალექსანდრე ჭავჭავაძის მთავარი დამსახურება იმაშია, რომ შან თავისი სახლი ქართველი საზოგადოებრიობისა და კავკასიაში მომუშავე განათლებულ რუსებს შორის დამაკავშირებელ რგოლად აქცია... თავადი ალექსანდრე დიდ ღონისძიებას აზმარდა მამის მიერ დაწყებულ საქმეს. განსვენებულმა საქართველო პოლიტიკურად დაუკავშირა რუსეთს, მისმა შვილმა კი თავისი განათლებითა და იშვიათი ხასიათის წყალობით დააახლოვა ერთმანეთთან ქართველები და რუსები.“

ყოველი რუსი, რომელიც გამოგზავნილი იყო ამ შორეულ ქვეყანაში ჭავჭავაძის ოჯახში მშობლიური ჰაერით სუნთქავდა. ყოველი ქართველი თავისუფლად მიდიოდა მასთან; აქ ერთმანეთს ხვდებოდნენ ქართველები და რუსები და იქვე ინერგებოდა ერთმანეთის სიყვარული და ურთიერთგაგება“.

ხოლო კავკასიის მთავარსარდალი თავის საიდუმლო პატაკში კი პეტერბურგს ასე აცნობებდა: „თავადი ჭავჭავაძე განსწავლულია პაეთა კორპუსში, შემდეგ მსახურობდა ჩვენთან, სადაც მიიღო და

შეითვისა ევროპული განათლება და იყო რა აწ გარდაცვლილი გრიბოდოვის სიმამრი, შესაძლებლობა ჰქონდა შეეთვისებინა თავისუფალი აზრები“.

•

ტაძრის წინ მდებარე პატარა მოედანი დილიდან ხალხით იყო გაქედილი. გრძლად ჩამწკრივებულებიყვნენ ეკიპაჟები.

არ გასულა ნახევარი საათიც და ქუჩაზე კარეტა გაჩერდა, საიდანაც გადმოვიდა იმპერატრიცა ეკატერინე მეორე.

ეკლესიაში უკვე მოემზადებინათ ემბაზი. თავად გარსევან ჭავჭავაძეს, ერეკლე მეორის სრულუფლებიან მინისტრს რუსეთის მეფის კარზე ნათლობის მოლოდინში ხელში ეჭირა ჯანსაღი შიშველი ბიჭუნა.

ბიჭუნას, რომელიც 1786 წელს დაიბადა პეტერბურგში, ალექსანდრე დაარქვეს. ნათლიად კი იმპერატრიცა ეკატერინე II იყო.

ჩვილის მონათვლა იმ განსაკუთრებული ყურადღების ნიშანი იყო, რომელსაც იჩენდა იმპერატორი საქართველოს მინისტრისადმი მისი განსაკუთრებული დამსახურებისათვის: 1783 წელს თავადმა გარსევან ჭავჭავაძემ გეორგიევსკში ხელი მოაწერა ტრაქტატს რუსეთ-საქართველოს მეგობრობაზე.

იმ დროის მემატრიანეებმა, რუსეთთან საქართველოს შეერთების საწინააღმდეგოდ განწყობილმა დავით ბაგრატიონმა და მისმა ძმებმა 1811 წელს ასე ჩააწერეს თავიანთ მატრიანეში: „აპრილის თვის მეხუთე დღეს პეტერბურგში გარდაიცვალა გარსევან ჭავჭავაძე მეფის მოღალატე და სამშობლოს ერთგული“. ასე გამოხატეს მათ თავიანთი გაბოროტება, თუშცა გარსევანი ტრაქტატს რომ ხელს აწერდა, მოქმედებდა მეფე ერეკლეს სურვილითა და ქართველი ერის საკეთილდღეოდ.

ასეთი შეხედულება შავ ჩრდილად დააწვა პოეტის ცხოვრებას, თუმცა ის გრძნობდა თუ რა დიდი მნიშვნელობის საქმე გააკეთეს მისმა წინაპრებმა და მეფემ. ალექსანდრე ჭავჭავაძის აზრი ეროვნულ საკითხზე შორსმხედველობითა და სიღრმით განიჩიეოდა. დიდად განათლებულს, რუსეთის, საფრანგეთისა და ირანის საუკეთესო ტრადიციებზე აღზრდილ პოეტს, რომელიც კარგად იცნობდა გერმანულ ლიტერატურასა და ფილოსოფიას, მშვენივრად ესმოდა,

რომ საქართველოს ჰირდეა ახალი, პროგრესული კულტურა, ფართო განათლება და ამისათვის ის ყველაფერს აკეთებდა ქართველი და რუსი მოწინავე საზოგადოების დასაახლოებლად, მას კარგად ესმოდა, რომ მხოლოდ ეს მეგობრობა, მხოლოდ ეს ერთობა თუ გაიყვანდა მის სამშობლოს ფართო შარაგზაზე.

ალექსანდრე ჰავკვაძეს უყვარდა რუსეთი და არც ფარავდა ამას. მისი სახლის კარები მუდამ ღია იყო რუსებისათვის, განსაკუთრებით იმ თავისუფალ მოაზროვნეთათვის, რომლებიც „ველურ ქავკასიაში“ იყვნენ გადასახლებული.

მხოლოდ ამით შეიძლება აიხსნას ალექსანდრე ჰავკვაძის მეგობრობა გრიბოედოვთან, პუშკინთან, კიუხელბეკერთან, ოდოევსკისთან, ლერმონტოვთან და სხვ.

პოეტს ეპიკურელს უწოდებდნენ, ვარდისა და ბუღბუღის მომღერალს... მაგრამ ეს მხოლოდ ზერელე დახასიათებაა ადამიანისა, რომლის ცხოვრება და შემოქმედება მკიდროდაა დაკავშირებული ერთმანეთთან, რომელიც აერთიანებდა ძველ პოეტურ კულტურასა და ახალ მიმართულებას პოეზიაში.

•

ალექსანდრე ჰავკვაძე ცამეტ წლამდე პეტერბურგში ცხოვრობდა. მაგრამ ბავშვობიდან ჩაუნერგა მას დედამ მშობლიური ენისადმი პატივისცემა, ხოლო მოგვიანებით ასწავლიდა ბიძა გიორგი ავალიანი, რომელმაც განუმტკიცა მშობლიური ლიტერატურისადმი სიყვარული.

1799 წელს ჰავკვაძეების ოჯახი თბილისში გადავიდა საცხოვრებლად. მაშინ, ცამეტი წლის ყმაწვილი სამყაროს ღრმად და მწვერველ აღიქვამდა, მაგრამ ფილოსოფიური განზოგადოებისათვის ჯერ კიდევ სავსებით ახალგაზრდა იყო, თუმცა უკვე შეეძლო ფაქტების განაალიზება და ამიტომაც თანამემამულეთა ცივ, თითქმის მტრულ დამოკიდებულებას მამისადმი გულისტკივილით და მწუხარებით განიცდიდა. დროდადრო სასოწარკვეთილებას ეძლეოდა და თავს მოვალედ ფვლიდა „გამოესყიდა დანაშაული“, რომელსაც ბრალად სდებდნენ გარსევანს.

1804 წელს 18 წლის ჰაბუკი პოეტი შეუერთდა მთიულების აჯანყებას, რომელსაც სათავეში უფლისწული ფარნაოზი ედგა.

აჯანყების მონაწილეებს ბაგრატიონთა დინასტიის აღდგენა სურდათ. საინტერესოდ მოგვითხრობს, ამის შესახებ ალექსანდრე ორბელიანი:

„აჯანყების მონაწილეთა შორის იყო ახალგაზრდა თავადი ალექსანდრე ჭავჭავაძე. მამამისმა, ირაკლი მეფის მიერ ნდობით აღჭურვილმა პირმა საქართველო რუსეთს გადასცა, ხოლო მისმა ვაჟმა სისხლი დაღვარა, რათა ისევ დაეპყრო საქუთარი სამშობლო“, რომ გავიგოთ თუ რა მძიმე პირობებში ყალიბდებოდა მომავალი პოეტის მსოფლმხედველობა, ამისათვის საჭიროა მხედველობაში ვიჭონიოთ ის წინააღმდეგობები, რომელთაც ადგილი ჰქონდა მის შემოქმედებაში.

ახალგაზრდა მემამოხეს შეუწდეს აჯანყებაში მონაწილეობა და პაეტა კორპუსში გაგზავნეს. აქ მან მიიღო ბრწყინვალე განათლება, უფრო ღრმად შეისწავლა ფრანგული, გერმანული და სპარსული ენები. ვითარება ხელახლა გაიზარა, დარწმუნდა, რომ ბევრ რამეში ცდებოდა. შეიგნო, რომ სხვა გზით უნდა დახმარებოდა სამშობლოს.

1809 წელს ჭავჭავაძემ დაამთავრა პაეტა კორპუსი, საერთო განათლებით, აღზრდით, ენების ცოდნით ის დიდად გამოირჩეოდა ბევრი თანატოლისაგან.

ჩრდილოეთის დედაქალაქში გატარებულ წლებს ტყუილ-უბრალოდ არ ჩაუვლია, ეს წლები დაეხმარნენ მას ლიტერატურულ-ესთეტიკურ შეხედულებათა ჩამოყალიბებაში. სწორედ რუსეთში, თავის მეორე სამშობლოში, დაუახლოვდა ის მოწინავე რუსულ კულტურას. საკმარისია ითქვას, ალ. ჭავჭავაძემ ერთ-ერთმა პირველთაგანმა თარგმნა პუშკინის ლექსები და ეს იმ დროს, როცა დიდი პოეტის სახელს მალალ საზოგადოებაში სიფრთხილით ახსენებდნენ. პუშკინის პოეზიამ დიდი გავლენა მოახდინა ქართველ პოეტზე.

1811 წელს ალ. ჭავჭავაძე მარკიზ პაულუჩის ადიუტანტია; 1812 წელს ის მონაწილეობას ღებულობს კახეთის აჯანყების ჩაქრობაში, სადაც მძიმედ იქნა დაჭრილი. გამოჯანმრთელების შემდეგ, იმავე 1812 წელს მას ვხედავთ ბარკლავი დე ტოლის ადიუტანტად. ორი წლის შემდეგ კი მოკავშირეთა კოალიციურ არმიასთან ერთად შედის პარიზში.

ახალგაზრდა ქართველი არისტოკრატი ამ დროისათვის უკვე

სავსებით იზიარებს თავისი დროის განმათავისუფლებელ იდეებს, რომელთა რევოლუციური არსი ღრმად შეიჭრა დასავლეთ ევროპაში, განსაკუთრებით პარიზში მყოფ მოწინავე, რუს ოფიცერთა რიგებში. კოალიციურმა საკითხებმა, რომლებიც პოეტს აღელვებდნენ, თავი იჩინეს მის შემოქმედებაშიაც.

•

სათრანგეთიდან დაბრუნების შემდეგ ალექსანდრე ჭავჭავაძე დანიშნეს კახეთში მდგომი ნიენი-ნოვგოროდის ცხენოსანი პოლკის მეთაურად. მისი სახლი თბილისში ბრწყინვალე სალონად იქცა, სადაც იკრიბებოდნენ იმ დროის მოწინავე ადამიანები — რუსები და ქართველები: მწერლები, ფილოსოფოსები, არტისტები, ბედნიერი და უბედური, თავისუფლად მოაზროვნენი და ლტოლვილნი.

აქ კითხულობდნენ თავის ნაწარმოებებს გრიგოლ და ვახტანგ ორბელიანები. აქვე უზიარებდა მსმენელებს ახალ საინტერსო აზრებს ახალგაზრდა ფილოსოფოსი სოლომონ დოდაშვილი.

აქ იკრიბებოდნენ გრიბოედოვი, პუშკინი, კიუხელბეკერი, დენის დავიდოვი, ლერმონტოვი, ბოროზდინი, მხატვარი გაგარინი და ბევრი სხვა, რომელთათვისაც მუდამ ღია იყო ამ სტუმართმოყვარე სახლის კარები. ადვილი შესაძლებელია, რომ პირველად აქ წაიკითხეს და ოჯახურ წრეში დადგეს კიდევ „ვაი ჭკუისაგან“, აქ მღეროდნენ გლინკას რომანსებს, ასრულებდნენ მის ვალსებს. ამ ოჯახში პირველად გაისმა ქართულ ენაზე ბაირონის მღელვარე სტრიქონები და იქროლა „ტყის მეფის“ იდუმალებით მოცულმა მერანმა. აქვე ორიგინალში არაერთხელ ჟღერდა ომარ ხაიამის, ჰაფიზისა და საადის პოეზია.

•

არა, გრიბოედოვი საბოლოოდ დარწმუნდა, რომ არ შეუძლია სიცოცხლე უთბილისოდ. არაგვის ნაპირების, უძველესი მცხეთის, თბილისის იმ ქუჩების გარეშე, ასე წარმტაცად რომ მიიკლაკნებოდა აივნებიანი მცხუნვარე ქალაქის გულში. გრიბოედოვი საქართველოს „კოლუმბად“ თვლიდა თავს, აბა რომელმა რუსმა შენიშნა —



ეს ზღაპრული სილამაზე, ეს მთებში ჩაძირული სამოთხე, მასზე აღრე?

„საქართველოს ბუნებას ვერ აღწერ, არავეითარი სიტყვებით არ შეიძლება მისი სილამაზის გამოხატვაო!“ — ბშირად იმეორებდა იგი.

არასოდეს არ დავიწყებია დარიალის ხეობის ნახვით მიღებული პირველი შთაბეჭდილება. გასაოცარია ეს ვიწრო ხვრელი ცაღ-აზიდულ კლდეებს შორის. აქ ძლივს აღწევს დღის სინათლე. ადამიანის თვალი ვერც კი წვდება უფსკრულს. დაუოკებელი მდინარის ხმაური და ეს ტაძარი ყაზბეგის მთაზე. ჯვრის გადასასვლელიდან კაიშაურის ხეობაზე თავქვე დაშვებული, მიხვეულ-მოხვეული გზა, ანანურის ციხე-სიმაგრე, ამობოქრებული არაგვის სათავეები, რომლის სარკესავით გამჭვირვალე ტალღებში კალმახები ლაღად დასრიალებენ.

აქ მართლაც ყველაფერი ადამიანისათვისაა შექმნილი, სიხარულისათვის, ბედნიერებისათვის, ეწაფება გრიბოედოვი ამ ქვეყნის ისტორიას, ლიტერატურას, კულტურას. მან უსაზღვროდ შეიყვარა ეს კუთხე, „სადაც ბნელი ლამეები ზღაპარს წააგავდნენ, ხოლო დღეები სამოთხეს“. განსაკუთრებით უყვარდა აღმოსავლეთ საქართველო, კახეთი, სადაც ცხოვრობდა მისი მეგობარი და შემდეგ სიმამრი, ალექსანდრე ჭავჭავაძე.

მართალია, ალექსანდრე მასზე უფროსი იყო ცხრა წლით, მაგრამ ეს მხოლოდ აძლიერებდა მათს მეგობრობას, რადგან, ა. ს. პუშკინის სიტყვებით თუ ვიტყვით, გრიბოედოვი, „ეპოქის ერთ-ერთი უგანათლებულესი ადამიანი ბშირად ვერ პოულობდა საერთო ენას თავის თანატოლებთან.“

აი, ახლაც იგი მიისწრაფოდა თავის მეგობართან, რათა ესაუბრა პეტერბურგზე, მოსკოვზე, პარიზზე...

...1826 წლის ივლისის დღე ძალზე მცხუნვარე იყო. ხალხი ბინდის დადგომას ელოდებოდა, ისხდნენ თავიანთ გრილ დარბაზებში და რიკულებიან აივნებზე, რომლებიც ვაზის ტოტებში იძირებოდა, ხოლო ჯერ კიდევ მწვანე, მაგრამ მზედაკრული მტევნები ოქროს შემოდგომის დადგომას წინასწარმეტყველებდნენ.

— ბატონო ჩემო, იყიდეთ ყვავილების მიწა, კარგი მიწაა, — გრიბოედოვი უცებ გამოფხიზლდა ფიქრებისაგან.

მის წინ კინტო იდგა ყვავილების მიწით დატვირთული ვირით.

ეს აშკარა ხუმრობა იყო! რად უნდა გრიბოდოვს ყვავილების მიწა?!

— მიწას მერე ვიყიდი, წასვლისას, რათა მუდამ თან მახლდეს საქართველო. ჭერ კი ყვავილებს შევიძენ. რამდენისაა? — იკითხა მან და მეწამული ფერის ყვავილებზე მიუთითა.

— ყვავილები რაა, მათ ყველა ყიდულობს. მიწაა რაც არის... — ბუზლუნებდა კინტო და დარდიმანდული მოხდენილობით ურჩევდა ყვავილებს.

გრიბოდოვი უკვე ნაცნობ სახლთანაა. კარი გაუღეს, შვეიცარს შლიაპა და ხელთათმანი გადასცა. დიასახლისს ვარდები მძარტვა და დიდი გემოვნებით მორთულ დარბაზში შევიდა. აქ ნამდვილად გრილოდა.

— როგორაა საქმე? რა მოხდა იქ?.. — აღელვებით იკითხა ოჯახის უფროსმა.

— ნურათერს მკითხავ... — კარგი განწყობილება გაქრა. ჰროლანტკვიან თვალებში ცრემლი აკიაფდა.

თბილისში ეხლახან გაიგეს დეკაბრისტების ამბავი და ჰავკავადე ძალზე წუხდა.

— მე კი ვიმედოვნებდი...

— ვიზიარებ მათ აზრებს, იდეებს, მაგრამ...

— შენ მუდამ სკეპტიკურად იყავი განწყობილი მათი წამოწყების მიმართ.

— გამიგე, საშა, ასი პროპორშიკი ვერ შესცვლის სახელმწიფოებრივ წყობილებას... მათ საქმეში ხალხი არ მონაწილეობდა, მათთვის ხალხი თითქოს არც არსებობდა... ხალხის გარეშე კი ასეთი საქმე არ კეთდება...

— შენ როგორა ხარ? ყველაფერი რიგზეა? — ჰკითხა ალექსანდრემ.

— სასწაულია ჩემი გადარჩენა, ძვირფასო, სასწაული, — ჩემს ნათესავს, კავკასიის პროკონსულს, — ასე უწოდებდნენ ისინი გენერალ ერმოლოვს, — რომ არ გავეფრთხილებინე და ზომები არ მიმელო, ციმბირში მიკრავდნენ თავს... მართლა, გახსოვს ოფიცერი აკუბოვიჩი?

— შენ რომ დუელი გქონდა მასთან? — იკითხა თავადმა. რა თქმა უნდა, ახსოვს — ამ დუელმა ხომ დიდი ხმაური გამოიწვია

თბილისში. ხელში დაჭრილი გრიბოდოვი აქ ჩამოიყვანეს, მის სახლში, ავადმყოფს ალექსანდრე და მისი მეუღლე უვლიდნენ.

— დეკაბრისტი ყოფილა.

ოთახში სიჩუმე ჩამოვარდა, რომელსაც მხოლოდ პარიზიდან ჩამოტანილი საათის ხმა არღვევდა.

— პეტერბურგში უკვე აღარ მივსდევდი მხიარულ ცხოვრებას მალალი წრის ახალგაზრდობასთან, ჩემი ახალგაზრდობაც ხომ დიდი ხანია გათავდა. ასე მგონია ღრმა მოხუცი ვარ და სიკვდილის აჩრდილი დამდევს ყოველ ფეხის ნაბიჯზე...

ალექსანდრე ჰავჭავაძე თვითონაც ცუდ ხასიათზე იყო, მაგრამ თავისი ფიცხი ხასიათის მიუხედავად, მღელვარება მოჩვენებით სიმშვიდეს დაუმორჩილა.

— რატომ მოვისწრაფი მე აქეთ, რატომ მიყვარს ასე ძლიერ საქართველო? — ჩაფიქრებით თქვა გრიბოდოვმა.

— იმიტომ, რომ შენ აქ ყველას უყვარხარ, გელიან.

— მე მიყვარს მრავალწამებული ქართლი და შენი ქვეყნის მუსიკა, აქ თითქოს იოლად სუნთქავს ადამიანი. მინდა სამუდამოდ გადმოვსახლდე. ნეტავ შემეძლოს გავხსნა სამაზრო და აღმოსავლური ენების სასწავლებლები, კომერციული ბანკი, საჯარო ბიბლიოთეკა, გამოვცე გაზეთი „თბილისის უწყებანი“...

— შენი გეგმები თბილისის გარდაქმნის შესახებ? — ოღნავი ირონიით შენიშნა ჰავჭავაძემ.

— იქნება ეგაც...

უცებ კარი გაიღო, ოთახში გოგონა შემოვიდა. გასაოცარი სინაზე და ქალურობა, ყველაფერი მის სინორჩეზე ლაპარაკობდა და მხოლოდ თვალები, დიდრონი, ლამაზი, ჰკვიანი თვალები ამყდვენებდნენ მასში ასაკზე უფრო ადრე განვითარებულ ქალს. ღმერთო ჩემო, ნუთუ ეს ნინოა, ერთი ციციქნა გოგონა, რომელიც გრიბოდოვს რამდენჯერ ხელში აუყვანია, ეალერსებოდა, ეთამაშებოდა?! სწორედ ეს ის პატარა ნინო იყო და გრიბოდოვმა უხერხულობის დასაფარავად მამამისს ფრანგულად მიმართა:

— ასეთი მშვენიერი მედეასათვის ჩრდილოეთიდანაც მოვიდოდი ფრენით...

— თქვენ დაგაგვიანდათ, ბატონო ჩემო; ვაი, რომ ჩვენი დროის მედეები უკვე აღარ არიან ოქროს ვერძის მფლობელნი, — უპასუხა ქალიშვილმა ფრანგულადვე.

— იმიტომ, რომ ისინი თვითონ ქცეულან ოქროს ვერძად, — თქვა გრიბოედოვმა უკვე რუსულად და ხელზე აკოცა ქალიშვილს...

შემდეგ დენის დავიდოვიც მოვიდა ბოროზდინთან ერთად, გაიხსენეს კიუხელბეკერი, რომელიც სხვებთან ერთად გამოიყვანეს სენატის მოედანზე. ამ ოჯახისა და მთელი საქართველოს დიდ მეგობარს, მასაც უყვარდა „ცოფიანი, მდულარე თერგი“, „ზღაპრული მტკვრის ნაპირები“ და მისი „ცოცხალი კუნძულები“ (ორთაქალის ბაღები), „მაღალქვიანი თბილისი“ და ანანურის ციხე... სად არის ახლა ის, საყვარელი კუხლია, მეგობარ ლიცეელებს თავს რომ ერჩიათ?

გრიბოედოვმა თხოვა ჭავჭავაძეს თავისი ახალი ლექსები წაეკითხა. ალექსანდრე ადგა, ხელში ყანწი აიღო და ნახევრადმღერალი ხმით წაიკითხა. გრიბოედოვი კი ნელა უთარგმნიდა ლექსის შინაარსს იქ მყოფ რუს მეგობრებს:

სიყვარულო ძალსა შენსა ვინ არს რომე არ ჰმონებდეს?..  
ვინ არს რომე გულსა ტახტად, ოხვრას ხარკად არა გცემდეს?  
შენგან მეფე მონას ეყმოს, შენგან ბრძენი ხელად რებდეს,  
და ბულბულსა რად ეზრახვის, რომ შენგამო ვარდს შეჰყეფდეს!

— პოეტი ჭავჭავაძის სადღეგრძელო იყოს, — წარმოთქვა გრიბოედოვმა, სულმოუთქმელად გამოსცალა ყანწი და დავიდოვს გადაულოცა, — ალავერდი შენთან, დენის, — და მის მიერ ოდესღაც თარგმნილი ჭავჭავაძის ლექსის ორი სტრიქონი წაიკითხა:

„ვისაც ხელთ გქონდეს ნება გულისა,  
იგემეთ სიტკბო სიყვარულისა!“

დავიდოვი და ჭავჭავაძე სუფრასთან დარჩნენ, სვამდნენ, საუბრობდნენ, ლექსებს კითხულობდნენ. ახალგაზრდა დიასახლისი და გრიბოედოვი კი აივანზე გავიდნენ.

ბინდი ჩამოწვა. მთაწმინდის სილუეტი ადამიანთა ბედნიერების მოდარაჯე ბუმბერაზს წააგავდა. მის კალთაზე თეთრად ჩანდა მონასტერი. ოთახიდან მუსიკის ხმა ისმოდა — ალექსანდრე ჭავჭავაძე უკრავდა ღულღუკზე.

გრიბოედოვი მთაწმინდას გასცქეროდა.

— რა კარგი იქნებოდა მთაწმინდაზე, დავითის მონასტერში დასახლება სამუდამოდ, — ოცნებით წარმოთქვა მან.

— ჯერ ძალზე ადრეა ამაზე ფიქრი, პოეტო?! — ჰოესმა ნინოს ხმა.

ალექსანდრე სერგის ძე გამოფხიზლდა, ქალიშვილს შეხედა.

„ღმერთო ჩემო, რა მშვენიერია!“...

გაიფიქრა მან.

\*

„ენახე ალაზნის ბუნება,  
მდინარე გულგასახარი,  
ქალარა — როგორც თქმულება  
როგორც სიმღერა — ახალი“.

ასე წერდა ნიკოლოზ ტიხონოვი თავის ლექსში „წინანდალი“. ასოცდაათზე მეტი წლის წინათ ასევე „გადაიარა ალაზანი“ ალექსანდრე გრიბოედოვმა და მთელი გულით შეიყვარა კახეთი. 1826 წელს ოჯახთან ერთად ისევ ჩამოვიდა წინანდალში.

„რა თვალწარმტაცი ადგილი აურჩევია სამოსახლოდ თავად ჭავჭავაძეს!“. გრიბოედოვის მეგობრის მამული ის ადგილი იყო, სადაც ცხოვრება და შემოქმედებითი შრომა საოცნებოდ ეჩვენებოდა მას.

— ეშმაკებს წაუღიათ სამსახური, ჩემი ყველაზე დიდი სურვილი აქ ყოფნაა, შენს გვერდით, ჩემო ძვირფასო... — ეუბნებოდა იგი ნინოს. შეყვარებულები იყვნენ და სეირნობდნენ წინანდლის ბაღში.

ნამდვილი მეოცნებენი.

მას შეუყვარდა ეს ნაზი, სათნო ქალიშვილი და ვერ წარმოედგინა უიმისოდ სიცოცხლე. ნინოს გადაუხსნა მან გული, უზიარებდა თავის ოცნებებს... ეს გახლდათ ის გრიბოედოვი, რომელიც არავისთან არ იყო გულახდილი, და ეს იმიტომ, რომ — ამ თხუთმეტი წლის გოგონას კარგად ესმოდა მისი.

მწუხრი დაეშვა დედამიწაზე. მთვარე ანათებდა ალაზნის ველსა და ციფ-გომბორის მთებს. თითქოს ღმერთს თავისი უზადო კალთა დაებერტყა ამ მხარისათვის, ამ ღვინისა და სიმღერების კუთხისათვის.

საღამოს სივრცე იგრძნობოდა. ისინი ბალის ბოლოს სამლოცველოსაკენ წავიდნენ. ეს პატარა ეკლესია განმარტოებით იდგა, თითქოს იღუმალეებისაკენ მოუხმობდა ადამიანს.

ასულმა თავი მიაყრდნო გრიბოედოვის მკერდს. გრიბოედოვს გაახსენდა, რომ რამდენიმე თვის წინათ შესჩიოდა თავის მეგობარს, — სტეპან ბეგიჩევს, მოწყენილობასა და სულის სიცარიელეს უჩიოდა.

— რატომ ხარ მოწყენილი, ჩემო ძვირფასო? ფამუსოვისა და სკალოზუბის შემქმნელი მზიარული უნდა იყოს, — შემპარავი ხმით წარმოთქვა ნინომ.

— მართალია, შეწუხებული ვარ, მოწყენილი, საშინლად განწყობილი: და მხოლოდ შენ, ჩემო ნორჩო ღვთაებავ, მაწვდი სიცოცხლის ძალას, მიღვიძებ შემოქმედების სურვილს. შენ დაწინადადი... სულ ახლახან ვამბობდი, რომ დროა მოვკვდე! მე თვითონ ვერ ამეხსნა საკუთარი სევდის მიზეზი... არ ვიცოდი, როგორ დამეღწია თავი თვითმკვლელობისათვის, ვგრძნობდი ერთ-ერთი მათგანი არ ამცდებოდა... და აი, ჩემს წინაშე ნათელი სხივი აკიაფდა... და ეს შენ ხარ, ჩემო ბედნიერებავ!.. ახლა მე ისე მწყურია სიცოცხლე, როგორც არასოდეს..

მან შეამჩნია, რომ ქალის თვალებში ცრემლი აკიაფდა... და გაჩუმდა. ღუმდა ეკლესიაც, სიმშვიდისა და სიჩუმის ეს პატარა საგანე.

შემდეგ ისინი წავიდნენ იმ მხარეს, სადაც ვეებერთელა მარანში ოქროსფერი წინანდლით სავსე ასწლიანი ქვევრები იყო ჩამარხული. ძველმა მეღვინემ მამუკამ, რომელსაც პატარა თექის ქუდი ეხურა, გრძელ ჯოხზე წამოცმული ორშიმითი ამოიღო ღვინო და მიართვა მათ. გრიბოედოვმა ჭერ ნინოს მიაწოდა, მერე თვითონ იგემა.

მოხუცს დასაყოლებელი მზად ჰქონდა — დარჩეული კაკალი.

— მე წავალ, — ნინომ დატოვა გრიბოედოვი მოახლოებულ შამასთან და მსუბუქი ნაბიჯებით გაემართა სახლისკენ.

— როგორც ვხედავ, შენ განწყობილება გაგიუმჯობესდა, მეგობარო. — შენიშნა ჰეგვავაძემ.

— სწორი ხარ, საშა... გამიუმჯობესდა... ბედნიერი ვარ. და იცდ რატომ? ნინოს გამო... უკვე რამდენიმე დღეა, მინდა გამოგიტყდე...

— არაა საჭირო, — ხელის აწევით შეაჩერა ალექსანდრემ, — მე ყველაფერი მესმის, და შენზე ნაკლებ ბედნიერი როდი ვარ. გულახდილად გეუბნები, როგორც მეგობარს...

■

1828 წლის გაზაფხულზე გრიბოედოვმა ახალი დანიშნულება მიიღო — ირანში იგზავნებოდა ელჩად. თავის ახალ სამსახურს ის ირონიით „პოლიტიკურ გადასახლებას“ უწოდებდა. „მე ვემსახურები მეფეს, რათა საკუთარი ბავშვების გამოსაკვები ვიმოვო“, ხურობდა იგი.

იმავე წელს, ოქტომბერში წინანდლის პატარა სამლოცველოში გრიბოედოვმა ჭვარი დაიწერა ნინო ჭავჭავაძეზე.

იმ წელს კახეთში შემოდგომა განსაკუთრებით კარგი იყო. წინანდლის ბალი შესანიშნავი მხატვრის ტილოს მოგვაგონებდა, ფერების ვაკხანალით შემკულს.

გზა სამლოცველოდან სახლამდე ვარდებით იყო მოფენილი. ნინო და ალექსანდრე დინჯად ვიღოდნენ გადაჭვარედინებული ხმლების ქვეშ.

იმ საღამოს წინანდალში შეიკრიბა თბილისის ბრწყინვალე საზოგადოება, არისტოკრატიის საუკეთესო წარმომადგენლები, მთელი მაღალი ჩინოვნიკობა, პოეტები, მწერლები...

ალექსანდრე ჭავჭავაძე, მართლაც რომ ბედნიერი იყო, სუფრას თვითონ თამაძობდა, გულიანად მხიარულობდა, მღეროდა. შემდეგ ხელში აიღო გამჭვირვალე ღვინით სავსე აზარფეშა და თავისი ახალი ლექსი წაიკითხა.

თასი დასცალა და თავის სიძეს ალექსანდრე გრიბოედოვს გადაულოცა.

... ერთი კვირის შემდეგ კი გრიბოედოვი მეუღლის, საელჩოს წარმომადგენლობისა და კახაკების ამალითურთ სპარსეთში გაემგზავრა.

•

ალექსანდრე ჭავჭავაძეს შემოქმედებითი სიმწიფის ხანა დაუდგა. სულ უფრო და უფრო მუდგანდება მისი ორიგინალური შემოქმედების ძალა. ამ დროს ეკუთვნის მისი განთქმული ლექსი „გოგ-

ჩა“. ამ პოეტურ შედეგში ის გვევლინება როგორც ფილოსოფოსი, პოეტური ენით გამოხატავს ცხოვრებისა და მისი კანონების შესახებ ღრმა აზრებს. პოეტი თავისი ქვეყნის ისტორიული განვითარებისა და საზოგადოებრივი ყოფის რთულ სურათებს გვიხატავს.

აქ პესიმისტური მოტივიც გაისმის, მაგრამ პოეტის პესიმიზმი, ნაღველი მისი სატრფოს — სამშობლოს მდგომარეობითაა გამოწვეული, ეს პატრიოტის პესიმიზმია. პატრიოტული მიზეზების გარდა, ეს სევდა სოციალური უთანასწორობითაა გამოწვეული, ადამიანის მონური მდგომარეობით, ქართველი იქნება ის თუ რუსი.

მის შემოქმედებაში მკაფიოდ ისმის სოციალური მოტივები. ეს პროტესტია არსებული წესწყობილების და მონობის წინააღმდეგ. ეს გვაროვნული უთანასწორობის უარყოფაა.

დეკაბრისტების გავლენა, მეგობრობა გრიბოედოვთან, ბაირონის ამბოხი და სენ სიმონის იდეები, საფრანგეთის რევოლუციის გამოძახილი და ნიკოლოზ პირველის შემადრწუნებელი რეაქცია — ყველაფერი აფიქრებდა მგოსანს.

ამ ფიქრებმა წარმოშვა ალბათ იმ დროისათვის სავსებით უჩვეულო ლექსი:

„...რომელნიც ამწარებთ ღარიბთ ცხოვრებას  
და სთხოვთ ურცხვად უსამართლოდ მონებას,  
მოელოდეთ მათთან თანასწორობას.

მდაბალთ ჩაგვრით, მტაცებლობით და ხვეჭით!“

ეს თამამი, გაბედული ლექსი მთელი თავისი სიღრმით გამოხატავს ალ. ჭავჭავაძის მდიდარ სულიერ სამყაროს.

ტყუილად როდი მფარველობდა მგოსანი ემიგრანტებს, გადასახლებულებს. მისი სახლი თავისუფალი აზრების არსენალს წარმოადგენდა, იქ ინახებოდა ახალი იდეები, აზრები, განწყობილებები. ტყუილად როდი გახდა ის გრიბოედოვის ნათესავი, პუშკინის, ლერმონტოვის, კიუხელბეკერის და დენის დავიდოვის მეგობარი.

\*

დღეს ჩვეულებისათვის ეღალატნათ — არ იყო განათებული ორთაქალის ყველაზე საუკეთესო ბაღი. 1829 წლის მაისის ღამის სიბნელეს მხოლოდ ციციანათელების ფოსტორული ნათება თუ არ-



ღვევდა, რომელიც ზოგჯერ სხივს ფენდა მდინარის კუპრივით შავ, ხავერდოვან ზელაპირს.

წყალიც თითქოს არ ირხეოდა. დროდადრო ამ სიბნელესა და სიჩუმეს არღვევდა ნიჩბების განზომილი ხმაური და მეთევზის ნავის კიჩოზე მოციმციმე ალი, რომელიც ქარონის ფარანს წააგავდა.

ზედ მტკვრის პირად გაშლილია ფართე სპარსული ხალიჩა.

აშულთა პრინცი, როგორც თბილისში უწოდებდნენ ალექსანდრე ჭავჭავაძეს, აქ მოელოდა დღეს კავკასიაში გადმოსახლებულ რუს პოეტს ალექსანდრე პუშკინს.

მოხუცი ვანუა დაუზარებლად ფუსფუსებდა და მზად იყო ნემსის ყუნწში გამძვრალიყო, რათა ესიაზოვებინა საყვარელი აშულის და სახელოვანი სტუმრისათვის. მან გააფრთხილა თავისი თანაშემწე საქო და რამდენიმე ყარაჩოხელი, რომ „ამ ქეიფის შესახებ ბევრს ნუ ილაპარაკებთო, თავადი უმასპინძლდება რუს აშულს, რომელსაც თავის სიმღერაში თურმე ცუდად მოუხსენებია რუსთა მეფეო“ და ეს იღუმალება სხვაგვარ, მიმზიდველ იერს ჰფენდა ნადიმს.

სტუმრები ვაზის ტალავერში ისხდნენ.

ფქვილში ამოგანგლულმა ახალგაზრდა რაჭველმა მზარეულმა სუფრაზე დააწყო ცხელი თონის პურები, რომლებიც ნამგალა მთვარეს წააგავდნენ. იქვე, შორიახლოს ვეებერთელა კაკლის ხეზე ახლად დაკლული ცხვარი ეკიდა და ვანუა მას სამწვადეს აპრიდა. მაგიდაზე ცხვრის ყველის მოთალის დიდი თავები და ნამიანი მწვანილი ელაგა: სურნელოვანი ტარხუნა, გაზაფხულის წიწმატი, ქინძი, ნიახური, პრასი...

ხის ჯამი ჯონჯოლით იყო სავსე. სტუმრების თვალწინ აიღეს გავარვარებული კეცებიდან შემწვარი წიწილები და ყოველ სტუმარს ჩამოურიგეს ვაზის დიდ ფოთლებზე. იქვე ხალიჩაზე ეწყო მოწნული კალათები, რომლებიც სავსე იყო გასული წლის ხილთა და ყურძნის მტევნებით. ტიკებიდან მოწანწკარებდა სისხლივით წითელი ყვარელი და მალალ ყანწებს ავსებდა ვარდისფერი კახური და ქარვისფერი წინანდალი.

სუფრის თავში მჯდომი ამაყი შესახედაობის ლამაზი კაცი ლექსს კითხულობდა, თითქოს მღეროდა, დანარჩენები კი უსმენდნენ აშულების პრინცს, როგორც მენესტრელს, რომელმაც ექვსი საუკუნით დაიგვიანა ამ ქეიფზე. გვერდით ალვის ხესავით ამო-

დგომოდნენ მშვენიერი ჭაბუკები. მათ თავი აზარტეშებზე დაეხარათ და წითელ ღვინოს დასჩერებოდნენ...

„შენ ნარგიზი ახალი ხარ თავსა შენსა სტრფობ და ჰყვარობ მეგრამ წყალში ჭვრეტის ნაცვლად წითელ ღვინოს სარკედ ჰხმარობ; სახე შენი მას ღვინოში ჰჩანს, ვით ვარდი ზედა ხარობ, მერე ეშვი აღნატაცი, თავსა შთანთქმად აღარ ხარობ“.

ის იყო ამ ახალგაზრდობის ჰიმნის წაკითხვის შემდეგ სტუმრებმა თავიანთი აზარტეშები დასცალეს, რომ ღამის სიბნელიდან აიშორდნენ ყარაჩოხელთა სილუეტები, მათ ხელში ფიალები ენთოთ, სუფრაზე ცოცხალი თევზები გადმოყარეს, ოდნავ გასაგონად სიმღერაც წამოიწყეს.

ეს სტუმრის პატივსაცემი სიმღერა იყო.

პუშკინი ფეხზე წამოდგა, სიხარულისგან სახე გაუბრწყინდა, ჭავჭავაძემ მას ღვინით სავსე ყანწი გაუწოდა.

თურმე ტყუილად არ იზიდავდა პუშკინს საქართველო, ეს მისთვის ჯერაც უცნობი „პარნასი“, ქვეყანა, რომლის „საუკეთესო კლიმატი ვერ ანაზღაურებდა მის მიერ გადატანილ უბედურებებს. მოწონებითა და სიხარულით გამოიარა მან საქართველოს სამხედრო გზა და კავკასიამ მიიღო ის თავის საკურთხეველში. „რამდენიმე დღეს დავრჩი თავაზიან. მხიარულ საზოგადოებაში. რამდენიმე საღამო გავატარე ბაღებში მუსიკითა და ქართული სიმღერებით გარემოცულმა...“ — წერდა იგი.

და აი, ეს იყო ერთადერთი საღამო, როცა მას ალექსანდრე ჭავჭავაძე უმასპინძლდებოდა.

ყველანი გაჩუმდნენ. ფეხზე წამოდგნენ და ისე უსმენდნენ პუშკინს:

— მე მუდამ ვამბობდი, რომ ჩემი მეგობარი გრიბოედოვი ერთ-ერთი უპკვიანესი კაცია რუსეთში, დღეს ერთხელ კიდევ ვრწმუნდები ამაში და მესმის, რატომ დაუმეგობრდა და დაუნათესავდა ის ალექსანდრე ჭავჭავაძეს. ჩემთვის გასაგებია სულთა ეს ნათესაობა. გრიბოედოვმა შექმნა თავისი: მან დაწერა „ვაი ჭკუისაგან“, ჭავჭავაძემ კი შექმნა თავისი შეუღარებელი ლექსები... ამიერიდან ეს ორი ადამიანი ჩემს წარმოდგენაში განუყოფელი რჩება.

აბა რა იცოდნენ მათ, რომ ორი თვის უკან გაბოროტებული ბრბო თეირანის ჭუჭყიან ქუჩებში დაათრევდა გრიბოედოვის დამახინჯებულ ცხელარს... რა იცოდნენ, რომ სპარსეთისა და აზერბა-

იჯანის უკაცრიელ, მტკრიან გზებზე ზოზინით მოემართებოდა ურემი, რომელზედაც პოეტის უსულო სხეული ესვენა...

გრიბოედოვის ნორჩმა ქვრივმა შეასრულა ქმრის ანდერძი: „ნუ დატოვებ ჩემს ძვლებს სპარსეთში, თუ იქ მოვკვდი, ჩამომასვენე თბილისში და დავითის მონასტერში დამასაფლავეთ...“

■

გრიბოედოვის დაღუპვის შემდეგ გლოვამ დიდი ხნით დაიმკვდრა ფეხი ალექსანდრე ჭავჭავაძის ოჯახში. თვით პოეტი გულჩახვეული გახდა, ხალხს არ ეკარებოდა, უმეტეს დროს წინანდალში ატარებდა, სულ უფრო და უფრო მეტს ფიქრობდა ბედის უკუღმართობაზე, ხალხის ბედზე, მომავალზე.

ერთ სადამოს, როცა ის თავის აივანზე იჯდა და ალაზნის ველის სილამაზით ტკბებოდა, ალაყაფის კარებთან მხედარი შიჩხრდა. ლუარსაბ ორბელიანი იყო, მისი მეგობარი, თავადებს გამოეგზავნათ და ითხოვდნენ, ალექსანდრე ჭავჭავაძეს მონაწილეობა მიეღო აჯანყებაში რუსეთის წინააღმდეგ. აჯანყებულნი საქართველოს განთავისუფლებას ელტვოდნენ.

ალექსანდრეს დიდხანს არ უპასუხნია, ფიქრები აწამებდა, ჩქარი ნაბიჯებით ბოლთასა სცემდა ოთახის ერთი კუთხიდან მეორემდე, ახსენდებოდა გრიბოედოვის სიტყვები დეკაბრისტების შესახებ: „ისინი თავიდანვე განწირულნი იყვნენ — რადგან ხალხი არ იყო მათთან“, თუმცა დეკაბრისტთა შეთქმულება უცილოდ პროგრესიული მოვლენა იყო. აჰ კი! აჰაც არის ხალხი, ერთი მეფე მეორეთი შეიცვლება, თუნდაც საკუთარი მეფით, მაგრამ ნუთუ ეს ქართველების მდგომარეობას გააუმჯობესებს? პატარა ქვეყანა ისევ ყოველმხრივ გარშემორტყმული აღმოჩნდება. მას კი სჯეროდა, რომ საქართველოს ბედნიერება ასე თუ ისე რუსეთთანაა. მაგრამ მას, ეროვნული დამოუკიდებლობის მომხრეს არ შეეძლო თანაგრძნობა არ გაეწია შეთქმულებისათვის.

1832 წელს ალექსანდრე ჭავჭავაძეს ბრალი დადეს ქართველთა ვად-აზნაურთა აჯანყებაში. და დააპატიმრეს. დაკითხვაზე მას თავი ისე ღირსეულად ეჭირა, არავინ გაუცია, არ უარყოფდა აჯანყებაში მონაწილეობას, თუმცა ეს არ დასტურდებოდა.

1834 წლის იანვარში გამოძიებისა და გასამართლების შემდეგ

ის ტამბოვში გადასახლეს. ორი წლის შემდეგ აპატიეს და სამ-  
შობლოში დააბრუნეს. მიუხედავად იმისა, რომ თვალყურს ადევნებ-  
დნენ, მან მიიღო თავის სახლში ლერმონტოვი, ოდოევსკი. ამ  
წლებში ის თითქოს თვითონ იყო „დემონი, დევნილი სული, ჭვრიბ  
მონასტერში გამომწყვდეული მწირი“.

1838 წელს ალექსანდრე დანიშნეს საბჭოს წევრად კავკასიის  
მთავარმართებლის კარზე, 1841 წელს კი მიანიჭეს გენერალ-ლეიტე-  
ნანტის წოდება. მაგრამ უბედურმა შემთხვევამ შეწყვიტა ალექ-  
სანდრე ჭავჭავაძის ენერგიითა და შემოქმედებითი შრომით აღსავ-  
სე სიცოცხლე...



## 1.

ეს სახელწოდება შემთხვევითი როდია.

ლადო გუდიაშვილმა მართლაც შექმნა ფერების ზღაპრული სამყარო — თავისი უკვდავი შეპერეზადა. მისი ყოველი სურათი — ლეგენდაა. ზღაპრული ფერები, გასაოცარი ხაზები. ყოველ სურათს, ნახატს, ეტიუდს თავისი ფილოსოფია, თავისი სიბრძნე აქვს... ფერებიც თავისებურია, გუდიაშვილისებური.

ისინი ბევრია, უჩვეულოდ ბევრი — ცოცხალი, უსაზღვროდ ორიგინალური.

ოციანი წლები. მე უნივერსიტეტში შესასვლელად ვემზადებოდი. თავისუფალ დროს (ზოგჯერ არათავისუფალსაც) რუსთაველის პროსპექტზე ვსეირნობდი. იმ წლებში პროსპექტის ფართო-ფოთლოვან ჭადრებქვეშ დასეირნობდნენ პოეტები, მწერლები, არტისტები, მხატვრები. ისინი აქ ხვდებოდნენ ერთმანეთს, უზიარებდნენ ერთმანეთს განცილსა და განაგონს, კამათობდნენ, ყვებოდნენ თავიანთ შთაბეჭდილებებს. ჩადიოდნენ „დარიალის“, „გემოს“, „ჭიმერიონის“ სარდაფებში, მიდიოდნენ „ოლიმპიაში“ პუშკინის ქუჩაზე, ან „სიმპატიაში“, რათა შეესვათ კახეთის ველების მათრობელი ნექტარი.

1927 წლის ზაფხულში ამ „მონმარტზე“ მოსეირნე ხელოვნების ქურუმებს შეუერთდა შუა ტანის ახალგაზრდა კაცი, რომელსაც ოდნავი იდუმალების იერი გადაკრავდა. ის თითქოს ძველებურა ფრესკების მოდერნიზებული ორეული იყო.

ამბობდნენ მხატვარიყო.

სანდლებს ატარებდა ძველი რომაელივით, თხელი თეთრი შალის შარვალი ეცვა და სპილოსძვლისფერი აბრეშუმის პერანგი.

დადიოდა მსუბუქად, თითქოს მიწას ფეხს არ აკარებდა. მის მოძრაობაში იყო რაღაც ისეთი, რაც მას მირონის „დისკობოლს“, თუ მთიულს ამსგავსებდა, ვაჟკაცური, ერთი შეხედვით, თითქოს მრისხანე გამომეტყველება ჰქონდა, მაგრამ, როგორც კი დაილაპარაკებდა ან გაიღიმებდა, იგრძნობდით უსაზღვრო სითბოსა და მომხიბვლელობას. მაღალი შუბლი, ხშირი, გრძელი, გადაბმული წარბები, რომლებიც თითქოს დარაჯობდნენ უსაზღვროდ კეთილ, ღია ფერის თვალებს, ჭაღარაშერეული, უკანგადავარცხნილი, ოდნავ ტალღისებური თმა მხატვრის მთელ აღნაგობას პლასტიკურად დასრულებულ იერს აძლევდნენ.

ბოლოს გავიგე, ეს ლაღო გუდიაშვილი იყო, რომლის სულსაც აღტაცებაში მოჰყავდა ყველა, განსაკუთრებით, ახალგაზრდობა.

იმ ხანებში გავეცანი მის შემოქმედებას: „ხაში“, „თევზი ცოცხალი“, „კინტოს ქეიფი ქალთან“, „მწვანე ფერიები“, „ცხენისწყლის ტალღებში“, „ფერო ზესტაფონში“, „ბაკურიანის ანდუზიტი“, „შველები“.

შველი, მშვენიერებისა და სიწმინდის სიმბოლო, — გუდიაშვილის ცნოვრებისა და შემოქმედების ლაიტმოტივია.

მთელი თაობა იზრდებოდა მაშინ გუდიაშვილის შემოქმედებაზე. ბევრი ჩვენთაგანი არ ეწეოდა, მაგრამ მაინც ყიდულობდა პაპიროსს — „საბჭოთა საქართველოს“, რომლის ეტიკეტი გუდიაშვილის მიერ იყო შესრულებული. მასზე გამოსახულია შველის მსგავსი გოგონა სამოთხის ხეებს შორის, მოცისფერო-მოლურჯო ფერებში.

ჩვენ გვიყვარდა, აგრეთვე, სასტუმრო „ორიანტის“, ან როგორც ახლა უწოდებენ „ინტურისტის“ მეორე სართულის ფოიე, რომლის კედლების მხატვრობა გუდიაშვილს ეკუთვნოდა. მე თანავეგრძნობ იმათ, ვისაც იმ კედლებზე გამოსახული ფრესკები არ უნახავთ, ის იყო ნამდვილი შედევი: ლერწმისტანა ქართველი ქალები, გედივით ყელმოღერებული შველები, ახალგაზრდა ვაჟები ძველი ქართული ფრესკებიდან... ოდნავ ჩახშული, თითქოს დროისგან გახუნებული ფერები, ვარდისფერ-ცისფერი იერი.. ჩვენ ხშირად ვეწ-

ვეოდით გუდიაშვილის ფანტაზიის ამ სიცოცხლით სავსე გმირებს, რომელთაც ოდნავი იღუმალების იერი დაჰკრავდათ, და საათობით შეეცქეროდით მათ.

სასტუმროს მორიგეები მხრებს იჩეჩდნენ, უკვირდათ, რომ ასეო აღტაცებაში მოეყავდით ამ „უყურო საოცრებებს“ (გუდიაშვილი, საერთოდ, ერიდებოდა ყურების ხატვას, რადგან მისი აზრით ისინი ამახინჯებენ ადამიანის სახეს). ბევრს არ ესმოდა მაშინ მხატვრის ღრმა, მზიური ხელოვნება, მახსენდება, როგორ დავდიოდით მაშინ მე და ლადო ინსტანციებში... მაგრამ, სამწუხაროდ, ვერაფერი მოვახერხეთ, სასტუმროს მაშინდელმა დირექტორმა ფრესკები წაშალა, რათა შესაძლებლობა მისცემოდა თავისი საყვარელი დეკორატორისათვის კედლები აბრეშუმისმაგვარი მეშჩანური, უგემონო არშიებით მოერთო. მას ზედმეტად მიაჩნდა „ინტურისტის“ კედლებზე გუდიაშვილის სურათების არსებობა, ხოლო აბრეშუმის არშიები მისი ფანტაზიისა და გემოვნების მწვერვალი იყო.

მით უფრო სამწუხაროა ეს შემთხვევა დღეს, როცა ეს შენობა მხატვართა კავშირს გადაეცა. სწორედ რომ ბედის ირონიასა ჰგავს ეს ამბავი...

ამ ამბავს რომ ვიგონებ, უნებურად წამოტივტივდება მესსიერებაში ლადოს გასაოცარი გრაფიკული ქმნილება: „მშვენიერების საიდუმლოს ამოხსნაში“...

რუსთაველის თეატრის სცენაზე გადიოდა მაშინ სპექტაკლი „ლამარა“. დამდგმელი კოტე მარჯანიშვილი იყო, მონაწილეობდნენ თამარ ჭავჭავაძე, უშანგი ჩხეიძე, აკაკი ხორავა, გიორგი დავითაშვილი. სპექტაკლი ლადო გუდიაშვილმა გააფორმა...

როცა მინდია — დავითაშვილი უახლოვდებოდა ყვავილებს და ესაუბრებოდა მცენარეებს მათს ენაზე, გუდიაშვილის ყვავილები თითქოს უპასუხებდნენ მას. ლადოს ფუნჯი და ვაჟა-ფშაველას ლექსი შეერთდნენ, შეეპიასბორცნენ ერთმანეთს.

სავსებით უჩვეულო იყო ხევსურთა ზეიმის სცენა. ეს იყო ფერებისა და საღებავების გასაოცარი ვაქხანალია, რომელიც მკაცრ რიტმს დამორჩილებოდა.

ოპერის თეატრში იმ წლებში „აბესალომ და ეთერი“ გადიოდა. მხატვრობა გუდიაშვილს მიანდეს და ისევ ხალხური „ეთერიანი“, ფალიაშვილის მუსიკა და ლადოს დეკორაციები შეერთდნენ სიყვარულისა და უკვდავების საღვთასწაულო ჰიმნად.

მეხსიერებიდან წარუშლელია, აგრეთვე, კოტე მარჯანიშვილის განსაცვიფრებელი წარმოდგენა „არსენას ლექსი“. სპექტაკლის უკანა დეკორაცია, რომლის სიგრძე რამდენიმე მეტრს შეადგენდა, გუდიაშვილის მიერ იყო შესრულებული ხალხური მანერით. ეს დეკორაციები ირგვლივ ჰქონდა შემოხვეული თეატრის ორივე მხარეს ორ ბოძს.

სპექტაკლის გმირის — არსენა ოძელაშვილის ყოველ ახალ გამოჩენას და ყოველ ახალ სცენას, თან ახლდა ახალი დეკორაცია და ყოველი მათგანი თეატრალური ფერწერის შედეგრი იყო. ამ სპექტაკლის შემდეგ, არ შემიძლია ხალხური „არსენას ლექსი“ გუდიაშვილის საღებავების გარეშე წარმოვიდგინო.

მიფრინავდნენ დღეები, როგორც შემოდგომის ფოთლები.

1946 წელს ლადოსთან ერთად მომიხდა ყოფნა მცხეთის მახლობლად, ზედაზენში საეკლესიო-ხალხურ დღესასწაულზე.

ზედაზენის მთიდან ხელისგულივით მოჩანს მცხეთა და ქართლის ველები, რომლებიც ნაცრისფერ ნისლში გადაჰქიმულან თავისი მდიდარი ბაღებითა და კრამიტისსახურავიანი სახლებით. მოშორებით ზაპესია, კიდევ უფრო შორს — თბილისის ბუნდოვანი ხედი.

ამ დღეს თვალნათლივ ვხედავდი, თუ როგორ იღებს მხატვარი შთაგონებას ცხოვრებისაგან, ხალხისაგან. ლადოს ისე ეჭირა თავი კოლმეურნეებთან, როგორც თავის მეგობრებთან, კეთილ მეზობლებთან. ის აუცილებლად მიდიოდა იქით, სადაც ხალხი მხიარულობდა, ცეკვავდა, მღეროდა, სადაც იწყებოდა ჭიდაობა, ფარიკაობა, სადაც მოხუცი სტირზე სასაცილო შაირებს ამღერებდა, სადაც ერთმანეთს ეჩიბრებოდნენ მშვილდ-ისრის ტყორცნაში.

ამ დღეს ლადო რამდენიმე ნათლობას დაესწრო.

საღამოს ზედაზენიდან გზად მცხეთაში შევჩერდით. შეუძლებელია გვერდი აუარო სვეტიცხოველს... და, გარდა ამისა, ასეთი დამაბული ღღის შემდეგ, ზედმეტი როდია იონას დუქანში შესვლა, „ცოცხალისა“ და „ატენურის“ გასინჯვა.

როცა მცხეთაში ვარ, მიმიძიმს ამ პატარა ქალაქთან, იბერიის ძველ დედაქალაქთან დაშორება, აქ ცოცხლდება ისტორია, სამ მწვანე მწვერვალს შორის იშლება საუკუნეებისა და ათასეული წლების ფურცლები.

ერთ-ერთ მთაზე წარმართული ქალაქის, არმაზის, ნანგრევია:



იქით კი მოპირდაპირე მხარეს, ასეთსავე თვალუწვდენელ მთაზე აღმართულია მეშვიდე საუკუნის ტაძარი ჯვარი (გახსოვთ ლერმონტოვის „მწირი“?). ქვევით, მღვრიე მტკვარზე პომპეის ხილია, სწორედ იმ პომპეის... მახლობლად დედათა მონასტერი „სამთავისი“, თავისი შეუღარბელი ჩუქურთმებით. აქვე მოჩანან არქეოლოგიების მიერ „გაძარცული“ შავი თხრილები.

არასოდეს დამავიწყდება XI საუკუნის ტაძრის სვეტიცხოველის წინ ჩამავალი მზის სისხლისფერი სხივების ფონზე მუხლმოდრეკილი ლადო გუდიაშვილი... მან მუხლი მოიყარა არა იმიტომ, რომ ღვთის არსებობა სწამდა, არა, ის ათეისტი იყო. მან დაიჩოქა ხუროთმოძღვრების დიდი ქმნილების, სვეტიცხოველის წინაშე. მისი უკვდავი შემქმნელის არსაქიძის წინაშე...

წარუშლელია მეხსიერებიდან ლადო „კინტოურის“ ცეკვის დროს. ეს სანახაობა საკუთარი თვალთ უნდა გენახათ, მისი აღწერა შეუძლებელია. მხოლოდ მაშინ მივხვდი, როგორ შესძლო მხატვარმა ასეთი სიზუსტით გადმოეცა კინტოს ყოველი მოძრაობა თავის ნახატებში. ასეთი პლასტიკურობა, ასეთი მკვეთრი, დასრულებული გადასვლები, უჩვეულო ხაზები, რომლებიც ასახავდნენ ადამიანთა ამ საოცარი კატეგორიის ყოფაცხოვრებასა და სულიერ სამყაროს, მხოლოდ თანდაყოლილი შეიძლება იყოს და მხოლოდ ასეთ მარად ახალგაზრდა ადამიანებს შეიძლება ახასიათებდეს, როგორიც იყო ლადო გუდიაშვილი. ამაში დამეთანხმებიან ისინი, ვისაც უნახავს საუცხოო მსახიობი გიორგი შავგულიძე კინტოს ან ყარაჩოხელის როლში.

...თბილისის, კეცხოველის ქუჩა № 2. აქ ცხოვრობდა ჩვენი მხატვარი, ამ სახლს იცნობს ათასობით ადამიანი, ჩვენც ხშირად მივდიოდით მასთან, რათა გაგვეგო, რა შექმნა მხატვარმა დღეს? ის ბევრს ხატავდა, ძალიან ბევრს, კარს მუდამ გოგონა გვიღებდა, მხატვრის ქალიშვილი — ჩუქურთმა.

იქვე გვხვდებოდა ოჯახის კეთილი ანგელოზი, მხატვრის მეუღლის ნინო გუდიაშვილის მუდამ გულთბილი ღიმილი...

## 2.

ტაძარი, რომელიც აშენებულია მე-IX საუკუნეში, მდებარეობს ქართლში, ქსანსა და გორს შორის და ძველი ქართული არქიტექტურის საუკეთესო ნიმუშად ითვლება. მას „სამთავისი“ ქვია.

მე-XX საუკუნის დასაწყისში ასეთივე ტაძარი ააშენეს რუსთაველის პროსპექტზე, სამხატვრო გალერეასა და იმ სახლს შორის, სადაც მხატვარი ცხოვრობს. ქაშუეთის ახალი ტაძარი არაფრით არ განსხვავდება მისი პირველადი სახისაგან... მაგრამ რა უნდა ექნათ გასაცარი ფრესკებისათვის, რომლებიც იმ ტაძრის შიდა კედლებს ამშვენებდა? სად მოეძებნათ მხატვარი, რომელიც ღირსეულად გაიმეორებდა მას?!

თითქმის ნახევარი საუკუნის ლოდინის შემდეგ, არჩევანი ლადო გუდიაშვილზე შეჩერდა. მაგრამ მან გადაწყვიტა სამთავისის ფრესკების ნაცვლად დაეხატა ახალი, თავისი. გუდიაშვილის წინადადება მიიღეს და ქალაქს ელვის სისწრაფით მოედო ხმა, რომ ლადო გუდიაშვილმა იკისრა ქაშუეთის ტაძრის კედლების მოხატვაო.

ერთნი გაცეცხულნი იყვნენ, — როგორ, კოშუნისტი დათანხმდა ტაძრის მხატვრობა შეესრულებინა? ზოგი სენსაციამ გაიტაცა: საინტერესოა, როგორ დახატავს ის წმინდანებს — ყურებით თუ უყუროდ. ზოგი კი ამ ამბავს სინარულით შეხვდა: მათ იცოდნენ, რომ ქაშუეთი ხელოვნების ძეგლია და გუდიაშვილი კარგად მოიქცა, რომ დათანხმდა. ის მხატვარია და ნება არ ჰქონდა უარი ეთქვა: განა სასაცილო არ იქნება იმის თქმა, რომ რაფაელის „მადონა“ ხატია? ეს ხომ ხელოვნების გენიალური ქმნილებაა!

ვერც ძრახვამ, ვერც მეგობრების შიშმა და გაფრთხილებამ, ვერც მტრების ბოროტმა სინარულმა — ვერაფერმა შეძლო ლადოსთვის გადაწყვეტილებაზე ხელი აეღებინებინა.

მხატვარმა მტკიცედ გადაწყვიტა განზრახვის შესრულება.

დაიწყო მუშაობა. ახალგაზრდული შესახედაობის ჭალარა მხატვარი დილიდან საღამომდე იდგა საკურთხევლის გუმბათქვეშ და ხატავდა. ეკლესიაში არავის უშვებდნენ. მხოლოდ ერთი თვის შემდეგ „გაიხსნა ჯაჭვი“.

ტაძრის ალაყაფის კარებთან ღვთისმოსავი მოხუცი ქალები ერთმანეთს შიშნარევი ხმით უჩუჩულებდნენ. ეშინოდათ ხმამალა გამოეთქვათ თავიანთი აღშფოთება, ეშინოდათ ღმერთი განერისხებინათ, — იქნებ, ღმერთმა შთააგონა მხატვარს წმინდანების გამოსახულების ასე დახატვა.

ათასგვარი ხმები დადიოდა.

ძნელია უცადო, სანამ თვით მხატვარი მიიხმობს: შემოქმედს

მუდამ გონია, რომ მის ქმნილებას რაღაც აკლია, ნამდვილი ხელოვანი მუდამ უკმაყოფილოა თავისი ნამუშევრით.

ჩვენ გადავწყვიტეთ მხატვარს მოულოდნელად დავდგომოდით თავს. ნაცრისფერკედლებიან, ჩამობნელებულ ტაძარს ერთადერთი სანთელი ანათებდა და ამ ბინდბუნდში საკურთხეველის მაღალი გუმბათიდან თითქოს მზის ნათელმა სხივმა შემოგვანათა.

ჩვენ განცვიფრებული დავრჩით... თვალწინ გადაგვეშალა ამქვეყნიური მისწრაფებების, მღელვარე ცხოვრების, ადამიანთა ნაკლისა და ღირსებების უსაზღვრო სიხარულის სამყარო.

რა შესანიშნავი სურათი იყო! საღებავების დღესასწაული, სინათლის სიჰარბე, რამდენი მზე, მხიარული ფერების ზეიმი!

საკურთხეველზე ვხედავთ ქრისტეს გამოსახულებას და გაოცების ამოძახილი უნებლიედ წყდება ჩვენს ბაგეებს: ჩვენს წინაშე ხომ მხატვრის მოწაფის, მოქანდაკის ბიძინა ავალიშვილის გამოსახულებაა!

თბილისში ავალიშვილს ბევრი იცნობდა. რუსთაველის პროსპექტზე ხშირად შეხვედებით ამ ვაჟკაცური შესახედაობის ახალგაზრდას. მისი მიხედვით შეიძლება დაეხატათ უფლისწული ან რაინდი თამარ მეფის ამალიდან, მაგრამ ქრისტე?!

ყველაზე კოლორიტული და საინტერესოა ღვთისმშობელი ბავშვით ხელში, რომლის მხატვრობა შესრულებულია ვარდისფერციცხურ ტონებში, დასრულებული ფორმების მქონე, წარმოსადეგი აღნაგობის ლამაზი ქართველი გლეხის ქალი მხიარული ბუთბუზა ბაღით ხელში.

ოდნავ დაბლა, ღვთისმშობლის ორივე მხარეზე მოციქულები დგანან ძველი ქართული საფრესკო ფერწერის ტილოზე: მოციქულები მეომრებს უფრო გვანან, ვიდრე წმინდანებს.

მან ბევრი რამ გამოსცადა: ხელმოკლეობაც და შეძლებულობაც, შემოქმედებითი წარმატებაც და ხელმოცარულობაც, აღტაცებული ქებაც და დაუმსახურებელი კრიტიკაც. ლაპარაკი საკუთართავზე, საქართველოს სახალხო მხატვარს ლადო გუდიაშვილს არ უყვარდა, უხერხულობას გვრიდა, მაგრამ ძალზე თავაზიანი იყო და ხათრს ვერ გვიტეხდა.

—დავიბადე თბილისში, 1896 წელს, რკინიგზელის ოჯახში. მამა დეპოში მუშაობდა, დედა პატარებს გვზრდიდა. ბავშვობიდანვე მიყვარდა ხატვა. მინდოდა მხატვარი გამოვსულიყავი. ამ დაყინე-

ბულმა სიყვარულმა გადაწყვიტა ჩემი ბედი. 1914 წელს საშუალო სკოლა და სამხატვრო სასწავლებელი ერთდროულად დავამთავრე თბილისში. ცამეტი წლის ასაკში ვმონაწილეობდი გამოფენაში. ჩემმა ფერწერამ და გრაფიკამ პედაგოგების ყურადღება მიიქცია.

შემდეგ ქართული ხელოვნების ძეგლების შესწავლა დავიწყე, მონაწილეობას ვღებულობდი ისტორიულ-არქეოლოგიური საზოგადოების ექსპედიციებში, ძველი ფრესკების ასლს ვიღებდი. ისინი ახლა საქართველოს მუზეუმებში ინახება.

ვმონაწილეობდი მხატვრების მიერ მოწყობილ გამოფენებში.

1919 წელს გავემგზავრე პარიზში. იქ დავდიოდი რონსონის აკადემიაში. 1920 წელს მონაწილეობა მივიღე შემოდგომის სალონში. გამოფენაზე წარვადგინე ზეთის საღებავებით შესრულებული ოთხი სურათი. შემდეგ დავბრუნდი სამშობლოში, ვმუშაობ... მგონი, მეტი არაფერია სათქმელი.

არა, სათქმელი კიდევ ბევრია! 1922 წელს პარიზში მოეწყო მისი პერსონალური გამოფენა. გუდიაშვილის სურათები წარმატებით იქნა ექსპონირებული მარსელში, ბორდოში, ლიონში. ბორდოში მხატვარი დააჯილდოვეს საპატიო სიგელით, რომელსაც რჩეულთა შორის რჩეულს აკუთვნებენ.

ლ. გუდიაშვილი წარმატებით მონაწილეობს ლონდონში, რომში, ბრიუსელში, ამსტერდამსა და ევროპის სხვა ქალაქებში მოწყობილ გამოფენებში. 1922 წელს გუდიაშვილის ნამუშევრებს საპატიო ადგილი მიეკუთვნა ნიუ-იორკის „ახალი გალერეის“ პირველ გამოფენაზე.

ლ. გუდიაშვილის ნაწარმოებები შეტანილია, აგრეთვე, ლიკორნისა და ჟოზეფბიეს პარიზის გალერეის და მადრიდის მუზეუმ პრადოს ექსპონიციებში. მის ბევრ ნამუშევარს შეიძლება შევხვდეთ ევროპისა და ამერიკის საუკეთესო კერძო სალონებში.

შეიძლება ითქვას, რომ ლადო გუდიაშვილის მიერ შექმნილი სახეები ინარჩუნებენ წმინდანთა ტრადიციულ გამოსახულებას, რომლის საწყისები ბიზანტიაში უნდა ვეძიოთ. გუდიაშვილის ფუნჯი ამ სახეებს ზოგჯერ ელეგიური პოეზიით მოსაეს, ისინი სავსეა ლეგენდის კოლორიტით, რომელშიც ერთმანეთს უპირისპირდება სიუხვე და სიმტკიცე, ხოლო მუდარა მუდამ ადგილს უთმობს მღელვარე მოთხოვნას.

ლადო გუდიაშვილის დამსახურებად ისიც უნდა ჩაითვალოს,

რომ მან ხელუხლებლად შეინარჩუნა თავისი ნაციონალური გრძნობიერება იმ პლასტიკურ ცდუნებათა შორის, რომელთაც ყოველ ნაბიჯზე ახვედრებდა პარიზი.

### 3.

1925 წელს პარიზში გამოქვეყნდა ფრანგი ხელოვნებათმცოდნის მორის რეინალის მონოგრაფია გუდიაშვილზე.

აი, ზოგი ფრაგმენტი ამ წიგნიდან:

„ჩვენ მთელი არსებით ვეძლევით მისი ქართული სანახაობების მომხიბვლელობას, იმდენად, რომ, მიუხედავად ჩვენი პატივისცემისა გარკვეული არტისტული ტრადიციების მიმართ, ჩვენ შევიყვარეთ საქართველო ისე, რომ არც კი გვინახავს ის. ჩვენ შევიყვარეთ საქართველო, განსაკუთრებით, მისი სულისათვის და ეს მოხდა გუდიაშვილის ხელოვნების დაბეჭიდებით სელის შეწყობის შემთხვევით.“

სენტბევი თავის დროზე წერდა მოგზაურობის სარგებლიანობის შესახებ:

მოგზაურობა ხელს უწყობს აზროვნების სიმდიდრეს, და ამცირებს თავმოყვარეობას, და თუ მე გიწვევთ სამოგზაუროდ გუდიაშვილის სურათების სამყაროში, ამას ვაკეთებ იმისათვის, რომ მგონია ისინი არა მარტო ჩვენს პლასტიკურ გემოვნებას დააკმაყოფილებენ ან ლათინურ თავმოყვარეობას შეამცირებენ, არამედ გრძნობათა სამყაროსაც კი დაიპყრობენ...“

პერსპექტივა, ეს საცოდავი, პატარა გამოგონება იმდენად ვიწროა, როგორც არისტოტელეს სახელგანთქმული სამი ერთიანობაა, მასში ტოვებს ადგილს უფრო თავისუფალი წყობისათვის და, მაშასადამე, უფრო მდიდარი გრაფიკული და პლასტიკური აღმოჩენებისათვის. და მისი ნახატი, ელეგანტური და მძლავრი, მოქნილი, მაგრამ არა რბილი, ენერგიული, მაგრამ არა უხეში, ცოცხალი, მაგრამ არა კონვულსიური, მუდამ მოქმედებს ჩვენი გრძნობიერების პლასტიკური მიზეზების ჩარჩოებში, აკეთებს სწორხაზოვან აღმოჩენებს, რომლებიც მჭიდროდაა დაკავშირებული ფერადოვან, მაგრამ სავსებით ჯანმრთელ წარმოსახვასთან“.

„... გუდიაშვილის შემოქმედება მხოლოდ წუთით როდი იზიდავს ჩვენს ყურადღებას. ჩვენ ვგრძნობთ, რომ სახეები, რომლებიც ახდენენ მისი კომპოზიციის ილუსტრირებას, ცხოვრობენ ჩვენი

გრძნობიერების ინტენსიური ცხოვრებით, რომლის გამოვლინება არ გვაოცებს, მაგრამ გვაცბუნებს და გვალღვებს. მხატვარი თითქოს ვეიწვევს მაგარი სასმელის დასალევად, რომელიც ბევრი რამით წააგავს ჩვენსას, მაგრამ მინც ინარჩუნებს თავის სპეციფიკურ თავისებურებას, რომელიც თავბრუს გვახვევს და საღდაც შორს გვიტაცებს.

ახალი ქეშმარიტებანი. ახალი აღმოჩენები ეძლევათ მათ, ვისაც უფრო დიდი და ნაყოფიერი გული აქვთ.

ლადო გუდიაშვილმა თავის შემოქმედებაში შეძლო დაემყარებინა საფუძვლიანი წონასწორობა გონებასა და ინდივიდუალური გრძნობიერების იმპულსებს შორის, შექმნა ორიგინალური და სტაბილური ნაწარმოებები, რომელთაც შეძლეს (ეს იშვიათი თავისებურებაა) დაეტყვევებინათ და აელევეებინათ ისინიც კი, ვინც დიდი ხანია დარწმუნებულია სენტიმენტალური ხელოვნების წარუმატებლობაში..."

ამას წერს მორის რეინალი, ხელოვნებათმცოდნე, პაბლო პიკასოს შემოქმედების სპეციალისტი.

1926 წელს გუდიაშვილი სამშობლოში დაბრუნდა. ერთი წლის შემდეგ კი, მე ის პირველად ვნახე რუსთაველის პროსპექტზე.

გავიდა ათეული წლები. ბევრი რამ შეიცვალა ხალხის, ქვეყნის ცხოვრებაში, თვით ჩვენი მხატვრის ცხოვრებაშიც. გარეგნულად ის თითქმის ისევ ახალგაზრდაა, როგორც ოდესღაც იყო, მისი სურათები კი უკვე მსოფლიოს მოსდებია.

მხატვრის უზარმაზარი ატელიე ზღაპრული პრინციპის სასტუმრო ოთახს წააგავს, სადაც კედლები შეჭერაზადის აურაცხელი გმირებითაა მოფენილი, უნებურად გახსენდებათ ინგლისელი მწერლის ჯიმს ოლდრიჯის სიტყვები:

„უსაზღვროდ აღფრთოვანებულმა დავათვალიერე ლადო გუდიაშვილის ბრწყინვალე შემოქმედების მცირე ნაწილი. ლადო გუდიაშვილს თავისი ადგილი ეკუთვნის თანამედროვე ეპოქის დიად მხატვართა შორის. ზედმიწევნით ამალეღვებელია მისი გრაფიკული ხელოვნების შესანიშნავი ნიმუშები, ხოლო მისი ფერწერის დათვალიერების დროს ადამიანს ისეთი მღელვარება იპყრობს, როგორც ტაძარში შესვლის დროს იგრძნობა; ყოველ მნახველს შეუძლია შეიგრძნოს ლადო გუდიაშვილის სახვითი საშუალებანი და ჩაწვდეს მისი ხელოვნების სიღრმეს. მოუთმენლად ელიან მისი

ნაწარმოებების გამოფენას პარიზსა და ლონდონში, და ის იქაც ისეთსავე მღელვარებას გამოიწვევს, როგორც აქ გამოიწვია“.

1957 წლის გაზაფხულზე მოეწყო ლადო გუდიაშვილის პირველი სრული გამოფენა. ყველანი მოუთმენლად ელოდნენ ვერნისაჟს, როგორც დიდ დღესასწაულს. ხუმრობა ხომ არ არის ლადო გუდიაშვილის სურათები ერთ დარბაზში ერთად იხილო!

გამოფენის გახსნის დღეს, თორმეტ მაისს, რუსთაველის პროსპექტზე გავლა ჭირდა, ხალხი იცდიდა სამხატვრო გალერეასთან, ახალგაზრდობა სჭარბობდა: უნივერსიტეტის, სამხატვრო აკადემიის, კონსერვატორიის სტუდენტები. დარწმუნებული ვარ, მათ არ ჰქონდათ მოსაწვევი ბილეთები. ვერნისაჟზე ჩვეულებრივად იწვევენ მხატვრებს, მწერლებს, არტისტებს, ჟურნალისტებს. დღეს კი აქ მთელი თბილისი შეყრილიყო.

როცა გამოფენის გახსნის დრომ მოაღწია, ხალხი კარებს მი-აწყდა. გამოფენის ისტორიაში პირველად დაირღვა ტრადიციული ცერემონია.

მესამე დღეს, როცა ოდნავ იკლო დამთვალეირებელთა რიცხვმა, ძლივს მოვახერხე დარბაზში შესვლა.

სამხატვრო გალერეის შესახვევში შემხვდა ჩვენი ცნობილი კრიტიკოსი და ხელოვნებათმცოდნე, შესანიშნავი მოსაუბრე, აწ განსვენებული გერონტი ქიქოძე.

— როცა ამ ჭადრების ჩრდილიდან და ნაძვების ხეივნიდან გუ-დიაშვილის სურათების გამოფენაში შედიხართ, არ გეჩვენებათ, რომ ქართულ პოეტურ სამყაროში ხვდებით? თქვა მან და პასუხისათვის აღარ დაუცდია.

ბოლოს, გამოფენის დარბაზში შევედი და იქ ლეგენდებისა და ზღაპრების სამყაროში აღმოვჩნდი.

დათვალეირება ფერწერიდან დავიწყეთ.

— შეამჩნიეთ, — განაგრძობდა გ. ქიქოძე, — რა არაჩვეულებრივადაა წარმოდგენილი ქართული ბუნება მის ტილოებზე? მხატვრის მთელი ყურადღება მიპყრობილია ადამიანისაკენ, ის ცდილობს ამოხსნას უდიდესი საიდუმლო, ადამიანის სულისა და სხეულის საიდუმლო, როგორც ეს დამახასიათებელია მხატვარი მოაზროვნისათვის. ის ნათელი ცა და მსუბუქი ღრუბლები — ქართული ცა და ქართული ღრუბლებია და მათი შემქმნელი მხატვარი ღრმად ნაციონალურია.

ის ხატავს სხვადასხვა სოციალური წრისა და ისტორიული ეპოქის წარმომადგენელ ქალებს: საუკუნეების სიღრმიდან გამოსულ სერაფიტას, დაჭრილ ამორძალს, გლეხის ქალებს, რომლებიც მწვანე მდელოზე სანახევროდ წამოწოლილან, ან თავბრუდამხვევ ცეკვას გაუტაცნიათ. ის ხატავს ანტიურ ღმერთქალებივით მშვენიერ კოლმეურნეობის მინდვრებზე მომუშავე ქალებს, ან ლალად ცხენზე მოჯირითეებს, მათ ყველას რაღაც აქვთ საერთო. ეს ის პოეტური საბურველია, რომელიც მათ მოსავეთ. როგორც ფრიგის ლეგენდარული მეფის მიდასის ხელში ყველაფერი ოქროდ იქცეოდა, ისე ყოველი ქალი, რომელსაც ლაღო გუდიაშვილის ფუნჯი შეეხება, ღრმად პოეტური ხდება.

ჩვენი ყურადღება მიიპყრო სურათმა „პოეტი მანანა ორბელიანი ლოჯიაში“.

— ეს შედეგია, — აღმოხდა აღფრთოვანებულ გერონტის, — როგორც კოლორიტისა და ნახატის, ისე კომპოზიციის მიხედვითაც: ისინი შესანიშნავ თაიგულს ქმნიან ხანშიშესულ მამაკაცთან ერთად, რომელიც მარტო სცენითაა დაინტერესებული. ეს კონტრასტი საუკეთესოადაა გადმოცემული ფერების მრავალსახეობაში, რომელიც შავი საღებავით იწყება და შემდეგ შინდისფერსა და მწვანე ფერში გადადის, რათა შეუღარებელი, ნაზი ელფერი შექმნას.

განვავრძობთ დათვალიერებას. მოხიბლული ვდგევართ სურათ „ფიროსმანის სიკვდილის“ წინაშე, რომელშიაც, ყოველგვარი სენტიმენტალობის გარეშე, გადმოცემულია სახალხო მხატვრის ტრაგედის უკანასკნელი აქტი. რა განმაზოგადებელი ძალაა ამ სურათში!

ჩვენი საუბარი შეწყვიტა პოეტმა გიორგი ლეონიძემ. ის მღელვარედ ამქლავნებდა თავის ალტაცებას, ხმამაღლა ლაპარაკობდა.

— მე განგებ მოვიყვანე აქ ჩემი სოფლელი კოლმეურნე, რომელიც სტუმრად მეწვია. და იცით, რა თქვა მან? თქვა, რომ ყოველივე ეს სასწაულია! — ერთხელ, — განავრძო ლეონიძემ, — მე და ლაღო გუდიაშვილი რუსთაველის პროსპექტზე მივიდიოდით. უცებ ცაზე ცისარტყელა შეგამჩნიეთ და მოვუყევი ლაღოს სოფელში განაგონი: თუ ცისარტყელაში ყვითელი ფერი ჭარბობს, იმ წელს პურისა და სიმინდის კარგი მოსავალი იქნება, თუ წითელი — ღვინისა, და თუ მწვანე — ხილი იქნება ბევრი... ასე მიაბებს თანასოფლელებმა. მე კი დავუმატებ, რომ ლაღო გუდიაშვილის ცისარტყე-



ლაში მრავლადაა ყოველგვარი ფერი და, აი, უხვი მოსავალიც. მართლაცდა, ლადო გუდიაშვილის ფუნჯმა შეითვისა ყველა ქართული ფერი. მის ტილოებზე ანათებს მზის ფერები. ოქროსი, ბროწეულის და ზვრის, ზურმუხტისა და ბადახშის, მაისის მთვარისა და გაზაფხულის სიზმრების...

#### 4.

არქეოლოგები შეუსვენებლად მუშაობდნენ. ყოველი ნაპოვნი საფლავი ისტორიის ახალი გვერდია. აი, დედოფლის სამარხი. აქ ნაპოვნი ქსოვილის ნაჭრები, ტუალეტის საგნები, ოქროს პაწაწინა ნივთები, მანიაკი. — ყოველივე ეს მხატვრის მეხსიერებაში აღბეჭდილა ღრმად.

ისტორიკოსებისა და არქეოლოგების წასვლის შემდეგ, არმაზის მეფის ასული ორიათასწლიანი ძილისაგან იღვიძებს და თავის მოახლეებთან ერთად სასეირნოდ გამოდის... ყველაფერი ვერცხლისფრად, მხიარულად ელვარებს: შესანიშნავი მორთულობა, ქარში მოფრიალე მოსასხამი, ხელების რიტმული მოძრაობა... ჩვენება გაქრა, მაგრამ ის დარჩა ტილოზე: „სერაფიტას გასეირნება“.

... აი, უკვე რამდენიმე დღეა მოდის პოეტი ამ ძველთაძველ ტაძარში, თავი უკან გადაუხრია და დგას ერთსა და იმავე ადგილზე. მაღლა კედელზე ფრესკაა — ქალიშვილის გამოსახულება. ის იღუმლად იღიმება და პოეტს მოსვენებას არ აძლევს სურვილი, გამოიყნოს, რას უღიმის ეს ქართველი ჯოკონდა? ასეთია გუდიაშვილის სურათი „ფრესკის ღიმილი“.

ნიკო ფიროსმანის საფლავზე მოდის კინტო თავისი არღნით, რათა, ჩვეულების თანახმად, ღვინო მოასხუროს ძველი თბილისის მდაბიო ხალხის იღუმალ აზრთა მფლობელის საფლავს. გვერდით ყარაჩოხელებისა და ფიროსმანის სხვა თანამედროვე მოქალაქეთა საფლავებია, რომელთაც ფიროსმანი ხოტბას ასხამდა თავის ნახატებში. შველი — ეს სიწმინდე და გულწრფელობა. რომელიც საფლავის ქვას ამავრებს, ფუნჯის უკვდავი ჯადოქრის დაუქცნობელი ხელოვნების სიმბოლოა... „ფიროსმანის შესანდობარი“ — ასე უწოდა მხატვარმა თავის სურათს. ფიროსმანი მუდამ მისი სათაყვანებელი მხატვარი იყო.

საღებავების რა საოცარი დღესასწაულია! დიდი და პატარა

ქუჩაზე გამოფენილა; იყურებიან აივნებიდან, სახლების ფანჯრებიდან, იცინიან, მღერიან, ხმამაღლა გამოხატავენ ალტაცებას. ეს ქართველი ხალხის წითელ არმიასთან შეხვედრის სიხარულია. სურათს ეწოდება „წითელი ლეგიონების შემოსვლა თბილისში“.

კარიერისტ ჩინოვნიკს წოდება უნდა, მას სურს მოხვდეს გაზეთის ფურცლებზე, რათა ილაპარაკონ, რომ ის უძველესი და არისტოკრატიული მოდემის შთამომავალია, რომ მის ძარღვებში ცისფერი სისხლი ჩქეფს. ამ მიზნით მას პარიზში გადააქვს თავისი წინაპრის მარკიზის ნეშტი პროვინციიდან.

დიდი ხნის წინათ გარდაცვლილი წინაპრის ჩონჩხი თვითკმაყოფილების გრძნობით ეწევა სიგარას თავის მინის კუბოში. ის ამაყად განისვენებს ახალ აკლდამაში ჩინების თაყვანისმცემელთა და ასენიზაციური ფურგონის გვერდით.

ამ სატირიკულ ნაწარმოებს, რომელშიაც მხატვარი სარკასტულად დასცინის მლიქვნელური ღვთისმსახურების აქტს, ეწოდება „მეორედ დასაფლავება პარიზში“.

ჩარლი ჩაპლინი პარიზის კაფეში ზის ბატონ იმპრესარიოსთან ერთად. ის დღლავს: იკისრებს თუ არა თვითკმაყოფილებით შეპყრობილი ბატონი მისი ნიჭით ვაჭრობას, მოისურვებს თუ არა, რომ ჩაპლინის ტალანტის წყალობით კიდევ უფრო გაისქელოს ჯიბე? ამაზეა დამოკიდებული, გააკეთებს თუ არა ჩაპლინი თავის საყვარელ საქმეს. ასეთი სიუჟეტისაა გუდიაშვილის ნაწარმოები: „ჩარლი ჩაპლინი და ბატონი იმპრესარიო“.

მან უღალატა თავის ლამაზ, ახალგაზრდა ქმარს. უხეში, საზიზღარი მხეცი-ადამიანი თვის ჰრის თავის მეტოქეს და ქალის ფეხებთან აგდებს მას. ქალი ჯდება ამ ურჩხულზე და თოკით მიათრევს თავმოჭრილი მეუღლის სხეულს...

შესანიშნავია ლ. გუდიაშვილის ანტიფაშისტური გრაფიკული ნაწარმოებები. არ შეიძლება მათ გულგრილად აუარო გვერდი...

„ჩვენთვის ეს მძიმე ტვირთი არ არის“, ამბობენ ფრანკოს მაიმუნები და ველასკესის „ინფანტას“ ეპატრონებიან. ისინი სადღაც მიათრევენ სახვითი ხელოვნების მსოფლიო შედეგს. „ყველაფერა, რაც დიადა და რაშიაც ადამიანის გენია ვლინდება, ხელყოფილი და შეურაცხყოფილია ფაშიზმის მიერ“, — გულისწყრომით ამბობს გუდიაშვილი.

მაიმუნი აცოცებულა გარდაცვლილთა გროვაზე და იქიდან

იარაღს უმიზნებს მშვიდობის მტრედს. როცა უყურებ სურათს „მაიმუნის დამიზნება“, გახსენდება იულიუს ფუჩიკის მიმართვა: „აღამიანებო, მე თქვენ მიყვარდით, იყავით ფხიზელნი!..“

რა შეიძლება იყოს ცხენზე უფრო მშვიდი და ლამაზი? აქ კი ცხენების მთელი ჯოგია. ჯიშინი დოლის ცხენები. ფაშისტი სისხლისმსმელები მოწყენილობას განიცდიან, მათ დილიდან არავენ მოუკლავთ. და აი, იმისათვის, რომ როგორმე თავიანთი დღე შეავსონ, ისინი გიტარის აკომპანიმენტზე ესვრიან ცხენებს და იციინიან.

მცხუნვარე ეგვიპტე. ოთხიათასწლიანმა სფინქსმა თავის თათი წამოსწია კოლონიური აგრესიის წინააღმდეგ. ასეთია „ქედმოუხრელი ეგვიპტე“.

1958 წლის გაზაფხულზე მოსკოვში გაიხსნა მხატვრის პერსონალური გამოფენა. ლადო გუდიაშვილს მიესალმებოდა მოსკოვის მთელი საზოგადოებრიობა.

— მე უკვე ვთქვი, რომ მიყვარს ლადო მისი შემოქმედების დასაწყისიდან, — თქვა სერგეი გოროდეცკიმ, — მაგრამ ახლა მის ნამუშევარს რა შეედრება! უნდა აღვნიშნო, რომ მან ბევრი რამის გაკეთება შეძლო და მერე რა შესანიშნავად!... სტანისლავსკის ენით თუ ვიტყვი, მას არსად არა აქვს სურათში ცარიელი ადგილი... მისი ნამუშევრები დიდ ყურადღებას მოითხოვენ, მათ უნდა ჩაუფიქრდე... მე ცოტათი პოეტი ვარ, — თქვა სერგეი გოროდეცკიმ, — სურათი ჩემთვის მოთხრობაა. ლადო გუდიაშვილი კი ღრმად პოეტურია. მისი ყველა სურათი პოეზიით სუნთქავს. მე შეეძლებდი მის ყოველ სურათზე დამეწერა ლექსი, მაშინაც კი, თუ ლეგენდის სიუჟეტი არ მეცოდინებოდა...

მას კიდევ რალაცის თქმა უნდოდა, მაგრამ ამ დროს აკადემიკოსმა სიდოროვმა გრაფიკის დარბაზისაკენ წაგვიყვანა.

— აი, რა მზიბლავს, — მიგვითითა მან გრაფიკულ ნაწარმოებებზე, — ლადო გუდიაშვილი ჩვენი დროის მხატვართა შორის ერთ-ერთი უდიდესია. მას, როგორც გრაფიკოსს, მხოლოდ ერთი დიდი წინამორბედი ჰყავს. მეტისმეტად საინტერესოა რომ ეს წინამორბედი ფრანცისკო გოიაა. ქართველი მხატვრის კომპოზიცია მე,

როგორც სპეციალისტს, გრაფიკის ისტორიაში მაშინვე მახსენებს გოიას, მაგრამ გოიას ახალს, თანამედროვეს, იმიტომ რომ ეს ნამუშევრები გაკეთებულია გრაფიკული სილამაზის ახალ, მღელვარე დონეზე, რომელიც შეიძლება გოიას არც კი ჰქონია, რადგანაც მას სხვა ამოცანები ჰქონდა გადასაწყვეტი.

არის თემები, რომლებზეც მუშაობის დამთავრება არასასურველია, დაუსრულებლად შეიძლება მასზე წერა... მეც არ მინდა დავამთავრო საუბარი ლადო გუდიაშვილზე.

მასზე ლაპარაკი შეიძლება დაუსრულებლად.



I

ჩქარი და ცივია მდინარე ბზიფი.

უამრავი კლაკნილებით სერავს იგი ულამაზეს ხეობას და ბიჭვინთის მწვანე კონცხთან უერთდება შავ ზღვას.

ფიჭვისა და ბზის მულამ ამწვანებულ ტყეში ოცი საუკუნის წინათ ბერძნებს ნავსადგური ბიჭვინთა აუშენებიათ.

მეთვრამეტე საუკუნეში ეს ნავსადგური ოსმალებმა დაისაკუთრეს და მეკობრეების ხომალდებით აავსეს ხეობა.

ბევრი ცრემლი ახსოვს ამ ტყეს, ამ ნავსადგურს, ბზიფის ცივ ტალღებს. მრავალი ულამაზესი ქალ-ვაჟი წაუყვანია და მრავალი სიმღიდრე გაუტანია აქედან ოსმალთა ხომალდებს.

მღუშარებდნენ აშოლტილი ფიჭვის ხეები.

მონასტრის ზარების გაბმით რეკა და ბზიფის შხუილი არღვევდა მყუდროებას და იუწყებოდა მწუხრის მოახლოვებას.

მეორე ნაპირას, მიუსერის ხავერდოვან ფერდობზე, ბზიფის მრსხანე ბატონის, — სალუმან აჩბას — სასახლე იდგა.

მზევრავივით გადაჰყურებდა იგი ზღვას.

ხელისგულივით იშლებოდა ზღვის ლურჯი სივრცე მისი სასახლის აივნიდან.

ბატონს ამ აივანზე უყვარდა ჯდომა.

ღელვის ქაშხ, როცა შავი ზღვის აბობოქრებული, ფაფარაყრალი ტალღები ყრუ გუგუნით ეხეთქებოდნენ ერთიმეორეს, ბატონი თავისთავს მძვინვარე ტალღებს ადარებდა და კმაყოფილებას გრძნობდა.

სალუმანს ასული ულამაზესო ჰყავდა.

შაზინა ერქვა.

მასაც უყვარდა აივანზე ჯდომა; მხოლოდ მაშინ, როცა მთვარის ამოსვლისას ვრცლად ალივიღებოდა ნელად მფრთონავი ზღვის ზედაპირი.

მაშინ თავის განუყრელ მეგობარს, ჩონგურს, გამოიტანდა შაზინა და ნაზად ააქლერებდა აბრეშუმის სიმებს.

ქალწულის ოცნების ჰანგები იყო ჩაქსოვილი ამ სიმღერაში და კიდევ უიმედო სიყვარული იმ ჭაბუკისადმი, რომელმაც აბრეშუმის სიმების ჯადოსნური ენა შეასწავლა შაზინას.

ესა იყო მწყემსი ალიასი, მთელს აფხაზეთში რომ გაითქვა სახელი თავისი სიმღერებით.

და როდესაც საოცარი ჰანგებით ალხენდა ალიასი ბატონის სტუმრებს, მაშინაც კი თავისუფლების და სიყვარულის გრძნობებით იყო აღსავსე მისი ჰანგები.

დაბეჩაევებული ხალხის ცრემლებმა შეასწავლა ალიასს ამ სიმღერების იღუმალეზა.

## II.

ერთ საღამოს, როდესაც მზის ძოწისფერ სხივებში გაიხლართა დასაველეთი — ალიასი მიდიოდა შარა-გზაზე და, ბუნებრივად ამ სანახაობით მოხიბლული, ჯანყისა და თავისუფლების ახალ სიმღერას თხზავდა.

ალიასი მიდიოდა წინ, მისი სიმღერით ანთებული ხალხი უერთდებოდა მას. თანამგზავრთა რიცხვი თანდათან იზრდებოდა, ისინი მისდევდნენ ხმას, რომელიც თავისუფლებისათვის ბრძოლის მძაფრ ძახილს ჰგავდა.

...ასე იშვა სიძულვილის ძლიერი ჰიმნი.

უცბად, ქალის საშინელმა კივილმა დაჰფარა მათი სიმღერა. მღუპარება ჩამოვარდა. ალიასმა სწრაფად გაარღვია ხალხის ტალღა, წინ წაიწია და დაინახა თმაგაშლილი, სახედაკაწრული ხნიერი ქალი.

ეს იყო დედა, რომლის სამი ვაჟი გასაყიდად მოიტაცეს ბატონის კაცებმა.

პირქვე დაემხო ქალი და შეველა ითხოვა. სიმწრითა და განწირულებით იყო გამსჭვალული მისი ხმა, ცრემლები დიდი ხანია ამომშრალიყო მის თვალებში.

ალიასი შეიქრა განრისხებული ხალხის შუაგულში და ფიცი დასდო შურისძიებისა.

მზე ჩადიოდა.

ზღვიდან ასხლექტილი ნიავი ოდნავ არხვედა ცამდე ატყორცნილ ფიჭვებისა და ნაძვების წვეროებს.

მოკაშვამე ცის დასალიერთან ფართოდ გადაშლილიყო დაისის მეწამული მარაო, რომლის მოწითალო ანარეკლი უხვად გადაჰფენოდა შორს, აფხაზეთის მთებზე შეყოლილ უსიერ ტყეს.

ალიასმა ბატონის საქონლის ჯოგი წყალზე ჩარეკა, ხევში. ოვითონ — იქვე ჩამოჯდა გარეული ტყემლის ძირას.

უგუნებოდ იყო... თვალებს არ ახარებდა ბუნების თვალწარმტაცი ნატიფობა. მაგრად ჩაიკრა გულში განუყრელი ჩონგური და კაემნიან ოცნებას მიეცა.

მდუმარებას მთის მდინარის ჩუხჩუხი და ცხენების ფრუტუნნი არღვევდა.

ალიასი ერთხანს უძრავად იჯდა. შემდეგ ჩონგურის სიმები ააუღერა და ნაზად შეაპარა მდუმარებას მომჯადოებელი სიმღერის ტკბილი და ალერსიანი ჰანგები.

უცბად ორი ნაბდიანი ახალგაზრდა მხედარი დაინახა, ზე წამოჰჭრა და აყეფებული ძაღლები დააჩუმა.

პირველი მხედარი ჩამოქვეითდა. მან ნაბადი და ყაბალახი მოიძრო.

— შაზინა! — ალიასი დაიბნა, არ იცოდა რა ეთქვა, ან როგორ მოქცეულიყო.

დიდხანს იყვნენ ასე მდუმარედ ორივენი და მხოლოდ მათი თვალები მეტყველებდნენ ერთმანეთთან.

— ალიას, ფრთხილად იყავი... მამა განრისხებულია შენზე... თავს უშველე, ალიას...

ალიასს წარბიც არ შეუხვრია ამ ამბის გაგონებაზე. აღტაცებით მისჩერებოდა ქალს, რომლის ხმამ კიდევ ერთხელ დაარწმუნა, რომ შაზინას იგი უყვარდა.

— შაზინა! — შესძახა ალიასმა და გაუბედავად მოხვია ქალს მკლავები....

დიდხანს იყვნენ ასე უსიტყვოდ, გარინდულნი.

ნელი აკანკალებული ხმით კვლავ წასჩურჩულა ქალმა:

— თავს გაუფრთხილდი, ალიას...

ვაჟი წელში გაიმართა.

სიყვარულის გრძნობით აღსავსე ცეცხლად მოელვარე თვალები შეანათა ქალს:

— კარგი, შაზინა

ალიასი შეჰყურებდა ციურ სახეს, ოქროს დალალებს, ტანკენარ სხეულს და ბატონისადმი სიძულვილი უფრო ძლიერდებოდა მასში.

დიდი ხანია სიყვარულის ცეცხლი ნელ-ნელა სწვავდა მას. უფრო აღრმავებდა ხალხის ტანჯვით გამოწვეულ ნაღველს და მხოლოდ ჩონგურის სიმთა ნაზი ჟღერა უქარვებდა კეშანს.

ბევრჯერ ასულა ალიასი ნადირობისას ერცახუს აუვალ მწვერვალზე, ბევრჯერ უგრძნებია მას გამარჯვების უსაზღვრო სიხარული, ახლაც ასეთივე გრძნობით იყო მთვრალი და ნეტარ ბედნიერებას გრძნობდა, რაკი შაზინა, მიუვალა, როგორც ერცახუ, მძლავრ და ღონიერ მკლავებში ჰყავდა.

სტენა მოისმა. ეს იყო შაზინას წასვლის ნიშანი.

— მოვდივარ! თავს გაუფრთხილდი, ალიას...

ამ სიტყვებით ქალი მარდად შეახტა ცხენს და გაუჩინარდა.

სუნთქვა შეეკრა ალიასს. დიდხანს გაჰყურებდა გარინდულ მგზავრის კვალს.

შემდეგ ნაზად ჩამოისვა ორივე ხელი ღაწვზე, თითქო შაზინას სახეს ეალერსებო.

### III.

განრისხდა ბატონი.

სასახლეში უჩვეულო მღელვარება და ფუსფუსი ატყდა.

არცინ იცის მრისხანების მიზეზი, გარდა მოურავისა, რომელმაც დღლითვე შეიპყრო საიდუმლოდ ალიასი და ბნელ საკანში ჩაამწყვდია.

სასახლეში დღეს ზეიშია დანიშნული, ოსმალეთიდან ვაჭრების ჩამოსვლის გამო.

ისევ ატირდებიან დედები, აწიოკდებიან სოფლები, ისევ წაასხამენ უცხოეთში ხომალდებით საუკეთესო ქალებსა და ვაჟებს.

აფორიაქებულია მთელი ხეობა საშინელი დღის მოლოდინში.

სალუმანმა გადასწყვიტა ალიასიც უცხო ვაჭრისათვის მიეცოდა. აღამიანით მოვაჭრეთი წინაშე უნდა წარსდგეს დღეს ალიასი, თავი-



სი მომხიბლავი სიმღერებით. ამ აზრით კმაყოფილმა ბატონმა უღვა-  
შებში ჩაიღიმა და თავისთვის ჩაილაპარაკა:

— ახლაც გაბედავ ჩემი ქალის სიყვარულს?

ყველაფერი გაიგო შაზინამ. დაბნელდა მისთვის, ცრემლებას  
ტბამ აავსო მისი ოთახი, უდიდესმა მწუხარებამ დაისადგურა მის  
სულში, მაგრამ მოაგონდა ალიასის სიტყვები და გამხნევდა.

სამმა პოახლემ დავარცხნა თმა. აკუტრეს ნელსურნელება. ჩააც-  
ვეს ძვირფასი კაბა, შემდეგ ტაიჭი მიართვეს თეთრი... კისერმოლე-  
რებული, ვერცხლით მოკაზმული.

შეახტა ცხენსა და მოკურცხლა უშიშარ, ახოვან რაინდივით.  
შესძრა სოფელი, ააცრემლა ქალები, გააღვიძა შურისძიების მიძი-  
ნებული გრძნობა მათში. გააცნო ხალხს ალიასის განთავისუფლე-  
ბის გეგმა. მოუწონეს, უქეს ქალს ჰკუა და გამჰკრიაზობა.

დაიწყო ნადიმი და ყელმოღერებული შაზინა წარსდგა სტუმრე-  
ბის წინაშე.

მზეს ეცილებოდა მისი სიტურფე. სტუმრები მოხიბლა ლამაზ-  
მა — ისინი მოწიწებით მიეგებნენ ასულს. იგი კი მხოლოდ ალიასს  
ხედავდა, რომელიც უკვე მოეყვანათ სტუმრების გასართობად.

შაზინამ აიღო ხელში ჩონგური და ხმის ოღნავი კანკალით და-  
ამღერა ლექსი, რომელიც უძილო ღამით ალიასს უძღვნა.

ამ სიმღერით აუწყა ქალმა ჰაბუქს საფრთხის მოახლოვება და  
თავის გადარჩენის ხერხიც უკარნახა.

ვერავენ გაიგო სიმღერის საიდუმლო ენა, — ქალის ნაზი გალო-  
ბა ყველასათვის მხოლოდ სიყვარულის სიმღერად დარჩა.

ალიასმა მიჯნურს ჩახედა ხავერდოვანი, დიდრონი შავი თვალე-  
ბით და მადლობის ნიშნად დაბლა დახარა თავი. შემდეგ ჩონგური  
აიღო და ფრთხილად შეეხო სიმებს.

დარბაზი საამური ჰანგებით აივსო.

შაზინამ გაიგო მისი ენა.

სხვებმაც გაიგეს სიყვარულის მომხიბლავი სიმღერა. დაივი-  
წყეს, რომ მათ წინაშე მონა იდგა და მთელი გულისყური ბალადის  
შინაარსს მიაპყრეს. მაშინ დრო ისეღოთა ალიასმა და მძაფრი ძახი-  
ლით გადაეშვა აივნიდან, ეს მოხდა უმალ, სანამ ბატონი სტუმრე-  
ბითურთ გონს მოვიდოდა, ალიასი ათ საუკეთესო ცხენოსანთან  
ერთად შევარდენივით მიჰქროდა მალა, ბზიფის ხეობის გასწვრივ,  
სანამ უღრანმა ტყემ არ შეიფარა ამალითურთ.

აფორიაქდა მთელი სუფრა.

ბატონის მრისხანებას საზღვარი არ ჰქონდა, გიცივით დარბოდა იგი დარბაზში, ველარ ისვენებდა.

შაზინა კი თავის ოთახში ჩაკეტილი, ერთგულ პირისფარეშებთან ერთად უხვად აფრქვევდა სიხარულის ცრემლებს.

#### IV.

ბნელ საკანში ზის ფეხმოკეცილი შაზინა. მის მომხიბლავ სახეზე უხვად ეცემა წვეთები საკანის ნოტიო კედლებიდან.

გაბოროტებულმა სალუმანმა ერთადერთი ასულიც აღარ დაზოგა.

ექვით მიუხვდა ქალს მუსიკით გასაუბრებას ალიასთან, რაც მოურავმა აკუბამაც დაუდასტურა. მოურავს თავი უნდოდა დაეღწია ბატონის მრისხანებისაგან და მან საწვავი შეუმატა სალუმანის გულში დანთებულ მოგიზგიზე ცეცხლს.

არა სტიროდა შაზინა, არ იხოკავდა სახეს და ბედსაც არ ემდურა. მან ხომ დროზე გაანთავისუფლა ალიასი, ხიფათისაგან იხსნა ადამიანი, რომელიც უყვარდა უსპეტაკესი, ღრმა სიყვარულით.

მას არ ეშინოდა მამის მრისხანებისა, მხოლოდ ალიასზე შიშობდა, მის ბედზე...

საკანის სიბნელეში მალი-მალ წარმოიდგენდა მის სიცოცხლით და სინაზით აღსავსე თვალებს და მთელ სხეულში გრძნობდა იმ ნექტარს, ვაჟის ბაგეთაგან რომ შესვა ქალმა, ველურ ტყემლის ძირას. ხევში.

ამ სანეტარო წუთების მოგონებაზე ტანში სიამის ერუანტელი უვლიდა.

თვალებს მილულავდა და ტკბილი სიზმარივით აგონდებოდა ილიასთან შეხვედრის დაუეციყარი წუთები.

მალლა კი, სასახლეში ბჭობა იყო.

ბატონს მალემსრბოლნი ეფრინა თავის სამფლობელოს ყოველ კუთხეში და მწუხრის ჟამს წარჩინებულთა კრება მოეწვია სათათბიროდ.

ქუქასაც დაუძახეს, ხეობის განთქმულ ჯალათს.

სათათბირო საგანი ერთი იყო, როგორი ხერხით შეეპყროთ ალიასი და რა სასტიკი სასჯელი მიესაჯათ მისთვის.

დიდხანს ითათბირეს.

ბატონს არც ერთი გეგმა არ მოსწონდა და თითონაც ვერა გამოეგონა რა. ბოლოს ქუჯას გადახედა, ქუჯაც ზანტად წამოდგა და როხროხა ხმით მოახსენა კრებას თავისი გეგმა.

გადაწყდა:

სანდო მსტოვრების ხროვას გაგზავნიან საიდუმლოდ ყოველ მხარეს, აღმოაჩინენ ალიასს ამხანაგებით.

პირდაპირ და ღია ბრძოლას ვერ გაბედავენ.

ეშინიათ ხალხის რისხვისა. არ დაზოგავს ხალხი სიცოცხლეს, გაჭირვებისაგან რომ იხსნას საყვარელი მგოსანი.

ეს კარგად გაზომეს და იანგარიშეს სალუმანმა და მისმა მოძმეებმა. ეშინოდათ, ლაგამი არ ამოსდებოდა მათ აღვირახსნილობას, არ განადგურებულიყო მათი საკუთრება.

ამიტომ ქუჯას რჩევა დიდის გულისყურით მოისმინეს. სალუმანმა გადაწყვიტა. შაზინა გამოეყენებინა ალიასის შესაპყრობად.

ქალს ნაზი და სანთელივით ჩამოსხმული ხელები თოკით შეუქრეს, მაგრად შეუნასკვეს და წინ გაიგდეს.

განგებ მიმართეს ამ ხერხს, რათა ალიასი მიუვალ ადგილიდან გამოეტყუებინათ.

შაზინა მიუხვდა მათ ოინს, გული დაეთუთქა, მაგრამ ხმას არ იღებდა. მრავალი აზრი ტრიალებდა მის თავში. შემდეგ თითქო რაღაც გადაწყვიტაო, სახე გაუბრწყინდა. გულიდან კაეშანი გადაეყარა და მტკიცე ნაბიჯით განაგრძო გზა. უკან მოსდევდა ქალათი ქუჯა, სახეაღწილი სალუმანი მებატონეებითურთ და მათ უკან კიდევ ფარულად აბჯარასხმული ბატონის კაცები.

ნაბიჯი შეანელეს.

მიუახლოვდნენ ნაჩვენებ ადგილს.

შეჩერდნენ.

შაზინას გულმა გამალებით დაუწყო ცემა. ქუჯამ ბასრი მახვილი მიაბჯინა ქალს ყელში და როხროხა ხმით გასძახა ალიასს: თუ შენის ნებით არ გამოხვალ, ქალს წამსვე სიცოცხლეს მოვუსწრაფებო.

შაზინამ იგრძნო უბედურების ყამი და დაიწყო სიძლერა, რომელიც ალიასს აფრთხილებდა.

ალიასი მარტო იყო.

ქალის ხმის გაგონებაზე ზე წამოიჭრა, მსწრაფლ გამოიხედა საფარიდან და რა დაინახა მახვილქვეშ მომღერალი ქალი, მუხლთ მოეკეცა, თვალებზე ხელი მიიფარა, თითქოს მუხლში ათასი ლახვარი ერთად ჩასცესო.

ყველაფერი აირია: შაზინა, ხალხი, მოტაცებული ბავშვები, განადგურებული სოფლები, დედაკაცის დახოცილი სახე და ისევ შაზინა!

თვალთ დაუბნელდა.

ვერ გადაეწყვიტა, რა ექნა...

შაზინა კი ისევ მღეროდა და მთელს არეს აყრუებდა მისი გულსაკლავი სიმღერის ნაღვლიანი კილო.

მღეროდა შაზინა, სანამ ჯალათის უხეში ხელი არ შეეხო მის მარჯნისფერ ბაგეთ და სიმღერა არ შეაწყვეტიანა.

წუთით ყველაფერი დადუმდა.

ჩქამი არ ისმოდა.

ალიასის გულში საშინელი ცეცხლი აბრიალდა. უცბად გველნაკბენივით წამოვარდა. ჭეირანივით გადმოვევლო პატარა გორაკს, ხელბეგაშლილი გაექანა შაზინასაკენ და სანამ მტერი გონს მოვიდოდა ქალის ნაზი სხეული მკერდზე მიიკრა.

მის ირგვლივ კი თანდათან ვიწროვდებოდა იარაღასხმული ჯალათების რკალი.

## V.

ისევ ბჰობდა სალუმანი თავის ხალხთან.

ალიასი ჩაიგდეს ხელში და მალე ბოლო უნდა მოეღოთ მისთვის, სანამ ხალხის რისხვა საშიშ ძალად არ გადაიქცეოდა.

უნდა მოეკლათ ალიასი, მაგრამ მის სიმღერებს ხომ ვერ მოჰკლავდნენ?.. როგორ აღმოეფხვრათ ხალხის გულიდან ალიასის სიკვდილის შემდეგ მისი სიმღერები, რომლებსაც ღრმად ჰქონდათ გადგმული ფესვები ხალხში და აღძრავდნენ მათში შურისძიების უდიდეს სურვილს.

რა ხერხს მიმართოს სალუმანმა?

როგორ მოჰკლან ალიასი ისე, რომ მის სიმღერებსაც ბოლო მოეღოს?

და ისევ ჯალათმა ქუჩამ მიაგნო ხერხს: ხელები უნდა დაეჭრათ

ალიასისთვის, ამოეთხარათ თვალები, ამოეჭრათ ენა და ასე უნდა გაეშვათ იგი ხალხში.

საზარ მახინჯს ხალხი მასხრად აიგდებდა და ძლევამოსილ სიმღერებსაც დაეკარგებოდა ძალა. დავიწყებას მიეცემოდა მისი სახელი.

სალამოს აივანზე გამოვიდა ბატონის მთელი სახლობა სტუმრებითურთ.

ბობოქრობდა ზღვა. უზარმაზარი, სახლის ოდენა ტალღები ულმობლად ეხეთქებოდნენ ნაპირს და თითქოს განადგურებას უპირებდნენ ბზიფის ხეობას.

პირქუში, შავი ღრუბლები შემოაწვა მიდამოს.

ამოვარდა საშინელი ქარიშხალი და ააფორიაქა ყოველი სულიერი.

ასე იყო დიდხანს, მაგრამ წამება მაინც არ გადაუდვიათ.

ალიასი გაბედულად წარსდგა ჯალათების წინაშე, — ამაყი და მოუღრეკელი. ქარიშხალი ათამაშებდა მის ხუჭუჭ თმას და უგრძობებდა გახურებულ ვაჟკაცურ გულმკერდს.

იგი ამოდ ეძებდა იქ მყოფთ შორის გულის ორეულს. შაზინამ ავადმყოფობა მოიმიზეზა და არ გამოსულა გარეთ.

ალიასი მოუსვენრობამ შეიპყრო, მიწას მიაპყრო ცრემლით მონამული თვალები.

გაისმა განგაშის ხმა.

ალიასი მოემზადა მშვიდად, თავმოუხრელად.

ქუჯამ იხელთა დრო და მკლავებზე დაჰკრა ვაჟკაცს საგანგებოდ ალესილი მჭრელი ნაჯახი... მტერიც კი შეაძრწუნა ამ საზარმა სანახაობამ.

კრინტიც არ დაუძრავს ალიასს — თვალები დახუჭა და სიმღერა დაიწყო.

ორი ცრემლი დაეშვა ლაწვებზე და მოკვეთილი მკლავები უსიციოცხლოდ დაენარცხა მიწას.

ალიასი მღეროდა, და მისი სიმღერა უფრო აბრაზებდა ჯალათს. ქუჯამ გამოართვა მოურავს ცეცხლით გაწითლებული ორი შანთი და თვალებში ჩასთხარა ჰაბუქს. ალიასი ერთი წაბარბაცდა და სიმღერის მაგივრად საზარი გმინვა აღმოხდა მკერდიდან. ახლად აბიზინებულ წვერ-ულვაშს ღვარივით ჩამომდინარი სისხლის ცრემლები

ბანდნენ. მაგრამ ალიასი მაინც მაგრობდა და ხანდახან წამოისრო-  
და სიმღერის ნაწყვეტებს.

შემდეგ ენაც ამოსჭრეს მგოსანს და ველად გაუშვეს.

ალიასი მიხვდა სალუმანის განზრახვას, გადასწყვიტა წინ აღ-  
დგომოდა ჯალათის სურვილს: იგი შურდულივით გაიჭრა წინ და  
ნაპრალში გადაიჩეხა. ბზიფის ყინულოვანმა ტალღებმა ლურჯ  
ზღვას წაუღეს ვაჟკაცის გვამი...

ამ დროს გზიდან მძლავრი სიმღერა მოისმა: ალიასი არ იყო  
მკვდარი, იგი თავის სიმღერაში ცოცხლობდა ძლევამოსილი და აღ-  
ვიძებდა ხეობას.

სიმღერის ხმა თანდათან ძლიერდებოდა.

შეიძრა სასახლეც.

ზღვა ხალხი ამოდიოდა ხევიდან შაზინას მეთაურობით; ჩირალ-  
დნები უნათებდნენ გზას და ალიასის სიმღერა მოჰქონდათ მათ  
ბრძოლის დროშად...

ჯალათ სალუმანს საკუთარი ქალიშვილის ლახვარმა მოუღო ბო-  
ლო და ქუჩაც ხეზე ჩამოჰკიდეს ყოველი გამვლელის დასანახავად.

ცეცხლს მისცეს მისი სასახლე, ამაყად რომ გადაჰყურებდა  
ზღვას.

ლაღად ამოისუნთქა ხალხმა, ამიერიდან იგი მიეცა თავისუ-  
ფალ შრომას. კეთილ ცხოვრებას.

მხოლოდ შაზინამ ვერ აიტანა ალიასის დაღუპვა: იგი გაგიჟდა,  
დიდხანს დაძრწოდა ტყის ფერიასავით გულის ორეულის ძებნაში,  
სანამ მისი გვამიც არ მიიბარა ბზიფის ტალღებმა.

ასე დაანთო ცეცხლი ხალხის სიყვარულითა და მტრის სიძულ-  
ვილით შექმნილმა ალიასის სიმღერებმა.

ასე იქცა უკვდავ სიმღერად გმირი ალიასი.

ორასი წელი გავიდა მას შემდეგ, მაგრამ ალიასის გმირობაზე  
ოა მის სიყვარულზე დღესაც მეტყველებენ ჩონგურის აბრეშუმის  
სიმები:



I

ჩვეულებრივად დილის შვიდ საათზე ვდგები ხოლმე, იშვიათად რვაზე, დღეს დილით კი ექვსზე უკვე ფეხზე ვიყავი. მთელი დამე არ მეძინა. ვერ გავართვი თავი უჩვეულო ფიქრებს. ალბათ იმიტომ, რომ დღეს სამოცი წელი მისრულდება?!... დასჯილ მოწაფესავით ვღელავდი. უცნაურია და უხერხულიც, თითქოს არც კი შექფერის ჩემი ხნის კაცს. თუმცა რა მნიშვნელობა უნდა ჰქონდეს წლებს, თუკი შენ ისევ ჯანზე ხარ, აღსავეს ახალგაზრდული გზნებით ისევე, როგორც ორმოცი წლის წინათ, ყველაფერი გაღელვებს: ოღნავი სიხარული, ოღნავი ეჭვი და უმნიშვნელო წყენაც კი; ისეთივე აღფრთოვანება, გატაცება, სიფიცხე და იგივე ბავშვური გულუბრყვილობა... ოღონდ ერთი განსხვავებით: გამომიჩნდა სრულიად უცნობი ორეული — ბრძენი, დაფიქრებული, რომელიც ყოველ ჩემს ნაბიჯს ზომავს, თითქოს უხილავი ჯაჭვით ვყავარ დაბმული. იგი იღბლიანიც არის და უიღბლოც, მარად ცდილობს ახსნას გაურკვეველი, უცნობი, მიუწვდომელი... ისე მივბაიჯებ ცხოვრების გზაზე, როგორც ჯამბაზი მავთულზე, ყოველ საკუთარ ნაბიჯზე ვფიქრობ და ჩემი ძალზე სერიოზული ორეული, რომელიც ყოველისმცოდნეა და შორსმჭვრეტელი, ცდილობს არ ჩამოვევარდე ამ სახიფათო მავთულიდან... მან დღევანდელ დღემდე მომიყვანა, გამხადა კომპოზიტორი, დირიჟორი, ჩემზე ამბობენ, ცნობილი და ნიჭიერი, მაგრამ მე თვითონ გადაჭარბებულად მიმაჩნია ეს ეპითეტები. გარდა ამისა, ცნობილი როდი ნიშნავს ნამდვილს, დიდი ნიჭით დაჯილდოებულს.

ჩინებულად მესმის, რომ ჩემი წვლილი მსოფლიო მუსიკალურ ხელოვნებაში თითქმის უმნიშვნელოა, მაგრამ უიმედობას არ ვეძლევი. ჯერ ერთი, ცოტა რამ მეც გავაკეთე ჩემი ქვეყნისთვის. გარ-

და ამისა, ლენინგრადის კონსერვატორიაში გატარებულმა წლებმა, ამ სასწავლებლის სახელგანთქმულ პროფესორებთან და პედაგოგებთან ურთიერთობამ, ლენინგრადის ფილარმონიის დიდ დარბაზში გამართულ კონცერტებზე დასწრებამ და მუსიკის საუკეთესო ჯადოქრობის მოსმენამ გამიღეს უხილავი და მიუწვდომელი კარები მუსიკის სამყაროში. ასე რომ, ჩემთვის ცოდვაც კი იქნებოდა ბედზე ჩივილი. სწორედ ამის გამო ვარ ცხოვრების, ხალხის, ჩემის დროის მადლიერი.

ამაზე მეტს ცხოვრებაში აღარც კი მოველოდი. დაბადებიდან არ გამომყოლია „კურთხეული ნიჭი“, რომელსაც იხსენიებს სალიერი პუშკინის დრამაში. არც მუსიკალური „გონებით“ დავუჯილდოვებია ჩემს მშობლებს. გვიან შევდგი ფეხი ხელოვნების დიდებულ დარბაზში და დავიკავე იქ, პატარა, შეუმჩნეველი ადგილი. დიდი დრო გავიდა მას შემდეგ, რაც ოცნება გადამეჭკა ყოველდღიურ შრომად... მოიცათ, მოიცათ — ბოლოს და ბოლოს, ეს ხომ არ არის ის „ლურჯი ფრინველი“, რომლის დაჭერასაც ლამობს ყოველი მოკვდავი? ჰო, მართლა, ჩვენთან ლურჯი ფრინველის ნაცვლად არსებობს თეთრი მერცხალი, რომელსაც ქრისტეშობის ყოველ აღიონზე მოველოდით ბავშვობაში. ჩემი ორეული დაყინებით მიმტკიცებს, რომ ყველაფერი ასეა. ეს საცოდავი დოგმატიკოსი (ჩემი ორეული) ვერ ითმენს წინააღმდეგობას, კამათს, კერპივით ჭიუტია. მაგრამ ხმამაღლა ამის თქმას ვერ ვბედავ: რაც უნდა იყოს, ბოლოს და ბოლოს, ხომ უნდა ვცე პატივი ჩემს ორეულს, ჩემს მეორე „მეს“ და სადღაც, სულის სიღრმეში ვგრძნობ, რომ იგი მართალია.

აი, ახლაც, ოჯახით მიმიწვიეს მშობლიურ ზღვისპირა ქალაქში, რომ აღნიშნონ ჩემი სამოცი წელი. ალბათ, ეს უფრო მომავალი თაობისთვისაა საჭირო, ვიდრე ჩემთვის. ჩემი ბიოგრაფია ხომ ერთგვარი „ეტალონია“, რომელშიც, როგორც სარკეში, ასახულია ამ პატარა ქვეყნის ახლო წარსული, მისი ისტორია, მისი ახალი ბილიკები. ამიტომა ვარ ისევ აქ, სახლში, სადაც გავატარე ჩემი ჭაბუკობა, სადაც დაიწყო ჩემი პირველი გაუბედავი შემოქმედებითი ძიება, პირველი მარცხი და პირველი წარმატებები...

რა მშვენიერი დილაა! დიდი ხანია არ მინახავს ასეთი დილა... ან შეიძლება მხოლოდ მგონია, რომ არ მინახავს. ჩემს მშობლიურ



ქალაქში ხომ მუდამ ასეთი მზეა, ლურჯი ცა, ლურჯი ზღვა და თო-  
ლიები, თოვლივით თეთრი თოლიები.

სასტუმრო დარბაზში რომ შემოვბრუნდი, მხოლოდ მაშინღა  
შევნიშნე, რომ ცოლი უკვე ამდგარა და სამზარეულოში ფუსფუ-  
სებს, გარჯაშია. ქალიშვილის ოთახის ნახევრად ღია კარებში ვხე-  
დავ: ჩემი გოგონა კითხულობს ლოგინში (რამდენჯერ ავუკრძალე  
ლოგინში კითხვა, მაგრამ მაინც არ იშლის, ჩემი სიდედრივით ჭიუ-  
ტია). ხსენებაზე მომაგონდა, შევიხედე სასადილოში — სიდედრი  
ახლად დაკრეფილ ყვავილებს ალაგებს ბროლის ლარნაკში... არავის  
სძინავს სახლში, როგორც ჩანს, ყველას აღელვებს დღევანდელი  
დღე. რატომღაც უხერხულად ვიგრძენი თავი.

მე კი მინდოდა შეუმჩნევლად ჩაევლო ამ დღეს, რომ იგი ყო-  
ფილიყო ჩვეულებრივი, ყოველდღიური, — საიუბილეო სხდომისა,  
ბრტყელ-ბრტყელი სიტყვებისა, დითირამებისა და საზეიმო აურ-  
ზაურის გარეშე... დღეს მე ვღირიყორობ—გამოვდივარ ფართო აუ-  
დიტორიის წინაშე, შემდეგ კი სიტყვით უნდა მივმართო დამსწრეთ,  
უნდა გამოვანახო უჩვეულო, მაღალფარდოვანი ფრაზები, წარმოვ-  
თქვა აღზნებული სიტყვები, უნდა გადავუხადო მადლობა საზოგა-  
დოებას იმისათვის, რომ ვარსებობ და ვქმნი. ახალგაზრდები კი  
კრიტიკული და ოდნავ აღტაცებული მზერით დამიწყებენ თვალი-  
ერებას, ყოველნაირად აწონ-დაწონიან ჩემს გარეგნობას, ჩემს ჩაც-  
მულობას, ჩემს საქციელს, მიხრა-მოხრას და, ალბათ, ასეთი  
ფიქრები დაეუფლება მათ: „აი ადამიანი, რომელსაც სამოცი წელი  
შეუსრულდა (ღმერთო, ნამდვილი მათუსალა!). მან უკვე განვლო  
თავისი გზა, რაღაც შექმნა; შეიძლება დიდი არაფერი, ვერ გაუ-  
მართლა ოცნება, ბოლომდე ვერ განახორციელა ჩანაფიქრი. მაგრამ  
აბა ვის ახდომია ოცნება? სამაგიეროდ, გაგვიტორა ბილიკი, გაიყ-  
ვანა გზა, აგვიშენა ხიდი, ფონი ხომ არ არსებობს ცხოვრებაში!.  
ახლა საქმე ჩვენზეა, ჩვენს ცოდნასა და მონდომებაზე“.

ნამდვილად ასე იფიქრებენ. ოვაციებსაც არ მომაკლებენ. რა  
გაეწყობა, შეჰფერის ასეთ დღეს. ეს უფრო მოწყალებაა ჰგავს,  
რომელსაც ხალხი სიამოვნებით გაიღებს, იმიტომ რომ ადამიანს  
სჩვევია სიკეთე მიუზღოს ახლობელს, სიხარულით დაასაჩუქროს  
იგი. მე თუ მკითხავთ, უკეთესია, თუ სულაც არ მოეწყობა ეს ზე-  
იმი. ვგრძნობ, რომ დღევანდელი დღე ჩემთვის საზეიმო გოლგოთად

იქცევა (აბა, რას ვამბობ, განა გოლგოთა შეიძლება იყოს საზე-  
იმო? რა აბსურდია).

მაგრამ ასეთი დილა და ასეთი მზე ყველაფერს გავიწყებს ამ  
ქვეყნად. დარბაზში გავლისას, როიალზე უყურადღებოდ მიგდებ-  
ულმა რვეულმა მიიპყრო ჩემი ყურადღება. ავიღე რვეული და გა-  
დაფურცლე. სათაურმა დამაინტერესა: „მანანას დღიურები“. ქვე-  
ვით: „გმირობა“... საინტერესოა, რას ფიქრობს, რით არის დატ-  
ვირთული ჩემი თექვსმეტი წლის გოგონას გონება, რა აღლევებს,  
რა აწუხებს, რისკენ მიისწრაფის, რა გეგმები აქვს დასახული  
მომავალში?... და თუმცა მე კატეგორიულად წინააღმდეგი ვარ  
სხვისი წერილებისა თუ დღიურების წაკითხვისა, მაგრამ სულმა  
წამძლია, დავიწყე კითხვა. სტრიქონი სტრიქონს მიჰყვა, გვერდი  
გვერდს და ისე დამაინტერესა დღიურებმა, რომ ბოლომდე ჩავიკი-  
თხე: „დილა, — ასე იწყებოდა დღიურები, — ივნისის ჩვეულებ-  
რივი დილა თბილისში. მხოლოდ ნიავე—გრილი და საამო, წლის ამ  
დროისთვის უჩვეულო ნიავე, განუმეორებელ იერს აძლევს ამ დი-  
ლას. სახლის სახურავები გატარუნულან, თითქოს მკვდარი ლელვანო  
ზღვაზე. შორს გადაჭიმულან ტიტველი, ყვითელი მთები, როგორც  
დავით კაკაბაძის პეიზაჟებზე არის ხოლმე.

დღეს მე თექვსმეტი წელი შემისრულდა! აღსანიშნავი თარიღია,  
ხომ ასეა? დღეს (მთელი დღის განმავლობაში!) ნება დამრთეს არ  
მივეკარო როიალს, არ შევაწუხო რახმანინოვი, არ ვიმეცადინო  
კონცერტის მოსამზადებლად. მუსიკა უეჭველად დიდი მოვლენაა,  
მაგრამ ხალხმა რომ იცოდეს, როგორ ჟღერს იგივე რახმანინოვი,  
შოპენი, ბახი, როცა ჩვენ ვსწავლობთ მათ ნაწარმოებებს ყოველ-  
დღიურად, თვეობით, — ალბათ, სიძულვილით აღივსებოდნენ ამ  
კომპოზიტორების მიმართ. ჩვენი დედები და მამები კი უსაზღვრო  
მოთმინებით და გამოცდილებით არიან აღჭურვილნი. მიკვირს,  
როგორ უსმენენ ისინი ამის შემდეგ კონცერტს. როგორ ჰყოფნით  
მოთმინება დილიდან საღამომდე უსმინონ ჩვენს გამებს, ვარჯიშო-  
ბას, გაუძლონ უძლიერესი მუსიკოსების უძნელესი პასაჟების ას-  
ჯერ და ზოგჯერ კიდევ ორასჯერ მოსმენას?!.. რაც შეეხება მამას,  
მისი მომთმენიანობა გასაგებია, ის ხომ თვითონაც თხზავს მუსიკას!  
(ჰმ! „თვითონაც თხზავს მუსიკას!“ ... არც თუ ისე ცუდად ჟღერს ეს  
სიტყვები საყვარელი ქალიშვილის ბაგეთგან და ისიც ამ საიუბი-  
ლეო დილას!).

„როიალზე, კლავიშების კიდეზე მიდევს ასანთით სავსე კოლოფი. დავუკრავ ნაწყვეტს და გადავიტან ერთ ღერ ასანთს მეორე მხარეს. ამ ერთი მხრიდან მეორეზე გადატანილი ასანთების რაოდენობის მიხედვით შეიძლება გაგება, თუ რამდენჯერ გავიმეორე გაკვეთილის ეს ნაწილი. ჩემი გეგმაა: იმდენჯერ გავიმეორო ნაწყვეტი, რამდენი ასანთიცაა კოლოფში. ამის შემდეგ მე შემიძლია ავდგე, გავისეირნო-გამოვისეირნო ოთახში, ჩავატარო მსუბუქი ტანვარჯიში და ისევ მივუჯდე როიალს, რომ ყველაფერი თავიდან გავიმეორო.

დედა სამზარეულოშია, სადილის დამზადებით არის გართული, მისი ხელებზე ისევე როგორც ჩემი, მუდმივ მოძრაობაშია. მაგრამ დედაჩემის მთელი ყურადღება ჩემკენ არის მომართული, უფრო სწორად — ჩემი მუსიკისაკენ... უეცრად საშინლად გაიკვილებს ხოლმე მისი ხმა:

— სტყუი, ყალბია, შეცდომებს უშვებ, ნუ სულელობ, სწორად დაუკარი!...

გაგიმხელთ საიდუმლოს. ზომაზე მეტად გამიტაცა ი. ილდისა და ე. პეტროვის „ერთსართულიანმა ამერიკამ“. ვმეცადინებო და პიუპიტრზე, ნოტებს უკან, გადაშლილი მიდევს ეს იუმორით სავსე ნაწარმოები (დედამ რომ არ დაინახოს! მამის არ მეშინია, იმას კიდევაც მოსწონს ჩემი ასეთი „უდანაშაულო“ ოინები, როგორც იტყვის ხოლმე, საბრალოს, თვითონ არც კი განუცდია ნამდვილი ბავშვობა!). ერთი ადგილის კითხვისას სიცილი ამივარდა და, რასაკვირველია, დაკვრის დროს შევცდი, ვიყალბე. დედას კი უაღრესად გამახვილებული სმენა აქვს, განსაკუთრებით როცა მე ვუკრავ. ეს სიმახვილე არც მაშინ უსუსტდება, როცა საცივს ან რომელიმე რთულ კერძს ამზადებს. მამასაც მოხვდა მისგან, ქალიშვილის მეცადინეობისადმი ლიბერალური დამოკიდებულებისათვის.

თხუთმეტი წლის ვიყავი, ნ. დუმბაძის „მე, ბებია, ილიკო და ილარიონი“ რომ წავიკითხე. წავიკითხე ბოლომდე და კარგად მანსოვს აივანზე გავვარდი სწრაფად (დიდი აივანი გვაქვს მეხუთე სართულზე). ჩემი ამხანაგი და თანაკლასელი ტანია კი ჩემს გამოჩენას ელოდა თავის აივანზე (მეოთხე სართული ქუჩის მეორე მხარეზე, ჩვენს პირდაპირ). აღტაცებულმა გავუზიარე ჩემი შობებუკიდობები წაკითხულზე, მაგრამ უსიტყვოდ, ყესტებით (ყრუ-მუნჯების ენით), რომ დედის რისხვას ავცდენოდი. უცებ ოთახი-

დან გამოვარდა დედაჩემი და დამიშინა ხელებზე: არ გაბედო თითებით ლაპარაკიო მამა გამომესარჩლა: რატომ არ უნდა იცოდეს ერთი ზედმეტი ენაო, თუნდაც ყრუ-მუნჯთა ანბანიო. დედა აყვირდა: რას მიედ-მოედები, ეს ხომ ქურდების ქარგონიაო!.. ვერ გამიგია, რად უნდა იყო ეს ქარგონი, თუ საუბარი წარმოებს უსიტყვოდ, მხოლოდ თითებითი მაგრამ დედასთან კამათი — ეს იგივეა, ხანძრის ჩაქრობა მოინდომო დოქით. დასწყევლოს ღმერთმა, საცოდავ ყრუ-მუნჯებს უსიტყვოდ ენაც კი წაართვეს საზიზღარმა ქურდებმა!..

აი, რით არის დილიდანვე ჩემი გონება დატვირთული და კიდევ უამრავი მოგონებებით.

დღეს დილით მამამ მკითხა: „რას აპირებ დღეს, თექვსმეტი წლის შესრულების აღსანიშნავადო?“.

მართლა რას ვაპირებ, როგორ უნდა შევხვდე ჩემს სრულწლოვანებას? უპირველეს ყოვლისა, წავალ კონსერვატორიაში. ვანო სარაჯიშვილის სახელობის კონსერვატორიამ მომცა ცხოვრების საგზური და სრულიად ბუნებრივია, რომ სწორედ დღეს მინდა მოვიწახულო მუსიკის ეს ტაძარი. მეორე: დღეს სრულდება ერთი წელი გურამ რჩეულიშვილის — ახალგაზრდა, ზედმიწევნით ნიჭიერი მწერლისა და ადამიანის დაღუპვიდან. იგი ჩემი პიონერხელმძღვანელი იყო. მას უყვარდა მთები და ზღვა. და სწორედ ზღვის ტალღებმა შთანთქეს იგი. შარშან ამ დროს მოხდა ეს სამწუხარო ამბავი.

ყველას თვალწინ იზრდებოდა ნამდვილი მწერალი, დიდი თვითმყოფადი ტალანტი. ჩვენ, მისი ყოფილი პიონერები, და არა მხოლოდ ჩვენ, მისი მეგობრები, ამხანაგები, გავხდით მოწმენი იშვიათი აღმოცენების — შემოქმედების გაჩენისა, მაგრამ ის დაიღუპა... თვით ამ ახალგაზრდა ვაჟაკის — ალბინისტის, გეოლოგის, სპორტსმენის, მწერლის ცხოვრება იყო დაუმთავრებელი წარმტაცი ნოველა. დღესაც ისე ლაპარაკობენ მასზე, როგორც ცოცხალ ადამიანზე.

ხუთი წლის წინათ დაიბეჭდა მისი პირველი მოთხრობები — თითქოსდა უბრალო, სამარადქამო ნაწერები, მაგრამ მათში იგრძნობოდა ისეთი უჩვეულო, მიმზიდველი, ახლებური მანერა წერისა, რომ ისინი უმალ იქცნენ ლიტერატურული კამათისა და დისკუსიების საგნად. მისი მოთხრობებისა და ნოველების უჩვეულობა, სააზლუ უნდა ვეძებოთ ადამიანის სულიერ კარჩავეტილობაში, მთიელე-

ბის მკაცრ და მამაცურ ცხოვრებაში, რაც ასე თავდავიწყებით უკვარდა გურამს. ერთმა ახალგაზრდა პოეტმა მეტად მოსწრებულად თქვა: „მე მხოლოდ ვოცნებობ იმაზე, რასაც ის უკვე ასრულებსო“. გურამ რჩეულიშვილი თვითონ განიცდიდა ყოველივეს. მოგონილს, ხელოვნურს არავითარი ფასი არ ჰქონდა მისთვის, თუმცა ძალიან ხშირად თვითონ იგონებდა ხოლმე საკუთარ განცდებს და შემდეგ გულწრფელად სჯეროდა ამ განცდებისა. მუდამ სადღაც მიიჩქაროდა: გეოლოგია, არქეოლოგია, ალპინიზმი... და ადამიანები!.. ზოგჯერ, როგორც მეტეორი, გამოჩნდებოდა რუსთაველის პროსპექტზე მძიმე ალპინისტურ წაღებში, წვერგაუპარსავი, ბამბის ქათიბში... ამ დროს ის ბრუნდებოდა რომელიღაც ეთნოგრაფიული, არქეოლოგიური ან გეოლოგიური ექსპედიციიდან. მაგრამ ზოგჯერ ვხვდებოდი მას კოხტად ჩაცმულს, საგანგებოდ გაპარსულს, თეთრ პერანგში ღრმა საყელურით...

და ასეთი სიცოცხლითა და ჯანღონით სავსე ახალგაზრდა უკვე აღარ სწერია ცოცხლების სიაში!.. გურამს ასაფლავებდა ქალაქის მთელი ახალგაზრდობა — ყმაწვილები შავ კოსტუმებში, გოგონები თეთრ კაბებში, თითქოს საქორწინო მოგზაურობაში ვაცილებდით... ვაცილებდით ჩუმად — მას არ უყვარდა სამგლოვიარო მუსიკა, ვერ იტანდა ხმაურსა და აურზაურს. მხოლოდ საფლავზე ჩართეს ბიჭებმა მაგნიტოფონი და გაისმა მისი საყვარელი ბახის მუსიკა“...

აქ წყდებოდა დღიურები. მე ამაღლევა და კიდევ დამაფიქრა წანაკითხმა: ჩემი შვილის ხასიათში აღმოვაჩინე რაღაც ახალი, ჩემთვის აქამდე უცნობი... მე კი მეგონა... აბა, რა მეთქმის, გამომეპარა, ვერ შევამჩნიე ქალიშვილის სულიერი ზრდა და ახლა ნასიამოვნები და გაკვირვებული დავჩერებოდი დღიურებს.

ძალაუნებურად მომაგონდა ჩემი ბავშვობა. ყოველი ახალი წლის წინაღამით დედა ჩვეულებრივზე უფრო ადრე დაგვაწვენდა ხოლმე, თან გვარწმუნებდა, თითქოსდა გარიყრაქზე მოფრინდებოდა თეთრი მერცხალი, რომელსაც ბედნიერება და, რაც უფრო საინტერესო იყო ჩვენთვის, საჩუქრები მოჰქონდა ბავშვებისათვის. ვინც ყველაზე ადრე გაიღვიძებდა, ასე გვარწმუნებდა დედა, — აუცილებლად ნახავსო მას. და ჩვენც სიხარულითა და აღელვებით მოველოდით თეთრ მერცხალს. ის კი აღარ ჩანდა, ალბათ, იმიტომ, რომ ჩვენ მუდამ მოგვიანებით ვიღვიძებდით. თუმცა იყო შემთხვევა, როცა ზოგიერთი ჩვენი ტოლები ჩურჩულით და საიდუმლო-

ებით სავსე ხმით გვარწმუნებდნენ, რომ მათ თითქოსდა დაინახეს თეთრი მერცხალი! მე კი არ გამილიმა ბედმა, ერთხელაც ვერ მოვკარი თვალი თეთრ მერცხალს...

რასაკვირველია, არავეითარი თეთრი მერცხალი არ არსებობდა ბუნებაში. ეს იყო მოგონილი ამბავი, ლარიბების მარადიული ოცნება ბედნიერებაზე. მანანას დღიურების წაკითხვისას მე რატომღაც მომაგონდა თეთრი მერცხალი, მომეჩვენა, თითქოს იგი უჩინრად დაფრინავდა ამ დღიურების ფურცლებზე... დღიურები თავის ადგილას დავდე და თან ქალაღდის ნაგლეჯი ჩავატანე წარწერით: „გაუფრთხილდი სულიერ აღსარებას, ნუ დაივიწყებ მას, სადაც კი მოგიხდება...“

გუშინ საღამოს ქალაქში გავედი, ზღვის სანაპიროზე გავისეირნე... ბავშვობის მეგობრებს შევხვდი... მე მათ ვაკვირდებოდი, როგორც სარკეში აკვირდებიან ხოლმე საკუთარ გამომეტყველებას: „ღმერთო ჩემო, როგორ დაბერებულანი!“ მრავალი მათგანი უკვე ცოცხალი აღარ არის, ბევრი კიდევ ომში დაიღუპა: ქერჩში, სევასტოპოლში, კავკასიის მისადგომებთან. ზოგიერთებმა, როგორც მაგალითად მე, დატოვეს თავიანთი ბუდე, მათ, ალბათ, შემთხვევით თუ სადმე შევხვდები... უცებ თვალწინ წარმომიდგა უწინდებური, ძველი ქალაქი, ისეთი, როგორიც ჩვენი სიყმაწვილის დროს იყო, როცა ჩვენ უჩვეულოდ ალტყინებულები ვიყავით ახალი ცხოვრების შეგრძნებით... მომაგონდა ის დღეც, როცა ლენინგრადის კონსერვატორიის პირველ კურსზე მიმიღეს.

გავიმარჯვე კონკურსში! ნახევრად ცარიელ დარბაზში (გამოცდებზე არავის უშეებენ, უფროსი კურსელი სტუდენტების გარდა) კომისიის წინაშე, რომელიც უბრწყინვალესი მუსიკოსებისაგან იყო შემდგარი, მე დავუკარი ლისტის უნგრული რაფსოდია! და წარმოიდგინე, ბოლომდე არ შემაწყვეტინეს დაკვრა! აბა, თუ წარმოგიდგენია, რას ნიშნავს ეს ამბავი! არა, იმ წუთებს, ალბათ, სიკვდილის კარამდე ვერ დავივიწყებ და მიუხედავად იმისა, რომ მესამე დღეს მიღებულთა სიაში ჩემი გვარიც ამოვიკითხე, თვალებს არ დავუჯერე, ჰალუცინაცია მეგონა. „შეიძლება მძინავს და მესიზმრება? მოდი, კიდევ ერთხელ შევამოწმებ-მეთქი...“ მეორეჯერ და მესამეჯერ მივირბინე კედელზე გაკრულ სიასთან და მოვძებნე ჩემი გვარი.

ახლა ღამეა. ალბათ, ათ საათს გადაცილებულია, მაგრამ არ შემიძლია ოთახში ყოფნა. მინდა ვიყვირო ხმამაღლა, მთელი ძალდო-

ლონით: „ბედნიერი ვარ, ბედნიერი! გესმით, ხალხნო, ბედნიერი ვარ!“

გამოვდივარ საერთო საცხოვრებლიდან. მივაბიჯებ სპორტსმენის ნაბიჯებით. ვუსმენ უზარმაზარი ქალაქის ხმაურს. დიდი ქალაქის მრავალხმიანობა და ზრიალი ფანტასტიკურ სიმფონიად მევლინება გონებაში. იფეთქა რეკლამებმა. ელვარებენ პროექტორები. გუგუნებენ ავტომანქანები, გრუსუნებს ლიანდაგი ტრამვაის ბორბლები. ქვეშ... ეს თვით ცხოვრება გუგუნებს — მარად მოძრავი, დაურღვეველი და უსაზღვრო... მიუწვდომელი, განუზომელი და უცნაური.

ისაკის ტაძარი, აღმირალთ სამყოფელო, მე უკვე პეტრეს ძეგლთან აღმოვჩნდი. „ბრინჯაოს მხედარი“... ვილაცას ყვავილები მოკტანია მისთვის. ვინ უნდა იყოს ნეტავი, ნორჩი მეოცნებე თუ სიძველეთა ქალარა თაყვანისმცემელი?..

ძეგლის პირდაპირ გრძელ მერხზე ჩამოვჯექი და გამვლელებს ვაკვირდები. მინდა ვიყვირო, ვიმღერო, ვიხარხარო, მინდა ეუამბო ყოველ გამვლელს ჩემს სიხარულზე.

თანდათან მყუდროება და სიმშვიდე ისადგურებს ჩემ ირგვლივ. ვწყნარდები და კვლავინდებურად ვაკვირდები გამვლელებს. რასაკვირველია, ეს ადამიანები — მოხუცები და ახალგაზრდები, მომლომარნი და სერიოზულები, — გამიგებენ, გაინაწილებენ ჩემს სიხარულს. გაიარა წყვილმა, კიდევ წყვილმა, კიდევ ერთმა. უცებ გაწვიმდა. შხაპუნა თანდათან გაძლიერდა და კოკისპირულ წვიმად იქცა. მომეჩვენა, თითქოს წვიმა მღეროდა, მღეროდა სხვადასხვა ჰანგებზე. თვალები დავხუჭე და წვიმის წვეთებს შევეუშვირე სახე. შემდეგ კვლავ გავახილე თვალები და გავიქეცი, თითქოს ღვართქაფში მივეცურავდი, წვიმის წვეთები სახეში მიტყლაშუნებდნენ. ორმა მამაკაცმა ჩაიარა. ერთმა, რომელიც უფრო ახლო იყო ჩემთან, თითო ანიშნა ჩემზე თანამგზავრს, გაიცინა და თავი გაიქნია. ალბათ, იფქრა, რომ მე სიგიჟე მომერია. ან შეიძლება ინტელიჯენტ იკრძნო ჩემი მდგომარეობა... თუმცა არა მგონია, რომ ეგრძნო: მგონი, ხანში შესულები იყვნენ, პენსიონერები, ამ წლოვანებაში კი ადამიანებს ხშირად ავიწყდებათ, რომ ისინიც ოდესღაც იყვნენ ახალგაზრდები...”

შემდეგ წერილის სტრიქონები აირივნენ და ბოლოს სულ გაქრნენ. ბავშვობა მომაგონდა და გული თითქოს ისრის მასვილით განიგმირა...

მე სოფელში დავიბადე, პატარა ქალაქ გუდაუთის მახლობლად, შავი ზღვის პირას (უფრო სწორი იქნებოდა — ძალიან ლურჯი ზღვის პირას). სოფელი ახლა უკვე ქალაქის განაპირა რაიონია. აქ აღმართულია ახალი შენობები, აგურისა და ქვის სახლები, რომლებიც ერთმანეთს ეჯობრებიან სიმდიდრესა და გემოვნებაში: დიდი აივნებით, ჩუქურთმიანი ლავგარდანით, ცემენტის უცნაური, დიდი კბეებით. ეზოები? რა შესანიშნავი ეზოებია — ფართო, მწვანე, მოლით ან კოინდარით მოხავერდებული შუა ეზოში, სახლის წინ კი აუცილებლად დიდი კაკლის ხე ან მარად მწვანე მაგნოლია დგას. სახლებს უკან აუცილებლად ვენახებია გაშენებული, პალმები ხარობენ, კვიპაროსები, ევკალიპტები... ახლა ზომ ყველგან ასეა, მთელ დასავლეთ საქართველოში... მაშინ კი, ჩემს ბავშვობაში... ღმერთო რა საცოდავი და უბადრუკი იყო აქაურობა, ლატაკი! ჩვენს ერთ ციციქნა ეზოში იღვა ერთი პატარა, მოგრეხილი, წნული ფაცხა, გარედან თიხით შეთითხნილი, რომლის კედლებზეც ისე გამოისახებოდნენ ხმელი ტოტები და შტოები, როგორც შიმშილისაგან მომაკვდავი ადამიანის ტანზე ძვლები, ნეკნები. ფაცხა ჭვარტლით გაშავებული ისლით იყო გადახურული. ფანჯრები, რასაკვირველია, არ გააჩნდა ჩვენს ფაცხას. მხოლოდ მუდამ ღია კარებიდან შემოდისა და დღის ბინათლე. ფაცხის შუაგულს თიხის იატაკზე დღისით და ღამით ერთო კერა. გრძელ და მსხვილ ჯაჭვზე, რომელიც ვაჭვარტლულ სხვენზე გადებული კოჭიდან ეშვებოდა, ეკიდა თუჯის ქვაბი. ამ ქვაბში თითქმის გამუდმებით დუღდა ღომისთვის წყალი. ის დღეები, როდესაც ქვაბში ცხელი ღომი შიშინებდა, ბედნიერ დღეებად ითვლებოდა ჩვენთვის. ვაჭვარტლულ კოჭზე, კერიის თავზე ჩამოკიდებული იყო ბოლში გამოყვანილი დიდრონი სულგუნები. უფრო ხშირად ჩვენ მხოლოდ ამ ოქროსფერი სულგუნების ყურებით და სუნით ვკმაყოფილდებოდით. ჩვეულებრივად კი ვჭამდით მაწონს ან ღომს აჯიკით. ჩვენ, ბავშვებს (ოთხ პატარა ბიჭს შორის ყველაზე უფროსი მე ვიყავი) ძალიან გვიყვარდა აჯიკის სქელი ფენით დაფარული ცივი ღომი ანდა იგივე ღომი, ჩაფშენილი მაწონში. ეს კერძი თუ გვეჭონდა, არხეინად ვიყავით. მაგრამ, სამწუხაროდ, ხშირად მოკლებული ვიყავით ასეთ უღიმღამო კერძსაც. მარტილი ძნელი საზოგნელი იყო, რძე კი... მამას მიჰჭონდა ყველი ქა-



ლაქში გასაყიდად და ეს თითქმის ერთადერთი წყარო იყო ჩვენი შემოსავლისა... და მაინც ზოგჯერ ჩვენს ოჯახშიც ხდებოდა სასწაული: გავიღვიძებდით თუ არა დილით, მოვიფშენებდით თვალებს და რას ვხედავთ! კერიის ზემოთ კოჭზე ჩამოკიდებულ თიკნის დაშაშხულ ფეხს! საკუთარ თვალებს არ ვუჭერებდით და დიდხანს ვტკბებოდით ამ სასწაულის ცქერით.

ყველაზე უფრო შობის დღესასწაული გვიყვარდა. საღამოს მამას მოჰქონდა ჩიჩილაკი, დედა ჩიჩილაკს გააწყობდა ტკბილეულობით და ვაშლებით. შემდეგ გვაძინებდნენ ჩვეულებრივზე უფრო ადრე — ხვალ ხომ გარიჟრაჟზე უნდა ავმდგარიყავით, თეთრი მერცხლისთვის რომ მოგვესწრო, მას ხომ საჩუქრები უნდა მოეტანა ჩვენთვის! უთენია ვიღვიძებდით, — მაგრამ ვაი, რომ თეთრი მერცხალი უკვე გაფრენილიყო... სამაგიეროდ, უმალ ვპოულობდით მის მიერ დატოვებულ საჩუქრებს: მხიარულ კერასთან გველოდა ტბაკი — გრძელი ხის დაფა, ოთხ მოკლე ფეხზე შედგმული, რომელიც ჭვარტლისაგან სულერთიანად შინდისფერი იყო, თითქოსდა ძვირფასი წითელი ხისაგან ყოფილიყო გამოთლილი, მისი ზედაპირი კი ისე პრიალებდა სარკესავით, ისეთ სწორი და სუფთა იყო, რომ სულ ადვილად შეიძლებოდა საკუთარი სახის დანახვა. ტბაკზე ჩოგნით აგებდნენ ღომს, რომელსაც სასიამოვნო სურნელოვანი ოხშივარი ასდიოდა. დედა ამასთანავე ხის ჭამებით გვირიგებდა ტყემლის საწებელს — მაგრად ჩაპილპილებულს, ხმელი სუნელითა და ნიორ-ქინძით შეზავებულს. იშვიათად ბაჟითაც კი გვიპასპინძლებოდა. თიოჯულ ჩვენთაგანს მოგვითლიდა თიკნის დამარილებული და შებოლილი ფეხიდან ნაჭერს, ღომში კი გამაღიზიანებლად დნებოდა ქარვისფერი სულგუნის ნაჭერი.

დღესაც კი, როცა წითელი ხის გაპრიალებულ, ლიმოჩის ფაიფურისა და ბოჭემური ბროლის ჭურჭლით გაწყობილ სუფრას ვუზივარ, მუდამ სიამოვნებით ვიგონებ იმ უბადრუკ ხის ტბაიკს და, არ ვიცი, დამიჯერებთ თუ არა, მე მაინც იმას ვარჩევდი ამ ფუფუნებით, მდიდრულად გაწყობილ სუფრას.

სამწუხაროდ, დღესასწაულები იშვიათი იყო ჩვენს დუხჭირ ცხოვრებაში — ერთი ან ორი მთელი წლის განმავლობაში, დანარჩენი დრო კი... ძალიან ღარიბად ვცხოვრობდით, თითქმის ლატაკად.

მიუხედავად ამისა, მოწყენასა და უიმედობას ახლოსაც არ ვიკარებდით, არც მშობლები მიეცემოდნენ ხოლმე სასოწარკვეთილე-

ბას. ჩვენ, ბავშვები, ვმწყემსავდით მეზობლების ძროხებს, თხებს, ვიპარავდით ვაშლებს და ხილეულობას მდიდრების ეზოებში, ვკრეფდით მარწყვს, ვუსმენდით ჩიტების ჟივილ-ხივილს და შაშვების გალობას, ვეძებდით ჩიტის ბუდეებს, მაგრამ არასოდეს არ დაგვინგრევია ისინი. არც ბარტყები ამოგვიყვანია ბუდეებიდან. გვახსოვდა დედის შეგონება, რომ ბუდეების დანგრევა-განადგურება შეუწყნარებელი ცოდვა იყო და რომ ამისთვის ღმერთი საშინლად დაგვსჯიდა „იქ“ (მხოლოდ სად იყო ეს „იქ“, ამის წარმოდგენით ჩვენ არც თუ ძალიან ვიმტვრევდით თავს). ჩვენი გაგებათ ღმერთი იყო ძალზე ბებერი, უბებრესი, როგორც ჩვენი ბანჯაია მაქაცარია. რომელმაც, როგორც ამბობენ, ასოც წელს მიაღწია თურქე. მრისხანე და მუდამ გულმოსული დიდთეთრწვერება ღმერთი, ჩვენი წარმოდგენით, იჯდა თეთრ ღრუბლებზე და იქიდან უთვალთვალებდა ყოველ ჩვენს საქციელს. სიმართლე რომ გითხრათ, ჩვენ არც თუ ისე გვეშინოდა ამ ღმერთის, უფრო სწორად, გვეცოდებოდა უმწეო ბარტყები.

მუდამ და ყოველთვის საყდრის ეზოში ვისვენებდით, ახლო მოვრეკავდით საქონელს, თვითონ გადავძვრებოდით ქვის მაღალ გალავანზე (ტაძარი მაღლობზე იყო გაშენებული) და იქიდან გადავყურებდით ჩვენი სოფლის პანორამას. ვცდილობდით გამოგვერკვია, რა იყო იმ საიდუმლოებით სავსე შორეთში, იქ, სადაც გადაშლილიყო უსაზღვრო ლურჯი ზღვა. ზოგჯერ გავრბოდით უძველესი ტაძრის ნანგრევებზე და ვასრულებდით ჩვენს „სადმართო საქმეს“: მე ვუკრავდი სალამურზე, რომელსაც თვითონვე ვოლიდი ლერწმისაგან. ჩემს გარშემო მოიკალათუბდნენ ჩემი ძმა-ბიჭები და სულგანაბულნი უსმენდნენ მუსიკას.

ასე უზრუნველად გადიოდა ჩვენი ბავშვობის დღეები. ცხრა წელი რომ შემისრულდა, მწუხარებამ პირველად დააკაჟუნა ჩემი ცხოვრების კარზე. დღევანდელი დღესავით მახსოვს ის დღეა, რომელიც დაიწყო მზის მხიარული სხივებით. ნიავისაგან აშრიალებული ბალახი მიყუჩებულ ზღვასა ჰგავდა: ოდნავ შრიალებდნენ კაქლის ხის ფოთლები და ჩვენი ეზო მოგაგონებდათ მწვანე ატლასის საბანს, სამზითვოდ რომ ატანენ ხოლმე ქალიშვილს.

მზემ ვერც კი მოასწრო ვრცლად მოეფინა სხივები, როცა ჩვენი ფაცხიდან წივილ-კივილით გამოვარდნენ მეზობლის ქალები. (ჩვენ,

ბავშვები, დედის ავადმყოფობის გამო თითქმის ერთი კვირის განმავლობაში მეზობელთან ვათევდით ღამეს).

— უიმე, უიმე, დაობლდით შეილებო! დაობლდით! — მოთქვამდნენ, გვეხვეოდნენ მეზობლის ქალები და იკაწრავდნენ ლოყებს.

მათი კივილისაგან კანკალი ამიტყდა, მაგრამ ვერაფერი გავიგე, ჩემი პატარა ძმები კი შიშისაგან ატირდნენ. მამა გნსე იღვანირწამხდარი, მწუხარებისაგან წელში მოხრილი და ცრემლები ჩამოსდიოდა ღაწვებზე. პირველად ვხედავდი მამაჩემს ატირებულს. მამის მწუხარება მეც გადამედო. ავტირდი იმიტომ, რომ მივხვდი: მოხდა რაღაც საშინელება. მაგრამ ცრემლები მალე შემომამშრა თვალებზე და თანდათან დავშოშმინდი. შემდეგ ჩვენს ფაცხაში შევიხედე და გავქვავდი: შვეებში ჩაცმული, თმაგაშლილი ქალები ბუზებივით ირეოდნენ დედაჩემის საწოლთან, ხის ტახტის ირგვლივ, ოხრავდნენ და გმინავდნენ, ხან მოთქვამდნენ, უმოძრაოდ და მღუმარედ იწვა დედაჩემი. მე შემაშინა მისმა ღუმილმა. მაშინ ჯერ კიდევ ვერ ვერკვეოდი, თუ რა იყო სიკვდილი, მაგრამ გუმანით ვიგრძენი, მივხვდი, რომ მოხდა რაღაც თავზარდამცემი, რაღაც გამოუსწორებელი საშინელება.

ჩვენი ეზო ხალხით გაივსო.

მოდლიოდნენ და მოდიოდნენ სოფლელები. ახლა უფრო ხმამაღლა კიოდნენ და ტიროდნენ ქალები. ჭიშკართან მოახლოებულები იშლიდნენ თმებს და იწყებდნენ მოთქმას.

შუადღისას გუდაუთიდან გრძელი, ღია ეტლით ჩამოვიდა მარო დეიდა, დედაჩემის ერთადერთი და.

### III.

დავინახე თუ არა დეიდა მარო, მომაგონდა ჩვენი წარშანდელი მოგზაურობა. ეს იყო ჩემი პირველი მოგზაურობა დეიდაჩემთან ერთად, ჩვენს ნათესავეებთან სოხუმში. ჩვენთან ერთად გრძელ, ღია ეტლში, ან როგორც მაშინ ეძახდნენ „ლინეიკაზე“, ორივე მხარეს ჩამომწკრივდა ათიოდე ქალი. მათ შორის ერთადერთი მამაკაცი მე ვიყავი.

დილის სრულ ცხრა საათზე გამოვედით გუდაუთიდან, მთელი დღე გზაში მივზლოზინობდით. ამ ხნის განმავლობაში ჩვენმა „ლინეიკამ“ ოთხჯერ დაისვენა ამ ორმოცკილომეტრიან გზაზე. დასვენე-

ბა სკირდებოდა ჩვენს უბადრუკ, როსინანტის მსგავს ჯაგლაგა ცხენს და წყალიც უნდა დაელია ხოლმე საცოდავს. ვჩერდებოდით დუქნებთან, რომლებიც სამუდამოდ შეიჭრნენ ჩემს მახსოვრობაში. პირველი დუქანი, როგორც იუწყებოდა რკინის უზარმაზარი ფირნიში, იწოდებოდა ასე: «Не уезжай, голубчик!» ამავე აბრაზე ზეთის იაფფასიანი საღებავებით ღია ეტლი იყო დახატული (უფრო მითითხნილი). ეტლში შებმული ბედაურები ელდანაკრავივით გაშეშებულნი იდგნენ ამ დახატულ დუქანთან და თუ მათ გამომეტყველებას გულდასმით დავაკვირდებოდით, არასგზით არ უნდოდათ ადგილიდან დაძვრა. აქვე, დუქნის კარებში, იდგა სამმაგ ლაბაბჩამოშვებული მედუქნე, საოცრად დიდი მუცლით, გრძელი აგრეხილი უღვაშებით და ლაქდაჟა ლოყაზე გაყინული, გამოთაყვანებული ღიმილით ეპატივებოდა სტუმრებს თავის სამიკიტნოში. დუქნის ღია ფანჯრებიდან სტუმრების შესახვედრად გამოჰქონდათ მწვადებიანი შამფურები, შიგადაშიგ ჩართული წითელი პამიდორებით. თეთრი, გრძელი ლავაშები დასტებად ეწყო აბრის ქვევით ორივე კუთხეზე, ლავაშებს ზედ ეწყო ახლადმწვარი ტაბაკა წიწილები, იქვე ელაგა ღვინით სავსე მიხატულ-მოხატული თიხის დოქები. მათ გვერდს უმშვენებდა ათასნაირი მწვანილი: ტარხუნა, წიწმატი, ქინძი, ოხრახუში, წითელი ბოლოკი, ტყემლის და კოწახურის საწებლები, აბრის ზევითა კუთხეებს ამშვენებდა წყვილი თეთრი მტრედი — ალბათ, მამალ-დედალი. მათი ნისკარტები მოხატული იყო ჭიაფერით და წააგავდნენ გამოსული ქალების შეღებილ ტუჩებს. მე პირდაღებულ ვუცქერდი ამ აბრას და ფერწერის შეუღარებელ შედეგად მიმაჩნდა იგი.

მაინც როგორ დაატია ამდენი რამე ამ ერთ აბრაზე მხატვარმა? — მიკვირდა მე.

გზაზე ჩამწკრივებული სამიკიტნოები ყველანი სტანდარტულად იყვნენ აშენებული ხისგან: ქვის დაბალ საძირკველზე, ღია უმოაჯირო აივნებით, მზისა და წვიმისაგან გახუნებული ყავრის სახურავი კი მონაცრისფრო შავი ფერისა იყო. დუქნების გვერდით ამოთხრილი იყო ჭები გრძელი ოწინარებით, რომლებზეც თუთიის სათლებით ხის ღარებში ასხამდნენ ჭიდან ამოღებულ წყალს და ცხენებს ასმევდნენ. მთელი სამიკიტნო შედგებოდა ერთი უზარმაზარი ოთახისაგან უამრავი მაგიდებითა და ტაბურეტებით. თვით ეს უზარმაზარი ოთახი, ყველა და ყველაფერი, რაც იქ იმყოფებოდა.

მოსამსახურეებისა და მიკიტნის წინსაფრის ჩათვლით, ისე გაქვარტლული და წვირიანი იყო, თითქოს განგებ შეუღლებავთ ასე უზადოდ მოდის მიმდევრებსო. ჰაერი თამბაქოს ბოლით ისე იყო გაყლენთილი, რომ მხოლოდ კარგი სნაიპერი თუ შეძლებდა რაიმეს გარჩევას ამ ბოლის ნისლში. ირგვლივ აუტანელი ხმაური და აურზაური იდგა. მაგიდებს ზემოთ ჰკერიდან ჩამოეკიდათ ყვითელი წებოთი შეთითხნილი ქალაღის ლენტები — სასიკვდილო მახე ბუზებისათვის, რომლებიც, უთვალავ არმიად ქცეულნი, ავსებდნენ ამ გაქვარტლულ დარბაზს. მაგიდები სავსე იყო უთვალავი ცარიელი და „იზაბელათი“ სავსე ბოთლებით. ზოგ მაგიდაზე მხოლოდ დოქები ეწყო. აქა-იქ გამოჩნდა თითო-ოროლა ბოთლი თეთრი გამჟვირვალე „ჰაჰით“.

დუქანში ცხელი ღომის, მყავე ღვინის, ჰაჭის, ცხარე ლობიოს, მეგრული ხარჩოს, შემწვარი სულგუნის, გაფიცებული ხორცის და თამბაქოს ბოლის შეზავებული სუნი იდგა.

გრძელ ხის დაჯღს უდგა მიკიტანი, რომლის წინსაფარი ოდესღაც თეთრი ფერისა უნდა ყოფილიყო. მიკიტანი იშვიათ შემთხვევაში თუ შორდებოდა თავის ადგილს, იდგა და ყიდიდა სასმელებს, მწვანლეულობას, პურს და სხვა მისთანებს. თან უთვალთვალეზდა, რომ წესრიგი არავის დაერღვია.

ჩვენ კუთხეში მოგძებნეთ ერთი პატარა, ცარიელი მაგიდა და მივუსხედით. წამსვე მოირბინა ძალ-ღონით სავსე ახალგაზრდამ, რომელიც კანში ძლივს ეტეოდა. მან თვალის დახამხამებაში მოამშრალა და მოწმინდა მაგიდა წინსაფრით და უხალისოდ მოგვაჩერდა, თითქოსდა იმეორებდა: „აბა, რა ხეირს გამორჩები ასეთი მუშტრებისაგანო?!...“ დეიღამ ერთი ბოთლი ლიმონათი შეუკვეთა ჩემთვის. თითონ უარი განაცხადა, ლიმონათი არ მიყვარსო, თქვა. მე, რასაკვირველია, არ დავიჯერე: აბა ლიმონათზე უტკბესი რა უნდა ყოფილიყო ამ ქვეყნად? — ასე ვფიქრობდი მაშინ.

დაახლოებით ერთი საათის თუ საათნახევრის შემდეგ მეეტლემ შეაბა ცხენები და გამოგვიცხადა, დროა გზას გაუდგეთო. ჩვენი მეეტლე მაღალი და ზორბა ახალგაზრდა იყო, გამობერილი მუცლით. რატომღაც ქალის სახელს ატარებდა — ოლიას ეძახდნენ. დღემდის გაურკვეველ ამოცანად დარჩა ჩემთვის, რატომ ატარებდა ასეთ სახელს ეს ბუმბერაზი ვაჟკაცი?! (რამდენიმე წლის შემდეგ ჩემთან ერთად კომკავშირის ერთ ორგანიზაციაში ირიცხებოდა

მისი ორი ვაჟი: შესანიშნავი ყმაწვილები, ნამდვილი ვაჟკაცები, თავმდაბლები, გაბედულები, მხარბეჭიანი, კლასიკურად ჩამოსხმული სპორტსმენები, ერთი კარგი ფეხბურთელი იყო, მეორე რესპუბლიკის რეკორდსმენი ცურვაში. მაგრამ აბა, როგორ ვკითხავდი, რად ატარებდა მათი მამა ქალის სახელს?).

განვაგრძეთ გზა. ძლივს მოვიტოვეთ უკან კიდეც ათი კილომეტრი და ახლა მეორე სამიკიტნო შემოგვეფეთა, რომელსაც «Настоящий рай» ეწოდებოდა. აბრის დაბლა კი ასეთი მოწოდება იყო ფერადი საღებავებით დაწერილი: «Загляни пожалуйста в наш рай! Здесь кушали Адам и Ева, остались очень довольны». აბრაზე, რომელიც დახატული იყო უბადრუკი, მაგრამ არცთუ ისე უნიკო ხელით, თვითმოქმედ მხატვარს გამოესახა სამოთხე. ცოტა არ იყოს, ღარიბულად გამოიყურებოდა სასუფეველი ცათა: ერთადერთი ხე იდგა და ისიც პირობითი მანერით იყო დახატული, თუმცა მოლურჯო ნაყოფის ფორმის მიხედვით ეს ლეღვის ხე უნდა ყოფილიყო. ამ უცნაურ ხეს ხელისხელ ჩაკიდებულნი გალანტურად უახლოვდებოდნენ ადამი და ევა, თავისუფალი ხელებით კი ორივენი მიუთითებდნენ სამიკიტნოს სახელწოდებისაკენ. ადამს მოდურად დაეხვია ულვაშები და ბრიოლინით გაეპრიალებინა დაზვეული თმა. ევას გიბიურის პენუარი ეცვა, ტუჩები წითლად შეეღება. სამოთხეში მათ არასგზით არ უშვებდნენ. უზარმაზარი გველი კი, რომელიც ხეს შემოხვეოდა, მაცდური ღიმილით ათამაშებდა ევას თვალწინ მწიფე ლეღვს.

რამდენმა წელმა განვლო მას შემდეგ და დღესაც ვერ ვიკავებ სიცილს, ის აბრა რომ მომაგონდება. დიდი სიამოვნებით შევიძინე იმ აბრას და დავკიდებდი იმ უცნობი მხატვრის შედევრს ჩემს სასადილო ოთახში!..

ამჯერად ჩვენ არ ჩამოვსულვართ „ლინეიკიდან“ და ცხენების დანაყრების შემდეგ განვაგრძეთ გზა... თუ შეიძლება გზა ეწოდოს იმ ოღროზობებს, ქვის გორაკებს და, მაღალმა ღმერთმა უწყის, ამ პაპანაქება სიცხეში საიდან გაჩენილ წუმპებებს. როგორ უძლებდა ჩვენი როსინანტი ყოველივე ამას, დღესაც გაუგებარია ჩემთვის.

დღის ხუთ საათზე, როგორც იქნა მივალწიეთ „ახალ ათონამდე“, ასე ეწოდება მონასტრის ქალაქს, რომელიც მოთავსებულია გუდაუთასა და სოხუმს შუა. ეს მონასტერი კი მართლა მოაგონებდა ადამიანს მიწიერ სამოთხეს. (მოწაფეობისას, როცა სოხუმის მუ-

სიკალურ ტექნიკუმში ვსწავლობდი, თითქმის ყოველ კვირა დღეს ფეხით მოვდიოდი ამ „სამოთხეში“ და ვტკბებოდი ცადაზიდული მთების ზღაპრული ხედით, ივერიის ტაძრის ნანგრევებით, ხელოვნური ტბის სილამაზით და ჩანჩქერებით, ზეიანხილის მწვეანე ჩეხებით და მონასტრის ახალი შენობებით, თუმცა ხუროთმოძღვრების თვალსაზრისით ისინი მეტად უგემოვნოდ იყვნენ ნაგები.

იმხანად ახალ ათონში მხოლოდ ბერები ცხოვრობდნენ. აქ ყველგან სისუფთავე იყო გამეფებული და ისეთი სიჩუმე, როგორც მხოლოდ ტაძარშია ხოლმე. ხელოვნურ ტბაზე ყელმოღერებული დაცურავდნენ თეთრი და შავი გელები.

ტბის შუაგულს ამშვენებდა პაწაწინა კუნძული, ალბათ ისიც ხელოვნური. კუნძულზე ლამაზი, ტრტებჩამოყრილი მტირალი ტარიფი იდგა. ისე გამიტაცა ამ კუნძულმა, რომ ვერც კი შევამჩნიე, როგორ მომიახლოვდა მაღალი, წითურწვერებიანი ახალგაზრდა ბერი, გამიღიმა, ალბათ, მიხვდა კიდევ ჩემი გატაცების მიზეზს და რაღაცა ჰკითხა დეიდაჩემს მაშინ ჩემთვის გაუგებარ რუსულ ენაზე. დეიდასაგან თანხმობის მიღების შემდეგ მომკიდა ხელი და ვიწრო ბონდის ხილით მიმიყვანა კუნძულზე. სიხარულით მეშვიდე ცაზე მეგონა თავი. მე და ახალგაზრდა ბერი კარგა ხანს უღლიმოდით ერთმანეთს — ეს იყო ჩვენი მუნჯური საუბარი. შემდეგ თითქოს რაღაც მოაგონდაო, ჩაიყო ხელი შავი ანაფორის ჯიბეში, ამოიღო წითელი ვაშლი, შავ კალთაზე გაწმინდა იგი და გამომიწოდა. მე მკობრე ყოყმანის შემდეგ გამოვართვი ვაშლი და მორცხვად მოვახსენე მადლობა.

ახალ ათონში ოლიამ ეტლი ზღვის სანაპიროზე გააჩერა პატარა ნავმისადგომთან „წმინდანთა“ მაღაზიის პირდაპირ. ამ გაკრიალებულ მაღაზიაში ბერები ვაჭრობდნენ ნაკურთხი წმინდა საგნებით და სწორედ ამიტომ ეძახდნენ „წმინდანთა მაღაზიას“. ვაჭრობდნენ პატარა ფერად-ფერადი ხატებით, სტამბაში დაბეჭდილი სურათებით, რომლებზეც წმინდანთა ცხოვრება იყო აღბეჭდილი; ღვთისმშობელი და მისი ფუნთუშა ბიჭუნა, თეთრ ღრუბლებზე მოზინადრე ბებერი ღმერთი, იესო ქრისტე, რომელიც უზარმაზარ ხის ჭვარს მიათრევდა გოლგოთაზე რომაელი ცენტურიონების თანხლებით. თაროებზე ჩაემწყკრივებინათ პაწაწიკინტელა, მოსრდილი და ბოლოს დიდი ხატები, ბრჭყვიალებდნენ ოქროს და ვერცხლის ჭკრები, მათ გვერდით იატაკიდან აღმართულიყვნენ ბრინჯაოსა და

ხის უზარმაზარი ჯერები; აქვე ელაგა ყოველგვარი საეკლესიო კურკელი, სხვადასხვა ზომის თაფლის სანთლები, საცეცხლურებო, საჯუნდრუკეები, ბაზმა და კანდელი და კიდევ რა გინდა სულო და გულო, რომ აქ არ ყოფილიყო „ლიონის თავსაფრებში“ გამოხვეული ჩვენი თანამგზავრი ქალები მოუსვენრად ფუსფუსებდნენ და არჩევდნენ საქონელს. ახლა არავის ახსოვს «ლიონის შარფი ან მანდილი», ერთ დროს კი ის ჩვენი ქალების ტუალეტის აუცილებელ აქსესუარს წარმოადგენდა, რითაც დიდად ახარებდნენ ჩვენი მანდილოსნები თურქ კონტრაბანდისტებს. ისინიც, რაც შეეძლოთ, ცდილობდნენ. დიდი რაოდენობით შემოჰქონდათ მარსელიდან ეს შარფები „ორივან კოტის“ ნელსაცხებელთან და ინგლისურ „ინდიგო“-თან“ ერთად. როცა საგრძნობლად წამოვიზარდე, მივხვდი, რომ მეეტლეებს შორის არსებობდა საიდუმლო შეთანხმება ან პირობა, რომლის თანახმად მეეტლეები აჩირებდნენ ეტლებს ზოგჯერ ყოველგვარი საჭიროების გარეშე სამიკიტნოებსა და „წმინდა ღუქანთან“ არა მარტო იმიტომ, რომ მოეკლათ ცხენების წყურვილი და დაესვენებინათ პირუტყვი: მათ მიჰყავდათ მუშტარი თვით ღუქნის კარებთან, ღუქნების პატრონები კი მეეტლეებს უხდიდნენ ნაღდ ანგარიშს.

აი, უკანასკნელი ღუქანიც სოფელ ეშერაში: „Стой! — ეწერა ამ ღუქნის აბრაზე. — Куда спешишь, дорогой!.. Ты не хочешь послушать камангу Йорика? Заходи умоляю, попробуй нашу хамсу, пей кофе (скажу секрет — такой кофе нет даже и в Стамбуле!..)

ქამანჩებით, რომლებსაც გამაყრუებლად აწრიპინებდნენ ბერძნები და ხან კიდევ ლაზები, მაშინ ძნელად თუ ვინმეს გააკვირვებდი. ყავას კი მართლაც და დიდებულს ხარშავდნენ!

თუმცა ასეთ ყავას (თითქმის ასეთს!) დღესაც შევხვდებით ბათუმისა და სოხუმის სანაპიროებზე ყავახანებში და ქუჩებში, კიოსკებში.

მე და დეიდაჩემს, რა თქმა უნდა, არც კი გვიფიქრია ვაგვესინჯა ხამსა ან შეგვესვა ყავა. ამის არც სურვილი და არც საშუალება ჩვენ არ გავიანდა. მაგრამ ბედის წინააღმდეგ ვერ წახვალ და ამიტომ შევედით ხალხით სავსე ყავახანაში და კუთხეში პატარა მრგვალ მაგიდას მივუჯექით. ამ ყავახანას არაფერი საერთო არ ჰქონდა იმ სამიკიტნოებთან, რომლებიც ჩვენ გზაში ჩამოვიტოვეთ. როგორც ჩანს, აქ სპეციალურად ჩამოდიოდნენ სოხუმიდან ყავისა



და ნარდის თამაშის მოყვარულები. პატარა მრგვალ მაგიდებს უსხ-  
დნენ ბერძნები, ლაზები და ოსმალები, მკვირცხლად და თავდავიწყე-  
ბით აგორებდნენ კამათელს, ტკაც-ტკუცით გადაჰქონდათ ნარ-  
დის სათამაშო ქვები ერთი კუთხიდან მეორეში შეძახილებით:  
„შაშ-ბეშ, დუ-ბეშ, იაქე!“ ყვიროდნენ, კამათობდნენ, ერთმანეთს არ  
აცლიდნენ ლაპარაკს და მოსვამდნენ თუ არა შავ ყავას, ყინულივით  
ცივ წყალს მიაყოლებდნენ ზედ. ზოგი კიდევ ხამსას შეექცეოდა —  
ძალიან წვრილ თევზს (თითქმის ლიფსიტების ოდენას) კვერცხებით  
შეზავებულ და ზეთზე შემწვარს ტაფამწვარის მაგვარად. ხამსა საყ-  
ვარელი კერძი იყო ბერძენი მეოჯჯებებისა, ლაზ მეზღვაურთა და  
ოსმალ მეწვრილმანეთათვის, მუშებისა და საზოგადოდ ღარიბთათ-  
ვის — ხამსა და ზეთის ხილი!...

ამ დახუთულ ყავახანაში იდგა მაგარი ყავის სასიამოვნო სურ-  
ნელი, შეზავებული შემწვარი თევზის აუტანელ სუნში. მაგრამ ამ  
სიმყარაღეს მთლიანად ასშობდა ყავის მარცვლების სურნელება,  
რომლებსაც აქვე ტაფაზე ხალავდნენ ცოტაოდენი ნიორით შეზავე-  
ბულ ზეითუნის ზეთში. შემდეგ ყავას ფქვავდნენ ხელის საფქვავეთ  
და ხარშავდნენ ცხელ ქვიშაზე თითბერის განსაკუთრებულ საყავებ-  
ში. ან „თურქებში“ — ასე უწოდებდნენ ყავის სახარშს.

როგორც იქნა, ღამით ჩავვაჯიგლივა ჩვენმა ბედაურმა სოხუმში.  
არავინ შეგვხვედრია და არც არავინ გველოდა. ჩვენისთანა ღარი-  
ბებს იმ ხანად არც კი წარმოედგინათ, თუ წინდაწინ შეიძლებოდა  
შეეტყობინებინათ ჩამოსვლის შესახებ, — სტუმარი თითქოსდა  
ციდან მოველინებოდა სრულიად მოულოდნელად მასპინძელს. სა-  
შინლად ბნელოდა და ამ ჭურღმულში ჩვენ შიშისაგან არც კი გვი-  
ფიქრია ადგილიდან დაძვრა და სიარული ცარიელ, ბნელ ქუჩებში.  
გაზის მბჟუტავი ფანრები შორეული კოსმიური ვარსკვლავებივით  
ბჟუტავდნენ და არაფრის მაქნისი არ იყვნენ. ბჟუტავდნენ ისე, თა-  
ვისთვის, უსინათლო ადამიანის თვალებივით. ჩვენ ჩამოვსხედით  
გრძელ სკამზე სამიკიტნოს წინ და ასე მოყუყულები ვიყავით ალა-  
ონამდე. სამიკიტნოში მთელი ღამის განმავლობაში არ შეწყვეტილა  
ხმაური, ლოთების ღრიალი და მათი ყურისწამლები სიმღერები...

სწორედ ასეთი ლინეიკით ჩამოვიდა ქალაქიდან დეიდა მარო  
უცნობი, შავებში ჩაცმული ქალების თანხლებით. როგორც კი ეტ-  
ლი ჩვენს ეზოს მოუახლოვდა და ჭიშკარში შემოვიდა, ქალები იმ-  
წამსვე გარს შემოევლენ დეიდა მაროს და სტაცეს ხელი, გააკავეს!

მაგრამ დაავიანეს! დეიღამ მოასწრო ისე შეუბრალებლად დაეკაწრა ლოყები, რომ სისხლმა ბლომად იწყო დენა; დეიდა კი გაკკოლდა და თან გულმოსაკლავად მოსთქვამდა:

— შე უსირცხვილო, ო, შე ქვეყნის გლახა, საცოდაო, რა ჰქენის! არა გრცხვინია, ვის დაუტოვე ბავშვები?! ვის?! როგორ გაბედე, შე უღმერთო, შენა!..

მერე შევარდა ფაცხაში, მუხლებზე დაეცა და მუშტები დაუშინა ხის ტახტს, რომელზედაც დედა ესვენა.

— ადექი ახლავე! — უყვიროდა დეიდაჩემი, — ახლავე, გესმის, ნუ გვაჩვენებ თავს მძინარედ! ა. შე ზარბაცო, შენა! უსირცხვილა! ქვა ხომ არ გიდეგს მაგ მკერდში გულის მაგივრად?

შემდეგ მან მუდარითა და სინაზით სავესე ხმით დაუწყო ალერსი დედიკოს, ეხვეოდა, ემუდარებოდა გაელო თვალები, გაეღიმა, წაჰმომდგარიყო, მაგრამ ყოველი მისი ცდა იყო უშედეგო... და ატირებულმა დეიღამ ჩვენ მოგვხვია ხელები.

— ჩემო უბედურო, უბედურო ობლებო! დედიკო მეტი აღარ გეყოლებათ, ჩემო მტრედებო, დედინაცვალი მოგივათ, დედინაცვალი — თვალში ნაცარი.

კრემლებად იღვრებოდა დეიდაჩემი. მამაჩემი ისედაც ძლივსღა იდგა ფეხზე ჯავრისაგან და დეიდას სიტყვების გაგონების შემდეგ სულ მთლად მოიღუშა, უმალ დატოვა ფაცხა და შეერია მამაკაცებს.

ოთხი დღე-ღამის განმავლობაში იწვა ჩემი დედა ყვავილებით მორთულ კუბოში. მეხუთე დღეს კი ყველაფერი ერთმანეთში აირია, ატყდა ერთი აურ-ზაური და ფაციფუცი. დავიდარობა. წინა დღით ჩვენს ეზოში მეზობლებმა გაშალეს მსუბუქი სიფა. ამ სიფაში უმასპინძლებოდნენ დედის დასაფლავებაზე მოსულ სტუმრებს. უშველებელი ქვაბები მოიტანეს, ცხელი ღომი, ამოლესილი ღობიო და „იზაბელას“ ღვინო ჩამოასხნეს დოქებში. ეს იყო და ეს მთელი პურ-მარილი.

ბავშვებს ჩაგვაცვეს შავი ტანისამოსი. პირველ ხანებში ჩვენ კიდევ გაგვიხარდა ახალი ბლუზა-შარვალი. მხოლოდ შემდეგ დაგვაფიქრა ერთმა გარემოებამ. დედა სადღესასწაულოდ მუდამ წითელი სატინის ბლუზა-შარვალში გვაწყობდა, დღეს კი რატომღაც შავები ჩაგვაცვეს, მამასაც შავები ეცვა და ჩვეულებისამებრ არ მხიარუ-

ლობდა, როგორც სხვა დროს და ბავშვებსაც გაგვირბოდა, ჩვენ კი ვერ ვბედავდით მასთან გამოლაპარაკებას.

დადგა შუადღე. ჩვენი ეზო აბალმოსულთა ურმებით აივსო და ყოველი ახალი ურმის გამოჩენისას მივიწყებული წვილ-კივილი და ტირილი მეორდებოდა. ამჟამად მამაჩემის სოფლიდან ჩამოვიდნენ ნათესავები. ზოგიერთებმა ფერად-ფერადი, შეღებილი რკინის გვირგვინები მოიტანეს. ყველანი ცნობისმოყვარეობით ივრჩელებდნენ კისერს, ათვლიერებდნენ გვირგვინებს. მოსწონდათ რკინის გვირგვინები, მათი მოტანა შეეძლოთ მხოლოდ პატივცემულ და შეძლებულ ნათესავებს. ჩამოსულებს თავიანთი მოზარე ახლდათ თან. გვირგვინებს ჩამოიღებდნენ ხოლმე ურპიდან და ტარილით, მოთქმით მოისწრაფოდნენ ფაცხისაკენ მიცვალებულის დასაბარებლად. შემდეგ სამძიმარს ეტყოდნენ მამას, გაიონაზავდნენ რაიმე სანუგეშებელ სიტყვებს, ზოგჯერ დღიდასაც მიუსამძიმებდნენ, ჩვენც გადაგვისვამდნენ თავზე ხელს. ქალები თმაგაშლილები სტოვებოდნენ კუბოსთან ახლოს, მამაკაცები კი ხმალმოსხნილები (ვისაც ჩოხა-ახალუხი ეცვა, ისინი შემოსასვლელში აბარებდნენ სავანგებოდ ამისთვის გამოყოფილ მოსამსახურეებს თავიანთ ცივ იარაღს), უკან მოჰყვებოდნენ ქალებს, კართან მისულები იწყებდნენ ბღავილს და „ვაი, ვაის“ ძახილით მსუბუქად ირტყამდნენ შუბლზე ხელს, იწმენდნენ ცრემლებს, კუბოსთან მისულები სტოვებდნენ ქალებს და დინჯად, მოწიწებით ბრუნდებოდნენ უკან. აქ მათ ხვდებოდნენ სუფრის მოსამსახურენი (მადლობა ღმერთს, ასეთები ბლომად იყვნენ ყოველ სოფელში: ეს იყო ერთგვარი საზოგადოებრივი დავალება მათთვის). ამათ მიჰყავდათ სტუმარი სეფაში, სვამდნენ სუფრასთან რანგის მიხედვით და უმასპინძლდებოდნენ: ასმევდნენ ღვინოს მიცვალებულის სულის საცხონებლად. სულ ბოლოს სუფრასთან მოჰყავდათ ქალები — თმაგაშლილები, დაკაწრული ლოყებით და ესენიც მამაკაცებზე არანაკლებ მადიანად და ხალისით მიირთმევდნენ საჭმელს. ასეთი იყო ეს უჩვეულისი, აღამის დროინდელი, დაუწერელი კანონი და არაფის შეეძლო მისი დარღვევა.

უცბად ყველანი წამოიშალნენ სუფრიდან, ხალხს მოუსვენრობა და ცნობისმოყვარეობა დაეუფლა. გაისმა ხმამალალი მისალმებები და ეს არც იყო გასაკვირი: ჩამოვიდა მამაო ივანე, ყველასათვის პატივსაცემი და სათაყვანო ადამიანი.

ცხოვრობდა ჩვენს მიყრუებულ ზღვისპირა პატარა ქალაქში მღვდელი — ივანე ლატარია. სწირავდა ერთ უთვალადო, ხის მოკრუნხულ ეკლესიაში, რომელიც უშნოდ იყო წამოჭიმული ქალაქის შოედნის სწორედ შუა ადგილას და თავისი მახინჯი გარეგნობით ჩასიაოს უფუჭებდა გამვლელ-გამომვლელებს. მაგრამ საბოლოოდ ქალაქის მცხოვრებლებმა (რას არ შეეჩვევა ადამიანი!) გამოიმუშავეს ერთგვარი იმუნიტეტი მის მიმართ და არც კი ამჩნევდნენ მის არსებობას, არავის აინტერესებდა, იყო თუ არა ის ამ ქალაქში, მით უმეტეს, როცა ორასიოდე ნაბიჯის დაშორებით არსებობდა ქალაქის თვალი, მისი ერთ-ერთი ღირსშესანიშნაობა — ზღვისპირა პარკი და „კურხალი“ ანუ ჩვენებურად — საკურორტო დარბაზი, კლუბის მსგავსი რაღაც. ზოგჯერ ამ პატარა დარბაზის სცენაზე წარმოდგენებიც კი იმართებოდა და ბედისაგან დაჩაგრული თითო-ოროლა მსახიობი ჩამოდებოდა „ცენტრიდან“ საგასტროლოდ.

ეკლესია არც თუ ისე დიდი ხნის, ასე ოცი-ოცდახუთი წლის წინათ იყო აგებული, თუმცა გამოიყურებოდა საცოდავიდ, დაბერებულ-დაჩაჩანაკებულად. არა, მე მამა ღმერთის ძე — ღვთისა და სული წმინდის ადგილას ცხვირსაც არ შეეყოფდი ამ საცოდავ, საჩინბოს მსგავს ეკლესიაში და ყურებსაც დავიცობდი, რომ ჩემდაუნებურად არ მომესმინა რომელიმე აქაური მრევლთაგანის ლოცვა და არ გამელო მათთვის მადლი და ბარაქა.

სიმართლე რომ ვთქვათ, ჩვენი ქალაქის მცხოვრებლები მაინცადამაინც არ გამოირჩეოდნენ ღვთისმორწმუნეობით და არ იკლავდნენ თავს რწმენისათვის. ღმერთი მათ უფრო ჩვეულებით, ტრადიციულად სწამდათ და არა სულითა და გულით. ავიღოთ თუნდაც ჩემი დეიდა მარო — თითქოს ძალზე ღვთისმოსავი იყო, მაგრამ ეკლესიაში არ დადიოდა... თუმცა მაგონდება ერთი შემთხვევა: მე მძიმე ავად ვავხდი ტროპიკული მალარიით. მაშინ დეიდა სასწრაფოდ გაიქცა ღვთის სახლში, მაგრამ რატომღაც არა ჩვენს ეკლესიაში, არამედ ბერძნების, — და აღთქმა მისცა ღვთისმშობლის ხატს, დაენტო მისთვის ჩემი სიგარძე სანთელი, თუკი მომარჩენდა ამ რთული ავადმყოფობისაგან. დაპირდა, რომ სანთელს სახლიდან ამ ეკლესიამდე მოიტანდა ფეხშიშველა, თმაგამლილი: სანთელი უნდა წამელო მე.

საბედნიეროდ, გამოვეთდი, მაგრამ სირცხვილი, რომელიც მე მელოდებოდა, სიკვდილზე უარესი შეიქნა ჩემთვის: ჩემი საყვარე-

ლი დეიდა მართლა გამოვიდა სახლიდან ფეხშიშველი, თმაგაშლილი და გამდევნა წინ ჩემი სივრცე სანთლით ხელში. ასე გავიარეთ ჩვენ მთელი ქალაქი. ვერ აგიწერთ იმ სიხარულსა და აღტაცებას, რომელიც ჩვენმა გამოჩენამ გამოიწვია მეზობელ გოგო-ბიჭებში. უკან მოგვდევდნენ, გვისტვენდნენ, ყვიროდნენ, გვიკივინიებდნენ. მსო-ლოდ ეკლესიის ეზოში, როგორც იქნა, მოვითქვი სული. ღვთის სახლი სავსე იყო სხვადასხვა წლოვანების ბერძნის ქალებით და მათ "ჩორის არ იყო არც ერთი შამაკაცი, გარდა თვითონ მღვდლისა, რომელიც საოცრად მაგონებდა იუდას. ქალები დაფუსფუსებდნენ კან-დელებთან, ანთებდნენ სანთლებს, ეცემოდნენ მუხლებზე და გაი-წარებით ირტყამდნენ მუშტებს მკერდზე. ერთი სიტყვით, მადლო-ბა ღმერთს, რომ ჩემთვის აქ არავის არ ეცალა, ჩვენი ბედი არავის აინტერესებდა.

დიდი, უშნოდ დახატული ღვთისმშობლის ხატის წინაშე დეა-დამ ანთო სანთელი და მაიბუღა მუხლებზე დავჩოქილიყავი. ვიდეჭი ასე მუხლებზე, სანამ ეს წყეული სანთელი არ დაიწვია... მთელი თვე ამის შემდეგ ქუჩაში არ გამოვსულვარ, მეშინოდა თვალში არ მოვხვედროდი ბიჭებს, ჩემს ამხანაგებს (რაც შეეხება ჩემს გამოჩანმართებებს, ეს სასწაული მოახდინა ქინაქინამ, რომელიც დიდი ამბით იშოვა მამაო ივანემ და გადასცა დეიდას ჩემ-თვის)... დღესაც კი, როცა მაგონდება ის შემთხვევა, ვცახცახებ და სირცხვილისაგან ვიწვი!...

ჰო, მართლა, ამ ამბავმა მთლად გადამავეიწვია მამაო ივანე. ღვთისმსახურება და წირვა-ლოცვა იყო მისი ძირითადი პროფესია, შემოსავალი წყარო. რელიგიასთან სხვა არაფერი აკავშირებდა ამ ღირსეულ ეპიკურელს და ბახუსის თაყვანისმცემელს. ლატარია იყო ერთი უშველებელი ვაჟკაცი, მაღალი, მხარბეჭიანი, შავი გრძე-ლი ხუჭუჭა თმებით, ლურჯი მოელვარე თვალებით, ვაჟკაცური იერიით, სპორტსმენივით ჩამოსხმული. მას კიდევ უფრო ამშვენებდა ღიმილი, რომლის დროსაც თოვლივით თეთრ კბილებს აჩენდა. რაც მთავარია, ხმა ჰქონდა ხვეერდოვანი, გრგვინის სადარი და ვინ იცის, მას რომ სერიოზულად მოეკიდა ხელი სიმღერისათვის და საზოგადოდ მუსიკისათვის, შეიძლება მეორე შალიაპინი გამხდარი-ყო. რამდენი კარგი ადამიანი ცხოვრობს ქვეყნად და იმ კარგებში ერთ-ერთი უსათუოდ მამაო ივანე უნდა ყოფილიყო! მას უყვარდა სიცოცხლე, იყო შესანიშნავი მონადირე, დაუღალავი მშრომელი.

ყველას ეხმარებოდა. სამაგიეროდ, ბევრი მისი შრევილიდან თავის ადამიანურ ვალდებულებად სთვლიდა მხარში ამოდგომოდა მამაო ივანეს, როცა ის თავის ეზოში ან ბაღში მუშაობდა. ხუმრობით ამბობდა ხოლმე: მე, როგორც სრულუფლებიანი წარმომადგენელი მამა ღმერთისა ამ ჩვენს მიყრუებულ ქალაქში, ვიყენებ თქვენს დახმარებას და სამაგიეროდ მეც გამოიყენეთ, ჩემი თავი თქვენ გენაცვალოთ. ნაღს მამაო ივანე ჩინებულად უმასპინძლდებოდა, მათთან ერთად სეპადა და თამაღობდა კიდეც. მისი „იზაბელა“ და ცრემლივით წმინდა ქაქის არაყი ხომ საქვეყნოდ იყო ცნობილი.

ქვით და აგურით ნაგები მისი ოდა ზღვის პირას იდგა. რა თქმა უნდა, ლატარია არ ეკუთვნოდა ღარიბთა წრეს, მაგრამ იყო გულღია, გულუხვი, გულგახსნილი გაქირვებულისათვის.

მარო დეიდას სშირად უხმობდნენ მღვდლის სახლში, იმიტომ რომ დეიდაჩემოვით ვერავინ ვერ აცხობდა ხაჭაპურს, ვერ კმაზავდა საციკეს, ამოლესილ ლობიოს, მეგრულ ხარჩოს, ხაშლამას, ფხალს და ჩინირთმას.

— პარიზში უნდა გაგაგზავნო, პარიზში, ჩემო მარო, კულირარების მსოფლიო კონკურსზე, — სშირად იტყოდა ხოლმე ივანე.

— სადაა მერე ის შენი პარიეი, დასაკარგავში ხომ?.. რა მინდა იქ! — იუარებდა დეიდაჩემი.

— როგორ დასაკარგავში, აგერაა ყურისძირში ოჩამჩირე ხომ იცი? — იქვეა ახლოს, ოჩემჩირესთან!.. — და დაიწყებოდა ხორხოცი და ხარხარი მღვდლის ცოლისა და მისი შვილების.

ივანე ეკლესიაში წირავდა, როცა მოეპრიანებოდა. სხვა დროს კი იქ წმინდა, „ზეციურ“ შრომას ეწეოდა დიაკონი მიხაილო პროტოპოპოვი, რომელიც, როგორც მაგონდება, არავის და არასოდეს არ უნახავს ფხიზელი. მაგრამ მიხაილო იმით იმართლებდა თავს, რომ ნასევამი უფრო კარგად ვგრძნობო ღმერთთან სიახლოვეს და თურმე უფალსაც უფრო კარგად ესმოდა მისი.

აქაური მრევლი იყო პატარა, სამწყსო მცირერიცხოვანი. ჩვეულებებისამებრ, ეკლესიაში მარტო მოხუცები და ხანშიშესული ქალები დადიოდნენ, აგრეთვე ბავშვებიც იმის იმედით, რომ იგემებდნენ სეფისკვერს და ტკბილ, გლინტეინის მაგვარ ნაყურთხ ღვინოს.

მაგრამ ამ დღეებში, როცა წირვას თვითონ ივანე ლატარია ატარებდა, ეკლესიაში ტევა არ იყო. ყველას უნდოდა მოესმინა მისი

ხავერდოვანი, ლამაზი ხმა და შესანიშნავი კითხვა „ვეფხისტყაოს-  
ნისა“ (ღიახ, ღიახ, ლვდელშოქმედების მავიკრად მამაო ივანე კი-  
თხულობდა შოთა რუსთაველის უკვდავ პოემას!). რასაკვირველია,  
მხოლოდ საკმაოდ განათლებულმა და ნაკითხმა ხალხმა იცოდა,  
რას კითხულობდა ეს გაბედული მღვდელი, სწორედ ამიტომ მოე-  
შურებოდნენ აქეთ თითქმის ყოველ შაბათ საღამოს ან კვირა დი-  
ლით (ასე რომ. ჩვენმა სასიქადულო ივანემ თითქმის ნახევარი სა-  
უუენით გაუსწრო ამერიკის წმინდა ეკლესიას, სადაც ჯაზ-ორკეს-  
ტრით იტყუებენ წირვაზე მლოცველებს. მამაო ივანეს პრიორიტე-  
ტი ამ შემთხვევაში უტყუარია. გარდა ამისა, „ვეფხისტყაოსანი“  
პოეზიის ნამდვილი შედეგია და არა მოღუბრი შლიაგერი. ერთი  
სიტყვით, თუ ღრმად ჩაეწვდებით ამ საკითხს, ლატარიას ანაბარი  
ჩვენი ქალაქის კულტურული პროგრესისათვის საკმაოდ დიდი იქ-  
ნება).

მაგრამ, სამწუხაროდ, იყო ისეთი შემთხვევებიც, როცა წირვის  
მსვლელობის დროს საფსალმუნოდან მოისმოდა სროლა და საშინე-  
ლი გინება. ამ დროს ჩვენი მღვდელი ნაგანის ტყვიით ხოცავდა  
ვირთხებს, რომლებიც მომრავლებული იყვნენ ეკლესიის არც თუ  
ისე ძველი შენობის სარდაფში. ამ დროს ქალები წივილ-კივილით  
გარბოდნენ და ერთმანეთს არ აცლიდნენ კარებში გასვლას. ლატა-  
რიას მეგობრები და მისი თაყვანისმცემლები არ ტოვებდნენ თავი-  
ანთ ადგილებს და სიცილით იხოცებოდნენ: მათ ხომ მშვენიერად  
იცოდნენ, რაშიც იყო საქმე. ზოგი მათგანი კი მამაოს მისაშველებ-  
ლად მირბოდა, რომ ერთი თვის გოჭის ოდენა ვირთხებისაგან ეხს-  
ნათ საკურთხეველი, რადგან ასეთ ვირთხებთან გამკლავება არც  
თუ ისე ადვილი საქმე იყო. ისეთი შემთხვევაც იყო, როცა ქორწი-  
ლების დროს ამტყდარი სროლით შეშინებულმა ნეფე-დედოფალმა  
მოჰკურცხლეს ეკლესიიდან...

ერთხელ კიდევ მიცვალბულის დაკურთხებისას გაისმა სროლა.  
მკვდრის ნაცნობ-ნათესაებმა სროლა რომ გაიგონეს, შეშინებუ-  
ლებმა კუბოს უნებურად გაუშვეს ხელი და გულწასულებმა მოჰ-  
კურცხლეს, კუბოდან გადმოვარდნილი მკვდარი კი ფეხებზე დამ-  
დგარი დარჩა, თითქოს გაცოცხლდაო და ამით შიშის ზარი დასცა  
ქირისუფალს, უფრო კი მიხაილო პროტოპოპოს.

წარმოიდგინეთ ჩემი გაოცება, როცა ოციოდე წლის შემდეგ წა-  
ვიკითხე ბაბელის „აღსასრული“, სადაც კანტორი ცვიშეკიც სინ-

გოგაში ასევე რევოლუერით ხოცავდა ვირთხებს!.. ბაბელი ხშირად ჩამოდოდა აფხაზეთში დასასვენებლად, შეიძლება ვინმემ უამბო მას მამაო ლატარიაზე და ბაბელმა გამოიყენა ვირთხების დახვრუტის ეპიზოდი თავის პიესაში. ან კიდევ ორი სხვადასხვა რელიგიის მსახური შავი ზღვის სხვადასხვა სანაპიროზე ერთნაირი ხასიათისაა აღმოჩნდნენ და ერთგვარ სიტუაციაში მოხვედრილები იძულებულნი შეიქნენ ერთიდაიმავე მეთოდით ემოქმედათ.

დეიდა მაროს, რომლის მიმართ, როგორც ეტყობა, ჩვენი უქრისტიანესი ეპიკურიელი არც თუ ისე გულცივად იყო განწყობილი, ხშირად დავყავდი მღვდლის ოჯახში. მამაო ივანეს ვუყვარდი იმისათვის, რომ მიყვარდა, როცა ის ყვებოდა და შემქმლო მოსმენა. „მოსმენის უნარი დიდი ნიჭიაო.“ — იტყოდა ხოლმე მამაო. მაშინ არ მესმოდა ამ სიტყვების ფასი, მიკვირდა კიდევ: „აბა, როგორ შეიძლება, — ვფიქრობდი, — ნუთუ მოიპოვება დედამიწის ზურგზე ადამიანი, რომელსაც არ მოუნდება მამაო ივანეს მოსმენა?“. პირველსავე წუთებში იპყრობდა იგი მოსმენელის ყურადღებას, ვერ მოსცილდებოდა, სანამ არ დაამთავრებდა თხრობას. საიდან იცოდა ამდენი რამი!.. ან როგორ იმახსოვრებდა! თითქოს არ მომხდარიყოს ქვეყნად ისეთი რამე, რაზედაც მას არ სცოდნოდეს ყოველივე. მე განსაკუთრებით მიყვარდა მისი ლეგენდები „სიყვარულზე და მეგობრობაზე“, აბრაგ ნათხა კიაგუაზე, ნართებზე, ამირანზე... ჰყვებოდა მადიანად, იუმორით. და კიდევ მიყვარდა მისი ნადირობის ამბების მოსმენა. შეიძლება ბევრი რამ მოგონილიც კი იყო ამ ისტორიებში, მაგრამ ამას არ ჰქონდა მნიშვნელობა, ისინი გიტაცებდნენ და გზობლავდნენ. ყველა აღტაცებით უსმენდა მას. ივანე უკეთილშობილესი, დიდი სულის ადამიანი იყო, ეხმარებოდა ღარიბებს საქმით, რჩევა-ღარიგებით... როგორც მოგვიანებით გავიგე, ის თურმე დიდ დახმარებას უწყევდა არალეგალურად მომუშავე ბოლშევიკებს და, მგონი, თვითონაც იყო არალეგალური ბოლშევიკური ორგანიზაციის წევრი.

ცხადია, რომ მამაოს ჩამოსვლა დედაჩემის გასვენებაზე დიდა ამბავი იყო ყველასათვის. როგორც სხვა მამაკაცებმა, იმანაც პირველად მიცვალებული დაიტერა, შემდეგ მიუსამძიმრა მამაჩემს, დედას და შეერია მამაკაცთა ჯგუფს.

უკვე შუადღეს გადაცილებული იყო, როცა ისევ განახლდა წივილ-კივილი. ფაცხიდან ხალხმა დაიწყო გამოსვლა, მამაკაცებმა გა-



მოიტანეს თავდია კუბო, რომელშიც გაუნძრევლად იწვა დედაჩემი. კუბოს გამოჰყენენ შაოსანი ქალები, ისინი ძლივს აკავებდნენ დედაჩემს, რომელიც ხმამაღლა მოთქვამდა და ქალების ძლიერი მკლავებისაგან განთავისუფლებას ლამობდა. კივილი და მოოქმა, ბავშვების ტირილი, ძაღლების ყეფა — ყველაფერი ეს ერთ გამაყრუებელ ხმაურად იქცა. მომაგონდა ჯოჯობეთი, რომელიც ეკლესიის კედელზე ეხატა. ქალები შემოესივნენ კუბოს და არ ანებებდნენ მას ქუჩაში გასატანად. მამაკაცები ძალით იშორებდნენ მათ. ქალები ყვიროდნენ: „ო, თქვე უგულოებო, ურჯულონო! სად მიგყავთ, სად, ეგ საცოდავი? ვის უტოვებთ მის ბავშვებს და სახლ-კარს?“. ამ დროს გაისმა გამაყრუებელი შეძახილები: „შეჩერდით, გააჩერეთ მსვლელობა! პელაგო მოვიდა, გადელიას ქვრივი!.. შეჩერდით!“

სამგლოვიარო პროცესია შეჩერდა, კუბო ტაბურეტზე დადგეს. წივილ-კივილით და მოთქმით მივარდა კუბოსთან ძაძვებში ჩაცმული პელაგო და უბიდან ამოიღო საკმაოდ დაქმუჭნილი ცისფერი კონვერტი (ასე დადიოდა ეს გაჭირვებული თავიან-ფეხებიანად ჩაფლული ძველ გახუნებულ ძაძვებში ყოველ მიცვალებულთან, მოქონდა წერილი და დებდა კუბოში, რომ იქ, „საიქოს“ გადაეცა იგი ახალ მიცვალებულს დიდი ხნის მიცვალებული მისი ქმრისათვის).

— ჩემო საყვარელო აბესალომ, — დაიწყო მან მოთქმა და თან წერილი მკერდზე დაუდო დედაჩემს, — გიგზავნი წერილს შენგან გაუბედურებული პელაგო... მიიღებდი, ალბათ, ჩემს ამას წინათ გამოგზავნილ ბარათს, რომელიც საცოდავი ლუკას ხელით გამოგიგზავნე... ცოტა კი შემეშინდა, შევეფიქრიანიდი, ეგებ დაავიწყდეს ასხუთმეტი წლის მახსოვრობაგაყრუებულ ბებერ კაცს წერილის გადაცემა-მეთქი, მარა ღეთის წყალობით, აგერ ქე მომეცა ახალი შემთხვევა. დარწმუნებული ვარ, რომ მიიღებ ამ წერილს. ჩვენ, ჩემო საყვარელო, არა გვიშავს, ქე ვართ გვარიანათ. ბავშვები იზრდებიან... მარა უშენოთ, ჩემო ოქრო, აბა რა ფასი უნდა ქონდეს ჩემს სიცოცხლეს... ხშირად მესიზმრები და ეს არის ჩემი ერთადერთი ბედნიერება... მაგრამ რატომ მოდინხარ სიზმარში ასე გულმოსული, უკმაყოფილო, მე ისიც მეყოფა, სიცოცხლეში რომ მუდამ გაჯავრებული იყავი, გეხვეწები დამესიზმრე მხიარული, ისეთი, როგორიც ჩვენი ჭვარისწერის პირველ დღეს იყავი... მე, ალბათ, მალე, სულ მალე მოგინახულებ, ჩემო ოქრო. ბავშვები წამო-

იზრდებიან, დაცოლშვილდებიან, დაეზრდი შვილისშვილებს, დაეყენებ მათაც ფეხზე და სულ ფრენით წამოგვევარგვალდები შენკენ, ჩემო ბრძენო ხელმწიფევე... როგორა ხარ, როგორ? ხომ არ გშია, ხომ არ გწყურია?... ო, შე უბედურო!

და ეტყობოდა კიდევ დიდხანს აპირებდა „საუბარს“ თავის ქმართან პელაგო, მაგრამ აქ დროს მასთან მივიდა ხუმრობით და ენამახვილობით განთქმული სპირიდონი და ჩაუჩურჩულა:

— გეყოფა, პელაგო, თვარა ქე დააგვიანდება შენს წერილს და დღეს შეიძლება ვერც მიიღოს აბესალომმა იგი, ხომ იცი, როგორ ელის?... მან ალბათ უკვე იცის, რომ წერილს უგზავნი... — და ორი ჩვილის დახმარებით სპირიდონმა მოაშორა პელაგო კუბოს.

წვილ-კვილი მხოლოდ ქუჩაში შეწყდა და ორმწკრივად მიმავალმა თმაგაშლილმა მოხარე ქალებმა დაიწყეს მოთქმა: „აუ, აუ!“ (შესანიშნავია ეს მოთქმა, უფრო სწორად „სამგლოვიარო“. მე გამოვიყენე იგი ჩემს „მთის სიმფონიაში“).

დაცარიელდა ჩვენი ეზო.

შევიხედე ფაცხაში. დედა აღარ იწვა ტახტზე და შემეშინდა ამ ჯურღმულისებრი სიცარიელისა, რომელიც გამეფებულყო ჩვენს სასლში. თანდათან აღწევდა ჩემს გონებამდე, რომ მოხდა რაღაც საშინელი, გამოუსწორებელი.

მამა, დედა და მეზობლები გვიან, საღამოხანს დაბრუნდნენ სასაფლაოდან. ყველანი მიუსხდნენ გრძელ ტაბაკს და დაიწყო რაღაც ქელეხის მაგვარი. მამა თითქოს დამუნჯდა, ხმას არ იღებდა. დედა კიდევ ოხრავდა, იცრემლებოდა, გვეალერსებოდა ჩვენ და თან ჩუჩუმად იმშრალებდა ცრემლიან თვალებს. სტუმრები კი არხეინად მიირთმევენ, მოქანცულები მთელი დღის შრომით, ქამდნენ და სვამდნენ, ზოგჯერ სადღეგრძელოებსაც ჩაურევდნენ ხოლმე. ასე ყოფილა ოდითგან... მე სხვა დასაფლავებების დამსწრეც ვყოფილვარ. დასაფლავება ზღაპრულ ცერემონიად იყო ქცეული მღიღარ ოჯახებში, ნამდვილ თეატრალურ ან საოპერო წარმოდგენად.

თვე თვეს მისდევდა. ზამთარიც მიიწურა, გაზაფხულიც გავიდა და დრომ მოაშუშა დედის სიკვდილით გამოწვეული ტკივილი.

დილაობით მამა მიეშურებოდა ყანაში, გვიტოვებდა წინაღლით ჩაზეილ ცივ ღომს, მაწონს. ჩვენ ძველებურად ვმწყემსავდით საქონელს, ვეძებდით ჩიტების ბუდეებს, ვიცავდით მათ შემთხვევითი მტრებისაგან, ვაშენებდით ღარებზე წყლის წისქვილებს და ძვე-

ლებურად ვიპარავდით ხილს ძუნწი და მდიდარი მეზობლების ბალებში.

ასე გადიოდა ჩემი ბავშვობა. მუსიკით გატაცება კი დღითიდღე უფრო ძლიერდებოდა, როგორც კი სადმე გავიგონებდი ჩონგურის ხმას, გამალებით მიერბოდი იქითკენ და მზად ვიყავი მესმინა თავდავიწყებით.

ძალზე მაფიქრებდა მამაჩემის გამუდმებული წყევლა-კრულვა და ჩვენი დუხჭირი ცხოვრებით უკმაყოფილება. უკვე მესამე წელი სრულდებოდა მსოფლიო ომის დაწყებიდან, და თუმცა ეს ომი ჩვენგან ძალიან შორს იყო, მაგრამ მისი ანარეკლი წისქვილის მძიძე ქვასავით გვაწვა კისერზე. მამა წყევლიდა თავისი გაჩენის დღეს, თავის სილატაკეს. ჩვენ არ გვესმოდა მისი უკმაყოფილების მიზეზი, მაგრამ სადღაც სულის სიღრმეში მძიძე ტკივილებს და მწუხარებას იწვევდა ჩვენში.

ჰო, კინალამ არ დამავიწყდა სკივრის ზემოთ ჩვენი ფაცხის კედელს ამშვენებდა კვამლისაგან გაჰვარტლული დიდი ფერადი სურათი მეფისა და მისი ოჯახის. ჩვენ, ბავშვებს, ძალიან გვიყვარდა ეს ფერადი ოლეოგრაფია. ყველაფერი მოგვწონდა ამ პლაკატის მსგავს სურათზე: მისი ფერები, მეფისა და დედოფლის სილამაზე და კეთილშობილი კდემამოსილება, ყველაზე უფრო კი ძვირფას, ახალთახალ ტანისამოსში მორთული პატარა მეფისწული და მისი დები, თეთრი პეპლების მსგავსი გოგონები. ჩვენ ხშირად ჩავცუქ-ქდებოდით თიხის იატაკზე და ვტკბებოდით ამ სურათის ცქერით...

ერთხელ საღამოს მამა ძალზე გაჯავრებული დაბრუნდა ყანიდან, ჩამოგლიჯა კედლიდან ეს ძვირფასი ნახატი და ნაკუნ-ნაკუნად აქცია იგი. ძალიან შეგვაწუხა ამ ამბავმა: აბა როგორ შეიძლებოდა ასეთი განძის განადგურება?... და მერე მეფისა და მისი ოჯახის?... ჩვენ მოვავროვეთ ნამცეცები და შევეცადეთ მისი გამთელება, მაგრამ ამოდ...

არ გასულა ერთი კვირა და მამაჩემი ომში გაიწვიეს... მას დიდხანს არავინ არ აწუხებდა, როგორც ამდენი შვილების ერთადერთ მარჩენალს... მაგრამ ახლა, როცა იმპერია დაღუპვის პირას იდგა, მშობელმა მეფემ მამაჩენიც არ დაივიწყა. ისიც გაიწვიეს ჯარში... ომიდან კი ის საცოდავი აღარ დაბრუნებულა ცოცხალი. ჩვენ დეიდა მაროს ანაბარა დაერჩით. ერთ მშვიდნიერ დღეს დეიდა მოგვხვია ხელი და გუდაუთამი თავის პატარა ხის ოდაში ჩავვიყვანა.

სწორედ ამ დროს დიდი დახმარება გაგვიწია ჩვენმა კეთილმა მამაო ივანემ. მე შინამოსამსახურედ მომაწყო გადამდგარ გენერალ ლუბარსკის ოჯახში, რომლის ქალიშვილთან, ოლასთანაც ის მეგობრობდა. ყველაზე უმცროსი ძმა მან თავის სახლში წაიყვანა, ორი შუათანა კი მეწალე ახმას წითურ ლაზთან — ალისთან მოაწყო შეგირდად.

ასე დაიწყო ჩემი ახალი ცხოვრება. ერთ საღამოს დეიდა მარომ მიიხრა, რომ ხვალ წამიყვანდა აი, იქ — გენერლის სასახლეში (გენერალ ლუბარსკის სამსართულიანი ვილა მართლაც თეთრი მარმარილოს სასახლეს მოაგონებდა ადამიანს), რომელიც გორაკზე იყო წამოქიმული, ხუთასიოდე მეტრით ჩვენგან დაშორებით. მე ისე ვლელავდი, რომ მთელი დამე არ მომიხუჭავს თვალები.

დილით უთენია თავზე წამომადგა დეიდა და შემეკითხა: — მიხა, შენ ხომ გიყვარს მუსიკა?

ცოტა არ იყოს, დეიდაჩემისგან მეწყინა ასეთი შეკითხვა, მან ხომ ძალიან კარგად იცოდა, რომ მუსიკა ღმერთი იყო ჩემი!

— ჰოდა, შენ ხარ ჩემი ბატონი, ლუბარსკისას დილიდან საღამომდე გამოგაყრუებენ მუსიკით. ეგებ ღმერთი შეგვეწიოს და შენმა პატრონებმა შენიშნონ შენი ნიჭი, მუსიკით გატაცება, — შემდეგ ამოიოხრა და დასძინა:

— ოღლა ნამდვილი კეთილი სულია, მისი ძმის კი რა მოგახსენო... სვიატოზართან ფრთხილად იყავი, თავაზიანად. ისედაც დაჩაგრულია ლეთისა და ბედისაგან, ასეთი ადამიანები უმეტეს შემთხვევაში გაბოროტებულნი არიან...

არა, სრულიადაც არ ვემდური დეიდა მაროს, რომ მოსამსახურედ მიმიყვანა გადამდგარ გენერალ ლუბარსკის ოჯახში. თვითონ დეიდა გაჭირვებულად ცხოვრობდა და იმედოვნებდა, რომ კეთილი ხალხი დამეხმარებოდა, რომ ადამიანად გამოვეყვანეთ. აბა, მეტი რა უნდა ექნა ჩემთვის იმ შფოთიან და მშიერ ათასცხრაას თხუთმეტ წელს? გარდა ამისა, მას ხშირად ეძახდნენ გენერლის ოჯახში ქართული კერძების მოსახარშავად, რომლებიც ასე შეუყვარდა თვითონ ლუბარსკის, მის ოჯახს და სტუმრებს. ეს კი იმას ნიშნავდა, რომ მე მუდამ თვალწინ ვეყოლებოდი დეიდაჩემს.

მოხუც ლუბარსკის მობეზრდა ცივი და ხმაურით სავსე დიდი ქალაქი და ქალიშვილითა და კოჭლი ვაჟიშვილით ჩვენს ქალაქს მოაშურა, ერთი სიტყვით, გადმოსახლდა მზის ქვეყანაში. მისი ლა-

მაზი, თოვლივით თეთრი ვილა ტროპიკული ხეებით გარშემორტყმული, როგორც უკვე ზემოთ მოგახსენეთ, გორაკზე იდგა. ჭიშკრიდან სახლამდე ლარივით იყო გაჭიმული კვიპაროსების ხეივანი (თვალუწვდენელი კვიპაროსები თითქმის სახლის სახურავს სწვდებოდნენ). აქედან შესანიშნავი ხედი იშლებოდა ზღვაზე: ზღვა, პატარა ნავსადგური და ვრცელი, მულამ მწვანე პარკი.

ავგისტოს ერთ მშვენიერ დღეს ამ დიდ, თეთრ სახლში გამოიყვანეს პაწაწკინტელა ოთახი... თუმცა სინამდვილეში ეს იყო სარდაფი, მაგრამ ჩემთვის მაინც შესანიშნავი. იმ ხანად ლუბარსკის სახლი სავსე იყო სტუმრებით პეტერბურგიდან, მოსკოვიდან, კიევიდან, — ნათესავებითა და ნაცნობ-მეგობრებით. ყველაფერს აღტაკებაში მ-პყავდა სტუმრები ჩვენს მხარეში. კვიპაროსები, პალმები, ბანანის ხეები, თითქოს გალაქულ ფოთლებიანი მაგნოლია, ოლეანდრები და კამელიები, სურნელოვანი ვარდები, კაკტუსები, ლიმონის, ფორთოხლისა და მანდარინის ბუჩქები, ატამი და სამოთხის ვაშლები — რომელი ერთი ჩამოვთვალო! — დიდ შთაბეჭდილებას ახდენდა მათზე. და ეს ცნობისმოყვარეობა ჩემზედაც ვრცელდებოდა, ამ ქვეყნის პატარა მკვიდრზე.

მე კიდევ მაოცებდა მათი უქნარობა: დილას ზღვაზე ატარებდნენ — დედის ამარა იწვნენ ცხელ ჭვიშაზე: დღისით პამაკებში ნებივრობდნენ, საღამო ხანს კი სეირნობდნენ ბაღში ან კიდევ ერთობოდნენ ცხენებზე ჯირითით (ასლა კი კარგად მესმის, რომ ისინი უბრალოდ ისვენებდნენ, მაგრამ მაშინ ვერც კი წარმომედგინა, რომ ადამიანებმა ზოგჯერ, ერთხელ მაინც მთელი წლის განმავლობაში, უნდა დაისვენონ), ხან კიდევ საღამოობით გროვდებოდნენ დიდ დარბაზში, სვამდნენ ჩაის და უსმენდნენ მუსიკას. თითქმის ყოველი მათგანი უკრავდა ფორტეპიანოზე. უკრავდა კარგად, პროფესიონალურად. მაგრამ მაინც ყველაზე უკეთესად უკრავდა სეიატოზარი.

მოუთმენლად მოველოდი ასეთ საღამოებს, როცა მადლიდან ჩემამდე აღწევდა უცნაური ხმები, ბელოდიები. მაშინ შემატებოდა გამბედაობა, ჩუმად ცერებზე შევდგებოდი, ავირბენდი მალა, ავეტუზებოდი კარებთან და სულგანაბული ვუსმენდი. ზოგჯერ შუალამემდე ვიდექი ასე ქანდაკად ქცეული.

თანდათანობით შეგეჩვიე ამ მუსიკას. ბევრი რამ, რასაც ისინი უკრავდნენ, სამუდამოდ ჩამრჩა ჩემს გონებაში, ბევრი რამ

ზეპირად დავიმახსოვრე და როდესაც რომელიმე მათგანი შეცდებოდა, კარებს უკან მდგარს ნერვები მეშლებოდა. მინდოდა კარები გამეღო, შევეპრილიყავი და ხმამალა მეთქვა: გეშლებათ-მეთქა, მაგრამ დროზე ვიკავებდი თავს.

ერთმა სტუმართაგანმა ვაიგო, რომ მე სალამურზე ვუკრავდი და დაიჩემა: გინდა თუ არა, დიდ დარბაზში უნდა გამოხვიდე „შენი მუსიკით“ და მოვეასმენინოო.

ჩემს სიცოცხლეში პირვილად გამოვედი ჩემი პრიმიტიული, მწყემსური მელოდებით მუსიკის ნამდვილი მცოდნეებისა და დამფასებლების წინაშე. საოცარია, მაგრამ არ შევშინებულვარ, არც ავლენებულვარ. სულგანაბულნი მისმენდნენ. ტაშიც კი დამიკრეს, მომიწონეს. ბოლოს ოღდა მომიახლოვდა, გადამკონა. იმავე წუთს შევნიშნე ღრასასურველი ირონიული გაელეება სვიატოზარის თვლებში.

იმ დღიდან მოყოლებული ოღლამ დაიწყო ჩემთან მეცადინეობა. მასწავლიდა წერა-კითხვას, არითმეტიკას, გეოგრაფიას, ისტორიას. ცოტა ხნის შემდეგ კი ნოტებიც გამაცნო...

გავიდა ერთი წელი, მას მოჰყვა მეორეც... ისევ ბლომად ჩამოგვივიდნენ სტუმრები. ამჟამად ეს სტუმრები გამოქცეულებს უფრო ჰგავდნენ, როგორც შემდეგ გამოირკვა, მართლაც გამოქცეულები აღმოჩნდნენ, ერთი სიტყვით, ხიზნები. მათ ჩამოიტანეს ახალი სიტყვა — „ბოლშევიკი“. მაგრამ იტყოდნენ თუ არა ამ სიტყვას, მაშინვე წყევლა-კრულვას მიაყოლებდნენ. ერთ მშვენიერ დღეს გამსკდარი ბომბივით გავარდა ხმა: „ნიკოია მეფე ტახტიდან ჩამოაგდესო!“ ყველანი იმეორებდნენ მაშინ ჩემთვის უცნობ და გაუგებარ სიტყვებს: „რევოლუცია“, „კერენსკი“, „წითელი საბჭოები“... ახლა კი მოუხშირეს სიტყვებს „ბოლშევიკი“ და „ლენინი“... მხოლოდ ერთი კვირის შემდეგ ჩემმა უმცროსმა ძმამ, რომელიც ცხოვრობდა და სწავლობდა ლატარიასთან, გვიამბო, რომ თურმე რუსეთში მუშებს ტახტიდან „ჩამოუპროწიალებიათ“ მეფე და ხელში ჩაუგდიათ ხელისუფლება, რომ „მეფედ ახლა ქარხნის მუშები იქნებიანო“ — ჩურჩულით გაგვანდო ჩემმა პატარა ძმამ, თითქოს ეს საიდუმლო ყოფილიყო. მას ჩუმად მოუსმენია ეს ამბავი მღვდლისა და მისი ცოლისაგან. და კიდევ თურმე მამამ დასძინა: „მადლობა უფალს, ახლა კარგად წავა ქვეყნის საქმეო“... რა საქმეზე იყო საუბარი, არც ჩემს ძმას და არც მე არ გაგვეგებოდა. საზოგადოდ,

მე ბუნდოვნად, მეტად ბუნდოვნად ვიყავი მიხედვრილი, თუ რა ხდებოდა ირგვლივ, მაგრამ ინტუიციით ვგრძნობდი, რომ მოხდა რაღაც ძალიან დიდი და საჭირო საქმე...

და სწორედ ამ დროს თავს დაგვატყდა საშინელი უბედურება: რომელმაც თავზარი დაგვცა მე და დეიდაჩემს. დაიღუპა მამაო ივანე ლატარია, — მოკვდა ჭანლონით საესე, მარად ახალგაზრდა ვაჟკაცი... ყველაზე საშინელი ის იყო, რომ მამაო არ მომკვდარა თავისი სიკვდილით, სულელურად, უაზროდ დაიღუპა ნადირობის ჟამს. ივანეს თურმე დაუჭრია უშველებელი დათვი და იმის მაგივრად, რომ ტყვიით მოეღო ნადირისთვის ბოლო, დანით შებრძოლება მოუწადინებია დაჭრილთან. გააფთრებული მხეცი გამაყრუებელი ღრიალით წამოსულა მისკენ და დაწყებულა შემაძრწუნებელი ორთაბრძოლა ადამიანსა და მხეცს შორის, რომელიც, როგორც გადმოგვცეს, ოციოდე წუთს გრძელდებოდა თურმე, სანამ არ მოეშველნენ სხვა მონადირეები. მაგრამ ნადირი უკვე მკვდარი ეგდო, ხოლო ადამიანსაც არ უჩანდა სასიცოცხლო პირი.

მძიმედ დაჭრილი მამაო ივანე საავადმყოფოში გააქანეს თურმე იმწამსვე ...ორჯერ გაუყეთებიათ ოპერაცია, მაგრამ ვერაფერმა ვერ უშველა საცოდავს. ასე ეწვალა რვა დღის განმავლობაში და მეცხბრე დღეს გონს მოუსვლელად გამოესალმა წუთისოფელს.

— არა გვყავს ჩვენი მფარველი და მოამაგე, — ჩემად, თითქმას უხმოდ ოზრავდა დეიდა მარო, — ვაი ჩვენს თავს უბედურს, ჩვენ ვიკითხვით, თორემ იმ უბედურმა ქე მოისვენა!...

ძალიან კარგად მესმოდა დეიდაჩემის მწუხარება, ჩვენ მოგვაკლდა გულწრფელი მეგობარი და გულშემატკივარი.

დადგა მამაოს დასაფლავების დღე. მე კარგად მახსოვდა საცოდავი დედაჩემის ღარიბული დაკრძალვა... შედარებაც კი არ შეიძლებოდა ივანე ლატარიას დამარხესთან. მამაო ლატარიას დასაფლავება გადაიქცა მდიდარ და მრავალფეროვან სანახაობად. ერთი სიტყვით, ეს დასაფლავება ჰგავდა ნიჭიერი რეჟისორის მიერ გამოვნიებით დადგმულ თეატრალურ სპექტაკლს (თუმცა ახლა, როცა მას შემდეგ რამდენიმე ათეული წელი გავიდა, ვფიქრობ, რომ მართლა ხელმძღვანელობდა ვიღაცა ამ სანახაობა-დასაფლავებას).

საიდან არ ჩამოვიდნენ დამტირებლები: ახლობელი და შორეული სოფლებიდან, სოხუმიდან, ოჩამჩირედან, ახალი ათონიდან, თბილისიდან და, თქვენ წარმოიდგინეთ, ოდესიდანაც კი...

ქვევით, სპარსული ნოხებით მოფენილ ეზოში, კვარცხლბეკზე იდგა ძვირფასი ოქროსვარაყიანი კუბო და შიგ მამაოს ცხეღარი ძლივს ჩანდა ყვავილებში. სულ ცოცხალს ჰგავდა, ასე მეგონა, სადაცაა წამოდგებოდა ტახტიდან. სეფის შემოსასვლელის ორივე მხარეს მიბმული იყო ოქრომკედლით ნაქარგი შავთარჩიაგადაფარებული ორი ბედაური, შავი და თეთრი. ესენი იყვნენ მიცვალებულის საყვარელი კეთილშობილი პირუტყვები, რომლებიც თითქოსდა გრძნობდნენ თავიანთი პატრონის სიკვდილს — იდგნენ უძრავად, თავებჩამოშვებულეები. მიცვალებულის პატივსაცემად და სამახსოვროდ ახალგაზრდებმა ჯირითიც კი გამართეს. თარჩია ეწოდება ამ ჯირითს, როცა ორი მხეღარი ერთმანეთს ექიშება, რომ როგორმე დაესაკუთრონ თარჩიას!

კუბოს თმაგაშლილები, შავად ჩაცმულები უსხდნენ ცოლი, დები, შეილები, ნათესავეები და დროგამოშვებით თოვლივით თეთრი, ქათქათა ცხვირსახოცებით იმშრალეზდნენ ცრემლებს. კუბოს ბოლოში, მიცვალებულის ფეხებთან მოთავსებულიყვნენ მოზარე ქალები, რომლებიც ჭირისუფალის ნაცვლად იწყებდნენ მოთქმას, როგორც კი შემოსასვლელთან გამოჩნდებოდნენ ახალი დამტირებლები.

ცოტა მოშორებით, ეზოს ბოლოში ძლივს ეტეოდა უზარმაზარი სეფა. უგრძელესი სუფრით სამასი კაცისათვის. რა გინდა სულო და გულო, რომ არ იყო ამ სუფრაზე: საუკეთესო ქართული ღვინო და კონიაკი, საგანგებოდ მოხდილი ცრემლივით წმინდა ჭაჭა, შავი და წითელი ხიზილალა, კალმახი, ორაგული, თართი და სხვა თევზეულობა, მარგალიტებივით მოჩანდა თორნის პურსა, ცხელ-ცხელ ჭადებსა, ღომის-ღომსა, ნიკვზიან ლობიოსა, ფხალსა, სულგუნსა და ათასნაირ მწნილებს შორის.

სუფრა დიდი გემოვნებით იყო გაშლილი და, საზოგადოდ, ყველაფერი ისე იყო მომზადებული, თითქოს ერთი ოცჯერ მაინც ჩაატარესო წინასწარ რეპეტიცია. დაიწყო პანაშვიდი. უკრავდა სიმებიანი კვარტეტი სოხუმიდან ცნობილი ექიმის, მუსიკის დიდი მოყვარულის, მშვენიერი მეჭიანურის და ივანეს დიდი მეგობრის — იზეკილ ფიშკოვის ხელმძღვანელობით. დაუკრეს ბახის, შოპენისა და ფალიაშვილის მუსიკა.

როგორც კი შეწყდებოდა მუსიკის ხმა, მოზარე ქალები იმწამსვე იწყებდნენ თავიანთ ლამაზ მოთქმას. დადგა მიცვალებულის გამოჩანის ჟამიც და პროცესია ჭიშკრისკენ დაიძრა. პირველ რიგში გა-



ვიდა. წინ ცოცხალი ყვავილების გვირგვინთა მდინარე (გაკვირვებული ვიყავი: არც ერთი რკინის გვირგვინი არ შემიმჩნევია აბა, საიდან უნდა მცოდნოდა მაშინ, რომ ასეთ დასაფლავებაზე რკინის გვირგვინის მოტანა მკრეხელობას რომ უღრიდა?).

გვირგვინებს თეთრი და შავი ბედაურები მიჰყვნენ. ცხენებს შემდეგ მიჰქონდათ რვა ანთებული სანთელი — თითო მათგანი მოზრდილი ხისოდენა იყო. არც კი წარმომედგინა ასეთი სანთლებს არსებობა! სანთლებს კი სამგლოვიარო პროცესია მოჰყვებოდა. ჭიშკარში ისე გაიტანეს მიცვალებული, რომ არც ერთხელ წივილ-კივილი არ აუტეხიათ და, წარმოიდგინეთ, არც პელაგო მოსულა თავისი წერილით, თუმცა უფრო საიმედო წერილის წამლებზე ვერც კი იოცნებებდა საცოდავი ქვრივი. ზღვა ხალხი ძლივს ეტეოდა ეზოში.

აი, ეს კი ნამდვილი დასაფლავება იყო!.. თუმცა უფრო სწორი იქნებოდა, სამგლოვიარო ზეიმი ეწოდებინათ მისთვის ან დაუვიწყარი გაცილება შორეთში...

#### IV.

შფოთიანი, მღელვარე, მოუსვენარი დრო იყო. როგორც გამიგონია, ასეთი დრო უამიანობის წინ იცის თურმე, ქარიშხლის წინამორბედად. ესწავლობდი, ვმუშაობდი, თუმცა ჩემი სამუშაო არც თუ ისე იოლი იყო. მაგზავნიდნენ ხან სად და ხან სად. თავქუდმოვლექილი დავრბოდი და მონდომებით ვასრულებდი ჩემს მოვალეობას. მოწყენა და დაღონება არ მეკარებოდა, არც დრო მრჩებოდა ამისათვის. ოღლა განაგრძობდა ჩემთან შეცადინეობას, მკაცრი იყო და მომთხოვნი, მაგრამ მე ვიცოდი მისი კეთილი გულის ამბავი: მკაცრი მოთხოვნა მხოლოდ მისი ჩემდამი კეთილი დამოკიდებულების შედეგი იყო და სხვა არაფერი. არც წინააღმდეგობას ვუწევდი მის ჭარბ მოთხოვნებს, რადგან ძალიან კარგად მესმოდა, რომ იგი ყოველივე ამას ჩემივე სასარგებლოდ სჩადიოდა. თვითონ ოღლა ციბრუტივით ტრიალებდა დღე-ღამის განმავლობაში: ხელმძღვანელობდა სადილის დამზადებას, მუშაობდა ბაღში, წერა-კითხვას ასწავლიდა ღარიბი მეზობლების ბავშვებს.

— ვიცი, რომ გიჭირს ამდენი ტვირთის ატანა, — მანუგეშებდა

ხოლმე ზოგჯერ, — არაფერია, შრომას ადამიანი არ მოუკლავს...  
სამაგიეროდ, კარგ ნაყოფს გამოისხამს შენი შრომა.

მაგრამ ახლოვდებოდა საღამო ხანი და ყველაფერი მავიწყდებოდა: დაღლილობა, სიდუხჭირე, მომქანცველი შრომა, რადგან ადროს გაზაფხულის მათუწყებლებივით შემოდრიოდნენ ჩემს სარდაფში მუსიკის ხმები — ფეხაკრეფით ავლიოდი კბეებზე, დავდებოდი დაკეტილ კარს უკან და ვუსმენდი. ერთხელ ჰანგები უცაბედად შეწყდნენ რომელიღაც აკორდზე და მე აშკარად გავიგონე სვიატოზარის ხმა:

— შენ სერიოზულად ფიქრობ, რომ იმ ველური ბიჭისგან გამოვცა რამე?

— კი არ ვფიქრობ, მე მჭერა... და, თუ ღმერთი გწამს, ნუ ჰყოფ ცხვირს ჩემს საქმეებში, — მკვახედ მიუგო მას ოლღამ.

— ჰო, მართლა, შენ ხომ მუდამ ხალხოსანი იყავი! — ირონიულად უპასუხა სვიატოზარმა — Pardon!.. მაგრამ შემძლია დაგენაძლეო, რომ შენი ცდებისაგან არაფერი გამოვცა... ველურები არ არიან ამის ღირსნი... გინდა დავნაძლევედეთ, ა?..

— ხმა ჩაიკმინდე!.. შეიგნე ერთხელ და სამუდამოდ, რომ ისეთები, როგორიც შენა ხარ, არ აძლევენ მათ ადამიანური ცხოვრების უფლებას, უხშობდნენ გზას მათ ნიქს...

— ოო, დაიწყო, დაიწყო ბოლშევიკური პროპაგანდა... — ლაპარაკი შეწყდა და ისევ ფორტეპიანოს ხმები მოისმა. ახლა უფრო ნერგულად და სასოწარკვეთით უკრავდა სვიატოზარი.

ერთ მოწმენდილ შემოდგომის საღამოს, როცა ბებებიდან ცვიოდნენ ყვითელი ფოთლები, ლუბარსკის ჰიშკარს სამი ეტლი მოადგა. სტუმრები აწრიალდნენ, ახმაურდნენ, გამოცვივდნენ სახლიდან, ეტლებში ჩასხდნენ და ნავსადგურისკენ მოჰკურცხლეს. უკან ორი „ლინეიკით“ მიჰქონდათ მათი ავლა-დიდება: ჩემოდნები, წნული დახურული კალათები, ქუდების მრგვალი კოლოფები და ვინ იცის, კიდევ რა. უკან აღარ დაბრუნებულან რუსეთიდან გამონიზნებულები, თურმე ნავსადგურში უცხოეთის რომელიღაც პატარა გემს თუ იახტას სტამბოლში წაუყვანია ისინი.

სტუმრების წასვლამ ცუდად იმოქმედა მოხუც ლუბარსკიზე და მის ვაჟიშვილზე. არც თუ ისე ძნელი მისახვედრი იყო მათი წუხილი: ეშინოდათ, რომ წითელი არმიის ნაწილები ჩვენს ქალაქამდეც მოაღწევდნენ. ბოლშევიკებისადმი სიძულვილს ჩვენც, მოსამსახურ-

რეებსაც ენერგიულად გვინერგავდნენ ისინი. ხშირად მესმოდა ჩვენი მზარეულის ლუსიას ოხვრა: *Ձեռ, ողորմա Քսես!*

ერთადერთი ოღლა არაფერს არ აქცევდა ყურადღებას, ჩაფლული იყო საქმეებში, შიშისა და ქორისათვის აღარ ეცალა. მხოლოდ ერთი სურვილი არ აძლევდა მას მოსვენებას: უნდოდა როგორმე ათწლიანი სკოლა გაეხსნა ადგილობრივი ღარიბი ბავშვებისათვის.

ზამთარმაც მოაღწია. გვეწვია პირველი თოვლი, გვეწვია და დადნა ზღვის ტალღებში. თოვლით დამძიმებული ხის მწვანე ტოტები მიწამდის დაიხარნენ. ლუბარსკის თეთრი სასახლე თოვლის აეთრ ფონზე უფრო ღამაზი და მომზიბვლელი იყო. დროდადრო ზღვიდან დაუბერავდა ნიაქარი, ანუ, როგორც ჩვენ ვუწოდებდით, ზღვაური და მაგნოლიის გაპრიალებული ფოთლები შრიალით ყრიდნენ მიწაზე თოვლის ფიფქებს. ქუჩაში ჩვენი სახლის წინ ბავშვებმა თოვლის გზა გაიყვანეს და ფიცრის ნაჭრებზე ციგაობდნენ დაქანებულ ფერდობზე. როცა პურის საყიდლად ან კიდევ ბაზარში მაგზავნიდნენ, ხელთ ვიგდებდი თუ არა დროს, შევჩერდებოდი და გულდაწყვეტილი შეეცქეროდი ჩემს ტოლ ბიჭებს, სანამ ლუსიას გამყივანი ძახილი არ გამომიყვანდა ამ მდგომარეობიდან.

მხოლოდ ღამით ვგრძნობდი სრულ ბედნიერებას. მთვარის სხივები ზღაპრულად აშუქებდა ზღვას და ირგვლივ ყველაფერი იღუმალეებით იესებოდა. ამ მშვენიერების ერთ-ერთ ნაწილაკად წარმომედგინა ჩემი თავი. თვალს არ ვაშორებდი ზღვას, მთვარეს, უზარმაზარ მთებს, ვარსკვლავებს და ვცდილობდი ამეხსნა, რა იმალეობდა მათ მიღმა, სად იყო ბოლო სამყაროსი, რა იყო იქ, შორეული გალაქტიკების მიღმა, სად მთავრდებოდა ეს უსაზღვროება?!. ასე, თანდათან, ნელ-ნელა ვეჩვეოდი აზროვნებას..

ერთ საღამოს, როცა ფანჯრის გაორთქლილ მინაზე გამომყავდა რალაც უცნაური ნახატები, ვილაცამ შემოაღო ჩემი ოთახის კარი. ჩემს გაკვირვებას საზღვარი არ ჰქონდა, როცა სვიატოზარს დაეინახე: პირველად სიზმარში მეგონა თავი, რადგან იგი არასოდეს არ შემოსულა ჩემთან.

— მიხა, ერთი ამოდი ზემოთ, ჩემთან.

ჩვენ აუჩქარებლად (ფეხის ტკივილისა და კოჭლობის გამო მას არც შეეძლო უფრო სწრაფად ასვლა) ავედით მესამე სართულზე და შევადეთ საშუალო სიღიღის, წიგნებითა და ნოტებით სავესე ოთ-

ხის კარი. მე უკვე კარგა ხანი იყო, რაც სწრაფად, სხაპა-სხუპით ვკითხულობდი, უკვე მიყვარდა წიგნები და ვერც კი წარმომედგინა არსებობა წიგნების გარეშე. გაოცებული დავრჩი, როცა ამდენი წიგნი ერთად დავინახე. ნება რომ მოეცათ, დილიდან-სალამოდე არ მოვშორდებოდი აქაურობას, გადავფურცლავდი ყოველ წიგნს, ასე ვათვალისწინებდი, ალბათ, ცისკრის ამოსვლამდე. ადვილი ამბავია — ამდენი წიგნი!

თეთრი მარმარილოს ბუხრის თავზე, როგორც მომეჩვენა, ბოროტად და ეშმაკურად იღიმებოდა ბრინჯაოს მეფისტოფელი. თუ არ ვცდები, ეს უნდა ყოფილიყო ანტოკოლსკის ცნობილი სკულპტურის ასლი. კუთხეში კი იდგა პატარა, კაკლის ხის პიანინო. თვითონ სვიატოზარი უკრავდა ხოლმე მეორე. სართულზე მისაღებ დარბაზში ბეშტეინის შავ როიალზე. აქ, ამ ოთახში იყო მისი სამყარო — კარჩაკეტილი სამყარო, სრულიად მიუწვდომელი და აკრძალული სხვებისთვის. ჩემი გაკვირვება თანდათან ღრმავდებოდა: ჩვეულებრივად, ის არავის უშვებდა თავის ოთახში, გარდა დამლაგებელი ქალისა.

— მიხა, დღეიდან ჩემთან ივლი. მე გამეცადინებ მუსიკაში, ვნახოთ, რით დამთავრდება ჩვენი ექსპერიმენტი, — ბოლო სიტყვები მან ჩაილაპარაკა ჩუმად, თითქოს თავისთვის: — დაქეპი!..

მაგრამ მე ისევ იმ ადგილას ვიდექი, ვერ შევძელი ადგილიდან დაძვრა. სვიატოზარმა ახადა სახურავი პიანინოს და თეთრ კლავიშებს ფაქიზად გადაუსვა თავისი ყვითელი, გამხდარი თითები. შემდეგ დაუკრა. ამჟამად ვიგრძენი, რომ ჩემთვის უკრავდა, ყოველ შემთხვევაში, ასე მეგონა, რომ უკრავდა ჩემთვის.

ვირტუოზულად უკრავდა სვიატოზარი!.. ახლაც კი, როცა მუსიკის საიდუმლოებას ჩავწვდი, გავხდი დირიჟორი, კომპოზიტორი და პიანისტი, — ახლაც კი, ხანდახან, თითქოს მესმის სვიატოზარის დაკვრა, უბადლო და შესანიშნავი... სვიატოზარი განაგრძობდა დაკვრას. პირველი აკორდი მაგონებდა ტყის შრიალს ზაფხულში, რომელიც თანდათან ძლიერდებოდა, იზრდებოდა, გადადიოდა გუგუნში და ხმაურში... და მერე თანდათან ნელდებოდა. თითქოს ორი მოქიშბე საწყისი ებრძოდა ერთმანეთს და ამ ბრძოლაში ძღუპებოდნენ ნათელი ადამიანები. რეჟიემივით ეღერდა მუსიკა.

ისე ვიყავი მოხიბლული, რომ ვერ შევამჩნიე, როგორ მომიახლოვდა სვიატოზარი.

— მოგწონს?

მე ხმა არ ამომიღია.

— რაო, სტირი?

მან მხრები აიჩეჩა, დაფიქრდა, ბოლოს ცემა დაიწყო. შემდეგ პატარა ანტიკვარულ საწერ მაგიდას მიუჯდა და რალაცა დაწერა ლიად დარჩენილ რვეულში. მხოლოდ ათი წლის შემდეგ მომეცა საშუალება მენახა და წამეკითხა სვიატოზარის დღიურები. მე მოეძებნე იმ დღის ჩანაწერები (წელი, თვე და რიცხვი კარგად დაეხსოვებოდა, ალბათ, არ დამავიწყდება სიკვდილამდე):

„საოცრებაა ცხოვრება, უცნაური რამ ხდება ამქვეყნად! მე უკვე არაფერი არ მესმის. დღეს დილით ისევ ბედნიერებაზე და ბედზე ვფიქრობდი. განა არსებობს ბედნიერება მოაზროვნე ადამიანისათვის? ბედნიერების მაძიებელი ადამიანი ახალგაზრდა ბუდას მაგონებს, რომელიც ცხრაკლიტულში ჰყავდათ გამოკეტილი, რომ მას არ გაეგო სიკვდილის არსებობა... აი, ნამდვილად ბედნიერია ჩვენი მოჯამაგირე, ეს ველური ბიჭი... და მაინც მე არ მესმის მისი ასეთი მისწრაფება მუსიკისადმი. მართლაც რომ საოცარია!... მაგრამ მე უნდა ვიმეცადინო მასთან, არა მარტო ქველმოქმედებისათვის... მთავარია, მე თავდავიწყება მჭირდება, გართობა რაიმეთი, თორემ მეშინია არ გავეციდე... გარდა ამისა, თვით ექსპერიმენტულ საყურადღებოა — რა გამოვა?! ჩემს მორევოლუციონერო დას რომ ჰკითხო, თურმე მათ ეკუთვნით მომავალი! ჩვენ თურმე ვჩაგრავედით მათ... დალახვროს ეშმაკმა, კიდეც რაებს არ რომავეს ჩემი ერთადერთი საყვარელი დაიკო!.. ვაი თუ ჩემი დაიკო მართალი გამოდგა... და მე სასტიკად ვცდები? მაშინ?... მაშინ... აი ვნახოთ, რას მიაღწევს მიხა. მე კი მეგონა, რომ ეს უბედურები — ბედნიერნი არიან თავიანთ ჩლუნგ უფიცობაში... მაგრამ ვაი თუ მე გამოვდგე ჩლუნგი ახალი დროის გამოცნობაში! მაშინ?

არაფერი მესმის, არაფერი გამეგება!.. ღმერთო, როგორ მეზიზღება ყველა და ყველაფერი! ჩემი „კარგი“ დედ-მამის მიზეზით მე გავჩნდი ამქვეყნად ავადმყოფი, განწირული, მხოლოდ მუსიკითა და მიზანტროპიით შეიარაღებული. ვაი ჩემს ბედს, ესენი მე როდი გამომადგება ბრძოლის იარაღად... დღეს მერამდენეჭერ გადავიკითხე იბსენის „მოჩვენებები“. მზე, სწორედ მზე არ მყოფნის მე ამ მზეში ჩამხრჩვალ მხარეში. ღმერთო, ღმერთო, რა უნიათო, რა უნუგემო ტანჯვა მკლავს! სწორედ ამიტომ გამოვიგონე ჩემთვის ეს

იოლი გასართობი, ან მეცადინეობა, როგორც ჩემი ძვირფასი და-  
იკო იტყვის ხოლმე. გამოვიგონე, რომ თავი შევფარო მას და გა-  
ვექცე ამ მომაკვდინებელ მარტოობას.

სალამო ხანია... ეუკრავედი ბეთჰოვენის მეთოთხმეტე სონატას. ზე-  
თვითონ არ მიყვარს ეს ნაწარმოები, მაგრამ იგი მისაწვდომია პრი-  
მიტიული სმენისათვის. სწორედ ამიტომ შევაჩერე ჩემი არჩევანი  
ამ პიესაზე. მიხა კი ისმენდა და იტრემლებოდა. საკვირველია ეს  
ველურიც მოხიბლა ბეთჰოვენის გენიამ. არაფერი გამეგება, არაფე-  
რი მესმის! აქ რაღაც ხდება, ჩვენთვის გაუგებარი და მიუწვდომე-  
ლი. შეიძლება ჩვენს ოჯახში შეეჩვია ასე ძლიერ ნამდვილ მუსი-  
კას?.. ცხოველებიც ხომ ეჩვევიან მუსიკას! მაგალითად, ძაღლი უს-  
მენს მუსიკას და ყმუის! ალბათ, ეს ბუნების საიდუმლოებაა. მოდი,  
ნუ ავხდით ფარდას ამ საოცრებას..“

სვიატოზარმა დაამთავრა წერა და დიდხანს იჯდა უძრავად, ხმა-  
ამოუღებლად, რაღაცაზე ფიქრობდა. შემდეგ ოდნავ შესამჩნევი  
წყალობით შემომხედა.

— მიხა, გამხადე ფეხსაცმელები და წადი დასაძინებლად. ხვალ  
დაგიძახებ!..

დრო დნებოდა, როგორც თებერვლის სითბოსგან გამთბარი  
თოვლი. გაზაფხულის დამფრთხალი სუნთქვა ჩუმად დასრიალებ-  
და გვიმრის ბუჩქებში. ზღვა გალურჯდა და ვერცხლისფერი გადა-  
იფარა მზის სხივებქვეშ. ძალიან ძნელი გასარკვევია დროის ცვა-  
ლებადობის შეგრძნება დასაელეთ საქართველოში — მარადიულად  
გაზაფხულისა და ზაფხულის ქვეყანაში.

შიში სულ უფრო და უფრო მჭიდროდ ედებოდა ლუბარსკების  
ოჯახის ყოველ კუნჭულს. მამა და ვაჟიშვილი რამდენიმე შიმორჩე-  
ნილი ნათესავითურთ ზაფრადაცემულივით ელოდნენ ბოლშევიკე-  
ბის შემოსვლას. იქვიანობდნენ და ფორიაჟობდნენ. მხოლოდ ოლ-  
ღას ექირა თავი დინჯად, შეურყევლად. ეს საკითხი მისთვის დიდ-  
ხანია გადაწყვეტილი იყო. ბოლშევიკებთან თუ უბოლშევიკებოდ,  
მისთვის მთავარ პრობლემას წარმოადგენდა საშუალო სკოლის გახ-  
სნა. სხვაზე ის არაფერზე ფიქრობდა და არც არაფრისა ეშინოდა.

— თუ რუსები ცოცხლად შემჰამენ რუს ქალს — რაც, რასაკვირ-  
ველია, არ მჭერა, — დაე, შემქამონ! სხვათა შორის, სწორიც იქნე-  
ბიან, იმდენი ბორბლება ჩაგვიდენია მათ მიმართ — იმეორებდა  
იგი.

ცხოვრება კი დღითი დღე იცვლებოდა. ვარდისფერ ბუშლატებში (ასე ეძახდნენ მათ — „ვარდისფერბუშლატიანები“) გახვეულმა მენშევიკების გვარდიელებმა აავსეს არემარე. არბევდნენ სოფლებს, ჭავრს იყრიდნენ მათზე, ვისშიც კი ეჭვი შეჰქონდათ, რომ ისინი არალეგალური ბოლშევიკური ორგანიზაციის წევრები იყვნენ. მოხუცები და ქალები კანკალებდნენ, ხალხი ღელავდა.

ღელავდნენ ლუბარსკის ოჯახშიც. მხოლოდ სვიატოზარი უყურებდა ყველაფერს გულცივად, რაც მის გვერდით ხდებოდა. ჩემი აზრით კი, მისი გულგრილობა მხოლოდ მოჩვენებითი იყო. ერთ დილას შიშმა და ღელვამ იმატა და კულმინაციურ წერტილს მიაღწია. კუთხე-კუთხე ჩურჩულებდნენ და ფრთხილად, უკანმოხედვით იმეორებდნენ: „ბოლშევიკები, მენშევიკები, ვარდისფერბუშლატიანები“. ისეთი დომხალი ტრიალებდა, თითქოს მეორედ მოსვლა ყოფილიყო. ქალაქელები მოულოდნელად აფაცურდნენ. ბავშვის სათამაშოების მაგვარი გემები „ჭოროხი“ და „ტაერიდა“ მგზავრებით ვატენილები გაშორდნენ ნავსადგურს და ბათუმისაკენ აიღეს გზა. იცლებოდა ქალაქი. ერთმანეთზე უარესი ახალ-ახალი ამბები მოსიხინებდნენ გაგრიდან, სოხუმიდან: „სამოქალაქო ომი!“. ჭორი დაწერილებდა ქალაქში და იღექებოდა ყველგან, როგორც მოშხამული ღრუბლების წვეთები. ბოლშევიკების „მხეცობის“ ამბები სულ უფრო ვრცელდებოდა, სანამ არ გაიზარდნენ და არ შეარყიეს მივარდნილი, ყრუ მაზრა. ყველაზე უფრო მარჯობდნენ „სახალხო გვარდიის“ აგენტები.

სალამოს მღელვარებამ ყოველგვარი საზღვარი გადალახა. წითლები სულ ახლოს იყვნენ. მენშევიკები გარბოდნენ. ამ საერთო არეულობის ეამს ლუბარსკის ოჯახსაც დაატდა თავს უბედურება. კედებოდა მძიმე აუადმყოფი მოხუცი ლუბარსკი — მას ორმხრივი ფილტვების ანთება და გულის მანკი აღმოაჩნდა. ოღლა არ შორდებოდა მამის საწოლს. მოხუცს დროგამოშვებით აკითხავდნენ ნათესავები — რუსეთის ზიზნები, ისინი ყოველ წუთს ელოდნენ ნიშანს და გემებს საზღვარგარეთ გასაქცევად.

ქალაქი სულმოლად დაცარიელდა. ფეხით, ცხენებით, ეტლებით, ნავებით, კატერებით გარბოდნენ ქალაქის მკვიდრნი. მოხუცება ოხვრით იგონებდნენ „ბიბლიას“, ლაპარაკობდნენ მეორედ მოსვლაზე, განკითხვის დღეზე.

უმთვარო ღამე იყო. უკუნეთს ზოგჯერ პროექტორის სხივბა

არღვევდნენ. უპატრონოდ დარჩენილ ღუქნებში და საწვრილმანო-ებში, დაკლილ ბინებში „შრომობდნენ“ ქურდები, ჩარჩები და გა-  
დამყიდველები; ყოველი ჭურის სპეკულანტები საიდუმლო ადგი-  
ლებში მალავდნენ ოქროს. პანიკით გარბოდა ნაყაჩაღართ გად-  
ტირთული „სახალხო გვარდია“. აწრიალდნენ ლუბარსკის ოჯახ-  
შიც. ხიზანი ნაცნობ-ნათესავეები ემზადებოდნენ გასაქცევად და უნ-  
დოდათ თან წაეყვანათ ლუბარსკიც, მაგრამ მოხუცი ძალზე ცუდად  
გახდა. უგრძობლად იწვა, შვილები კი არსად არ აპირებდნენ წას-  
ვლას.

ქალაქში ეს-ეს არის უნდა შემოჭრილიყვენ ბოლშევიკები, —  
ამაზე სათლად ლაღადებდა არტილერიის მოახლოებული ბათქები.

„რა ვიღონოთ!“ — ეს კითხვა არავის არ ასვენებდა. სიკვდილი  
არ ჩქარობდა, შეწყვეტილი ცხოვრება კი სიცოცხლისაკენ მიისწრა-  
ფოდა. სწორედ ამ დროს მოსამსახურე გოგომ დაიძახა, ეტლები  
მოვიდნენო. ოღღამ დაარღვია მძიმე პაუზა.

— იჩქარეთ, ბატონებო, თქვენთვის აქ დარჩენა სახიფათოა,  
ჩვენ როგორმე გავიტანთ თავს...

უცებ თვალში მომხვდა მეფისტოფელის პატარა ქანდაკება; თურ-  
მე მოხუცის თხოვნით ჩამოუტანიათ სვიატოზარის ოთახიდან, რა-  
ტომღაც სიკვდილის წინ მონდომებია მოხუცს მისი ნახვა. ალბათ,  
რალაც დიდი საიდუმლო მოგონებებით თუ იყო მოხუცის გონება  
მასთან დაკავშირებული.

ხიზანი ნაცნობ-ნათესავეები გამოემშვიდობნენ ოღღას, შეხედეს  
ავადმყოფ გენერალს და აჩქარებით გავიდნენ ოთახიდან. ათი წუ-  
თის შემდეგ სოხუმისაკენ მიიჩქაროდნენ მათი ეტლები.

ღამე არ აპირებდა წასვლას. სიბნელეში დროგამოშვებით ზარ-  
ბანების ყრუ ქუხილი, ტყვიამფრქვევის კაკანი აყრუებდა მიდამოს  
და პროექტორთა სხივები გამოანათებდნენ ზღვის ზედაპირზე.

მე გაქვავებულივით ვიდექი კუთხეში.

სვიატოზარი მოუსვენრად დაწრიალებდა განაპირა ოთახში.  
დროგამოშვებით შემოხედავდა მამის საწოლს, ნერვულად აიღებ-  
და აკორდს შობენის მაზურკიდან, შემდეგ ფეხაკრეფით მოუახ-  
ლოვდებოდა ავადმყოფს და იმეორებდა ერთსა და იმავე შეკი-  
თხვას: „როგორ არის. ცოცხალია?“.

უცბად შეჩერდა, თითქოს ადგილზე გაიყინაო. შემდეგ მივიდა  
პატარა მაგიდასთან, აიღო შპრიცი და ნემსი აავსო მორფით.



— რას აპირებ, სვიატოზარ? — შიშნარევი ხმით ჰკითხა ოლღამ.  
— მინდა ოღნავ მაინც დავაწყნარო...  
— დოზა ძალიან დიდია, შეიძლება ვერც კი გადაიტანოს!  
— აბა, რა მნიშვნელობა აქვს ერთი საათი ადრე თუ გვიან?.. მე-  
ტი აღარ შემიძლია ვუცქირო მის ტანჯვას.  
— ეს ხომ მკვლელობაა!..  
— სცდები, ჩემო კარგო, მხოლოდ ხსნაა და სხვა არაფერი...  
ხსნა აუტანელი ტკივილებისაგან...

სვიატოზარს ყურადღებაც არ მიუქცევია გაფითრებული დი-  
სათვის, არც მიუხედავს მისკენ, რომ ხელი არ შეშლოდა განზრახ-  
ვის შესრულებაში. მივიდა ავადმყოფთან და გარეგნული სიმშეი-  
დით გაუკეთა ნემსი მოხუცს. შემდეგ ასევე აუჩქარებლად გავიდა  
ოთახიდან, აპყვა კიბეს თავისი კაბინეტისაკენ. ოღამ ხელები აი-  
ფარა სახეზე და სავარძელში დაეშვა.

არ გასულა ხუთი წუთი და მალლიდან შოპენის მომსიბღვლმა  
ხმამ დაფარა იქაურობა. ხმები ტყვიამფრქვევის კაკანს და ტყვა-  
ების ზუზუნს შეერია (ეს უცნაური, ურთიერთსაწინააღმდეგო შერ-  
წყმა ხმებისა და რიტმისა შეგიძლიათ იპოვოთ ჩემს მესამე სიმფო-  
ნიაში).

ისევ ზარბაზნების გრიალი, ტყვიამფრქვევის ჰახანი და... მუსი-  
კა, ჯადოსნური მუსიკა.

კედებოდა გენერალი ლუბარსკი.

— სადა ხარ, სვიატოზარ! რად ბნელა ასე? სინათლე... გემუდა-  
რებით აანთეთ სანთელი... ეტლები მოვიდნენ? ჩვენი წას... — ვერ  
დაამთავრა ფრაზა მომაკვდავმა.

შემდეგ უცბად წამოიჭრა ლოგინიდან, გადადგა ორი თუ სამი  
ნაბიჯი და ზღართან მიადინა იატაკზე.

მუსიკა შეწყდა. ჩამოვიდა მესამე სართულიდან სვიატოზარი.  
ვილაც ატირდა. გულწასული ოღმა თავის ოთახში გაიყვანეს. მო-  
ისმა ვილაცის აჩქარებული ნაბიჯები!.. შემდეგ ყველაფერი მიყუჩ-  
და და სამარისებური სიჩუმე გამეფდა ირგვლივ. სწორედ ამ დროს  
გაიხშა თოფის ერთადერთი გასროლა.

ტყვიამ გახვრიტა ფანჯრის მინა და მეფისტოფელის ბრინჯაოს  
ქანდაკებას მოხვდა, ნამსხვრევები იატაკზე გაიბნა. ჩვენთვის მარა-  
დიულ საიდუმლოდ დარჩა ამ გასროლის ავტორის ვინაობა და მი-  
ზეზი. შეიძლება, ეს მოხდა შემთხვევით, ვინ იცის!

— მოკვდა — ოდნავ გასაგონად თქვა ღუსიამ.

სვიატოზარმა მიცვალებულთან მიიბრინა.

— მამა... მამა!.. — ის ბავშვივით ბლაოდა და დროგამომწეგბიო გაიძახოდა: „მამა, მამა“-ს, მოხუცი კი ღუმდა. ამჯერად სამუღა-მოდ. ეს იყო გრძელი და რთული გზის დასასრული. ამ ბედნიერად წოდებულ სახლში გამოითიშა ერთი სიცოცხლე — მთავარი ძარ-ლეი.

— რა საშინელი სიკვდილია... — ძლივს გასაგონად, თითქოს თავისთვის წარმოთქვა სვიატოზარმა. შემდეგ ჩემკენ გამოაპარა ხედვა:

— არა, ჩვენ ვერ შევძლებთ, მიხა, მის ადგილიდან დაძვრას და, მით უმეტეს, დამარხვას... — და ცოტა ხნის პაუზის შემდეგ დაუ-მატა, — ბოლშევიკებს მოუხდებათ მისი ბრწყინვალეების დამარხვა. საცოდაო მოხუცი!..

სვიატოზარმა ჩააქრო სინათლე, ოთახში ჩაკეტა მიცვალებული და გასაღები ჯიბეში ჩაიღო.

ღილით ადრე კი ჩვენს ქალაქს ეწვია წითელი არმიის ნაწილები.

ჩემს გაკვირვებას და სიხარულს არ ჰქონდა საზღვარი, როცა დავრწმუნდი, რომ ისინი არავის არ ხოცავდნენ, არავის ხელს არ აკარებდნენ, არაფერს არ წვაავდნენ, არ ძარცვაავდნენ. მიდიოდნენ მშვიდად, მწყობრი ნაბიჯებით და მხიარული ვაჟკაცური მხედრუ-ლი სიმღერით ახალგაზრდა, უუღვაშო წითელარმიელი ქერა ბიჭე-ბი. ერთმა კიდევ გაგვიღიმა და ხელიც დაგვიქნია.

ღეიდა მარო სიხარულისგან, მგონი, მეშვიდე ცაზე იმყოფებო-და. მან თავისი ოროთახიანი ფიცრული სახლის ერთი ოთახი წი-თელარმიელებს დაუთმო — ოთხ ახალგაზრდა მეგობარს და ისე ეპყრობოდა მათ, როგორც საკუთარ შვილებს. ისინიც ნამდვილი შვილებივით შეეთვისნენ და სიყვარულით უხდიდნენ მას სამაგიეროს.

სვიატოზარი თავისი ოთახიდან დიდხანს უყურებდა მწყობრად მიმავალ წითელ მეომრებს. შემდეგ დახურა ფანჯრები, ჩაკეტა ოთახში, საღამომდე ცხვირიც არ გამოუყვია იქიდან და არც არავის უშეგბდა თავისთან.

საღამოთი კი ახალგაზრდა მეთაური გვეწვია რამდენიმე წითელ-არმიელის თანხლებით. მეთაური მაღალი, სპორტული, მიმზიდველი გარეგნობის ახალგაზრდა იყო. ღღესაც კი სითბოს გრძნობს გული,

როდესაც მაგონდება პირველი შეხვედრა იმ შესანიშნავ ადამიანთან. ეს არც არის გასაკვირი — სწორედ ამ ადამიანმა ითამაშა ვადამწყვეტი როლი ჩემს ცხოვრებაში: ბევრ რამეში დამეხმარა და, რაც მთავარია, ადამიანად გამომიყვანა.

ალექსეი ერმილოვი — ასე ერქვა მას. ფიზიკურად ვაჟაკური სილამაზე და ძლიერი სული საოცრად იყო შერწყმული ამ ერთ ადამიანში. სწორედ მისგან გავიგე პირველად, რომ არსებობს სიმართლე და რას წარმოადგენს ნამდვილი ჭეშმარიტება. ჩვენმა პირველმა შეხვედრამ ხომ სამუდამოდ და წარუშლელად დაიმკვიდრა საფუძველი ჩემს მახსოვრობაში.

— ბიჭიკო, არის ვინმე სახლში? — შემეკითხა ახალგაზრდა მეთაური, რომელსაც გახუნებული, მაგრამ სუფთა, ახლად გაუთოებული გიმნასტურა და მუხლებზე ტყავებდაკერებული გალიფე ეცვა.

იმ წამშივე მივხვდი, რომ ჩემ წინ იდგა არა რიგითი წითელარმიელი. არამედ მეთაური, შეიძლება საველე ჩანთამ, ცალ მხარეზე რომ ჰქონდა ჩამოკიდებული ტყავის გრძელ ზონარზე და მუხლებამდე რომ სწედებოდა, ან მისმა გარეგნობამ მიმიყვანა ამ დასკვნამდე. თანხმობის ნიშნად თავი დაუქნინე, რის შემდეგაც მან თავის წითელარმიელებს მიმართა:

— აქ დამიცადეთ, ამხანაგებო, ახლავე დავბრუნდები. აბა, გამიძეხი, ბიჭიკო, — და ჩემი თანხლებით მესამე სართულზე ავედი, როცა გაიგო ჩემგან, რომ სახლის პატრონი სწორედ იქ იმყოფებოდა, სვიატოზარმა გაგვიღო კარები, მაგრამ მის გაშეშებულ სახეს არავითარი რეაქცია არ ემჩნეოდა.

— თქვენ ბრძანდებით სახლის პატრონი? — შეეკითხა მეთაური სვიატოზარს.

— მაგონი, მე უნდა ვიყო, ყოველ შემთხვევაში ასე იყო დღემდე! — უპასუხა სვიატოზარმა და თან თვალებს არ აშორებდა გადაფურცლულ წიგნს.

— თქვენი სახლის პირველ სართულზე ჩემი წითელარმიელები უნდა მოვათავსო, — უთხრა მეთაურმა.

— ჰმ, საკვირველია, მე რად მითანხმებთ ამ საკითხს?

მეთაურზე არავითარი შთაბეჭდილება არ მოუბღენია ახალგაზრდა ლუბარსკის სიტყვებს, არც მის ირონიულ, დამცინავ გამოხედვას.

მაგრამ სწორედ ამ დროს ოთახში შემოვიდა ოღლა. ახალგაზრ-

და, ლამაზი, აღელვებული ქალის ჭკვიანი თვალები და ვაჟის თვალები შეხვდნენ ერთმანეთს, ჩაიყინენ ერთმანეთში და მოხდა რაღაც აუხსნელი, გაუგებარი, მხოლოდ მათთვის, ორთათვის გასაგები და გადამწყვეტი. ეს იყო წამი, მყისი, რომლის ღრმა აზრი მხოლოდ ერთი წლის შემდეგ გახდა ჩემთვის გასაგები.

— ბოდიში, თქვენ... — დაბნეულად ჩაიბურტყუნა მეთაურმა.

— მე მისი და გახლავართ, — მან თვალებით ანიშნა სვიატოზარზე, — გენერალ ლუბარსკის ქალიშვილი. ჩემი სახელია ოლა.

— ოლა...

— უბრალოდ ოლა... ჩემი ძმისაგან კი ნურაფერი გეწყინებათ, ავადმყოფია... წავიდეთ, ამხანაგო... მგონი ასეა, ხომ? — ღიმილით მიმართა მეთაურს ოლამ.

— დიახ, ასეა, ამხანაგო ოლა...

— წავიდეთ, ნახეთ ოთახები.

სვიატოზარი სკამიდან წამოვარდა, როცა გაიგონა ოლასგან ნათქვამი „ამხანაგო“.

ათმა წითელარმიელმა მხიარული ხმაურით და ხუმრობით „აითვისეს“ (როგორც თვითონ ამბობდნენ) სახლის პირველი სართული. მე კი ვეხმარებოდი მათ, რითაც შემეძლო.

## V.

ღამდებოდა. ქალაქი თითქოს დუმილისა და სიბნელისაგან იყო შეკრული. მე კვლავინდებურად ვმეცადინეობდი სვიატოზართან ამ საღამოს, როდესაც მოისმა კაკუნი კარებზე და სვიატოზარის ხმა:

— კარი ღიაა, შემოდით!

შემოვიდა მეთაური, დადგა კარებში:

— ბოდიში, მოსაწვევი ხომ არაფერი გექნებათ? — იკითხა მან.

მაგრამ დაინახა თუ არა, რომ ჩვენ ვმეცადინეობდით, ეუხერხულა თავისი თხოვნა და კარებისაკენ მიბრუნდა.

— არა, არ წახვიდეთ, გთხოვთ დაბრუნდით!.. — თანვაზიანად მიმართა სვიატოზარმა წასასვლელად გამზადებულ მეთაურს, — დაბრძანდით... მიხა, მიაწოდე ძვირფას სტუმარს პაპიროსის კოლოფი — სიტყვა „ძვირფასი“ განსაკუთრებული ხაზგასმით იყო ნათქვამი.

მე მაგიდის ყუთიდან ამოვიღე პაპიროსის კოლოფი და გავუწო-

დე მეთაურს. მინდოდა გავქცეულიყავი ასანთის მოსატანად, მაგრამ მეთაურმა შემაჩერა:

— გმადლობთ, ასანთი მაქვს.

იმის შემდეგ, რაც სვიატოზარმა ერთგვარი ზეიმით წარმოთქვა სიტყვები: „აქ ეწევიან, მეთაუროო!“ ერმილოვმა შარელის ჯიბიდან ამოიღო ასანთი და სვიატოზარს მიაწოდა პაპიროსის მოსაკიდებლად, მაგრამ ამ უკანასკნელმა თამბაქოზე უარი განაცხადა. სვიატოზარი განსაკუთრებული ყურადღებით ადევნებდა თვალყურს სტუმრის ყოველ სიტყვასა და მოქმედებას.

უხერხული ღუმილი ჩამოვარდა. სავარძელში მოკალათებული მეთაური თამბაქოს ეწეოდა და თან ფურცლავდა იქვე დაბალ, მოგრძო მაგიდაზე დაგდებულ წიგნს. ეს იყო ფლობერის „იროდიადა“.

— თქვენი საყვარელი მწერალია? — ირონიულად იკითხა სვიატოზარმა.

— წარმოიდგინეთ, ამ შემთხვევაში თქვენ სწორი აღმოჩნდით, დიახ, ფლობერი ჩემი საყვარელი მწერალია.

სვიატოზარი უკმაყოფილოდ გაიფხუკა.

— მაგრამ, — განაგრძო მეთაურმა, — ფლობერი, რასაკვირველია, უნდა წაიკითხო დედანში, რაც უნდა ბრწყინვალე თარგმანი იყოს, ის მაინც ვერ გადმოსცემს ამ შესანიშნავი მწერლის არაჩვეულებრივი სტილის სიდიადეს.

— ფრანგული ენაც იცით?!

— ისე, საშუალოდ.

— თუ ფლობერს კითხულობთ დედანში და სტკბებით მისი სტილით, კარგად გცოდნიათ ენა.

ჩამოვარდა პაუზა.

— საოცარია!

— რა არის საოცარი?

— ის, რომ თქვენ ბოლშევიკი ბრძანდებით და წითელი მეთაური.

ერმილოვმა თავი ასწია და გაიღიმა, მაგრამ არაფერი უთქვამს. სვიატოზარი კი განაგრძობდა.

— ბოლშევიზმი და კულტურა, ჩემი აზრით, ეს ორი შეუთავსებელი მცნებაა...

— არ დავიწყებ თქვენთან კამათს და არც აგიტაციას გაგიწევთ, ვამჩნევ, ეს არც არის საჭირო. — და ცოტახნის შემდეგ დასძინა:—

კაცობრიობის საუკეთესო ადამიანებმა უკვე შეიგნეს ჩვენი რევოლუციის სიღიაღე.

— რევოლუცია ჯერ კიდევ როდი ნიშნავს გამარჯვებას!

— მომავალი ყველაფერს დაგვიმტკიცებს... დარწმუნებული ვარ — დამტკიცებს არა თქვენს სასარგებლოდ... თქვენი კი მე ზედმიწევნით კარგად მესმის...

სვიატოზარი, ცოტა არ იყოს, შეცბა და თითქოს სხვათა შორის დაუმატა:

— ჰო, შეიძლება სწორიც იყოს თქვენი ბელადი... მაგრამ განა კი ღირს სიცოცხლის, სიამოვნების განწირვა ხვალინდელი დღისათვის?

— რატომ გგონიათ, რომ ჩვენ ვიბრძვით მხოლოდ ხვალინდელი დღისათვის? ვის ეკუთვნის, თქვენი აზრით, დღევანდელი დღე?

— Camogriade Au... — ფილოსოფიური სიღინჯით წარმოთქვა სვიატოზარმა.

ამ რეპლიკაზე არ უბასუხა მას მეთაურმა, თვალეგაბრწყინებულმა მოიხედა სვიატოზარისკენ და მოულოდნელად ჰკითხა მას:

— ერთი რამ მაინტერესებს: ვისთან იქნებოდით ახლა თქვენ, ავადმყოფობა რომ არ გიშლიდეთ ხელს?

— ვისთან ვიქნებოდით? ჰმ! უკანასკნელ სისხლის წვეთამდე გიბრძოლებდი რუსეთისათვის... ერთი სიტყვით, თქვენს წინააღმდეგე — უბასუხა სვიატოზარმა და გამარჯვებული ჯარისკაცით გაიცინა.

— მიუხედავად თქვენი სახუმარო კილოსი, დარწმუნებული ვარ, რომ სწორედ ასე მოიქცეოდით. მხოლოდ ტყუილად ფიქრობთ, რომ ჩვენ არ ვიბრძვით რუსეთისათვის... ახალი რუსეთისათვის...

სვიატოზარი დუმდა, ნერვულად ფურცლავდა რომელიღაც წიგნს. მეთაური პიანინოს მიუახლოვდა, იკითხა „შეიძლებაო“ და როცა მიიღო დასტური, დაჯდა ინსტრუმენტის წინ მრგვალ სკამზე და აიღო რამდენიმე აკორდი.

— კარგია... — წარმოთქვა სვიატოზარმა, — თქვენ კი უკრავთ და ვამჩნევ, არც თუ ისე ურიგოდ... მაგრამ, საინტერესოა, თქვენი წითელარმიელები თუ დაუკრავენ ოდესმე ასეთ ინსტრუმენტზე.

— არაფერია, ჩვენ შევეცდებით შევასწავლოთ მათ მუსიკა და საზოგადოდ, შევაცვაროთ ხელოვნება.

— რომელი ხელოვნება?

— ისინი ახლა თვითონ არიან თავიანთი ბედის ბატონ-პატრონი, თქვენთვის ეს გასაგებია? დარწმუნებული ვარ, შექმნიან ახალ, შესანიშნავ ხელოვნებას.

— ბოდიში, მეთაურო, მაგრამ თქვენს „რწმენას“ დასაბუთება აკლია! თუმცა თქვენ ახსენეთ ახალი ხელოვნება. ამასთან დაკავშირებით მინდა გიამბოთ ერთი საინტერესო არაკი: ერთ ქვეყანაში კვდებოდა გენიალური მუსიკოსი, ვთქვათ, ისეთი, როგორც იყო პაგანინი. ამავე დროს იმ ქვეყანაში გამოჩნდა ახალგაზრდა, უაღრესად ნიჭიერი მეჭიანურე, რომელსაც თავისი იმპროვიზაციებით ალტაცებაში მოჰყავდა მსმენელები და მსოფლიოს საუკეთესო აუდიტორიები. ალაპარაკდა პრესა, ალაპარაკდა ხალხი, განსაკუთრებით კი ხელოვნების მესვეურნი. ახალგაზრდას მუსიკის მესია უწოდეს, ახალი მუსიკის წინასწარმეტყველი. მომაკვდამდისაც მიაღწია ახალგაზრდის ქება და მანაც მოისურვა ამ წინასწარმეტყველის მოსმენა. მოიყვანეს ახალგაზრდა მუსიკოსი და მან ავადმყოფისათვის დაუკრა თავისი ერთ-ერთი საუკეთესო ნაწარმოები. როცა დათავრა დაკვრა, ავადმყოფმა წამოიწია, მწარედ გაიღიმა და თქვა: „ღმერთო ჩემო! ეს ხომ მხოლოდ და მხოლოდ გამა დო-მაჟორიაო!“ და მოკვდა.

ერმილოვის გრძელმა ჭროლა თითებმა მსუბუქად გადაირბინეს თეთრ კლავიშებზე.

— თქვენი აზრით, ხელოვნებაში ახალის შექმნა არ შეიძლება... ასე გამოდის!

— სწორად გამიგეთ. ხელოვნების ყველა ფორმა დიდი ხანა მიგნებულობდა და აღმოჩენილი. ვთქვათ, ლიტერატურაში არსებობს რაღაც სამასი სიუჟეტი — ყველა ისინი უკვე გამოყენებულია. როგორც ნათქვამია, ახალი — კარგად დავიწყებული ძველიაო.

— მესმის თქვენი, გაგიგეთ. რასაკვირველია, ხელოვნების საფუძვლები დიდი ხანია ჩაყრილია და ზოგ რამეში ურყევიც. ამაშია მისი თანამიმდევრულობა, მისი მარადიულობის საიდუმლოება. მაგრამ ამ საფუძველზე ყოველი ახალი ეპოქა, ყოველი ახალი გენიალური მხატვარი აშენებს, ქმნის თავის ყველასაგან განსხვავებულ შენობას სრულიად ახლებურად. აი, რას წარმოადგენს ხელოვნების ნამდვილი არსი.

— თქვენ ასე ფიქრობთ?

— ეფიქრობ და მწამს... — მეთაურმა საათს დახედა. — ო, გე-  
ანაა უკვე, ჩემი წასვლის დროა. იმედი მაქვს, კვლავ განვაგრძობო  
ჩვენს დისკუსიას.. ჰო, მართლა, ლეიბები არ მყოფნის ჩემი არმი-  
ელებისათვის, ხომ არ დაგვეხმარებოდით ამ საქმეში?

სვიატოზარმა დახურა წიგნი და ისე შეხედა ალექსეის, თითქოს  
რალაც დიდმნიშვნელოვანი რამ მოაგონდაო. ამ გამოხედვაში იყო  
ყველაფერი: სიძულელი, ჯერი, ზიზლი, გაკვირება... და რალაც  
პატივისცემის მაგვარიც კი.... დუმდა სვიატოზარი, ვერ მოენახა  
სათქმელი თუ ვერ გადაეწყვიტა თქმა..

ერმილოვმა ახლა უფრო მტკიცედ გაუყოლა:

— ლოგინები არ მყოფნის ჩემი ბიჭებისათვის.

მასპინძელმა ჩიბიდან ამოიღო გასაღები:

— წაიღეთ, გააღეთ ოთახი, — მიხა გიჩვენებთ, — იქიდან შეგა-  
ძლიათ გაიტანოთ ლოგინები.

მე ყურებს არ დავუჯერე. იმ ოთახში ხომ გენერალ ლუბარსკის  
ნეშტი ესვენა.

მეთაური ჩემთან ერთად ჩამოვიდა მეორე სართულზე. გააღო კა-  
რი და შეკრთა. უკან დაიხია და თითქოს ოდნავ დაიბნა. შემდეგ  
შევიდა ოთახში და დაუძახა ერთ თავის ჯარისკაცს.

— ვოლკოვ! წადი, დაუძახე ადგილობრივ ექიმს, უთხარი საჩ-  
ქარო საქმეა-თქო. ჩვენს ფერშალსაც დამიძახე!

— რა მოხდა, ამხანაგო მეთაურო?

— ისეთი არაფერი. მტრის პირველი შურისგება!..

ვოლკოვი ვერაფერს მიხვდა, გაკვირვებით შეაჩერდა მეთაურს.  
შემდეგ თითქოს რალაც მოაგონდაო, მოკურცხლა ბრძანების შე-  
სასრულებლად.

ექიმის დამოწმების შემდეგ, რომ მოხუცი გარდაიცვალა თავისი  
სიკვდილით, რაც მოხდა ოლღასა და მეთაურის თანდასწრებით, —  
ლუბარსკი დაასაფლავეს. მისი ნეშტი საფლავამდე მიაცილეს ოლ-  
ღამ, ერმილოვმა, მე და რამდენიმე ჯარისკაცმა, დარწმუნებული  
ვარ, რომ სვიატოზარი იდგა, ალბათ, თავის ოთახში და მძიმე ფარ-  
დას ამოფარებული უცქეროდა პროცესიის მსვლელობას.

## VI.

პატარა ქალაქის ცხოვრება თანდათან დგებოდა თავის ჩვეუ-  
ლებრივ კალაპოტში. დროც ანელებდა თავის სვლას. ქალაქის გა-  
162



ხიზნული მცხოვრებლები თავიანთი ბარგი-ბარხანით უბრუნდებოდნენ ქალაქს და მათ გაკვირვებას საზღვარი არ ჰქონდა, როცა ბინები დაუხვდათ მთელი და ხელუხლებელი. მე დავუძმეაყადი წითელ მეომრებს, მიხაროდა მათთან ყოფნა, რაღაც ექვსი-შვიდი წლით თუ იქნებოდნენ ჩემზე უფროსები. ისინიც ცდილობდნენ როგორც კი შეეძლოთ, დახმარება გაეწიათ ჩემთვის. პირველად ამათგან გავიგონე ლენინზე, კომკავშირზე. თავისუფალ დროს მასწავლიდნენ ბალაიკაზე და გარმონზე დაკვრასაც. ერთი სიტყვით, კარგად ვატარებდით დროს.

სვიატოზარი კი სულმთლად გამოიცვალა. ნერვიულობდა, იშვიათად მეძახოდა ხოლმე თავის ოთახში და დიდი ხანია არ მეცადინებოდა მუსიკაში ჩემთან. მისი ოთახის კარები ახლა დაკეტილი იყო დღე-ღამის განმავლობაში.

განსაკუთრებით იმის შემდეგ გამოიცვალა, რაც ოღლა გათხოვდა ალექსეი ერმილოვზე. მათი შეუღლება მოულოდნელი ამბავი იყო ჩვენთვისაც. რასაკვირველია, ეს იყო სასიამოვნო მოულოდნელობა. ყველაზე უფრო მე გამახარა ამ ამბავმა. ამასობაში სკოლაც გაიხსნა — ოღლას დიდ ხნის ოცნება! ახლა ის მასწავლებლად მუშაობდა ამ სკოლაში. ამასობაში ოღლას და მის მეუღლეს ახალი გეგმები დაესახათ: ორივენი დიდძალ ენერგიას ხარჯავდნენ იმისათვის, რომ გაეხსნათ საქალაქო მუსიკალური საშუალო სკოლა ლუბარსკის სასახლეში. მე ხომ სერიოზულად მამეცადინებდნენ — მამზადებდნენ პეტროგრადის კონსერვატორიაში შესასვლელად. სჯეროდათ, რომ ჩემგან კარგი, ნამდვილი მუსიკოსი გამოვიდოდა და მათი რწმენა მეც მაქნებდა, ჩემშიც აძლიერებდა სწავლის წყურვილს, მახარებდა და მმატებდა ენერგიას.

მაგრამ უნდა გამოგიტყდეთ. ზოგჯერ მენატრებოდა, მინდოდა მომესმინა სვიატოზარის დაკვრა, რატომღაც მეექვსეობოდა, რომ მის მუსიკას უკვე ვერასოდეს ვერ მოვისმენდი.

ჩვენი ღუსიაც წითელარმიელ ვოლკოვს მისთხოვდა. მაგონდება, როგორ მოიგლიჯა ღუსიამ წინსაფარი, დააბერტყა იატაკზე და დაუწყო მას ქელვა. მისი თქმით, ის თელავდა თავის უბადრუკ, მონურ წარსულს, შემდეგ მიაფურთხა სამხარეულოს და გაჰყვა თავის ერთგულს.

ოღლას დაქორწინებიდან ერთი წლის შემდეგ ერთ დღით სვიატოზარი ტყვიით განგმირული იპოვეს თავის ოთახში. თავი მოეკ-

ლა საცოდავს. სიკვდილის წინ დატოვებულ ქალაქზე ეწერა: „ძნელია სიცოცხლე, როცა არ გაგაჩნია რწმენა“. ასე დამთავრდა ამ კაცის ცხოვრება, რომელსაც, გარდა სიძულვილისა, სხვა არაფერი გააჩნდა.

რა დიდმა დრომ განვლო მას შემდეგ! მაგრამ დაეხუტა თუ არა თვალბს, ისევ ვხედავ ყველას: ოლღას, ალექსეის, დეიდა მაროს, მამაო ივანეს... პირველად ამათ ჩამინერგეს სიკეთისადმი სიყვარული, შეამჩნიეს ჩემი ნიჭი, დამეხმარნენ მიმელო განათლება.

ჰო, მართლა, ახლა მომაგონდა: ერთხელ ერმილოვმა, მკერდზე მისაბნევი ნიშანი — ლირა მაჩუქა და ღიმილით მითხრა:

— მიხა, აი ეს ლირა იყო ს შენი თილისმა. ატარე. მხოლოდ იცოდე, არ დაკარგო — მას არაჩვეულებრივი თვისება აქვს — ფერს იცვლის ხოლმე და როცა შენი ხელოვნება, შენი დაკვრა მიაღწევს ვირტუოზობის უმაღლეს წერტილს — ლირა გაწითლდება.

ამ ლირას დღესაც ვატარებ, როგორც ჰალსტუხის ქინძისთავს და, თუმცა შეიძლება სასაცილოდაც მოგეჩვენოთ ეს ამბავი, მაგრამ ხშირად დავხედავ ხოლმე: ხომ არ გაწითლდა-მეთქი ლირა? მაგრამ არა... ჩემთვის გასაგებია ამ საქუქრის მნიშვნელობა...

ვერასოდეს დავივიწყებ ალექსეი ერმილოვს. ეს შეუძლებელიცაა. მომხიბვლელი და ნებისყოფით სავსე ვაჟკაცი ისე გადამდებდა და მხიარულად იცინოდა, როგორც არავინ. ოღღამ და ალექსეიმ ბევრი რამ გააკეთეს ჩვენი პატარა ქალაქისათვის. მათი შრომითა და შემწეობით დღეს გენერალ ლუბარსკის ყოფილ ვილაში გახსნილია საშუალო მუსიკალური სკოლა და მისი უცვლელი დირექტორია ოღღა ნიკოლოზის ასული ლუბარსკაია-ერმილოვა. დღეს ის თავისი უმცროსი ვაჟიშვილით (სრული ორეულია მამის) საპატიო სტუმრებში იქნებიან ჩემს ზეიმზე. ეს ხომ მისი ზეიმიცაა...

ალექსეი უფროსი კი თავისი ორი ვაჟით აღარ დაბრუნებულა დიდი სამამულო ომიდან, სამივე დასაფლავებულია პოლონეთში. ოღღასთან ერთად ვინახულე მათი საფლავი. დიდი ხანია მოკვდა ჩემი საყვარელი დეიდა მაროც. ის ბედნიერი იყო, მოესწრო ჩემი და ჩემი ძმების დავაჟკაცებას და კარგია, რომ ომის დაწყებამდე გარდაიცვალა, არ მოესწრო იმ დღეს, როცა ფრონტიდან ჩემი ძმების დაღუპვის ცნობები მივიღეთ.

ახლა კი დავრწმუნდი: სწორია, რომ დღევანდელ დღეს მე აქ შევხვდი, ჩემს მშობლიურ ქვეყანაში. ალბათ, ამიტომაცაა, რომ ჩემ თვალწინ, ისე როგორც ძველ ილუზიონში, დამტკრეული პიანინოს მუსიკის აკომპანიმენტის თანხლებით, — გაიარა ჩემმა ბავშვობისა და ყმაწვილობის დღეებმა... მაგრამ დამტკრეული კლავიშების გაბზარულ ხმებს თანდათან ცვლის სიმფონიური ორკესტრის მძლავრი ჰანგები და ამ მუსიკის გაძლიერებულ ხმაში მესმის დროის ხმები — ძნელი, მაგრამ სიხარულითა და იმედით სავსე ხმები. ამ ხმებში თითქოს ცოცხლდებიან, ხორცს ისხამენ ადამიანები — ვაჟკაცური და ნაზი მეოცნებენი.

ვცნობ ამ მუსიკას, ბნელი დღეებისა და უძილო ღამეების ნაყოფს, ჩემი უდიდესი შრომითა და ჩემთვის გამოყოფილი აღმაფრენით შექმნილს. თუ გამომივიდა ის, რაზედაც ვოცნებობდი?.. არ ვიცი, დრო შეათვასებს, მკაცრი და სამართლიანი შემფასებელი...



მე და ჩემი მეგობარი, სამხედრო ექიმი ვასილი ვოლკოვი გუშინ გამოვეწერეთ. პოლონეთის პატარა ქალაქ ბიგდოშში, სანახევროდ დანგრეული ჰოსპიტლის ციციქნა პალატაში მთელი სამი თვე გვერდებს ვიზელდით. ორი თვის შეეხლება შუბლზე რომ მიგვეწეპეს, ბერლინში გამგზავრება გადავწყვიტეთ.

მადლობა ღმერთს, ომი დამთავრდა... აღარ ისმოდა ქვემეხების გრუხუნი — ერთბაშად საოცარი სიჩუმე ჩამოწვა. ყველაფერი თვალსა და ხელს შუა შეიცვალა, და შევიცვალეთ ჩვენც — ადამიანები...

— არა, ახლა მომავალზე ვიფიქროთ! — წამოიძახა ვოლკოვმა და რატომღაც ჩემი კეპი ცაში აისროლა (მე სამხედრო ფორმა გავიხადე და სამოქალაქო ჩავიცვი, მაგრამ ვასილი ვერა და ვერ დავიყოლიე ჩემთვის მოებაძა).

— მომავალი მის ხელშია, ვინც მას ქმნის და აშენებს! — ღიმილით ვუთხარი მე.

— მართალი ხარ, არჩილ, მაგრამ მინდა... როგორ ვითხრა... ნამდვილი ცხოვრებით ვიცხოვრო...

— ერთი ისიცა თქვი, ძვირფასო, რა არის ნამდვილი ცხოვრება?

— ამაზე ჭერჯერობით ვერ გიპასუხებ.

თვითმფრინავი დაბლა მიფრინავს. ისე დაბლა, თითქოსდა მფრინავს სურდეს ამოდენა ლაინერი ფრთებით შეახოს ტანაწვართულ ხეთა კენწეროებს. ქვემოთ მჭიდროდ დასახლებული გერმანიაა. მიწის ყოველი ნამცეცი დამუშავებულია, პატრონის გამრჯე ხელი ატყვია. ტყე და ტბები ჭადრაკის დაფის უჯრედებს წააგავს. თითქოს მკაცრ გერმანულ კანონს ცხოველებიც დამორჩილებიანო, ჩვენს ქვემოთ, საძოვრებზე შავ-თეთრად დაწინწკლული ძროხების

დიდი ჯოგი ძოვს. ისე ჰგევანან ერთმანეთს ეს ჭიშიანი ცხოველები, ტყუპის ცალები გეგონებათ.

ქვებისა და ღორღის ამ ნანგრევებს წინათ გერმანიის დედაქალაქი ერქვა. ახლა ძნელიც კია, ქალაქი უწოდო პირქუშ, სევდიან სასაფლაოს. საცოდავ, გულისგამაწვრილებელ ნანგრევებში აქა-იქ სახლების ნაცრისფერი ჩონჩხიც გამოჩნდება ხოლმე. დგას გამურული, უშველებელი კედლები და ასე გგონია, საცაა იზუვლებს, და ისიც ჩაიქცევა, მიწასთან გასწორდება. ბერლინი... აქ იქმნებოდა მსოფლიოს დაპყრობისა და დამონების ბოროტი გეგმები. რამდენი წელი გლოვობდა პარიზი. შიმშილი და ბლოკადა ახრჩობდა ლენინგრადს, ბოლოს, მოსკოვმა მაგრად ჩაუკეტა ფოლადის ჭიშკარი მეოცე საუკუნის ბარბაროსებს. ხოლო მტრების დაღუპვის მაცნე სტალინგრადი გახდა. ბერლინს უნდოდა დიდი და დიადი ქალაქების ბედ-იღბლის განმგებელი ყოფილიყო.

უძველეს ქალაქთა ნანგრევები მუდამ იწვევენ დიდ სულიერ აღელვებას, წუხილს წარსულზე, რადგანაც ჩვენ მხოლოდ ნანგრევებს ვხედავთ. აღტაცებულნი დავყურებთ რომის, ათენის სიძველეებს, რომელთა თითოეული ქვა მეტს ეუბნება ჩვენს გულს, ვიდრე ათასობით მათზე დაწერილი წიგნი. მაგრამ ბერლინის ნანგრევები სულ სხვა გრძნობებს აღგვიძრავს!

გერმანელებმა ოდესღაც ააშენეს ბიბლიოთეკა, ქალაქის ერთ-ერთი საუკეთესო არქიტექტურული ნაგებობა, ფაშისტებმა კი, იქ, სადაც ოდესღაც კაცობრიობის სულიერი საგანძური ინახებოდა, გესტაპო მოათავსეს...

თვითმფრინავი ქალაქიდან ოც კილომეტრზე, დაღვოფის აეროდრომზე დაეშვა.

დაიწყო საბუთების შემოწმება. აღტაცებული შეხვედრები, ხმამაღალი შეძახილები, გამოკითხვები სამშობლოს, ახლობლების შესახებ, მოგონებები...

გრილა. ქარი წეწავს თეთრ თავსაფარს, თუჯის ქაბუჯის თეძოებზე რომ შემოუხვევიათ. ეს ათლეტის ქანდაკებაა, რომელიც ძალიან წააგავს ბუღას.

პირტიტველა წითელარმიელი გაოცებას გვატყობს და დარცხვენილი განმარტავს:

— ჩვენ შემოვახვეით ეს თავსაფარი. სანიტარიული ბატალიონის გოგოები დადიან აქ და უხერხულია.

პოლკოვნიკმა კარბენკომ თავისთან დაგვპატივთა ოლიმპიშეს-დორფში. გზატკეცილს ხეები შემოსჯარვია, როგორც ძელურა მო-კირწყლულ ხეივანს. აქაურობა სულ მწვანეშია ჩაფლული. საოკ-რად სუფთა გზებია. გზის პირას, აქა-იქ, დამსხვრეული მანქანა ან ტანკი გდია. გერმანელი ქალები და მოხუცები სტენდთან დამდგა-რან და გულდაგულ კითხულობენ სტალინის სიტყვებს: „ისტორი-ის გამოცდილება ცხადყოფს, რომ პიტლერელები მოდიან და მი-დიან. გერმანელი ხალხი, გერმანიის სახელმწიფო კი რჩება“.

ნალელიანი, ფიქრიანი სახე აქეთ. მხრებზე ფერადი ზურგჩანთე-ბი მოუგდიათ. სადღაც ეშურებიან.

უმრავლესობას საბავშვო ეტლებიც მიჰყავს, ოღონდ ბავშვების ნაცვლად მათში ათასგვარი გადასაცვლელი ხარახურა ყრია. ახლა გერმანელის წარმოდგენაც კი ჰირს ასეთი ეტლის გარეშე. ახალ-გაზრდა მამაკაცები არ ჩანან. ხოლო თუ რომელიმე მაინც გამო-ჩნდა. ან თვალი აკლია, ან ხელი, ანდა ფეხი.

დაწალიკებით მიმავალი ადამიანები. მშვიდად და საქმიანად გა-ნაგრძობენ ისინი თავიანთ გზას ფაშისტური რეჟიმის დროს გამო-მუშავებული ჩვეულებისამებრ.

ჩვენმა მძღოლმა პაპიროსის ნამწვი გადააგდო. კარგად ჩაცმულ-მა გერმანელმა მაშინვე აიღო იგი.

ოლიმპიშეს-დორფი. ის 1936 წელს აშენდა მსოფლიო ოლიმპი-ური ასპარეზობებისათვის. პიტლერი მისი აშენებისას რომის იმპე-რატორებს ბაძავდა.

ულაბური, ჩრდილოვანი პარკი რამდენიმე კილომეტრზე გადა-ჰქრძულა. ტანაწვართული ხეების ფოთლებზე დილის ნამი ბრწყი-ნავს, ჰაერში ნორჩი, ხასხასა ბალახის სუნი ტრიალებს.

ცაცხვებქვეშ, მდელოებზე, ახალი საფლავები და თოკებით სა-ხელდახლოდ შეკრული საცოდავი ჯვრები მოჩანს. მოპირდაპირე მხარეს კი ნგრევას გადარჩენილი ჰოსპიტალია. როგორც გვითხ-რეს, აქ გერმანელი ჯარისკაცები წვანან, ბერლინის უკანასკნელი დამცველები.

საავადმყოფოხთან ყავარჯნებზე შემდგარი ერთი გერმანელი ჯა-რისკაცი ჩვენსკენ ჯიქურ მოდის. ჩვენს წინ ჩერდება და მორცხვად პაპიროსს გვთხოვს.

-- გვებრძოდი? — ეკითხება კარბენკო და პაპიროსს უწვდის.

ჯარისკაცი გულმოდგინედ იფიცება, მთელი ომის განმავლობა-

ში უნგრეთში ვიმყოფებოდი, თოფი აღმოსავლეთისაკენ საერთოდ არც გამისვრიაო. ასე გამოდის, არც ერთ მათგანს არ უომია აღმოსავლეთის ფრონტზე. რას წარმოიდგენდა პიტლერი, რომ სულ რაღაც ცხრა წლის შემდეგ ამ ოლიმპიურ სოფელში საბჭოთა ოფიცრები იცხოვრებდნენ?

სალამოვდებოდა, როცა ქალაქში შევედი. ფართო გზის გასწვრივ ბებერი წაბლისა და ცაცხვის ხეები აღმართულან. ბომბებისაგან დანგრეული მონადირის სახლიც გამოჩნდა. იქვეა კაფეც. კაფეში მაგიდებსა და სკამებს შორის დამტვრეული კონტრაბასი გდია. წინ ექვსსართულიანი სახლის კედელი აჩაჩხულა, რომელსაც მთელ სიგანეზე გასდევს რეკლამა „ოსვალდი და კო“, — საუკეთესო ავეჯი შინ მიტანიო“. იწყება დიდი ბერლინი, უფრო სწორად ის, რასაც ოდესღაც ქალაქის გული ერქვა.

პირდაპირ, ქვის გალავანზე, გაუკრავთ უზარმაზარი ლოზუნგი: „კაპიტულაცია? — არასოდეს!“ და იქვეა საბჭოთა სარდლობის ბრძანება გერმანიის კაპიტულაციასთან დაკავშირებით.

ნანგრევები. მათი გროვის შუაში ნელა მიიზღაზნება შავი, ვიწრო, ბინაური მდინარე, რომელსაც ყველა ცნობარში შპრეეს სახელწოდებით იხსენიებენ.

ქალაქში ბინდი ჩამოწვა. ქარიც მოეშვა ბებერ ხეებს. ყოველივე ეს ქვებისა და აგურის ნამსხვრევებს შორისაა მოქცეული, მაინც სუფთა ქუჩები, სიჩუმე, გვერანება გვთრგუნავს ცივი სიპირქუშითა და აებედითი ღუმლით...



## 18. VI—1945 წ.

შარლოტენბურგის გზატკეცილის შუაში, ვარსკვლავის მოედანზე აღმართულა სამოცემეტრიანი გამარჯვების სვეტი. მდიდრული, მაგრამ საკმაოდ უგემოვნო ნაწარმოები.

მარცხენა მხარეს, რკინის კანცლერის ძეგლი დგას: „ბისმარკს მადლიერი გერმანელი ხალხისგან“.

მოედანზე კი, სადაც ჯერ კიდევ გუშინ საზეიმო მარშით დააბიჯებდნენ მოელვარე კასკებიანი „მსოფლიოს დამპყრობნი“, გასაუთებული ბერლინელი ძლივს მიათრევს ნაფოტებით დატვირთულ ურიკას. ერთ მოხუც ქალს ვეკითხებით: „გვითხარით, გეთაყვა, ბის-“

მარკის ძეგლი, ეს სვეტი და გამარჯვების ხეივანი ადრე ხომ რეიპ-სტაგის წინ იდგა?" ქალმა დანაოკებული სახე მოიწმინდა და ძლივს დაიჩიფჩიფა: „პიტლერის განკარგულებით ოცდათექვსმეტ წელს ყოველივე ეს აქ გადმოიტანეს. მან ასე ინება“. მძიმედ ამოიოხრა, კვლავ დაავლო ხელი ურიკას და სიბნელეს შეერია.

იქ, სადაც დიდებული ლიმუზინები დაქროდნენ და ადამიანს თვალს უბრმავებდა კაშკაშა სინათლე, სახლების უბადრუკი კედლებილა აღმართულა. ნაცრისფერ მტვერში გდია რკინის ძალაყინო.

უნტერდენ-ლინდენის—განთქმული წაბლის ხეებისაგან უბადრუკი, დანახშირებული კუნძებილა დარჩენილა. დამახინჯებული ბრანდებურგის ჭიშკარი შავი გუშავივით დგას სასახლეებისა და მუზეუმების უზარმაზარი სასაფლაოს შესასვლელთან. ცოტა რამ გადარჩენილა ლანგჰასის ამ ნაგებობისაგან, ძლივს გასარჩევია გვიანი კლასიციზმის დეტალები. იგი ასორმოცდაათ წელზე ოდნავ მეტ ხანს იდგა...

ორი კარგად ჩაცმული გერმანელი ქალი (არა-არა, მათ არ დავიწყებიათ, რომ დღეს შაბათია!) ნაგავში იქექება ხელმწიფის სასახლის წინ, რომლის კარიბჭეს პეწს აძლევენ და ამშვენებენ კლოდტის ცხენები, ნიკოლოზ პირველმა ვილჰელმ IV რომ მიუძღვნა... ვიგონებთ გმირ ლენინგრადს, მის განუმეორებელ სასახლეებს, დიდებულ ნევას. აქ ყველაფერი სულ სხვანაირადაა. ქალაქში ქვა ქვაზე არ დარჩენილა; მარტო კლოდტის ცხენები დგანან ხელუხლებლნი გერმანიის დედაქალაქის ნანგრევებს შორის...

დილაა. ღამით ეჩხელღაუდა. ცა ლაქვარღოვანია, კვირადღეა. გამვლლები სადღესასწაულოდ არიან შორთული. შავსათვალეებიან და ქოლგებიან გერმანელ ქალებს ვილჰელმის დროინდელი ვარცხნილობა ამშვენებთ. გერმანელ კაცებს თავზე მოძველებული, მაგრამ საოცრად სუფთა შლაპები ახურავთ. უნტერ-დენ ლინდერნზე დასეირნობენ ქალიშვილები იისფერი ტუჩებით (სიახლეა!), მოდური ვარცხნილობა ამშვენებთ და მამაკაცის შარვლები აცვიათ (აბა ხომ არ უნდა გადაავდონ ქმრების ტანსაცმელი).

ბერლინის მკვიდრ ხანშიშესულ ინტელიგენტ ქალს გამოველაპარაკეთ. „უარესი გვეკუთვნის! — ამბობს იგი. — ყველანი თით-



ქოს გაგიყდნენო, ბრმად ემორჩილებოდნენ იმ გადარეულს. ან ებრაელები რისთვის ამოელიტეს? აი მე, მაგალითად, როგორც ბევრ სხვას, შემოპთავაზეს ჩეხოსლოვაკიაში დაესახლებულიყავი, მომცეს იქ მიწის ნაკვეთი, სახლი, ყველაფერი, რაც მეურნეობის გაძღოლისთვისაა საჭირო. მაგრამ მოვიდნენ ჩეხები და დავრჩი მიუსაფარი, უსახლკარო. არც ოჯახი მაქვს, არც ქმარი მყავს, არც შვილები, რაც მაცვია, იმის მეტი არაფერი მამადაია“.

სხვანაირად მსჯელობდა ზარაფხანის მოხუცი ოსტატი. მას კონტად ეცვა, ტრადიციული პენსნე, შავი ქალსტუხი და გახამებული საყელო ჰქონდა, ხელჯონის კაკუნით მშვიდად დააბიჯებდა გამარჯვების მოედანზე. მის გულგრილ გამოხედვაში დროდადრო, ალბათ, მისთვისაც მოულოდნელად გამოკრთოდა იღუმალი წუხილი და გულგატეხილობა, როცა გამოველაპარაკეთ, გრძნობებს ვერ მოყრია.

— ნეტა რას ფიქრობდა პიტლერი! კიუსტრინის დაცემისთანავე უნდა მოეხდინა კაპიტულაცია. გერმანელებს ყველაზე დიდი უბედურება მან დაატეხა თავს.

გაოცებული ვართ! რატომ აღუმართავთ ამდენი ძეგლი სამხედროებისათვის! სადღაა შილერის, ჰაინეს, გოეთეს ძეგლები... ჩვეხს თანამოსაუბრეს სახე მწარე ღიმილმა მოუღრიცა:

— ჰაინეს ქანდაკება ნამსხვრევებად აქციეს, მისი წიგნები კი, უნივერსიტეტის წინ დაწვეს. დიდი ჰირი გვკვირდა, გაცოფებული ბრბო მძვინვარებდა ქუჩებში. კოცონების გარშემო სტუდენტები ხმისჩახლეჩამდე გაიძახოდნენ: „ჰაილ, პიტლერი!“... წიგნები კი იწვოდა. ვინ იფიქრებდა, რომ ბერლინს სულ მალე სხვა ბედი ელოდა — ხანძრები, ნგრევა... ჩვენ ძალიან გვიჭირს. მაგრამ როგორი ასატანი უნდა ყოფილიყო ის მძიმე წლები, რასაც რუსეთმა გაუძლო. თუქცა ეს გასაგებიცაა. რუსები უფრო ფართოდ, ღრმად უყურებენ ცხოვრებას, ცდილობენ ჩასწვდნენ მის პერსპექტივას, ჩვენ კი უფრო შეზღუდული პერსპექტივა გვაქვს, მხოლოდ იმაზე ვფიქრობთ, თვითონ ვიცხოვროთ კარგად, კომფორტულად; ხელისუფლების სათავეში ფაშისტების ჩადგომის შემდეგ, ფიქრიც არ გვინდოდა, რომ არსებობენ სხვა ერები, სახელმწიფოები...

თეატრალური მოედანი. საიმპერიო თეატრის ბრწყინვალე შენობა და სიმეტრიულად განლაგებული ეკლესიები შესანიშნავი არქიტექტურულ ანსამბლს ქმნიან. თუმცა ახლა ამ შენობებისაგან მხოლოდ კოლოფებიღა დარჩენილა, მაგრამ ქვის ენამ, რომელიც ხუროთმოძღვრის ნებასა და ხელოვნებას მორჩილდება, ამ ნანგრევებითაც მოგვაჯადოვა.

ვილაც ორი კაცი ამასობაში ჩვენს „ლაიკას“ გულმოდგინედ ათვალეყრებდნენ და მოწონების ნიშნად თავს იქნევდნენ. ფრიდრიხ-შტრასელი ფოტოგრაფები აღმოჩნდნენ. ტომრებით მიჰქონდათ შინ ნანგრევებში მოგროვილი ნაფოტები. მათ კიდევ ორი შეუერთდა — საბაყლო მალაზიის ყოფილი მეპატრონეები, — ცოლ-ქმარი, ისინი ერთმანეთს არ აცლიან, რათა აგვიწერონ როგორ ანგრევდნენ ქალაქს ამერიკული ცეცხლგამჩენი ბომბები.

„ — მათ თავს ვერსად დააღწევი. იანკები დღეში ორჯერ მოუჩინავდნენ, მუდამ ერთსა და იმავე დროს. ინგლისელები მეტწილად ფუგასურ ბომბებს ყრიდნენ. მაგრამ წარმოიდგინეთ, პატარა „ცეცხლგამჩენებმა“ ბევრად უფრო დაგვაზარალეს“.

ქალთმიანი გერმანელი ქალი წუწუნებს და პენსიდან გამომცდელად გვიყურებს.

— წარმოგიდგენიათ, ჩვენ გვაიძულებენ გავასუფთავოთ ქალაქი ამ ნანგრევებისაგან. სიამოვნებით გადავიდოდი რომელიმე პატარა ქალაქში, ვიცხოვრებდი იქ, ბუნების წიაღში. გვაკლია ცხიმი, კარაქი. გაჭირდა ცხოვრება! წარმოგიდგენიათ, ჩემს ქალიშვილს — ის კონსერვატორიაში სწავლობს, — საკრავი არ შერჩა, პიანინო დაბომბვის დროს დაიმსხვრა.

ჩვენ კი ბოლმით ვიგონებთ, რამდენ ხანს იძროდა მიწა კიევის მახლობლად, ფაშისტებმა ცოცხლად რომ დამარხეს უდანაშაულო ადამიანები; ვიგონებთ სულსახუთავებსა და სახრჩობელებს, დანგრეულ სასახლეებს, გაძარცულ ქალაქებს. ვიგონებთ დამშეულ ლენინგრადელებს, მილიონობით ჩვენს ადამიანებს, რომლებიც მონობისათვის გამორეკეს გერმანიაში.

21. VI. 1945 წ.

ერთბაშად ყურადღება იტალიისა და იაპონიის საელჩოებს მი-  
ვაქციეთ. საოცარია, — შენობები თითქმის გადარჩენილან. ამ ორი  
სასახლის ორიგინალური, ნატიფი არქიტექტურის ცქერით ვტკბე-  
ბოდით, როცა ახლოს ორი იტალიელი გაჩერდა. ისინი მუსიკოსები  
აღმოჩნდნენ. აი უკვე მერამდენე წელიწადია აქაური ვარიეტეს  
ორკესტრში უკრავდნენ.

— რაიჰსკანცელარია თუ ნახეთ?.. ან ავიაციის სამინისტრო? —  
გვეკითხებიან ისინი, — აი ის ოქროცურვილი არწივებით დამშვენე-  
ბული ნაცრისფერი შენობები. სწორედ ეს არის „ახალი გერმანიის“  
არქიტექტურა. მათ არქიტექტურაშიც შეიტანეს უხეში და პირქუში  
სტილი. მადლობა ღმერთს, ყოველივე ამას ბოლო მოეღო. რუსებმა  
მოიგეთ ომი. თქვენ რომ არა, მსოფლიოს დიდხანს უნდა ეთმინა  
საზიზღარი ფაშიზმი.

ფრიდრიხშტრასე — აღრე ქალაქის საქმიანი და სავაჭრო ნაწი-  
ლი. სამკილომეტრიან ქუჩაზე არც ერთი შენობა არ გადარჩენილა.  
მხოლოდ ერთ ადგილას ნანგრევებს შორის სასწაულად გადარჩე-  
ნილა ერთადერთი ბინა მეორე საართულზე და შიგ ადამიანები  
ცხოვრობენ.

ბერლინი გრანდიოზულობის პრეტენზიით აშენდა. მაგრამ მდიდ-  
რული იერი დროდადრო პომპეზურობაში გადადის, რასაც კიდევ  
უფრო აღრმავებს ათასგვარი ფრიდრიხებისა და ვილჰელმების  
ძეგლები. ომის თემა არა მარტო ქანდაკებებშია ხორცშესხმული,  
არამედ არქიტექტურაშიც ბარაქიანად შეჭრილა. ქალაქის მძიმე,  
მედიდურ, პრეტენზიულ იერსახეში საუკეთესოდაა გადმოცემული  
ძველი პრუსიელების მტაცებლური, აგრესიული არსი.

გამარჯვების ძეგლის კენწეროზე ავდივართ. უზარმაზარი, დან-  
გრეული ქალაქის საშინელი ხედი იშლება. ლაევარდოვან ცაზე  
თეთრი ღრუბლები მიცურავენ. ცაში აჭრილა ვიქტორიას რვამეტ-  
რიანი ბრინჯაოს ფიგურა, რომელიც თითქოსდა თავის სვეტს სუ-  
ლაც მოსწყვეტია: გამარჯვების მქროლავი ქალღმერთი ოქროსდრად  
იწვის ცისა და თეთრი ღრუბლების მომხიბვლელ ფონზე. ეს სვეტი  
გერმანელებმა მეცხრამეტე საუკუნის დამლევეს აღმართეს საფრან-  
გეთზე გამარჯვების აღსანიშნავად. ახლა კი იგი ორაზროვნად გამო-

იყურება. მასზე საფრანგეთის დროშა ფრიალებს და მწარე სარკაზმად ეღერს კვარცხლბეკზე გამოყვანილი წარწერა:

„ძღვეამოსილ მხედრობას მადლიერი სამშობლოსაგან“.

ტირგარტენი ორას ორმოცდაათ ჰექტარზე გადაჭიმულა გამარჯვების ძეგლის ორივე მხარეს. ალბათ, ომის წინ ის ჯერ კიდევ ინარჩუნებდა ტყის იერსახეს. ახლა ხეები დანახშირებულია, დამსხვრეულა, წაქცეულა, ბევრი ფესვიანად ამოუგდიათ. ყოველ ნაბიჯზე ყრია ნახევრად დამწვარი ტანკები, ავტომანქანები, რომლებსაც ეანგის მუჭი ლაქები ატყვია. წარსულში ტირგარტენი ბერლინელთა საყვარელი ადგილი ყოფილა. პარკში მხედართმთავართა უამრავი ძეგლი აღუმართავთ, მხოლოდ ერთ კუთხეში გადაუხვევიათ წესისაგან — აქ ბეთჰოვენის, მოცარტის, ჰაიდნის ძეგლები დგანან. სამი გენიოსი ერთ კვარცხლბეკზე მოთავსებულია. თითქოს მოქანდაკეს შეშინებია მუსიკის ღმერთებმა ზედმეტი ადგილი არ დაიკაონ ამ პარკ-ყაზარმაშიო.

გამარჯვების პარკი, რომელიც პრუსიელი და ბრანდერბურგელი დამპყრობლების ქანდაკებებს გაუვსია, — უგემოვნოდ, უნიჰოდ არის შექმნილი. ის ყველაზე მდარე ობიექტულურ გემოვნებას თუ დააკმაყოფილებს. ხეივანში სეირნობისას განსაკუთრებული სიმძაფრით გესმის სახელწოდება „ტირგარტენის“ აზრი.

დღეს კვირადღეა და ყველგან განსაკუთრებით ბევრი „ექსკურსანტია“. ისმის გარმონის ხმა. წითელარმიელი რეიჰსტაგთან ხალისიანად მღერის „კატიუშას“ მარტივ მელოდიას. მებრძოლეები აქ მთელი დღით მოსულან, თავიანთ საველე სამზარეულოთი, — უნდათ სამუდამოდ აღიბეჭდონ მეხსიერებაში რაიჰსტაგის დანახშირებული, გაშაგებული კედლები, რომლებზეც აღმართულმა გამარჯვების დროშამ მსოფლიოს აუწყა ფაშიზმის დამარცხება. ისინი ამ კედლებთან სურათებს იღებენ შვილებისა და შვილიშვილებისათვის. რაიჰსტაგის კედლები ჩვენი მებრძოლებისა და მეთაურების გვარებითაა დაფარული. აქ ხომ სულ ახლახან ჰიტლერი და მისი ხროვა მსოფლიოს ბედ-იღბალს წყვეტდნენ. ახლა კი თავი მოუყრიათ ჩვენი ქვეყნის ყველა კუთხის წარმომადგენლებს. სწორედ მათ უჩვენეს მთელ მსოფლიოს საბჭოთა იარაღის ძალა და მეომრული სიმამაცე...

შედარებისათვის ომამდელი ბერლინის ფოტოსურათებს ვაპალიერებთ. აქ იყო ქალაქის ყველაზე ბრწყინვალე ნაწილი. სტე-

რილური სისუფთავე რაღაც უსიამო განწყობილებას აღგვიძრავს. უამრავი შადრევანია და სარკესავით კამკამა ტბორი, ვაგზალი, სურნელოვანი ვარდების ბუჩქები. რაიპსტაგის მონუმენტური შენობა, თეატრები, ვაგზალი ხშირ ტყეშია ჩაფლული. ტირგარტენის განაპირას ბერლინელი მდიდრების დიდებული სახლები დგას. მათ კი გარს უვლის ვერცხლისფრად დაკლავნილი მდინარე შპრეე. ახლა, როცა ვუყურებთ ქვისა და აგურის ნამსხვრევებს, დაბრეცილ რკინას, ნაგავს, ჟანგისგან წაბლისფრადქცეულ დამსხვრეულ ტექნიკას და საცოდავ წაქცეულ ხეებს, რაიპსტაგის დანახშირებულ კედლებს, შპრეეში ჩაქცეულ ხიდებს, დანგრეულ ვაგზალსა და გადამწვარ სახლებს, ძნელი დასაჯერებელია, ნანგრევების ეს ხროვა ადრე ქალაქის იერსა და პეწს რომ ჰქმნიდა.

სასახლის ხილით, რომელზეც მარმარილოს რვა ფიგურა აღმართულა, ხელმწიფის მოედანზე გავდივართ. აქ, გერმანელი პრინციებისა და მმართველების სამსახურად მთელი ბერძნული მითოლოგიისთვის მოუხშიათ.

ძველი და ახალი მუზეუმის მშვენიერი არქიტექტურული ანსამბლი და ეროვნული გალერეა; აქ ყველაფერი გადარჩენილია. დღესაც ახარებს თვალს კაულბახის შესანიშნავი მოხატულობა. ეროვნული გალერეის ფასადთან „მიჯაჭვული პრომეთესა“ და „ამური-სა და ფსიქეას“ მარმარილოს ჩინებული ასლები. აქვეა გოეთეს წაქცეული ძეგლი, ტირგარტენიდან ფრთხილად რომ გადმოიტანეს მებრძოლებმა. მთელ ამ ფასეულობას იცავს გუშაგი, რომელიც შორეული ყაზახეთის მკვიდრია.

კარები აქედილია. ეროვნულ გალერეაში ფანჯრიდან ძლივს შევედით. პირველ დარბაზში ინახებოდა მარმარილოს ორიგინალები და ასლები. მაგრამ ცენტრალური დარბაზის სახურავი ბომბს დაუნგრევია, ნანგრევებს ქვეშ ჩამარხულა შესანიშნავი ქანდაკებები და არქიტექტურის ქმნილებანი. ძლივს გადავქვერით ნანგრევებზე, რათა მომდევნო დარბაზში მოვხვედრილიყავით, მაგრამ იქ გალერეის დარაჯმა, მოხუცმა გერმანელმა და მისმა მეუღლემ, პუდელი მოგვისია.

ვეცადეთ განვემარტა მათთვის, გალერეის დათვალიერება რომ გვინდოდა და მეტი არაფერი, ისედაც ხომ ცხადი იყო, როგორაც არ უნდა მოვევნიდომებინა, ვერაფრით ვერ მოვახერხებდით უზარმაზარი მარმარილოს ფიგურების აქედან გატაცებას. მაინც კომენ-

დატურაში გვიკრეს თავი. საბჭოთა ოფიცერმა საქმის ვითარება რომ გაიგო, შენობის დათვალიერების ნება დაგვრთო. დარაჯი და მისი ცოლიც მაშინვე დაშოშმინდნენ, გაიღიმეს, ასე განსაჯეთ, ძალიც კი ხალისიანად მოჰყვა კულის ქიციანს.

ხელმწიფის სასახლის მაღალი ჰიშვარი მორიგემ — იაროსლაველმა კორფლიანმა ჰაბუკმა გაგვიღო. ეზოში ბლომად ეყარა დამსხვრეული მანქანები, ტანკები, ქვემეხები, ტყვიამფრქვევები. შიგადაშიგ დაფხრეწილი მუნღირები, დამტვრეული კასკები, ფეხსაცმელები, გასისხლიანებული პერანგები, ბუმბულგამოყრილი ბაღოშები... აქ გერმანელთა ჰოსპიტალი იყო. დაიწვა განთქმული მარმარილოს (სატახტო) დარბაზი, მუზეუმის ექსპონატები მიყრილმოყრილია. მაგიდაზე გდია ტყავის ძველი ჩანთა, მისგან მშვილდისრებს ამოუჩრიათ თავი. ასეთი მშვილდებით ძველი გერმანელები ისრებს უშენდნენ რომაელ მხატვართა ჩინებულ ქმნილებებს.

დანგრეულ ბერლინში ტრანსპორტი მაინც ახერხებს და ნორმალურად მუშაობს. მეტრო დიდ სიღრმეზე არ არის, მიწისქვეშა ტრანსპორტში თვალთან თითს ვერ მიიტან, ყველგან სინესტე და ტალახია. ბევრგან გვირაბები ბომბს დაუწვრევია და ახლა ბერლინელები მუშაობენ, რათა პირდაღებული ორმოები ამოავსონ.

ბევრ უბანზე მეტროს მატარებლები ესტაკადით მიემართებიან ღია ცის ქვეშ. გასვლისას უკანვე გამოგვართვეს ბილეთები: რამდენჯერმე ყიდიან, ქალაღდს ზოგავენ. ტრამეის პატარა ყვითელი ვაგონები, უზარმაზარი-ორსართულიანი ავტობუსები ცოტაა და მეტროს მთელ სიგრძეზე როდი მუშაობენ — ასეა თუ ისეა, თავის საქმეს მაინც აკეთებენ.

შეყვარებულთა წყვილმა — რომლებიც ველოსიპედით მიდიოდნენ, — აგვიხსნეს, როგორ უნდა გვევლო თეატრ „რენესანსამდე“. როგორ ჩანს, ცხოვრება მაინც თავისი გზით მიდის, სიყვარულს ნანგრევები სულაც არ უშლის ხელს. ქალაქის საზღვრებს მიღმა, ნახევრად დანგრეულ შენობაში რალაც სასწაულით თეატრ „რენესანსის“ მაყურებელთა დარბაზი და სცენა გადარჩენილა. უბილეთოდ შეგვიშვეს, თან ძალზე თავაზიანად და პარტერში დავგვსვენ, მიდიოდა სპექტაკლი „საბინიელ ქალთა მოტაცება“. საზოგადოება ხარხარებდა, თუმცა სცენაზე მაინცდამაინც არაფერი ხდებოდა სასაცილო. სპექტაკლს სულაც არ ეტყობოდა რეჟისორის ხელი.

ვეელაფერი ძველმოდურად განიყურებოდა, მაგრამ 'სახიობებზე  
კარგად თამაშობდნენ.

•

22. VI. 1945 წ.

გამვლელს უნებურად აჩერებს ჭრვლა-ჭრულა, კვირაღა რეკ-  
ლამა:

„ყურადღება! გაიხსნა ვარიეტე „დემინა“. უკრავს საუკეთესო  
იტალიური ჯაზი და მსწრეებს მოეშახურება სანთი ღამაზმან-  
ისი ცეკვები! შესვლა ნებადართულია მხოლოდ მოკავშირეთა აზი-  
ების ოფიცრებისათვის!“

-- რას იტყვი, „დემინაზე“ ხომ არ წავსულიყავით? — ვეკითხე-  
ბი მეგობარს.

— რა თქმა უნდა, თვალი მაინც შევავლოთ სამოც ღამაზმანს! —  
ამბობს ვოლკოვი.

ფრიდრიხ შტრაასეს მახლობლად, ვიწრო ქუჩაზე, მოთავსებულია  
ამჟამად ბერლინში ერთადერთი, სახელდასხვოდ შეკეთებული  
კაფე. შესასვლელთან სხედასახე მარკის უამრავი ავტომატქანა  
დგას, მაგრამ მაინც ყველაზე მეტი ს. მშედრო „ვილასია“. ჩვენი  
„ოპელ-კაპიტანიც“ იქვე დავაყენეთ, მანქანიდან გადმოვიდით და  
ის იყო კარს მივუახლოვდით, რომ თვალი ცინცხალ. სულ ახალა-  
ახალ ლიმუზინისაკენ გაგვექცა. მანქანა იქვე გვირდით მკვეთრად  
დამუხრუჭდა, ლიმუზინის კარი გაიღო და იქიდან ღამაზი ქალიშ-  
ვილი და ტანადი ვაჟკაცი გადმოვიდა, რომელსაც კარგად შევერა-  
ლი ნაცრისფერი კოსტიუმი ეცვა.

ქალიშვილმა თვალი მომტაცა. მომეჩვენა, თითქოს მისი საზე-  
მულამ თან მღეგდა — ბავშვობიდან ახლოს ვიცნობდი და არც არას-  
დროს გავშორებდით ერთმანეთს. ის დილის მზესავით მშვენიერა-  
იყო, კაბაც კარგი ეცვა — შოტლანდიური ქსოვილისგან სპორტუ-  
ლად შეკერილი.

ღიმილით სახეგაბადრულები ნელა შევიდნენ კაფეში. ვერა-  
ფერს იტყობდი, ღირსეული წყვილი იყო.

ქანდაკებასავით გაშვებული ვიდექი, სანამ ვოლკოვის მზი-  
არულმა ხმამ არ გამომაფხიზლა:

— რა იყო, ბიჭუნო, სიყვარულის ცეცხლი ხომ არ მოგედო? თანაც ვისი...

— ჩვენები არიან, ვასია!

— საიდან იცი?

— მომკალი, თუ ასე არ იყოს. არა, უნდა გავიცნო, წავიდეთ!

და აი კაფეში ვართ. ლამაზმანი აქ სწორედ სამოციას ვარიეტეს მთავარი მისატყუარი — ყოფილი მოცეკვავეები, კინომსახიობებო, მომღერლები, მანეკნები, კაფე-შანტანის ქალიშვილები; გაჭირვებამ გამოიყვანა ისინი სარდაფებიდან და ნანგრევებიდან. ზოგი დახლთან დგას, სხვები წყლის ჩამორიგებით არიან გართული, ზოგი ზის და თავისი ლაპარაკით ართობს სტუმრებს, ზოგიც ცეკვავს...

უკრავს იტალიური ჯაზი. სტუმრებს წინ მყავე ლუდით სავსე ჭიქები უდგათ. ათ კვადრატულ მეტრ ფართობზე თხუთმეტამდე წყვილი ახერხებს ცეკვას. ხანშიშესული, ხმელ-ხმელი ფრაუ აცხადებს, რომ საბჭოთა ოფიცრებისთვის მოეწყობა დივერტისმენტი. ვაი რომ ეს დივერტისმენტი მეტად უბადრუკი სანახაობაა, თუმცა საზოგადოება აღტაცებულია. ათი წლის გოგონა, რომელსაც მსუბუქი კვართი აცვია, უშნოდ ცეკვავს შოპენის ვალსს. ჩასუკებული, თითქმის შისვლილი მოცეკვავე ქალი ჭიქით ხელში რაღაცის გამოხატვას აპირებს — ეტყობა, ეს გამარჯვების ცეკვაა. ფინალში კი სიურპრიზი: „რუსული ცეკვები“, თუმცა მათთვის ისეთივე წარმატებით შეიძლებოდა ზანზიბარული ეწოდებინათ. აბა როგორ არ დაგწყდება გული!

და უეცრად ვპოულობ მას, ვისაც ვეძებდი. გული კვლავ სიხარულით მევესება. ჩემი მღელვარება ვოლკოვს შეუმჩნეველი არ დარჩენია.

— მომისმინეთ, არჩილ, ჩურჩულით მეუბნება, — საცეკვაოდ დაპატიჟე. — საუკეთესო საშუალებაა გაცნობისათვის.

— მერე, შენ არ გეწყინება, მარტო რომ დაგტოვო?

— მე რა, ქალიშვილი ხომ არა ვარ? შევხედავ, როგორი წყვილი ხართ?

მე გაუბედავად ავდექი, მღელვარებას ძლივს ვიკავებდი. მთელი დარბაზი ნერვულად გავიარე. ქალიშვილი და მისი თანამგზავრი გვერდიგვერდ ისხდნენ და ჩალის ღეროთი მაღალი ჭიქებიდან რაღაც კოკტეილის მაგვარს წრუპავდნენ.



— ნება მიბოძეთ, — გაუბეღავად მივმართე ქალიშვილს და გავწითლდი. — ნება მიბოძეთ საცეკვაოდ გაგიწვიოთ.

მან ღიმილით შემომხედა. მე იგივე ახლა გერმანულად გავუშე-ორე.

— ნებართვა კავალერს სთხოვეთ, — სუფთა გერმანულ ენაზე მიპასუხა.

— რა საჭიროა ამდენი თავპატიეი, — რუსულად წარმოთქვა ყმაწვილმა, — განა ვერ ხედავ? ჩვენიანია.

— რა ვიცი, იქნებ იტალიელია ან უნგრელი, — გერმანულად უპასუხა ქალიშვილმა.

— სანაძღვოს ჩამოვდივარ, კავკასიელია, ქართველს ჰგავს, ხომ ასეა, ამხანაგო? — მომმართა მან.

— მართალი ბრძანდებით... ნება მიბოძეთ, გაგეცნოთ, არჩილ არენდაული საინჟინრო ჯარების მაიორი.

— ავიაციის პოლკოვნიკი ჩერნოვი, — იგი წამოდგა და ხელი გამომიწოდა.

ვცეკვავდით ძალდაუტანებლად და მსუბუქად, ასე მეგონა, ჩემი სამშობლოს საუკეთესო სიმღერას ვისმენ-მეთქი. ვგრძნობდი, რომ გვიყურებდნენ. ზოგჯერ გამოჩნდებოდა ჩერნოვის ცნობისმოყვარე მზერა, ანდა კიდევ ვოლკოვის ღიმილდაფენილი სახე.

— მაშ უცხოელი გეგონეთ?

— სრულებითაც არა. გულმა მაშინვე მიგრძნო, რომ მოსკოვიდან იყავით ჩამოსული, თანაც შესასვლელთან სამედიცინო სამსახურის მაიორთან ერთად იდექით.

აი თურმე რა, მასაც შევეუნიშნევარ, მაგრამ არ კი იმჩნევდა...

— დინა... ჩერნოვა ბრძანდებით? — ვკითხე და სანამ მიპასუხებდა, მეგონა სადაცაა გული ბუდიდან ამომივარდება-მეთქი.

— არა, მე სეროვა ვარ! — მიპასუხა მან.

— თქვენი თანამგზავრი ვინლაა?

— რა ცნობისმოყვარე ხართ... ეს კარგს არაფერს მოგიტანთ.

— ძალიან მომწონხართ, დინა... მართალი გითხრათ, არავინ არასდროს ასე ახლოს არ მოსულა ჩემს გულთან.

ქალიშვილი დუმდა.

— ვიყოთ მეგობრები, კარგი?.. ხვალ პოტსდამში მივემგზავრე-

ბით. იქნებ თქვენც წამოსულიყავით? — მან ლამაზი ტუჩები გასსნა და მარმარილოსებური კბილები გამოაჩინა.

— დიდი სიამოვნებით.

პოტსდამი ქალაქიდან ოცდახუთ კილომეტრზეა, მაგრამ მოკვეშირეთა ავიაციას იქაც კარგად უმუშავია. ხელმწიფის საზაფხულო რეზიდენცია ნანგრევებადაა ქცეული, პოტსდამის საუკეთესო პარკში აღმართული შენობებიც ბომბებს დაუზიანებია, მარტო სან-სუსის სასახლე დგას ხელუხლებელი, მაგრამ ყველა ეს უზარმაზარი შენობა ვერა და ვერ შეედრება პეტერგოფის სასახლეებს. ვერც პავლეს სასახლეს გატჩინაში, ფაშისტებმა რომ დაანგრის. წმინდა ნიკოლოზის ეკლესიას ვეწვიეთ, სადაც პინდენტურგმა ხელისუფლებამ პეროსტატეს დიდებით თავბრუდასვეულ პიტლერს გადასცა.

ვერ იქნა და ვერ მოვახერხე დინასთან მარტო დავრჩენილიყავი, გამოვლაპარაკებოდი. ჩერნოვი კი შესანიშნავი ახალგაზრდა გამოდგა — ძალიან დავმეგობრდით, ბევრი რამ აღმოგვაჩნდა საერთო.

ოლიმპიეს-დორფში კარპენკოსთან სადილი, საუკეთესო ფრანგული ღვინოები და ფრენბურთის მოედანი გველოდებოდა. დინა გამოცდილი სპორტსმენივით თამაშობდა. გამოთხოვებისას დინას და ჩერნოვს შევეუთანხმდი, რომ დაახლოებით ერთი კვირის შემდეგ ერთმანეთს პრალაში შევხვდებოდით.

## 25. VI. 1945 წ.

გაზეთში ვკითხულობთ განცხადებას: ხანშიშესული გერმანელი ქალი ქუჩაში გარდაიცვალა. ეძებენ ნათესავენს. მაგრამ ეს განცხადება სულ გადაგვაფიქვდა, როცა ქალაქიდან გასვლისას საკონცენტრაციო ბანაკი შევნიშნეთ. ნაცრისფერ, პირქუშ ყაზარმებს 7 მწკრივად აქვს შემოვლებული მავთულხლართები, ამ ცოდვილ მიწაზე ათასობით აღამიანი იტანჭებოდა და იხოცებოდა. გაჩაღებული იყო მონებით ვაჭრობა და ათასიდან ერთს იქნებ მოეხერხებინა გაქცევა, გადარჩენა. ახლა კი, რალაც იღბლად ცოცხლად დარჩენილები, შინ ბრუნდებიან.

მაგრამ ჩვენ ვნაბთ სხვა აღამიანებიც — ისინი დაწალიკებულნი უხმოდ მიაბიჯებდნენ თავჩალუნულნი. რცხენოდათ თავიანთი სულ-

მოკლეობისა, ეწინააღმდეგება... ეს ისინი იყვნენ, ვინც სამშობლოს უღალატა.

ავტოსტრადა ბერლინ-დრეზდენი ფართო, ლარიჯით სწორად გადაჭიმულა ტყეებსა და მდინარეებს შორის. მეტწილად დასაბნელებული პუნქტებიდან მოშორებით მიემართება. ამიტომაც მასზე მგზავრობა ცოტა არ იყოს მოსაწყენია, მაგრამ თვით გზატკეცილი საინჟინრო ხელოვნების შედეგია. შუა ავტოსტრადაზე ხეები აღმართულან, ხოლო ორივე მხარეს — ფართო უზადოდ მოასფალტებული გზაა.

ბუნება ამ ადგილებში მეტად ერთფეროვანია. გერმანული ლანდშაფტი არ არის მოკლებული თავისებურებას, მშვიდ სილამაზეს; წიწვიანი ტყეები, გუბეები, ტბები, არხები, თუმცა მიწის ყოველი ვარგისი ნაკვეთი დამუშავებულია, მაგრამ, ყველაფერზე ეტყობა, რომ აქაური მიწები მწირია. გზაზე კვლავ გვხვდებიან ოთხთავალაში შემბული გერმანელები. ზურგჩანთებიანი მოხუცები, დაღლილი ქალები, მშვიდად რომ მიაგორებენ საბავშვო ეტლებს, ქალიშვილები ველოსიპედებით მიდიან. კოსტად აცვიათ, მაგრამ ნაღვლიანი და სასოწარკვეთილი სახე აქვთ. ბერლინისკენ მიიჩქარიან, ადამიანთა კოლონას ბოლო არ უჩანს! თითქოს მთელი გერმანია აყრილა და ძნელ გზას დასდგომია. ზოგი ფეხით მიჩლახუნებს, ზოგიც ბორბლებზე შემდგარა. ყოველივე ეს ხალხთა დიდ გადასახლებას წაავსებს.

გზატკეცილის განაპირას დიდძალი დამსხვრეული სამხედრო ტექნიკა ყრია. დაბრეცილი ქვემეხები, ტანკები, თვითმფრინავები. რკინის სასაფლაო კილომეტრობით გზაზეა გადაჭიმული. ჩანს, აქ გაცხარებული ბრძოლები ყოფილა.

სამხედრო ტექნიკის სასაფლაო დამთავრდა თუ არა, გზაზე ქვეითთა უსასრულო მწკრივი გამოჩნდა. ესენი ტყვედ წაყვანილი საბჭოთა ადამიანები არიან, რომლებიც ახლა გადასაგზავნ პუნქტებში საკენ მიემართებიან. სამშობლოში უნდა დაბრუნდნენ. ახალგაზრდები არიან. კიეველები, ხარკოვისა და ოდესის ოლქელი, ბელორუსი და ბალტიისპირელი, ჩრდილოეთ კავკასიელი, ლენინგრადის ოლქელი და ყირიმელი ქალიშვილები და ქაბუკები... რა არ ნახეს მათ, რა არ გამოსცადეს ან, ვინ იცის, შინ რა დახვდებათ: იქნებ გადაბუგული სახლი ელოდებათ. გერმანელების მიერ წამებით მო-

ლული დედ-მამის საფლავი. მაინც მსიარული, ბედნიერი თვალებით მოგვაცილებენ, თავსაფრებს, ცხვირსახოცებს გვიქნევენ.

დაბა ლუკაუსთან გზატკეცილიდან გადაუხვიეთ, ჩემს თბილისელ მეგობართან — პოლკოვნიკ სერგო კაირაზიანთან წავედით სტუმრად.

ჩვენს წინაშე გადაიშალა ტიპიური გერმანული სოფელი, ერთ-ფეროვანი პატარა მალასასურაიანი კოტეჯები. რომანულ სტილში ნაგები ეკლესია, გავერანებული ტბორი, ბალი, სიმწვანეში ჩაფლული სახლები, — ნამდვილი საშობაო სურათის ხედია.

მე და პოლკოვნიკმა ძალიან გავიხარეთ ერთმანეთის ნახვით. მან ომის მთელი ჯოჯოხეთი გამოიარა. მკერდს საბჭოთა ორდენების გარდა საზღვარგარეთული ჭილდოებიც უმშვეენებს. საუბარი თბილისიდან ჩვენამდე მოღწეულმა რადიოგადაცემამ გაგვაწყვეტინა. მღეროდა მარო თარხნიშვილის გუნდი. გრძნობა მოგვერია, სტუმარიცა და მასპინძელიც, ორივენი ავტირდით.

პოლკოვნიკმა დაწერილებით გვიამბო თუ რა დიდი მსხვერპლი გაიღეს მისი ნაწილის მეზობლებმა და ოფიცრებმა დღეს ესოდენ მშვიდ დაბა ლუკაუმდე რომ მოელწიათ. მეომრები ხანგრძლივად იწვნენ წყლით სავსე სანგრებში ფაშისტების გრიგალისებური ცეცხლის ქვეშ. ჰქონდათ ერთადერთი მიზანი, რაც შეიძლება მალე დაედგათ ფეხი მტრის მიწაზე, მის ბუნაგშივე გაენადგურებინათ ფაშიზმი.

დილით ლუკაუ დავეტოვეთ.

27. VI. 1945.

დრეზდენი ერთ ღამეში დაანგრიეს ამერიკის ბომბდამშენებმა, იმ დროს როცა საბჭოთა არმია ქალაქის კარიბჭესთან იდგა. ამბობენ, ორასორმოცდაათი ათასი მშვიდობიანი მცხოვრები ემსხვერპლა იმ ღამეს.

ელბის პირას მდებარე საქსონიის დედაქალაქს სამართლიანად უწოდებდნენ გერმანიის ფლორენციას. ის დამანგრეველი დაბომბვის შემდეგაც ვვატყვევებს თავისი დიდებული გუმბათებითა და კოშკებით. აქ ბუნება და ადამიანი გაჯიბრებიან ერთმანეთს. არქიტექტორებს მოუხერხებიათ შენობათა ჰარმონიული შერწყმა ბუნებასთან. წყალს, მწვანე მცენარეულობასა და მთებს შორის აღ-

მართულან ადამიანის გენიის შესანიშნავი ქმნილებანი. უყურებ მათ და გრძნობ, რომ სიტყვები აქ უძლურია. ხელოვნების ამ ტაძარში, ხელმწიფის სასახლის ნანგრევებზე ჯერაც მოუხსნელ წყევლასავით კიდია ვეებერთელა ტილო წარწერით: „ამისათვის მადლობას ვუხდით ჰიტლერს!“.

არა, ტყუილად როდი იზიდავდა დრეზდენი უამრავ მოგზაურს. მსოფლიოს ყველა კუთხიდან: მუსიკის, ფერწერის, არქიტექტურის მოყვარულთ, თავაწყვეტილი მხიარულობისა და წყნარი განმარტობის თაყვანისმცემლებს. მისი ტყეები და სასახლეები, ბაღები და მუზეუმები, საგარეუბნო ველები, ფუნიკულორები, მისი სასწავლებლები და ბანკები, უნივერსიტეტები და ფაბრიკები, სამხატვრო აკადემიები და პირველხარისხოვანი ვაგზლები, ქუჩები, ბარკები და ტბები — ყოველივე ოდითგან იზიდავდა ადამიანს.

ციცაბო ნაპირზე მწვანე მცენარეულობაში და ბაღებში ჩაფლული ვილები და სასტუმროების გრძელი რიგია. მოვედით პილას გარეუბანში და მაშინვე თვალში გვეცა მდიდრული საცურაო აუზი, რამდენიმე ფუნიკულორი, მოკირწყლული ქუჩები, ბაღნარები. კომფორტის სურვილისა და შრომისმოყვარეობის დიდი ჟინის გვერდით აშკარად იგრძნობა სიძულვილისა და ნგრევის ბარბაროსული სულისკვეთება! ზოგჯერ გერმანელის უსულგულო შრომისმოყვარეობა თხუნელას შრომას გვაგონებს.

ცოტაა მიწა, მაგრამ ქალაქის ტყეში არც ერთი ხე არ მოუჭრიათ, სამაგიეროდ თითქმის ყველა სახლის სახურავზე ბოსტანია გამართული.

სასწაულით გადარჩენილ მაღაზიას წავაწყდით. აქ დიდებულ რეკლამას უკეთებენ წებოს: „აწებებს ყველაფერს, მათ შორის დაძსხვრეულ გულებსაც“. კაცმა რომ თქვას, დამსხვრეული გულების დაწებება უფრო ადვილია, ვიდრე სიცოცხლის აღდგენა დრეზდენის ისტორიულ ცენტრში — ალტშტადში. აქ ყველაფერი დაუნგრევიათ და მხოლოდ ქვის გამძლეობისა და სიმკვიდრის, აგრეთვე მშენებელთა ოსტატობის შედეგად შემორჩენილა ტაძრების, მუზეუმებისა და სასახლეების ნამუსრევი, რომლებიც მაინც მშვენიერნი არიან.

მკვიდრი თეატრალური მოედანი ძილის სამეფოს მოგაგონებთ.

თითქოსდა სიცოცხლე აქ ყოველთვის ჩამკვდარი ყოფილიყოს. მაკრამ საქმარისია ოდნავ დაძაბოთ წარმოსახვის გრძნობა და თვალწინ წარმოგიდგებათ ნათელი სურათი: აი ოპერის თეატრი, ერთ-ერთი საუკეთესო თეატრალური შენობა მსოფლიოში, აქ ყოველთვის უკრავდნენ საუკეთესო ორკესტრები, ღირიჯობობდნენ მსოფლიო სახელის მქონე ოსტატები. იქვე სასტუმროა — აქ ჩერდებოდნენ მსოფლიოს ყველა კუთხიდან ჩამოსული უსაქმურები და რანტიები, მეცნიერები და ხელოვნების წარმომადგენლები, სტუდენტები, რომლებიც უკანასკნელ ფულს არ იშურებდნენ, და მსუბუქ გართობათა მოყვარულნი. ჩამოდიოდნენ, რათა დაესვენათ, მოესმინათ სახელგანთქმული მუსიკოსებისა და მომღერლებისათვის, ესილაო ფერწერის, ქანდაკების უკვდავი ქმნილებანი. შეეძინათ ცოდნა და გამოცდილება მეცნიერებისა და მხატვრული ხელობის ნებისმიერ დარგში. ჩაწვდომოდნენ ქვის ცოცხალ ენასა და არქიტექტურის ჭეშმარიტ ვირტუოზულობას.

იქვე მდინარის ზემოთ იტალიური ტავერნაა. ოპერის პირდაპირ არქიტექტორ კიავერის მდიდრული ნაგებობა — კარის კათოლიკური ორჩხომლიანი ეკლესია დგას, თვალისმომპრელად ელვარე, ცოცხალი. ოდნავ მოშორებით ხელმწიფის ციხე-სასახლე, რომლის არქიტექტურული სტილის კრედოა ყოველგვარი სტილის უარყოფა.

მოშორებით ელბას გადმოსცქერის ცაცხეებისა და წაბლის ხეების სიმწვანეში ჩაფლული ბრიულევის განთქმული ტერასა. მასზე აღმართულია სამხატვრო აკადემია, კარის თეატრი და მუზეუმი. ბოლოს — ხუროთმოძღვრული ხელოვნების შედეგრი — ცვინგერი, გვიანი ბაროკოს სტილში ნაგები მხატვრული ანსამბლი, რომელიც 1711—1722 წელს აუშენებია არქიტექტორ პიოპელმანს. სხვათა შორის, ბევრმა დრეზდენელმა ვერ შეძლო ცვინგერის გზა სწორად ეჩვენებინა ჩვენთვის.

28. VI. 1945.

ცვინგერის უყურებ ხელოვნების ამ უკვდავ ქმნილებას და გეზმის, რას ნიშნავს სტილის სრულყოფილება. რაოდენ მკაფიოა მისი დაგეგმარება, პროპორციისა და სკულპტურული სინატიფე! არქიტექტურა აქ განასახიერებს კრისტალურად სუფთა სიხარულს,

თვით ცხოვრების პარამონიას, ხუროთმოძღვრის გენიას ერთ მთლიანობად უქცევია შენობა და ლანდშაფტი.

ხუქურთმიანი მოხატულობა გვაოცებს თავისი სიმსუბუქით, სიციქასითა და დანამიკით. სრულიად გავიწყდება, რომ შენს წინაშეა ნაცრისფერი ქვა, ასე გვონია, თითქოს სასახლე ცოცხლობს, სულღმეულობს. ცვინგერის პატარა ტბორებს ფორი გადაკვრია, ციცხლსა და ჰვარტლს გაუშავებია კარიბიდეები, ფაენები, ღმერთქალები, მაგრამ მათეუს პიოპელმანის უკვდავქმნილებას მაინც ეტყობა სიღამაზე და პარამონია. გულსა გვტყენს სასიკვდილოდ დაჭრილი ქვის საოცრება, ის ხომ მთელი ადამიანთა მოდგმის საკუთრებაა! თუ არა კულტურამ, ხელოვნებამ, მამ რამ გამოიყვანა ადამიანი პირველყოფილი წყვედიადიდან?

ცვინგერ ში მოთავსებული იყო მსოფლიო მნიშვნელობის მუზეუმები. ერთ-ერთი მათგანი ღრეზდენის სახელგანთქმული გალერეაა, რომელიც სამართლიანად ითვლებოდა ერთ-ერთ უმდიდრესად ევროპაში. აქ გამოფინილი გახლდათ სახელგანთქმული იტალიელი, ფლამანდიელი, გერმანელი ოსტატების სურათები. საკმარისია გავიხსენოთ თენდაც ტიციანი, პოლბენინი, რემბრანდტი, დიურერი. აქ შორეული ქვეყნებიდანაც კი ჩამოდიოდნენ ადამიანები, რათა დამტკბარიყვნენ რათაელის გენიალური ქმნილების „სიქსტის მადონას“ ცქერათ.

ბრიულევის ტერასიდან ელბის შესანიშნავი ხედი იშლება. მდინარე მდოვრედ მოედინება, ოღონდ წყალი გაშავებია. შუა მდინარეში აჩოჩხილან მეჩქეცებზე განხირული გემები და ბარჯები. მაინც ვიბანავთ. შემდეგ ბაიდარით გავისეირნეთ, რომელიც ლუგელმა წითელარმეელმა გვათხოვა. ოთხი წელი არ ყოფილა შინ და ბავშვივით გაახარა ჩვენთან შეხვედრამ. ვიგონებთ ლენინგრადს, ძველ ლუგას.

ტერასაზე ჩვენს გვერდით იდგა, ასე, ოცდათხუთმეტი წლის გერმანელი ქალი. ისიც ელბას გადასცქეროდა. გამოველაპარაკეთ, როცა გაიგო საბჭოელები ვიყავით, გამზდარი სახე მოედრიცა, სიძულვილმა ბოროტად აუეღვარა თვალები.

მე გულზე ცეცხლი მომედო. თავი ველარ შევიკავე.

— აი, დატკბით თქვენი ნაოქმედარით, — თქვი მე. — თქვენ მსოფლიოს მართო ნგრევა და უბედურება მოუტანეთ. არც საკუთარი შეიცოდეთ და არც სხვისი.

გაათრდა და გაცოფდა, თავი ასწია:

— გაჩუმდით, ცრუობთ! ჩვენ, გერმანელები, მხოლოდ თავს ვიცავდით, არავისაც არ დაესხმივართ. ეს თქვენი პროპაგანდის მონაჩმანია. გერმანელები სხვა ერებზე მალლა ვდგევართ და ყველა შურით გვიყურებდა...

— სხვა ერებზე მალლა დგებართ! ხედავთ, როგორ მსჯელობთ!.. ჰოდა, მიიღეთ კიდეც, რაც დაიმსახურეთ. მაინც საიდან გაქვთ ეს რწმენა. თუნდაც, ვთქვათ, ფრანგები რითი არიან თქვენზე ნაკლები?..

— ფრანგები?! ჰო, რა თქმა უნდა, თქვენ ის გაძვალტყავებული ქარხნეტიები — ფრანგი ქალები მოგწონთ. ჭირივით მძულს ფრანგები და ინგლისელები.

— საკმაოდ გაბედულად გამოთქვამთ აზრებს.

— შეგიძლიათ დამაპატიმროთ! სულ ერთია, როგორც კი გაზს გაუშვებენ, მაშინვე თავს მოვიწამლავ. არ შემიძლია, არ მსურს ვიცოცხლო.

— მაშინ გაზს რაღას ელოდებით?

— ასე უფრო მოხერხებულია.

საოცარია, მას სიკვდილისთვისაც მოხერხებულობა და მყუდროება ესაჭიროება! ამასობაში სულ აიწყვიტა:

— ამ ნანგრევებს არასოდეს არ ვაპატიებთ არც ინგლისელებს, არც ამერიკელებს.

— რას ამბობთ! განა თქვენ არ დაიწყეთ სხვისი ქალაქების ნგრევა, სხვისი ქვეყნების დაპყრობა?!

— ჩვენ ერთი შეცდომა დავეშვიტ მხოლოდ: აღმოსავლეთისკენ კი არ უნდა აგველო გეზი, ინგლისი დაგვეპყრო. ჰიტლერი შეცდა.

— ინგლისი დაგვეპყროთ, რათა შემდეგ უფრო ადვილი ყოფილიყო ჩვენი განადგურება?

— სულ ასე არ არის, მაგრამ თვითონ ხედავთ, რა ვიწროდ ვართ, მიწა არ გვეყოფნის, თქვენ კი მეტიც გაქვთ. მიწის გამოყენება კი თქვენზე უკეთ შეგიძლია. ცხოვრებისაც მეტი გაგვეგება... ხელჩანთიდან ფოტოსურათებს იღებს და გვიჩვენებს:

— ეს ჩემი ქმარია. ახლა თქვენთანაა ტყვედ. აი ასე ვცხოვრობდით.

ფოტოსურათზე გამოსახულია ტიპიური ესესელი: მკაცრა; მშრალი სახე, პენსნეს მინის მიღმა წვრილი ბოროტი თვალები. აი,



ორივენი ისვენებენ ჭავიანთ ვილაში, ქალს შიშინო დაუსვაძს ხელზე. თითქოს ჩაგვესმის, როგორ ლაპარაკობენ „ახალ გერმანიაზე“ და მომავალ მამულებზე, რომლებიც რეიჰის „ახალ ტერიტორიებზე“ უნდა მიიღონ.

ტერასა გულდაძძიებულებმა დავტოვეთ. ხელოვნების ტაძარი — დრეზდენიც წამით თითქოს გაუფერულდა ჩვენთვის.

30. VI. 1945.

დღეს დრეზდენიც დავტოვეთ. ქუჩებში გამოჩნდა ვეებერთელა ლოზუნგები — გერმანიის კომუნისტური პარტიის მოწოდება: „რა კენათ? სულით დავეცეთ? არა! ვიმუშაოთ!“

დანგრეული სახლის ფანჯრის მიღმა ქარი აქანავებდა ქალიშვილის პორტრეტს...

2. VII. 45.

ვოლკოვს ჩაეძინა. მონოტონური ლანდშაფტი მაგონებდა პოტსდამის ვეებერთელა, მყუდროებას მოკლებულ სასახლეებს; ძველი ბერძნები მასზე იტყოდნენ: მხატვარმა ვერ შეძლო ლამაზად აეშენებინა, ამიტომაც მდიდრულად ააშენაო. კაცმა რომ თქვას, სან-სუსისაც არ მოუხდენია ჩემზე ის შთაბეჭდილება, რომელსაც მოველოდი.

ვასილის მაგალითს რომ არ მივბაძო, ვშლი ფრანგულ გაზეთს, რომელიც დააარსეს ჟაკ დეკურმა (გერმანელებმა დახვრიტეს) და ჟანსი პოლანმა, გაზეთი პროგრესული მიმართულებისაა, კიდევ იმიტომ მომწონს, რომ მასში არა მარტო ლიტერატურის საკითხები უშუქდება, არამედ ხელოვნებაზეც და პოლიტიკაზეც ნორმალური წერილები იბეჭდება. საინტერესო სტატია ვიპოვე: ამერიკის შეერთებულ შტატებში დევნიან ცნობილ გერმანელ ანტიფაშისტ კომპოზიტორს ჰანს კრეისლერს. კრეისლერის დაცვის კომიტეტს სათავეში ჩარლი ჩაპლინი ჩაუდგა. მან წერილით მიმართა პიკასოს... და აი გაზეთში დაბეჭდილ ფრანგული ხელოვნებისა და ლიტერატურის მოღვაწეთა მოწოდებას ხელს აწერენ: პაბლო პიკასო, ანრი ბატისტი, ჟან კოქტო, ფრანსის კარკო, ელზა ტრიოლე, ლუი არგონი, პოლ ელოარი, ანდრე შამსონი...

ფრანსის კარკო ჩემი ახალგაზრდობის მეგობარია. მხიარული კაცი გახლავთ.

თუ არ წაგიკითხავთ მისი წიგნი „მონარტიდან ლათინურ კვარტალამდე“, — გირჩევთ წაიკითხოთ. გამახსენდა ფრანსის კარკო და გულიანად გამეცინა. სამედიცინო სამსახურის მათორიც ვი გავადგიძე. ვასილ ვოლკოვმა თვალები დააჭყიტა, გაცხარებოთ შემომხედა.

— მოხდა რამე?

— არათერიც არ მომხდარა, ფრანსის კარკოს წიგნი გამახსენდა. ყურა დამივლე.

მხატვრებმა, მხიარულ გუნებაზე რომ იყენენ. თუმცა ჯიბეში ერთი სუც არ უშყაოდათ, ვილაცას ვირი მოაყვანიანეს. კუდზე დუნჯი გამოაბეს. წინ კიდევ თივა დაუყარეს.

ფუნჯი საღებავში იყო ამოვლებული. ძია დედე ლოლოს (ასე ერქვა ვირს) მიუახლოვდა, ხელში ჩაჩჩოხე გალაკრული დიდი ტილო ეკავა. ამ დროს საყვებით კმაყოფილი დიდებული ცხოველი თავის ალტაცებას კულის ქნევით გამოხატავდა, რასაკვირველია, კუდთან ერთად ფუნჯიც გვარიანად ირხეოდა. ძია დედემ ტილო ფუნჯს მიუშვირა, სულ მალე ტილო დიდებული ნათუპანით დაიფარა. შედეგრი, რომელსაც სნობების ალტაცება უნდა გამოეწვია, უკვე მზად იყო. თუმცა ამ ნაწარმოების შემოქმედს მოდიქრების დრო სულაც არ ჰქონია, საღებავის ტუბები მალე დაცარიელდა... მხატვრებმა ნათუპნს „მზის ჩასვლა ადრიატიკის ზღვის მიღმა“ უწოდეს. შემდეგ კი ტილოს დიდი ასობით მოაწერეს: „იოახიმ რაფაელ ბორონალი“.

ამ სურათის წარმატებამ „დამოუკიდებელთა“ გამოფენაზე მოლოდინს გადააჭარბა. ყველა, დარბაზში უსაქმოდ მოყილგებიც და მცოდნეებიც მხოლოდ ვირის სურათზე ლაპარაკობდნენ და საათობით უყურებდნენ, რათა უკეთ ჩასწვდომოდნენ. და ხალხი იცინოდა, გოცებასა და ალტაცებას ვერ მალავდა: რაღა თქმა უნდა, ამ წელს დიდებული ლოლოს შედეგმა უშესანიშნავესი ნამუშევრები დაჩრდილა.

ვოლკოვი გულიანად ხარხარებდა.

— იცი, არჩილ, რაღაც მემკვიდრეობითობა არსებობს ზოგიერთი ულტრამოდური მხატვრის ნათუპნსა და ვირის შემოქმედებას შორის.

მე თავი დავუქნიე და ისევ გაზეთის კიბხვა გავაგრძელე.

მალე ასი წელი შესრულდება ამერიკული ყურნალისტიკის ფუ-

ქმედებელ ჯოზეფ ბულიტცერის დაბადებულან. ამ თარიღ  
გამოცემულ მარკაზე ბულიტცერის სიტყვათა წაწეილი: „ჩვენი  
რესპუბლიკა და მისი პრესა ერთად იარსებებენ, ან ერთად მოკ-  
ვდებიან“. ბულიტცერს მხედველობაში ჰქონდა თავისი ცხოვრების  
სადაც თანამშრომლობდა ისეთი დიდი მწერალი, როგორც  
მარკ ტვენი გახლდათ. კორესპონდენტებს კი კარლ მარქსი აკზანა-  
და. ღღეს კი საკმარისია გაეხსენოთ დამოუკიდებელი ჟურნალისტი  
დონ მეტჩინი, რომელსაც ტრუმენმა წერა აქედან: „სადა მარქსი  
იმიტომ, რომ მეტჩინი განსვენებული რუსველტის პოლიტიკის  
ერთგული დარჩა.

ვბოულობ კლოდ მორგენის მკვანებაზე წერდა: „ერთი შეთ-  
ქმელება საფრანგეთის წინააღმდეგ“. წერილში მხილებულ ია პო-  
ლიტიკანები, რომლებიც ცდილობენ საფრანგეთმა ურთიერთობა  
გაწყვიტოს დიდ აღმოსავლეთ მეგობართან, რომელმაც მილიონები  
(მილიონი დოლარები კი არა, მილიონობით ადამიანის სიცოცხლე)  
გაწირა, რათა მსოფლიო პიტლერული ჰირისგან გადაერჩინა... შემ-  
დეგ ვკითხულობ ჟაკ დიუკლოს წერილს „ემილ ზოლას სტატიიდან  
„მე ვადანაშაულებ“ ფრანგი ხალხის „ჩვენ ვადანაშაულებთ“-ამდე“.

უფრო ქვემოთ გონებამახვილურად დაწერილი მასალაა. ლუ-  
დოვიკო მეთოთხმეტეს დედა დედოფალი — რეგენტი ანა ავსტრი-  
ელი ვერ იქნა და ვერ შეეგუა ჩანგალს და ნუვზარ-ნეგზარ საქმელს  
ხელით მიირთმეოდა.

აგერ ქრონიკაც. სახელგანთქმული არქიტექტორის, ვერსალის  
ერთ-ერთი მშენებლის ფრანსუა მანსარის საიუბილეო თარიღის წე-  
რილში იგონებენ, რომ ვერსალის სასახლის მშენებლობა თავის  
დროზე მილიარდნახევარი ფრანკი დაჯდა (უბედური ხალხი) ტყვე-  
რიტად ვერსალი საფრანგეთის უბრალო ადამიანების საკუთრება  
უნდა იყოს.

გაზეთი გადავდე და მინდოდა ჩამეოვლიმა, რომ უეცრად მანქა-  
ნის ფანჯრის მიღმა დავინახე ფარი წარწერით — სუდეტები. ძალი  
ნაშინვე გამიკრთა.

ჩეხოსლოვაკიის საზღვარი ვავიარეთ. აი დიდი ისტორიული  
ტრადიციების მქონე პატარა ქვეყანა.

ჩეხები!.. სლოვაკები!.. რაღაც საიმედო, პატროსანი, ნათელაა ამ  
სიტყვებში. განთქმული ოლიმპია საბერძნეთში რომ არ იყოს, ის  
აღბათ სადმე აქ ჩეხოსლოვაკიაში შეიქმნებოდა.

ასე მგონია, თითქოს უსასრულო ლამაზ ხეივანში მივდივართ. გზა შემორაგვეულია ხეხილით. მწიფს მსხვილ-მსხვილი ბალის ბალი. ჭრელჭრელი ყაყაჩოები, თეთრი, ცეცხლისფერი, მეწამული — თითქოს ამოქარგული, ხალიჩააო. გზის ორივე მხარეს მაღალი მთები, აქ საოცრად ლამაზი ლანდშაფტია, რომელიც ძალიან ჰგავს კავკასიის ბუნებას, ოღონდ უფრო მშვიდს, ზომიერსა და შემცივებული მასშტაბისას, რომელიც ადამიანის ხელს დაუმორჩილებია, მარცხნივ და მარჯვნივ გაშლილა დამუშავებული ყანები. სისუფთავე, სისუფთავე, ზოგჯერ ისიც კი გეჩვენება, რომ მეტისმეტი სისუფთავეა. ერთმანეთზე მიჭრილი სოფლები. კოხტა, მშვენიერი სახლებით.

ლამაზი ეკლესიები, ხეხილის ბალები. სუნთქვა გვიადვილდება იმის შეგრძნებისაგან, რომ ძმათა მიწაზე ვიმყოფებით.

მადნის მთები. აი, ტეპლიცეც გამოჩნდა. კურორტი, რომელიც ზამთარ-ზაფხულ მოქმედებს. ის მოთხილამურეების, მოციგურავეების და საერთოდ ყველა სპორტსმენის საყვარელი ადგილია. ამ მთების ფერდობებიდან ბალახმორეულ ბილიკებზე მიქრიან მოთხილამურეები.

(გამახსენდა 1940 წლის საუცხოო ზამთარი ბაკურიანში, მაშინ თხილამურებით შეჯიბრებაში რესპუბლიკის პირველობა მოვიპოვე სლალომში და ტრამპლინიდან ხტომაშიც).

ამიერიდან ტეპლიცი საყოველთაო-სახალხო ჩანმრთელობის კერა გახდება, საინტერესოა, დინას თუ მოეწონა ეს ადგილები?

ლამე აქ გავითენეთ. გვიანობამდე ვიჯექი სასტუმროს ბაღში, ნელ-ნელა ვივსებოდი ვარდების თავბრუდამხვევი სურნელებით.

სალამოვდებოდა, როცა პრალას მივუახლოვდი. ნაცრისფერ ნისლში გამოჩნდა მრავალრიცხოვანი კოშკები. დასავლეთიდან მზე მოდგომოდა ქალაქს და ყველაფერი ისე ჩანდა, თითქოსდა სახლების უკან უზარმაზარი კოცონები აეგიზგიზებინოთ.

ზღაბა პრალა! სიჭაბუკის დიდებული ზმანება როგორც იყო ვიხილე... რამდენი წამიკითხავს შესანიშნავ ქალაქებზე, სახელგანთქმულ, ძველ, ბრწყინვალე ქალაქებზე. ყველაზე უფრო პრალა ატყვევებდა და იზიდავდა ჩემს გონებას. იქნებ „ოქროს“ ქალაქის ძველი ქვები მიზიდავდნენ, რომლებსაც საუკუნეების მანძილზე საყვარულითა და დიდი ცოდნით თლიდნენ და აწყობდნენ უსახელოსტატები? იქნებ ჩეხების მდიდარი კულტურა მიტაცებდა, რომელიც ხილად იქცა აღმოსავლეთსა და დასავლეთს შორის? ან იქნებ

ეს შესანიშნავი კომპეები, განუმეორებელი არქიტექტურა? თუ ჩეხების მახვილი, მომაკვდინებელი და ოპტიმალური იუმორი. კარელ ჩაპეკი, იაროსლავ შაშეკი... ფუჩიკი კი სიკვდილის გზაზე სიცილით მოდიოდა.

(ვის უნახავს მოცინარი ფუჩიკის პორტრეტი? ასე სიცილი ხომ ძალიან პატიოსან ადამიანს ან გმირს შეუძლია?).

პრადის გარეუბნები. ქალაქში უკვე ჩამოწვა ბინდი. მალა აიჭრნენ ეკლესიების, სასახლეებისა და კომპეების უსასრულო შპილები. აი გრადჩანი — პრადის განთქმული კრემლი, ბორციდან გადმოსცქერის ქალაქს. მდინარე ელტავა. სიმაგრეთა გალავნების ურყევი სარტყელი შემოდგომაა პრადას. ქვის მშვენიერი ქუჩები.

კარლოსის ხიდი. მერამდენე საუკუნეა დგას ეს ძეგლი, ხელოვნების შესანიშნავი ქმნილება, ჩეხი ხალხის გმირული ისტორიის მოწმე. ფართო მანტიებში გახვეული მისი მხიარული წმინდანები თითქოს ლოცავენ ჩვენს გზას.

გავიარეთ განსაცვიფრებელ, შუასაუკუნოვან თაღქვეშ, ის ხილს ამთავრებს და ქალაქის გულისკენ ხსნის გზას. წრე დავარტყით და იმავე გზით დავბრუნდით. გადავწყვიტეთ გაგვევლო კარლოსის ხიდი, სადაც სამი საათის შემდეგ დინასთან მაქვს დანიშნული პაემანი. ის, მე და ვოლკოვი მდინარის გამოღმა ვიცხოვრებთ.

შეგვიფარა ჩემმა თბილისელმა ნაცნობმა, გენერალმა ზარელოვმა, რომელიც პრადის გათავისუფლებაში მონაწილეობდა. მას ეკავა სახლი, სადაც ადრე ცხოვრობდა ვილაც გერმანელი ესესელი პოლკოვნიკი. პოლკოვნიკი, რასაკვირველია, გაიქცა. პირველი, რასაც ამ პოლკოვნიკის მაგიდის უჯრაში წავაწყდით, საკმაოდ უჩვეულო ფოტოსურათი იყო: ესესელი აღმოსავლეთის ფრონტზე იბრძოდა და ოჯახს სისტემატურად უგზავნიდა „გმირობათა“ დამადასტურებელ საბუთებს, სურათებს, სადაც გამოსახული იყო სახრჩობელები ჩამომხრჩვალი საბჭოთა ადამიანებითურთ. პოლკოვნიკი საზეიმო იერით სახრჩობელასთან იდგა და საცოდავი ადამიანების გვამების ცქერით ტკებოდა.

სურათებმა გუნება გამიფუჭა. დახევაც მინდოდა, მაგრამ ვოლკოვმა შემაჩერა, უმჯობესია წაილო და შთამომავლობას შეუნახო. დაე ნახონ ისინი ჩვენმა ახალგაზრდებმა, ჩვენმა შვილებმა და შვილიშვილებმა.

სურათები შევინახე, მერე სასწრაფოდ ვიბანავე, ჩავიცვი და

შეხვედრის ადგილისკენ გავემართე. ჩემს განკარგულებაში იყო ნახევარი საათი. მე და დინამ თითქმის ერთდროულად შევდგით ფეხი კარლოსის ხიდზე და ზედ ცენტრში შევხვდით ერთმანეთს. მხიარული სიცილი აგვიტყდა. და მართლაც განა უცნაური არ იყო ასეთი შეხვედრა უცხო ქალაქში? ახლა შევნიშნე, რომ ზემოდან მოლიმარი ქვის ანგელოსი დაგვეტყეროდა და თითქოს აკურთხებდა ჩვენს შეხვედრას.

— ხელავ, დინა, ნორჩი ანგელოსი როგორ გვეტყერის? ველოცავს.

— დააგვიანდა შენს ანგელოსს.

არ მიკითხავს, რატომ-მეთქი. პასუხის მეშინოდა... მაშინვე მოვიწყინე, დაენადვლიანი. ნაღველი ოდნავ გამიფანტა მხოლოდ გრადჩანის ზღაპრულმა ქმნილებამ და პრადის — სასახლეების, კოშკებისა და ეკლესიების პანორამამ. ეს ხელოვნების ნამდვილი სასწაული იყო. ხელოვნება კი მუდამ ეუფლება ჩვენს გულს, ანუ გეშებს ან სევდას ჰვერის მას.

— მარტო ხარ?

— კი ჩერნოვს ლექცია აქვს ნაწილში.

არა, სიტყვები აღარ მჭირდებოდა, თვითონ ვხვდებოდი ყველფერს, მაგრამ ჭერ კიდევ არ მჭეროდა და ვიმედოვნებდი. დინა კი რალაც ცქმუტავდა. ვლტავას დავაცქერდი და ხმადაბლა წაიკითხე.

— მდინარე ნაღველს წააგავს ჩემსას, მოედინება და არ თავდება...

— რა გაწუხებს, არჩილ?

— ბედნიერება, მდინარეს რომ მიაქვს.

— თავი დაანებე სევდას. ჯობია ვიმხიარულოთ. შეხეი..

ვლტავა კი თავისი პატარა მწვანე კუნძულებითა და უამრავი ზიდით მართლა სინარულის აღმქერელი იყო.

— მოდი, ქალაქში გავისეირნოთ და ბავშვობა გავისხენოთ, გინდა? — მკითხა დინამ და მეც უსიტყვოდ გავყევი.

ჩვენსკენ ვალაც ბიჭუნა მოდიოდა. სახეზე საოცარი სინათლე და სისპეტაკე აკვროდა.

— ჩაზღარ, — თქვა დინამ და ბიჭი შეაჩერა.

ბიჭუნამ სელამზე უმალ უპასუხა.

— კრემლის გზას ხომ არ გვასწავლი? — ჰკითხა დინამ გერმანულად.

— რუსები ხართ? — არც თუ მაინცდამაინც სუფთა რუსულით იკითხა ბიჭმა და თვალეზი სინაარულმა გაუცისკროვნა.

— მე რუსი ვარ, ეს ძია კი — ქართველი.

ბიჭმა გაიღიმა და წამოწითლდა.

— ქართველი... ესე იგი სტალინის სამშობლოდან — უცბად შემომბერუნდა, — ნინო ღუმბაძეს თუ იცნობთ?

— თვითონაც ჩემპიონია თხილამურებით სრიალში, — დასძინა დინამ.

ბიჭუნასათვის ეს უკვე მეტისმეტი იყო, მის თვალეზში მაშინვე გპირი გაგზნდა. უბის წიგნაკი ამოიღო და ავტოგრაფებისთვის გამოგვიწოდა.

ძველი ქუჩის კუთხეში მოულოდნელად გადაეაწყდით თავისებურ, პატარა ძეგლს: მინაში ჩასმულ კაბუკის ფოტოსურათს, რომელსაც ყვავილები ამშვენებდა.

— ასეთ ძეგლებს პრალის ყოველ კუთხეში იპოვით, — განმარტა ბიჭუნამ, — ესენი ფაშისტებთან მაისის ბრძოლების გმირები არიან.

გრადჩანაზე ძველი ქუჩების ქვის კიბეებით ავედით. მაშინვე ვიცანი ჩერნიხის სასახლე მისი განუმეორებელი, ნარნარი ხაზებით, უბრალო და დიდებული. დიდხანს გათანგული ვიდექი, თუმცა ჩემი თანამგზავრებისათვის ალბათ გაუგებარი იყო არქიტექტორის პროფესიული აღტაცება.

სასახლის გუმბათქვეშ დროშა დაშვებულია, მაშასადამე, პრეზიდენტი თავის რეზიდენციაში არ არის. ირგვლივ კაცის ქაქანება არ არის, გრად ჩანს იც არავინ ჩანს. ეზოში თავისუფლად შევედით, მაგრამ ყველა შიდა შენობა დაკეტულია, მაშასადამე, აქ დღისით უნდა მოვიდეთ. მოპირდაპირე ჭიშკრიდან გავედით — ჩვენდა გასაოცრად ამ ვიწრო ჭიშკარს ორი გუშაგი იცავდა, ყველა დანარჩენი შესასვლელ-გამოსასვლელი თავისუფალი იყო. რომ გაიგეს საბჭოთა კავშირიდან ვიყავით, გუშაგებმა გულწრფელად გაიხარეს. ერთი მათგანი, მაღალი, ქერა ახალგაზრდა, ლადია რუჟიჩკა პრალის უნივერსიტეტის არქიტექტურული ფაკულტეტის მესამე კურსის სტუდენტი აღმოჩნდა. როგორც გაიგო, არქიტექტორი რომ გახლდით, შაშხანა ამხანაგს გადასცა და ჩვენი მეგზურობა იკისრა. რამდენი საინტერესო რამ გვიამბო და

მის ყოველ სიტყვაში გამოსჰვიოდა თავისი ქალაქის სიყვარული. ბოდში მოიხადა პრადის ქუჩებზე უწინდელი წესრიგი არ არისო, თუმცა პირველი, რაც თვალში მოგვხვდა, პრადის ქუჩების სანიმუშო სისუფთავე იყო.

ის გვეკითხებოდა თუ როგორ ვცხოვრობთ, აინტერესებდა ჩვენი ხელოვნება, თეატრი, ლიტერატურა. ოცნებობდა მოსკოვში რომ გაეგრძელებინა სწავლა.

მერე ჩემი რიგიც დადგა. საქართველო ძლიერ აინტერესებდა მასპინძელს. მეც მოვეუყევი ჩემი ქვეყნის ცხოვრებაზე. უკამბე ბამბუკებზე, რომლებიც ცხოვრებაში მხოლოდ ერთხელ ყვავილობენ, შემდეგ კი იღუპებიან („გედის სიმღერას ჰგავს“, — შენიშნა რუჟიჩკამ). ნეტა რამ გამახსენა ბამბუკები? ხუთი წლის წინათ ამავე დღეა ბათუმის ბოტანიკურ ბაღში ბამბუკების ყვავილობა ვნახე...

დინამ ილაპარაკა მოსკოვზე: წითელ მოედანზე, მავზოლეუმზე, მეტროპოლიტენზე, ტრეტიაკოვის გალერეაზე, თეატრზე, ბალეტზე.

შემდეგ იულიუს ფუჩიკზე შევეკითხეთ, ლადიამ ბევრი საინტერესო გვიამბო მასზე და დაგვიპირდა, რომ აუცილებლად გაგვაცნობდა გუსტა ფუჩიკოვას.

— ნეტა კიდევ დიდხანს გაგრძელდება ასეთი ადამიანების ხოცვა? — ამ კითხვით მე უნებურად ხმამაღლა მივმართე ჩემს თავს.

რუჟიჩკამ კი მიპასუხა:

— „სანამ ყველა არ გახდება ადამიანი“, — ასე თქვა ფუჩიკმა.

დღეს დილაბინდზე ადგომა დამეზარა. თუმცა ყოველთვის სისხამზე ვდგები და პირველ რიგში ვვარჯიშობ. დღეს ვერა და ვერ იქნა, წელი ვერ ავითრიე, თვალწინ დინა მედგა, მაღალი, მშვენიერი, ფიქრიანი. მარტო დავრჩით თუ არა, ხელები მხრებზე დავაწყვე, დავიხარე და... მანაც მაკოცა. ახლა ამის გაფიქრება სასიამოვნო ჟრუანტელს მგვრიდა და ადგომა არ მსურდა. დინამ ნამდვილად გამიტაცა. ვგრძნობ სიყვარულის მაგიურ ძალას. ღმერთო მიშველე, მომეცი ძალა და მოთმინება.

ვოლკოვი დიდი ხანია ფეხზეა, უკვე პირს იპარსავს, წუწუნებს. უკანასკნელ დოეებში ის ხომ სულ გადამავეიწყდა. ამ წუწუნში მაინც გამოსჰვივის ჩემდამი ძმური, მეგობრული გრძნობა და მე ჩუმად ვიცინი.

„ვიზიტად“ გენერალმა შემოგვიარა, თან კაპიტანი პოტაპოვი ახლდა. გენერალმა რატომღაც ჯერ მე მკითხა: რას იტყვი, მოგწონს



თუ არა პრადელი ქალებიო? ვასილმა ჩემს მავივრად უპასუხა: მას უფრო რუსი ქალიშვილები მოსწონსო, განსაკუთრებით მოსკოველებიო. ზარელოვმა პატრიოტიზმი შემიქო, მაგრამ მირჩია ჩეხ ქალებსაც რაინდულად მოვქცეოდი.

ჩვენ კრემლისა და ქალაქის დასათვალისწინებლად მიგვიწვიეს (დღეს დინა მეგობარ ქალთანაა, რომელთან ერთადაც პრალაში ჩამოვიდა). ფეხით გამოვდივართ. ასეთ ამინდში მანქანაზე ფიქრიც ცოდვია.

— ნაზდარ! — ყოველ ნაბიჯზე გვესმის ჩეხების მოსალმება, ვგრძნობთ ჩვენდამი მიმართულ განსაკუთრებულ სიბოძს. ვილაც ჩია მოხუცი თვალცრემლიანი გვესალმება. ჩვენ კი ვთხოვთ მუზეუმის გზა გვასწავლოს. ის იღიმება:

— პრალის ყოველი ქუჩა, მთელი ჩვენი ქალაქი მუზეუმიია. ჩვენ არა გვაქვს მუზეუმები, ყველაფერი, რაც ჩვენს მუზეუმებში იყო, პამსბურგებმა გაზიდეს ვენაში, ფაშისტებმა დაიტაცეს.

ვლტავის გამოღმა ქალაქი მწვანეშია ჩაფლული, გრადჩანებთან ცენტრალურ ხეივანში დღისით — მზისით თავისუფლად დარბიან ციყვები.

სულ უფრო და უფრო ვრწმუნდები, რომ ჩეხები პატიოსანი და ზუსტი ხალხია, სუფთა, როგორც შინაგანად, ისე გარეგნულად: დახვეწილი გემოვნების მქონე, ორგანიზებული ერია, მათ ძველ და საინტერესო კულტურაზე რომ არაფერი ეთქვათ. ჩეხები დიდი პატრიოტებიც არიან და სწორედ ამ გრძნობამ გადაარჩინა ალგვისაგან. ოღნავი მედიდურობაც არ ახასიათებთ. ამყობენ იან ჰუსითა და იან ჟიშკათი, ჩაპეკითა და ჰაშეკით, თავისი ამეტყველებული ქვებით. შეინარჩუნეს სლავური სულიც. როგორ შეიძლება პატივი არ სცე ასეთ ხალხს!

მახსენდება ლენინის სიტყვები: „როცა ოცნება და სიცოცხლე ოღნავ მაინც ემთხვევა ერთმანეთს, ყველაფერი რიგზეა“. ეს თიოქოს ჩეხებზეა ნათქვამი.

ძველი მიასტა. პრალის ქვები. ქვის მოხატულობა! აქ ყოველი ქუჩა, ყოველი კიბე, სამლოცველო, ყოველი პატარა სახლი რუხა, ძველი ხავსით დაფარული კრამიტქვეშ ძეგლია! მართალი თქვა მოხუცმა: პრალა იშვიათი ექსპონატების მქონე უზარმაზარი მუზეუმიია.

რენესანსი, ბაროკო. მაღალი ვნებებით გამსჭვალულმა ამ სტილ-

მა, რომელიც დიდ სივრცეს ანიჭებს ხუროთმოძღვრის ინდივიდუალობას, პრადაში სრულყოფილებას, თავის მწვერვალს მიაღწია. სტილს, რომელმაც წარმოშვა მონუმენტური და ესოდენ დინამიკური ხელოვნების გენიოსები. ბერლინისა და რასტრელის, რუბენსისა და ვან დეიკს, კალდერონსა და ლომონოსოვს, შესაძლოა არსად ისეთი ხორცშესხმა არ ღირსებია, როგორც პრადაში. დიახ, ტყუილად როდი ვლაპარაკობთ სლავურ ბაროკოზე. მე ყველაფერი გადამავეწყდა ამქვეყნად, ხელოვნებამ მთლიანად დამიპყრო.

წმინდა ვიტას ტაძარი. ვოტიკის შედეგური. მისი მშენებლობა ჯერ კიდევ XIV საუკუნეში დაიწყო და ჩვენს დღეებშიც გრძელდება. განსაკუთრებით კარგია პატრონიკე და სამსახური: კოშკი, რომლებიც XIV საუკუნეში ააგეს არასელმა მათემ და პეტრე პარლერმა. პარლერსვე ეკუთვნის პრეფორიის პორტიკული ბიუსტებიც. რა კაშკაშა ნიჭია! პარლერი დიდხანს ხელმძღვანელობდა ტაძრის მშენებლობას, აშენებდა კარლოსის ხიდსაც, რომელიც უკვე ასე შემიყვარდა. ტაძარი კი სულ თვალწინ მიდგას უნატიფესი ჩუქურთმით, გაცოცხლებული ქვების დაუოკებელი რიტმით, ოსტატთა დაზვეწილი ნამუშევრით. შიგნით იგი გვანცვიფრებს სიმაღლითა და პერსპექტივის პროპორციულობით. ვიტრაჟები თანამედროვეა და ვერ გამოგია, რატომ, მაგრამ უფრო დაბალ მხატვრულ დონეზეა.

ვოლკოვმა მუჯლუგუნი წამკრა და ახალგაზრდა ლამაზი მონაზონი დამანახა. ის მაღალ გოთურ სავარძელში იჯდა, გულმოდგინედ კითხულობდა სახარებას და თავი ერთხელაც არ აუწევია, თუმცა საკმაოდ ხმამაღლა გამოვთქვამდით აღტაცებას ტაძრის შედევრთა გამო. ეს უყურადღებობა ცოტა არ იყოს მეწყინა და შეიძლება ითქვას, შეურაცხყოფილადაც ვიგრძენი თავი. იშვიათად თუ იქნებოდა ქალი, ყურადღება არ მიექცია ჩვენი მზიარული „ანსამბლისათვის“ და შეიძლება... ცოდვილი აზრებით არ გამსჭვალულიყო. არა, მართლა, თოჩინა უნდა იყო, ყოველგვარ გრძნობას მოკლებული.

მოვიხედე და ლადია როჟიჩკა დავინახე. ახლა სამოქალაქო ტანსაცმელი ეცვა და მაინც გაჩვიული იდგა. მაღალი იყო (ოდნავ ჩემზე დაბალი) და საკმაოდ ლამაზი. ძალიან გამიხარდა მისი ნახვა. მასაც გაუხარდა და ძველი მოედნისა და არქიეპისკოპოსის სასახლის დასათვალიერებლად წაგვიძღვა. გული ამიჩუყა მისმა სიყვარულმა მშობლიური ისტორიისა და სიძველეთა ძეგლებისადმი. კაცმა რომ თქვას, ეს თვისება ყველა ჩების განუყრელი ნიშანია.

გერმანულად აქ დემონსტრაციულად არ ლაპარაკობენ. ბევრია სანდომიანი, გემოვნებით ჩაცმული ქალი, მაგრამ ხისლანჩიანი ფეხსაცმელი აცვიათ. უნდა ნახოთ, რა ღირსეულად და ნატიფად ატარებენ ამ ფეხსაცმელებს, — ალბათ, თვით სემირამიდა თუ დააბიჯებდა ასე თავისი კიდული ბალების ბილიკებზე.

ყველაფერზე იგრძნობა, რომ უჭირთ, თუმცა ამის მიჩქმალვას მონდომებით ცდილობენ. ჩეხეთში ახლა საბარათო სისტემაა. დღეში ერთ სულზე ორას გრამ პურს არიგებენ. და მიუხედავად ამისა, სრული შეგნება და დისციპლინა სუფევს.

ვათვალეობთ ოთხასი წლის წინათ რენესანსის სტილით ნაგებ ბელვედერის სასახლეს. მიმდინარეობს ფერადი, ორიგინალური ფრესკების რესტავრაცია. ეზოში დგას მიწისქვეშა სამალავიდან ამოთხრილი „გიორგი ძღვეამოსილი“, ძველი მოქანდაკის ფასდაუღებელი ქმნილება, — ის გერმანელებისაგან დაუშალავთ (რუჟიჩკა მახსენებს მაღალ ცარიელ კვარცხლბეკს წმინდა ვიტას ტაძრის მახლობლად, იმ კვარცხლბეკზე ახლა კვლავ წამოიმართება ეს ქანდაკი. შემდეგ იგონებს, როგორ დაძწოდნენ გააფთრებული ოკუპანტები დაკარგული ძეგლის მისაკვლევად).

ჩვენი ახალი ამხანაგის რჩევით „ოქროს ქუჩაში“ გადავუხვიეთ, რომელიც გრადჩანის შიგნით გადის. ეს ცოცხალი ისტორიაა. აქაა წმინდა ერემეის რომანული ბაზილიკა, რომლის მშენებლობა ჯერ კიდევ XII საუკუნეში დაიწყო. „ოქროს ქუჩის“ მომხიბლობას სიტყვებით ვერ აღწერ. პატარა სასწლები აღამაინზე მაღალი არ არის, ოთახებში მცხოვრებნი ღია ბარათებს ყიდიან. რომლებზეც გამოსახულია პრადისა და სიძველის სხვადასხვა ძეგლების ხედები.

ვათვალეობთ ხელმწიფის სასახლეს. კორონაციის დარბაზი. აა განთქმული სარკმელი, საიდანაც ოდესღაც პაპის წარმოგზავნილი გადაადგეს, რაც, როგორც ამბობენ, ოცდაათწლიანი ომის საბაბი გახდა.

ესპანური დარბაზი. დარბაზის გახსნას ესწრებოდა ესპანეთის მეფე ფილიპე II. ალბათ სახელწოდებაც აქედან წარმოდგება. „ვლადისლავის“ დარბაზი საოცარი ფურცლისებური თალებით, შედევრი, რომელიც ჩეხმა ხუროთმოძღვარმა ბენედიქტ რაიტმა ორი საუკუნის მიჯნაზე — 1500 წელს დაამთავრა.

ვაკლავის მოედანს ჩავუარეთ. მოედანი ხალხითაა გაქედილი. აქ ერთმანეთს შეხვედრია ისტორია და თანამედროვეობა. გოტიკა, ბა-

როკო და... კორბიუზიე. თითქოს სრული ეკლექტიკაა. მაგრამ აქ მაინც გამეფებულია საუკუნოვანი ერთიანობა და განუმეორებელი თავისებურება. იქნებ მისი საიდუმლო იმავე სულდგმულ ქვებშია უნდა ვეძიოთ.

დღეს, გვამცნობს ლადია, ერთ-ერთ ეკლესიაში ჯვრისწერა გაიმართება. ვოლკოვი კატეგორიულად მოითხოვს: წავიდეთ! მივიღოთ ვართ კიდევ.

ულტრამოდერნისტული ეკლესია, უკრავს ორღანი. საკურთხეველთან დგანან თეთრად ჩაცმული პატარძალი და ფრაკში გამოწყობილი ნეფე (ეტყობა, ის მალაზიის მფლობელია, ყოველ შემთხვევაში, მე ასე მომეჩვენა. რუჟიჩკა ამბობს კომივოიაჟერიაო, თითქმის სწორად მივმხვდარვარ). ჩვენ ცერემონიის დასასრულს მივეუსწართ. ახლადდაქორწინებულები გასასვლელისკენ მიდიან, ვეებერთელა ბაფთებიან გოგონებს პატარძლის შლეიფი უჭირავთ. ფოტოგრაფი აპარატს ატკაცუნებს და მათ აღბეჭდავს ტაძრის საფეხურებზე.

— არ გეჩვენებათ, რომ ეს რაღაც ლამაზი ტრადიციაა და მთელი სიცოცხლე დასამახსოვრებელი? — მკითხა გენერალმა.

— თუ აქაურობას ყველა წმინდანს მოაშორებენ და მარტო ორღანს დატოვებენ, მეც არ ვიტყვოდი უარს ჯვრის წერაზე, — ენის ბორძიკით წარმოთქვა ვოლკოვმა.

სასადილოდ მივემგზავრებით. დღეს გენერლის სტუმრები ვართ. რუჟიჩკაც დავიყოლიეთ.

...საღამოვდება. აივანზე ვდგევარ. პირდაპირ ჩანს ვიღაც ცნობილი მოქანდაკის ატელიე (კარგი იქნება მისი გვარი გავიგო რუჟიჩკასგან). იქვე ბაღში დგას ორფეოსის ორიგინალური, ძალზე დინამიკური ადამიანის სიმაღლე ქანდაკი, რომელსაც ხელში ჩანგი უჭყრია.

ვუყურებ პრადას. მე მას ზღაპრების ქალაქს შევარქმევდი...

## 5. VII. 1945.

დღეს დიდი ეროვნული დღესასწაულია — ჩენი ხალხი დიადი გმირის იან ჰუსის გარდაცვალების 430 წლისთავს აღნიშნავს. 1939 წლის შემდეგ, როცა ქვეყნის ფაშისტური ოკუპაცია დაიწყო, ჩეხები პირველად აღნიშნავენ ლეგალურად ამ დღესასწაულს. ზედიზედ

სამი დღე მთელ ჩეხოსლოვაკიაში იგიზგიზებს კოცონი და გაიმართება ჩირაღდნებით სვლა.

ჩვენი ვემზადებით დღესასწაულისათვის. პირი მინდოდა გამეპარსა, მაგრამ ჩემმა ერთგულმა ბორეიკომ, ვოლკოვმა (ის კი, მართლა, ძალიან ჰგავს სტეპანოვის „პორტ-არტურის“ გმირს: ასეც ხდება, ზოგჯერ სრულიად შემთხვევით ამოტივტივდება ძალზე ზუსტი შედარებები!) წაიღო საპარსი მოწყობილობა და ახლა იქეიტრუსისა და მაისურის ამარა, სანამ ჩვენი ესკულაპი თავის ტუალეტს დაამთავრებდეს. მე კი მინდა მალე გავიდე ქუჩაში. მშვენიერი ქალაქისა და დიდი დღესასწაულის გარდა, სხვა სიხარულიც მელოდება, მარტო ჩემთვის გასაგები სიხარული.

ზუსტად ათ საათზე მანქანით მოგვადგნენ დინა, ჩერნოვი და დინას მეგობარი, სამხედრო ექიმი თამარი... (ჯერ არ ვიცი, რა გვარია) ვგონებ, კავკასიელია. ამ ლამაზ ქალს სამგლოვიარო ტანსაცმელი აცვია, ამბობენ ფრონტზე მეუღლე დაკარგაო. შევამჩნიე, როგორ გაწითლდა და დაიმორცხვა მასთან გაცნობისას ჩემმა მეგობარმა ვასილმა. კარგი წყვილი კი იქნებოდა!

თურმე ზარელოვი იცნობდა თამარს. თბილისელია, საერთო ნაცნობ-მეგობრებიც ბევრი აღმოაჩინდათ. გენერალი დიდხანს გამოთქვამდა სინანულს მისი მეუღლის, სამხედრო ექიმის დაღუპვის გამო, დიდი მანდომეზიტა და სიყვარულით გვიამბობდა მის იშვიათ სულიერ თვისებებზე.

ბოლოს გავემგზავრეთ. უნდა გითხრათ, რომ ვასილი იმ დღეს აღარ მინახავს, როგორც დინას არ უნახავს თავისი მეგობარი. ისინი თავიდანვე განმარტოვდნენ და რაღაცაზე გულმოდგინედ საუბრობდნენ. საუბრობდნენ ისეთი დაბეჭილებით, როგორც ექსპერტებმა იციან ზოლმე რთულ საკითხებს რომ იხილავენ მშვიდობიანი კონფერენციის წინ. ძალიანაც კარგი, მიხარია კიდევ მათი განმარტოება.

ყველგან, ყოველ კუთხეში გიზგიზებს საზეიმო ჩირაღდნები ქუჩაში. დღევანდელი დღესასწაულის მოსაგონებლად გამოშვებული სამკერდე ნიშნები გვაჩუქეს. ნიშანზე გამოსახულია წიგნი, რომელსაც ღვინით სავსე ბოკალი ახატია. ასეთივე გამოსახულებებია ყველგან პლაკატებზე, ვიტრინებში. ქუჩაში მანქანით გავლა შეუძლებელია. დღეს პრალაში ნამდვილი მეორედ მოსვლაა. ჯერ მთის გზას დავადექით და ლამაზ კოშკზე ავედით; ამბობენ, ეს ეიფელის კოშ-

კის შემცირებული ასლიაო. აქედან იზღევა ქალაქისა და მისი შემოგარენის დიდებული ხედი.

ბოლოს, როგორც იქნა იან ჰუსის მოედნამდე მივალწიეთ. როგორც შეეთანხმდით, ძეგლთან რუეიჩკა დაგვხვდა. დიდებული ძეგლი დაუდგამთ ეროვნული გმირისა და განმანათლებლის, პრაღის უნივერსიტეტის რექტორის, გერმანელთა ძალმომრეობისა და კათოლიკე ბნელეთის მოციქულთა წინააღმდეგ სახალხო მოძრაობის შთამაგონებლისათვის. მოქანდაკე სუხარდას უშიშარი ფილოსოფოსი კოკონზე დაწვის წინ გამოუსახავს. ძალზე შთამბეჭდავია გიგანტური ძეგლი. მადლიერ ხალხს კვარცხლბეკის გარშემო უამრავი კოკონი გაუჩაღებია.

მოედანზე აღმართულია ტრიბუნა. ბომბებით დაზიანებულ რატლშის მშვენიერ გოთურ შენობაზე იგივე უზარმაზარი წითელი ბოკალი და წიგნია გამოსახული.

ქულის ტიპების ჰაზნი.

ზუსტად შუაღლისას მოდიან პრეზიდენტი და მთავრობის წევრები, მაცნიერები, მწერლები, ქვეყნის გათავისუფლების გმირები. საბჭოთა ჯარების სარდლების წარმომადგენლებიც მოვიდნენ. ახლოვდება ანთებული ჩირაღდნების სადღესასწაულო ესთაფეტა. ტრიბუნაზე ერთმანეთს ცვლიან ორატორები.

ყველა მათგანი მადლიერების სიტყვებს წარმოთქვამს საბჭოთა ქვეყნისა და სახელოვანი წითელი არმიისადმი. არმიისადმი, რომელმაც გაანთავისუფლა ჩეხი ხალხი და მრავალტანჯულ მიწაზე კვლავ აგიზგიზდა სიმართლისა და გონების წმიდათაწმიდა კოკონი.

ჩვენს გარშემო შეგროვდნენ უბრალო ადამიანები, გვილიმოდნენ, გვესაუბრებოდნენ, ყოველ მათგანს თავის მოვალეობად მიაჩნდა, მადლობა ეთქვა ჩვენთვის. ავტოგრაფებს გვართმევდნენ, სამკირდე ნიშნებს გვირიგებდნენ.

მოსაღამოვდა. კოკონების აღზე იკვეთება კედლები და შპილენბი, მთელს ქალაქი, ვაჟვალეირებთ ტყვია-წამლის კოშკს, ეს არქიტექტურული ხელოვნების სასწაულია.

ქალაქში ყველგან სეირნობაა გამართული. ცაში ელავენ ფერად-ფერადი ჰაერბურთები, რომლებიც მოსეირნებმა ატყორცნენ. მხიარულებაა, სინათლე, მუსიკა, ჩეხებთან ერთად ზეიმობენ საბჭოთა ადამიანები, ყველანი, ყველანი.

რუეიჩკას საუკეთესო კაფეში მივყვართ, ეს კაფე ვაცლავას

მოედანზე მდებარეობს. დარბაზი გადატვირთულია, ერთხანს უნდა ველოდოთ, სანამ მაგიდები გათავისუფლდება. უკრავს შესანიშნავი ორკესტრი, თეთრ კაბიან მომღერალს კი სამწუხაროდ ხმა არ უვარგა. ისე კი ლამაზი ქალიშვილია. წინ გვიდგამენ შეფერადებულ წყლით საესე ჭიქებს. გუგუნებს რუსული სიმღერები — რასაკვირველია. ჩვენი მოსვლის აღსანიშნავად. პიტლერმა მთელი ევროპ შეფერადებულ წყალზე დასვა. სანდომიანი ჩეხები როგორღაც გულმოდგინედ სვამენ ამ სამაგელ სასმელს. ისეთი სიამოვნებით — თითქოს და ძვირფასი ფრანგული ღვინო ყოფილიყოს.

მოზეიმე ხალხი ემატება და ემატება კაფეს. ჩეხეთში კაფე იგივე კლუბია. აღამიანები აქ ხვდებიან ერთმანეთს, საუბრობენ სხვადასხვა პრობლემებზე. ხელოვნებაზე, ლიტერატურაზე — ეს ის ადგილია. სადაც ყოველგვარ საკითხში საერთოს პოულობენ და ერთობიან. აი, რატომ უყვართ კაფეები ევროპის ქალაქში, თუმცა ახლა აქ შეფერადებული წყლისა და ცუდი მომღერლების გარდა არაფერია. უკრავს ჯაზ-ორკესტრი და ცეკვავენ წყვილები. ლადია დინასთან, ხოლო ვოლკოვი თამართან ცეკვავს. ლამაზი ჩეხი ქალი საცეკვაოდ მე შეპატარება — განა ეს ყოველგვარი ეთიკეტის დაგმობას არ ნიშნავს?!

ჩვენს გვერდით ბრნოელი ახალგაზრდები სხედან. უბრალო გლეხის ჩაფსკენილი ბიჭები არიან. გარეგნობით არაფრით არ განსხვავდებიან დანარჩენებისგან, თუ მხედველობაში არ მივიღებო მზით გარუჯულ სახეებს და ონავრულ ქცევას. ისინი ცნობისმოყვარეობით გვეკითხებიან საბჭოთა ქვეყანაზე, ჩვენს ახალგაზრდობზე, კოლმეურნეობებზე, ოჯახური ტრადიციების შესახებ. სეტყვისაგით გვაყრიან კითხვებს.

რომელიღაც ჩვენგანმა თქვა, კაფე მომწონსო. გენერალმა (მას დღეს სამოქალაქო ტანსაცმელი აცვია და მიმართვა „ამხანაგო გენერალო“ როგორღაც უცნაურად ქლერს) აღშფოთებულმა შეხედა მას და ხმადაბლა თქვა:

— ამხანაგებო, ვხედავ ყველანი გაგაფუჭათ ევროპამ. რა შეიძლება იყოს იმაზე უკეთესი, როცა, მაგალითად, თბილისის რესტორანში შედიხარ და მწვადს გაწვდიან „შამფურზე“ — ხორცი ჭერაც შიშინებს, სურნელებით გავსებს, ან „ტაბაკად“ მორთმეულ წიწილას, წითლად შებრაწული კანი რომ აქვს წიწაკიან ტყემალთან ერთად... სუფრაზე კი დევს ცხვრის ყველი „მოთალი“

სურნელოვანი ტარხუნა და „ეოცხალი“ — შამფურზე წამოცმული თართი და ჩინებული „კახური“, რომლის ძალაც სისსლს გიჩქროლებს. ყველა კერძი შეკაზმულია ბროწეულის წვენით. მეწამული ბროწეულის ყოველი მარცვალი ლალი გეგონება, ან სადმე ირკუტსკში ან კიდევ ნოვოსიბირსკში მოგართმევენ განთქმულ მოსკოვურ „მწარეს“, ასტრახანულ მსუქან ქაშაყს (თან ქაშაყი აუცილებლად რძეშია გამოძეხვარი) დაფნის ფოთლითა და ზეთისხილიანად და დიდებულ ხიზილალას უახლესს, ოდნავ მწვანე ფერი რომ დაჰკრავს და თანაც მწვანე ხასვითაა გაწყობილი. რა სჯობიან წითელი წიწაკით შეზავებულ პელმენებს — ქვაბიდან ახლად ამოღებულს, ოხშივარანადენს. ან ფლოტურ წვნიანსა და კატლუტებს — რომელთაგან თითოეული ორასგრამიანია... აი ეს მესმის თქვენ კი აქ ეცაყვებასა და სხვა უაზრობებზე მელაპარაკებით! — გენერალმა ზიზლით ისე გასწია წყლით სავსე ჭიქა, რომ კინალამ დააქცია.

ის მართალი იყო, მართალი გახლდათ ჩვენი სახელოვანი გენერალი. ყოველ ჩვენჯანს მაშინვე ნერწყვი მოადგა, თვალები აუციმიძლა.

კაფედან რომ გამოვედით, მე და გენერალი ოდნავ ჩამოვრჩით დანარჩენებს.

— აბა, მითხარი, როგორაა შენი და ჩენი ქალების საქმე? — მკითხა მან.

— არც როგორ, ხელს მიშლის რუსი ქალიშვილი.

— ახ, ეს მშვენიერი რუსი ქალები, ისინი მუდამ გვიფუჭებენ ცხოვრებას, — იხუმრა გენერალმა.

## 6. VII. 1945.

ივლისის მშვენიერი დილაა. ნიავს მოაქვს ყვავილების საუცხოო სურნელი. ბაღში მდგარი ორფეოსი კვლავ უკრავს თავის ბარბითზე. კოცონები ჭერაც ანთია, მაგრამ უკვე თითქოს დაუძლურებულან დღის სინათლესთან ბრძოლაში. ოთხასოცდაათი წლის წინათ ეს დიდებული ვაჟკაცი კოცონზე ავიდა თავისი ხალხის ბედნიერებისათვის, სამი წლის წინათ კი მისი ღირსეული შთამომავალი, რომელსაც მგზნებარე სიყვარულით უყვარდა ცხოვრებაც და კაცობრიობაც, ღიმილით წავიდა ეშაფოტისაკენ.



(პო, რუჟიჩკას უნდა შეევასენო დანაპირები, წაგვიყვანოს იუ-ლიუს ფუჩიკის მეუღლესთან, ამბობენ, ფუჩიკმა სულის შემძვრე-ლი სატუსალოს ჩანაწერები დატოვაო).

ჩერ მხოლოდ ცხრა საათია. ჩემი ბორაკოს გაღვიძებამდე და მუ-გობრების მოსვლამდე მოვასწრებ ცოტა გავისიერნო, საპარიკმახე-როშიც შევიდე გასაპარსად, შემდეგ კი „კავარნაში“ ყავა დავლიო და გაზეთები გადავიკითხო (ჩეხური ენა რუსულს წააგავს და ცო-ტათი მაინც გავიგებ, რაზე წერენ გაზეთები).

ვიტრინების წინ ვჩერდები. როგორც ძველი ფილოსოფოსი ამ-ტკიცებდა, აქამდე მეგონა არაფრისგან ვერც ვერაფერს შექმნი-მეთქი; მაგრამ ამ მიწაზე უკვე სხვანაირად ვფიქრობ: ჩეხები სწო-რედ არაფრისგან ქმნიან მშვენიერ ნივთებს. ვიტრინებში ზოგჯერ იელვებს განთქმული ბოჰემური მინა...

— თერთმეტის ნახევარზე მე, ვასილი, პოტაპოვი, ჩერნოვი და მისი თანამგზავრი ქალები მივემგზავრებით ბარანდოვში — კინოქა-ლაქში. ვოლკოვი თითქოს სიუჟარულმა დაიპყრო გუშინ, მაგრამ ამ ნაზი გრძნობის ყველა კანონის საწინააღმდეგოდ, გვიანობამდე მშვიდად ეძინა. ის კი არა და ძლივს გავაღვიძე.

ბარანდოვი ქალაქის საზღვრებში მდებარეობს, მთაზე, თვალ-წარმტაცი მდინარე ვლტავას პირას. აქ ბევრია მცენარეულობა და დიდებული სახლები. შევნატრე კიდევ კინომუშაკთა ბედს: ეს რა დარბაზებში ცხოვრობენ-მეთქი, მაგრამ პოტაპოვმა იმედი გამიც-რუა: თურმე ეს სახლები მდიდარ საქმოსნებსა და სპეკულანტებს ეკუთვნოდათ. კინომუშაკები კი ძველი პრალის ქვით მოკირწყლულ ქუჩებში ცხოვრობენ. თუმცა ბარანდოვს კინოქალაქი ჰქვია, მაგ-რამ იქ კინომუშაკებს სტუდიის გარდა არაფერი არ ეკუთვნით.

ჩვენ კინოფაბრიკის ულტრათანამედროვე შენობის ჭიშკართან ვდგავართ. ზემოდან ცათამბჷნის მაგვარი მაღალი კოშკი დაგვყუ-რებს. სანამ ჭიშკრის გაღებას ველოდით, მეზობელი სახლიდან ბლით სავსე კალათა გამოგვიტანეს.

ტექნიკის უკანასკნელი სიტყვის შესაბამისად მოწყობილი პატა-რა ფაბრიკა ახლა არ მუშაობს. სწორედ ამ მიზეზით ფაბრიკაში ორი-სამი ქრონიკერი — ოპერატორის გარდა არავინ გვხვდება. მოკლემეტრაჟიანი დოკუმენტური ფილმი გვანახეს, მისი გადამღები ოპერატორი დიდი გულადი ვინმე ჩანს. ფილმში მოთხრობილია, როგორ აჯანყდნენ პრალელები ფაშისტი ჯალათების წინააღმდეგ,

როცა ქალაქის კიშკარს წითელი არმია მიუახლოვდა. როგორი უნდა იყოს ხალხი, რომელმაც იცის, რომ ერთ დღეში, ან სულ რამდენიმე საათში გათავისუფლდება, მაგრამ მაინც იწყებს მტერთან სამკედრო-სასიცოცხლო ბრძოლას? აი ექვმა ტყვიით გულგანგმარული პრადელი. ძნელი დასაჯებელია, რომ ყოველივე ეს დოკუმენტურია და საქმე სრულებითაც არა გაქვს მსახიობთა თამაშთან. სადღაც სახლის კარნიჟზე თუ სახურავზე ოპერატორი გადასაღები კამერის სახელურს ატრიალებს. ამ დროს კი აივანს ფაშისტები ნამდვილ ტყვიებს უშენენ.

ვათვალეებთ იშვიათი გემოვნებით ნაგებ პატარა სახლებს. არასოდეს მინახავს ქვების (უმეტეს შემთხვევაში დაუმუშავებელა ქვებისა). ზის (საქლენთი მუხა, კაკალი ან სხვა ძვირფასი ჭიშები) ასეთი კარგი ნატიფი შეხამება უბრალო ბათქაშთან. სურათების გადაღების შემდეგ ბალის გასასვლელისკენ წავედით. კონსტრუქციისტიული სტილის ლამაზ შენობაზე უზარმაზარი ნეონის რეკლამაა წარწერით „კავარანა“.

კაფეში შევდივართ. ჩახჩახა მზიანმა დღემ აქ ბევრი სტუმარი მიიზიდა. დიდებული, ფეშენებლური კაფე-რესტორანი. ტერასის საფეხურებთან, რომლებიც ამფითეატრივით ეშვება საბანაო აუზისა და ვლტავასკენ, დადგმულია მრგვალი პატარა მაგიდები და ალუმინის სკამები. მდინარეზე გემი „სტალინგრადი“ მიცურავს. გემბანზე დგანან მგზავრები, მოჩანს ყვაილები. ქუჩაში მშვენიერა ასული მიაბიჯებს. თავზე მოდური შლიაპა ხურავს. ბლით, ვაშლითა და მსხლით სავსე კალათა. ოი ღმერთო, სიცილს ძლივს ვიკავებთ. ნუთუ ესეც შლიაპაა! საცოდავი ქალები, რა ტანჯვას არ იტანენ, მოდას რომ არ ჩამორჩნენ! მის უკან ორი ჩალმიანი ქალი მოდის. ესეც მოდის უკანასკნელი ყვირილია — ამჭერად ფრანგული მოდისა. პარიზი გულს არ იტეხს! მთელი ეს სხვადასხვა ჯურის მხიარული ხალხი, კვლავ და კვლავ სვამს ერზაცს — უკოფეინო ყავას.

ოამარი თურმე ძლივს დაიყოლიეს სამგლოვიარო ტანსაცმელი რომ გაეხადა. მაგრამ უნდა ვალიარო, შავი ტანსაცმელი უფრო უხლებოდა.

უკრავს ჯაზი. ორკესტრის წევრებს შავი ვიზიტურები აცვიათ, თუმცა უკვე დღის პირველი საათია. ხელისგულზე ოდნავ მოზრდილ მოედანზე უამრავი წყვილი ცეკვავს. ცეკვებს შორის შესვენებისას გრძლად გაჭიმული ტერასის მეორე ბოლოში გრგვი-

ნავს ორკესტრი, რომელიც ასრულებს რუსულ და ჩეხურ ხალხურ საცეკვაოებსა და სიმღერებს. პრალის ქარხნების ახალგაზრდა მუშები დაუოკებლად მხიარულობენ.

ჩვენი გამოჩენა ამ საზოგადოებაში აჟიოტაჟს კიდევ უფრო აძლიერებს. მაშინვე შეგუქვეთეთ ერზაცი, სხვა მაინც მეტი არაფერი იყო (კიდევ კარგი, გენერალი არ წამოვიდა). ყავის სმა არ დაგვემთავრებინა, რომ ორი ახალგაზრდა მოგვიახლოვდა. წამოედექი, დანარჩენებმაც მომბაძეს. სტუმრებს ვთხოვე პურ-მარილზე დაგვეწვიოდნენ (ჰმ! რა ხმამალაა ნათქვამი) და ეს ისე სადღესასწაულად გაისმა, თითქოს მწვადზე და „ქინძმარეულის“ საუკეთესო ჩამოსხმაზე მომეწვიოს. ათიოდე წუთი ისხდნენ ახალგაზრდები, შემდეგ ერთ-ერთმა მათგანმა ჩერნოვს თავაზიანად მიმართა. ალბათ კიდევ მიხვდა, რომ ის ჩვენს შორის უფროსი იყო.

— ჩვენს ქალებს სურთ იცეკონ თქვენთან. ელჩად გვახელით.

— მზად ვართ, — დაიძახა ჩერნოვმა.

მე ხელი ავწიე.

— მხოლოდ ერთი პირობით: თუ თქვენ ჩვენს ქალებთან იცეკვებთ. — ბიჭები მაშინვე გამხიარულდნენ.

— რა ჩინებულად ხვდებით სხვის სურვილებს, — თქვა ერთმა ჭბაბუკმა და წინ გაგვიძღვა. საცეკვაო მოედნისაკენ ყველანი ერთად წავედით.

სადამოს გრიუნვალდის ველზე გამოვცხადდით. იქ ქოფაკ რაინდებთან მებრძოლი ტაბორიტების აჯანყების სახელოვანი ბელადის — იან უიკას ძეგლის დასათვალისწინებლად მივედით. შემდეგ კი ვეწვიეთ შუა ვლტავაში აღმართულ პატარა კუნძულს, ვისიერნეთ ნაგებობით, დინასთან განმარტობა კი მაინც ვერა და ვერ მოვახერხე...

## 7. VII. 1945.

დილით ვოლკოვი და თამარი ქალაქგარეთ წავიდნენ. ჩერნოვს ნაწილში გამოუჩნდა საქმე. მადლობა ღმერთს, დღეს მე და დინა მთელი დღე მარტო ვიქნებით! ზუსტად თორმეტ საათზე პოტაპოვკა ბუნტარდიოვის ქუჩაზე წავგიყვანა ინჟინერ ოდვარკას ოჯახში. ისინი მეორე სართულზე ცხოვრობენ (ჩვენებურად მეოთხეზე). მუბუც ოდვარკას პეტერბურგის უნივერსიტეტი დაუმთავრებია და რუსი

ქალი შეუერთავს. ქალმა მიუხედავად იმისა, რომ დიდი ხანია პეტრბურგი დატოვა, მაინც მგზნებარედ უყვარს სამშობლო. ყველაფერზე ეტყობა, რომ ინტელიგენტური ოჯახიდანაა გამოსული. მშვენიერი სათნო სახე აქვს და ჭაღარაც უხდება. ისა და მისი მეუღლე ოცნებობენ კიდევ ერთხელ მაინც მოხვდნენ ლენინგრადში ახლა მგლოვიარედ არიან, უფროსი ვაჟი იაროსლავი გერმანელებმა წამებით მოკლეს. სამახსოვროდ მხოლოდ ფერფლი დარჩა, რომელიც ვერცხლის ურნაში მოუთავსებიათ და მაგიდაზე ყვავილებს შორის დგას, იქვე სურათიცაა. იულიუს ფუჩიკივით მოლიმარი ჭაბუკის ნათელი სახე შემოგვეცქერის ფოტოსურათიდან.

— ისლა მანუგაშებს, ჩემი შვილი ღირსეულად დაიღუპა, როგორც შეპფერის კომუნისტსა და ჩეხს — ცრემლებს იწმენდს ლამაზი ჭაღარით დამშვენებული ქალი, რომელიც ისე ჰგავს ჩაპეკის დედას.

მოხუცი ჩეხის ფიქრები უფრო არეულია და ბუნდოვანი, თუმცა მისმა შვილმა სიცოცხლე გასწირა ახალი ჩეხოსლოვაკიისათვის. პარტიისა და ნათელი მომავლისათვის. ჯერ კიდევ ყველაფერი ვერ გაურკვევია ამ ბუზღუნა ჯიუტ მოხუცს, იგი მერყეობს ერთი მხრივ ბენეშის ფარულ. ბუნდოვან პოლიტიკასა და მეორე მხრივ თავისი შვილებისა და მშრომელი ჩეხი ხალხის გზას შორის. მან პირქუშად ჩაიბუზღუნა, საბჭოთა ჯარისკაცებისაგან ჰუმანიზმს მოელოდა და არა მრისხანებას, სულ არ ესმის მათი სისასტიკის, მისი აზრით, ეს ზედმეტია, თუმცა — ჩვენ ჩეხები, რა თქმა უნდა, ვერაფრით გადაუღებელი რუს ხალხს იმ ვალს. რაც მათ დაგვდეს. განა ცოტაა? სამშობლო და ერი გადაგვიჩინეს. ეს სიკვდილამდე გვემანსოვრება.

მე წამოვდექი და მაგიდასთან მივედი. ვერცხლის ურნის წინ დავედექი, ბუზღუნა მოხუცს თვალი გაეუხსნორე.

— თქვენ მართალი ხართ, ჩვენი ჯარისკაცები სასტიკები არიან, მაგრამ განა ეს სისასტიკე ჰუმანიზმს გამოირიცხავს? — მოხუცმა ყურადღებით გამომხედა, — განა შეგიძლიათ უმაღლეს სულიერ ღირებულებებზე იფიქროთ, როცა თქვენს სახლს ცეცხლი უკიდია, გოუპატიურებენ ცოლს, გიხოცავენ შვილებს?.. ჩვენი ჯარისკაცები თაიანთი ბუნებით მშვიდობიანი ადამიანები არიან: მათ ომი არ უნდოდათ. ომი უტხოა მათთვის! მაგრამ ჩვენ თავს დაგვესხნენ, წაგვართვეს ცხოვრების ჩვეულებრივი სინარჯი, მოგვწყეიტეს მშვიდობიან შრომას. უკან დარჩა მშობლიური ქალაქებისა და სოფ-

ლების ნახანძრალი, მიწაში ცოცხლად დამარხული ბავშვები და შერცხვენილი, მონებად გარეკილი დედები და დები, საბრძოლველები, სისსლი და ცრემლები... მთელი ეს ბოროტება ფაშისტებმა ჩაიდიანეს. ჭარისკაცებს არა აქვთ უფლება მტრის მიმართ გულჩვილობა და პუმანიზმი გამოიჩინონ, ამ სიტყვის ძველებური აბსტრაქტული მნიშვნელობით — იმ მნიშვნელობით, რომელზეც თქვენ ლაპარაკობდით! წამებით მოკლული ახალგაზრდა ჩეხის, თქვენი შვალის ფერფლი არ ასვენებს მათ, როგორც ყოველ პატიოსან ჩეხს. განა ჩვენ უფლება გვაქვს ვდუმდეთ, როცა სუნთქვა გვეკერის მრისხანებისგან, არ გამოვიტანოთ მკაცრი, მაგრამ სამართლიანი განაჩენი?! მაგრამ იცოდეთ: გაივლის თვეები, წელიწადი და, შესაძლოა, ყველაფერი დაეიწყებას მიეცეს, რაც მძიმეა, წარსულს ჩაბარდეს სიმკაცრე, რომელიც, ზოგჯერ ასე ძალიან ჰგავს უხეშობას. ადამიანისთვის ხომ დამახასიათებელია დაივიწყოს ყოველგვარი გაჭირვება, მწუხარება, ტანჯვა, ასეა მოწყობილი ცხოვრება... კარგი იქნება, მაშინ შეხვდებოდეთ ჩვენს ჭარისკაცს, სულში ჩახედავდეთ მას...

მოხუცი დუმდა. მისი ცოლი, რომელიც ცრემლებად იღვრებოდა, მომიახლოვდა, გადამეხვია და შუბლზე მაკოცა, მუხლზე ვეუბნებოდა. ხოლო მათმა უმცროსმა შვილმა, სტუდენტმა ხელი მაგრაუ ჩამომართვა და გადამკოცნა.

დაგვიყოლიეს და ყავაზეც დავეპატიეთ. ყავას ალუბლის მურაბაც მოაყოლეს და ვაშლის ღვეხელიც, კიდევ ჰოლანდიური ყველიც. მოიბოდიშეს, პური არა გვაქვსო (ჩეხები ჭრჭერობით ცდილობენ უპუროდ გადაიარონ), ალბათ ღვეხელისთვისაც ძლივს გამოფხიკეს ფქვილი.

მოხუცი უსიტყვოდ იჯდა, შექმდეგ ზანტად წამოდგა და მშრალად გამოგვეთხოვა. თავის ოთახში გავიდა. დიდამ და შვილმა მრავალმნიშვნელოვნად გადახედეს ერთმანეთს. მე თავი უმაღ ჩავდუნე. ჩემთვის ყველაფერი ნათელი იყო: ყველას როდი ჰყოფნიდა გამბედაობა, მტკიცედ დადგომოდა ახალი ცხოვრების გაუქვალავ გზას, ზოგი ჭერ კიდევ ამჯობინებდა ძველსა და ბნელ გზას, მაგრამ უმრავლესობა მაინც თამამად მოაბიჯებდა ნათელი მომავლისაკენ.

ზუსტად თერამეტ საათზე რუეიჩკამ გუსტა ფუჩიკოვასთან, ჩეხოსლოვაკიის ეროვნული გმირის მეუღლესთან მიგვიყვანა. ის საპ-

ჭოთა მეომრებთან ერთად შევიდა მშობლიურ ქალაქში. პოლონეთის ფაშისტურ ბანაკში გატარებულ მწარე ცხოვრებას შეერყია მისი ჯანმრთელობა, მაგრამ მაინც მტკიცე ქალი გამოდგა. თავისუფლების პირველი დღეებიდანვე დაიწყო ქმრის ძებნა. მალე გაიგო მწარე სიმართლე მასზე. შემდეგ კი ეს სიმართლე მთელ ქვეყანას მოედო. მსოფლიო შეაკანკალა. და ის, ვინც სიკვდილით დასაჯეს, უცბად უკვდავი გახდა.

ორი კვირის შემდეგ მეუღლეს იულიუს ფუჩიკის ჩანაწერები მოუტანეს. მას შემდეგ თვალებზე ცრემლი არ შეშრობია. ბოლოს და ბოლოს გაიგონა მისთვის დაუვიწყარი მეუღლის სიმღერა, — სიმღერა, რომელშიაც ფუჩიკმა ამდენი თბილი გრძნობა ჩააქსოვა. „ცხოვრებას მოწყვეტილი, — წერდა იგი, — თითოეული ჩვენგანი აქ დღითიდღე საკუთარ თვალწინ კვდება, მაგრამ კვლავ იბადება...“ ისიც დაიბადა ისევ, რათა ლეგენდად ქცეულიყო და მარად ეცოცხლა თავისი ხალხის გულში. ამიერიდან გუსტას შეეძლო ყოველდღე ესაუბრა მეუღლესთან.

ამ ძალიან უბრალო და ოდნავ დაუდევრად გაწყობილ ბინაში იგრძნობოდა ფუჩიკის დიდი სული, ახალგაზრდული და ძლიერი სული. ის თითქოს რაღაცით ჰგავდა მიაკოვსკის, რაღაცით ნიკოლოზ ოსტროვსკის, რაღაცით თავისი პარტიის დიდ ბელადებს და შეიძლება ითქვას, გრძელ მანტიაში გახვეულ კაცსაც, რომელსაც დოქტორის ქუდი ეხურა, და რომლის პარტივსაცემადაც ამ დღეებში ჩეხოსლოვაკიაში უამრავი კოცონი ააგიზგიზეს.

„რაოდენ ცოტაა ადამიანის სიცოცხლის დღეები, ჩვენ კი გვინდა რაც შეიძლება სწრაფად გარბოდეს წუთისოფელი“. ეს სიტყვები მან მაშინ დაწერა, როცა ჩქარობდა მარად ცოცხალი დარჩენილიყო. ახალგაზრდობისათვის ესწავლებინა, როგორ უნდა ცხოვრება და სიკვდილი.

წასვლა არ გვინდოდა, მაგრამ დრო, როგორც იტყვიან, ლუზაზე არ დგება. ბოლოს და ბოლოს გუსტას გამოვეთხოვეთ, გამოვეთხოვეთ ისე როგორც ძველი, კეთილი მეგობრები. როცა კიბეზე ვეშვებოდით, მეჩვენებოდა, თითქოსდა თვით ფუჩიკის მხნე ხმა ჩამესმოდა, რომლის გაჩუმება ფაშისტებმაც კი ვერ შეძლეს:

„...თქვენ გგონიათ, თითქოს კარგად იცით ცხოვრების ფასი. მკვდრებით აღდგომის შემდეგ გეჩვენებათ, თითქოს რეჟისორის

ნიშანზე მაშინვე აენტო ყველა იუპიტერი და სცენას სინათლე აჩახჩახებს. გეგონათ, რომ კარგი მხედველობა გაქვთ, მაგრამ მკვდრებით აღმდგარნი ისეთს ხედავთ სამყაროს, თითქოს თვალთან ერთდროულად მიგეტანოთ ტელესკოპიც და მიკროსკოპიც, მკვდრებით აღდგომა გაზაფხულის ხვედრია. ის მოულოდნელ მშვენიერებას პოულობს ყოველად ჩვეულებრივში..."

უნივერსიტეტის მოედანზე შევჩერდით. ეს ევროპის ერთ-ერთი უძველესი უნივერსიტეტია. აქ კითხულობდა ლექციებს იან პუსი, ამ ძველი შენობიდან განათლების სინათლე ეფინებოდა ჩეხიისა და სლოვაკიის ყველა კუთხეს, ყველა სლავურ ქვეყანას. ლადია ამის შესახებ განსაკუთრებული შთაგონებით გვიამბობს. თვითონაც დღეს რალაცნაირი, განსაკუთრებულია, ახალგაზრდა და ძლიერი, მას ჩეხიის ახალგაზრდათა კავშირის წევრის მწვანე ქურთუკი აცვია.

ჩემი ყურადღება მიიპყრო დაჭრილი მებრძოლის შიშველმა ქანდაკმა; რა ზუსტად და ექსპრესიულადაა გადმოცემული ტკივილის გრძნობა და დაცემის სისწრაფე. თვალს ვერ ვაშორებ ქანდაკს (ეს იმ მოქანდაკის ნამუშევარია, რომლის ატელიესაც ყოველდღე ვხედავ ლოგინიდან ადგომისას, ასევე საღამოს — ძილის წინ; დალახვროს ეშმაკმა, სულ მაგიწყდება ვიკითხო მოქანდაკის გვარი!).

— ბოდიში, მეგობრებო, — გვეთხოვება რუჟიჩკა, — უნდა დაგტოვოთ. იულიუს ფუჩიკის სახლში ყოფნის შემდეგ შენც ვინღა მარტო დარჩე ან იმ ადამიანთან, ვისაც კარგად ესმის შენი, ვისაც შეიძლება უსიტყვოდ ესაუბრო. ფეიქრობ, გამიგებთ, ამხანაგებო!

მე და დინა პრალის ძველ ვიწრო ქუჩებს დავადექით, კომპების თაღებქვეშ გავიარეთ და უეცრად კარლოსის ხილზე აღმოვჩნდით. აქეთ მიზიდავდა ძველი ხელოვნება, მოლაპარაკე ქვები. დინას კი არ ვიცი, რა იზიდავდა.

შუალამე ახლოვდებოდა. გამგლელები თითქმის არ ჩანდნენ, იბგვლივ უცნაური სიჩუმე გამეფებულაჲ მთვარის შუქზე ელვარებდა გრადჩანების განუმეორებელი სილუეტები — კოშკები, სახლების კედლები, კრამიტის სახურავები, ბებერი ხეები, კაცს ეგონებოდა, თითქოსდა ყოველივე ეს გობელენზე გამოესახოს დიდა ხნის წინათ მცხოვრებ დიდებულ ოსტატს. დაფიქრებული დავცქეროდით ვლტავას მშვიდ დინებას. ახლა სწორედ დრო იყო გულახდილი საუბრისა. თუმცა სულაც არ მეთქმის გაუბედავი კაცი, ლაპარაკს მაინც ვერ ვბედავდი. ერთ-ორ წუთს კიდევ დავიცდი. ნეტკ

რაზე ფიქრობს ახლა დინა?.. ასე მეგონა, თითქოსდა ათ მეტრიან სახტომ კოშკზე ვიდექი და საცაა წყალში უნდა მესკუბა. თვალეზი დავხუჭე, გულში დავითვალე: ერთი... ორი... სამი... და ქალიშვალისაკენ შევბრუნდი.

— დინა, არ მინდოდა შენთვის მეთქვა ეს გაცვეთილი, ტრაფარეტული სიტყვა. მაგრამ რამდენიც უნდა ეძებო, ადამიანურ ენაზე უკეთესი არაფერი მოიპოვება... მიყვარხარ, დინა... შემიყვარდი, დინა... ისე შემიყვარდი, რომ მეჩვენება თითქოსდა თავბრუდამხვევი სიმალიდან ვეშვები. ვხედავ, შენც გიყვარვარ. მაშ რატომ ვიქცევით პატარა ბავშვებივით და არ ვეუბნებით ერთმანეთს ამ „კრამოლურ“ სიტყვებს? რა სისულელეა, გრცხვენოდეს ყვილაზე ლამაზა, ყველაზე მაღალი გრძნობისა!.. თუმცა, კაცმა რომ თქვას, ამ გაუბედარობაშია გრძნობის სილამაზე და სილიადე, მარადიული ამაღლებელი ჭეშმარიტების გამეორება... ხომ ასეა?

დინა ერთხანს დუმდა და ნერვულად იმტკრევედა თითებს. ხელები მხრებზე მოვკიდე და თვალბზი ჩავხედე.

— მე... მეც ისევე ვფიქრობ, როგორც შენ... და მაინც ცოტაო სხეანაირად, თვითონაც ხედავ... და ეს ხიდიც მოწმეა, მიყვარხარ თუ არა. ასე მგონია, სულ რამდენიმე დღე კი არა, წლები, ხანგრძლივი წლებია, რაც გიცნობ, მაგრამ, ძვირფასო, — ხელი სახეზე, ნაჭირლობევეზე მომისვა, — მოდი ბოლომდე ნამდვილ მეგობრებად დავრჩეთ...

გულში მწარე ტკივილმა გამკრა. ტკივილმა, რომელიც ცხოვრების ღვიძლი დაა...

— არა, დინა, შენ სწორს არ ამბობ... თითქოს ნამდვილი წმინდა ანტონის ცდუნებაა. მიყვარხარ, და გწამდეს, ამაზე ძლიერი გრძნობა არ მქონია ცხოვრებაში. მე შენთან ნამდვილ, ამქვეყნიურ ბედნიერებას ვესწრაფი. აქ, ამ ბებერ მიწაზე და სამუდამოდაც!

არ მახსოვს როგორ მოხდა, ერთმანეთს ჩავეკარით. მე ვკოცნიდი ლოყებზე, ტუჩებში, თვალბზე. ის კიდევ თმბზე მისვამდა ხელებს. გაუბედავად მეხებოდა ტუჩებით კისერზე, გვერდზე. მეჩვენებოდა, გავგიჟდებოდი ბედნიერებისაგან, მღელვარებისგან, მისი ნატიფი კანის სინაზისაგან, შემდეგ როგორც იყო, გათავისუფლდა ჩემი მკლავებიდან:

— არა, კმარა, არჩილ. გამიგე, ახლა ორმაგ ცეცხლში ვიწვი... არა-არა, ეს არ მოხდება! მე მიყვარს ჩერნოვი, დიდი ხანია პი-



რობა მივეცი. შენ ყველაფერს უნდა მიმხვდარიყავი... შერიგებოდი ამას.

მეტი არაფერი გვითქვამს ერთმანეთისთვის. უხმოდ გავაცილე, სადარბაზოსთან კიდევ ერთხელ ვაკოცე (თვითონ მოინდომა). მახსოვს დილამდე დავეხეტებოდი უცნობ ქუჩებში.

## 8. VII. 1945.

ალარ ანთია ჩირალდნები. ჩაქრა უამრავი კოცონი, ცხოვრება თავისი ჩვეულებრივი გზით წარიმართა. მკერავთან ვიჩქარი — პიჯაკი უნდა გამოვაშვებინო. რა გასაკვირია, ამ სამი წლის მანძილზე დავეაქაცადი, როგორც იტყვიან მხრებში გავიშალე. პოტაპოვთან ერთად წავედი ვაცლავის მოედანზე, აქ მთელ ევროპაში ცნობილი მკერავები არიან, ქალაქის საუკეთესო მკერავები. ჩემს მკერავს დოუბეჯი ქვია, მხიარული, ჩაფსკენილი ვაჟკაცია, ცოტათი მოკრავესა ჰგავს. ფეხბურთის დიდი მოყვარულიც გამოდგა. განათლებული, ნაკითხი ყმაწვილია, თავისი საქმე კი ჩინებულად იცის — ნამდვილი მხატვარია! გონებამახვილი და იუმორით სავსე. სახელოსნოში რამდენჯერმე შემოიხედა მისმა მეუღლემ, ჩანს, ის არა მარტო დოუბეჯის ბავშვების დედაა, არამედ მეუღლესაც არ აკლებს მზრუნველ თვალს. დოუბეჯსაც ეტყობა კარგი მეოჯახე რომაა. თუმცა ალბათ ზოგჯერ უარს არ ამბობს თვალს წყალი დააღვეონოს. ყოველ შემთხვევაში მე ასეთი აზრი შემექმნა. როგორღაც მაშინვე მოგვეწონა ერთმანეთი, თუმცა, ეს მაინცდამაინც დიდი იშვიათობა არ არის. მან მიაამბო, რა მტანჯველი დღეები გადაიტანა ქალაქმა ფაშისტური ოკუპაციის დროს. ხოლო როცა ჰიტლერელთა ურდოები სტალინგრადს მიუახლოვდნენ, მთელი ჩეხოსლოვაკია გლოვამ მოიცვა, ბევრი სასოწარკვეთილებაში ჩავარდა, ყოველგვარი იმედი დაკარგეს.

— მე კი მუდამ მჯეროდა, რომ რუსეთი გაიმარჯვებდა, იმედი არასოდეს დამიკარგავს... თუმცა ცოტა არ იყოს, სულით დავეცი სტალინგრადის მძიმე დღეებში, მაგრამ მაშინვე მოვედი გონს.

ვილაპარაკეთ ჩეხურ ლიტერატურასა და ხელოვნებაზე, არქიტექტურაზე. გამოირკვა, რომ ოპერაში არ დადიოდა, რადგან ოკუპაციის წლებში ზოგი მისი საყვარელი მომღერალი კოლაბორაცი-

ნისტი გამხდარა. თავისთავად გასაგებია, არ დავიწყებია ეთქვა, რომ პალტო შეუკერა ცნობილ ნორვეგიელ მოციგურავეს ჰოლივუდის კინოვარსკვლავს სონია ჰენის. გამოთხოვებისას კი გამანდო თავისი სანუკვარი ოცნება. უნდა მოინახულოს საბჭოთა კავშირი. შეიღს კი აუცილებლად ჩვენთან გამოგზავნის სასწავლებლად, ვინაიდან საბჭოთა კავშირი მომავლის ქვეყანაა

## 9. VII. 1945.

მეორე დღეს დილიდან ვემზადებოდით მორავიაში წასასვლელად. გადავწყვიტეთ ბრნოს ქარხნები დაგვეთვალეირებინა. გვენახა მთელ მსოფლიოში განთქმული ქალაქი ელინი, ფენსაცმელის „მეფის“ ტომას ბატის ყოფილი სამემკვიდრეო მამული. ახლა ყოველივე ეს ხალხის საკუთრებაა. მორავიაში დაგვპატიეეს ბრნოელმა ბიჭებმა, რომლებსაც პრალის კაფეში დღესასწაულზე შევხვდით. ჩენის ახალგაზრდობის კავშირმა რუჟიჩკა გამოგვაყოლა.

მე საჭესთან ვზივარ, უკან კაბინაში სხედან დინა და ბორისი. მათი იქ ყოფნის შეგრძნებისგან თითქოს ზურგზე ცეცხლი მიკივია, გულზე რაღაც სიმძიმე მაწევს. ხელს ვაჭერ აქსელერატორს — მაქსიმალური სიჩქარეა. კიდევ რომ მოუჩქარო, აეარია ნაღვლი! წინა მინა ჩამოშვებულია, ქარი სახეში, ყურებში მცემს. თმა ამეწეწა, თვლებში მიძვრება, ვერაფერს ვხედავ: წინ მთლიანი ნისლია და ტკივილი, ტკივილი და ნისლი, საკუთარ თავზე კონტროლს ვკარგავ. ვცდილობ თავს მოვერიო, არაფერი გამოდის. ქარი ქრის, ყურებში ჩამზუზუნებს. მთელ სხეულზე ცივი ოფლი მასხამს. ვგრძნობ, როგორ ხტუნაობს და ჯანჯღარებს მანქანა. ძრავა თუხთუხებს, კიდევ წუთიც და... თვალწინ გამირბინა მთელმა ჩემმა ხანმოკლე სიცოცხლემ. ბავშვობამ... ახალგაზრდობამ. სტუდენტობის საუცხოო წლებმა... დედის ალერსიანი სიტყვები და მამის მკაცრი სინაზე. შემდეგ ომი — გამარჯვებები და დამარცხებები, სიხარული და მწუხარება... საშინელი დანგრეული ქალაქი, ერთი წლის ბავშვი, რომლისთვისაც ბომბს თავი წაუგლეჯია. ვილაცის სისხლი ხელებზე, ჩემებზე, ვილაცის უძლური კენესა და სიძულვილის გრძნობა, უსაზღვრო სიძულვილისა ომისადმი, ადამიანის მიერ ადამიანის მოსპობისადმი... აი ჩვენი შავი ლიმუზინიც და ქალიშვილი, რომელიც პირველ სიყვარულს წააგავს... მანქანის მართვა მიჭირს — წინ,

წინ... უფსკრულისაკენ... უეცრად საიდანღაც ოდნავ გასაგონად ის-  
მის: „გონს მოდი! რას აკეთებ?!“. ვილატის მძლავრი ხელები საჭყეს  
ჩააფრინდა. მანქანა უკვე სხვის ნებას ემორჩილება... ყველაფერი  
ნისლს მოუცავს...

უცნობი ტყის მდელივით გამოვფხიზლდი. თამარს მოეყავდი  
გრძნობაზე; მგონი, ნემსიც გამიკეთა, როცა იგრძნო რომ გრძნობაზე  
მოვდიოდი, ბორისი მომვარდა:

— როგორ ხარ, არჩილ ძვირფასო?.. თუ თავს ცუდად გრძნობ-  
დი, საქრისთან არ უნდა დამჯდარიყავი. საერთოდაც შეიძლება  
ერთი დღით გადაგვედო მგზავრობა, არაფერიც არ მოხდებოდა..

— ბოდიში, ბორის, — ლაპარაკი მიმძიძა, — ვერც კი გამოვ-  
თქვამ, დამნაშავე ვარ!..

დინა განზე იჯდა ფერმკრთალი, ჩაფიქრებული, სახეზე გადატა-  
ნილი შიში ეტყობოდა, — მან ხომ მშვენიერად იცოდა, რა ხდებოდა  
ჩემში. ეგონებ, ბორისიც რაღაცას ხელებოდა. სწორედ ის მისწვდა  
უკანასკნელ წუთს საჭეს.

— რა სისულელეა! — თქვა მან, — მომეხვია და შუბლზე მაკო-  
ცა. — ძალიან კი შეგვაშინე... კარგია, რომ იოლად გადავრჩით. ძა-  
ლიან გთხოვ ეს ფათერაკიანი წუთები დავივიწყოთ.

მალე კვლავ დავადექით გზას. ახლა მანქანა ჩერნოვს მიჰყავდა,  
მე უკან ვიჭიქი ვოლკოვთან ერთად (დინა თამართან გადაჯდა მეორე  
მანქანაში). არეული ვიყავი. თავს უხერხულად ვგრძნობდი. განსა-  
კუთრებით ჩერნოვის წინაშე; სხვები მაინც ბალთას იყვნენ, არა-  
ფერი იცოდნენ.

კარიბჭესთან ქალაქ ბრნოს მუშათა დელეგაცია შეგვხვდა. ამაში  
რუჟიჩკას ხელი ურევია, თუმცა ძალიან ვთხოვეთ, ზარზეიმი საჭი-  
რო რომ არ იყო. მუქარის ნიშნად თითი დავუქნიე, იგი მიხვდა და  
გაიღიმა. მუშები საქარხნო კომიტეტის თავმჯდომარის რაიჩუკის  
მეთაურობით. შეძახილებით შეგვხვდნენ. გვაჩვენეს ქარხნები, მუშა-  
თა ქალაქი. ჭერ კიდევ მთლიანად არ ჩამცხარალა ომის ხანძარი, აქ  
კი უკვე აშენებენ პარკებს, სტადიონებს, ჩოგბურთის კორტებს,  
ფრენბურთის მოედნებს, გეგმავენ მშვენიერ ნათელ სასახლეებს  
მუშებისათვის, აგრეთვე სკოლებს, საბავშვო ბაგებს, ტექნიკუმებს,  
კლუბებს.

სალამოს სადილის შემდეგ კულტურის სასახლეში მიგვიწვიეს.  
ჩერნოვმა პატარა მოხსენება გააკეთა. იშვიათად შემხვედრია ასეთი

ორატორი, მისი სიტყვა წყალივით მოედინებოდა — ლამაზი, შინა-არსიანი გახლდათ. მის ყოველ სიტყვაში იგრძნობოდა ჭკუა და სიღრმე.

ჩერნოვის შემდეგ გამოვიდნენ რაიჩეკი და მუშები — ახალგაზრდა თაობის წარმომადგენლები. ჩვენ ყვაელები მოგვართვეს და დიდხანს წარმოთქვამდნენ სადღეგრძელოებს. შემდეგ ქალაქგარეთ წავიყვანეს. მდინარის პირას ლამაზ მდელობზე გამართეს სუფრა, ირგვლივ ჩირაღდნები ენთო.

— არჩილ, რა მოგივიდა დღეს! — ჩამესმა დინას ხმა.

— თვითონაც არ ვიცი. თქვენს მანქანაში არ უნდა ჩავმჯდარიყავი. ხომ არ მიწყობები?

— სულაც არა... თუმცა შენი ემოციები შეიძლებოდა ყველას სიცოცხლის ფასად დაგვჯდომოდა. არ შემიძლია გაგინაწყენდე, თუმცა საჭირო კია... ჩემო საწყალო!

— ბორისი?

— ის არასოდეს არ აძლევს თავისუფლებას საკუთარ გრძნობას, ვერც კი გაიგებ მის განცდებს. ამ კაცის დიდსულოვნება კი უსაზღვროა... შენც შეუყვარდი და ალბათ ამიტომ შემწყნარებლურად ეკიდება შენს სისუსტეს... გულში რა უტრიალენს, არ ვიცი, ჭერ-ჭერობით არ ძალმიძს ჩავწვდე ამ საიდუმლოს. მხოლოდ ის ვიცი, რომ კეთილშობილების განსახიერებაა და ამიტომაც მიყვარს.

ორმაგად ვიტანჯებოდი — ცალკე სიყვარული მექაჩებოდა, ცალკე სინდისი მქენჭნიდა. დინა ყველაფერს აშკარად ხედავდა და მგონი ვეცოდებოდი კიდევ. ხელი ხელზე ნაზად მომიკიდა. ალერსიანად შემომხედა და გამიღიმა. ტანში გამცრა და კინალამ ჩავეკეცე.

აქედან ისევ გაუაგრძელეთ ჩვენი ექსკურსია.

ბრნოს ქარხნებმა და ზლინის ფეხსაცმლის ფაბრიკამ დიდი შთაბეჭდილება მოახდინა, განსაკუთრებით მოგვეწონა მუშების ხალისიანი განწყობა, ორგანიზებულება.

11 ივლისს დილაადრიან გამოვეთხოვეთ დინას, თამარსა და ჩერნოვს. შეეუთანხმდით, რომ სამი დღის შემდეგ ვენაში შევხვდებოდით. ჩვენ კი კარლოვი ვარში გავემგზავრეთ.

კარლოვი ვარში გაეჩერდით სასტუმროში, რომელიც წინათ გრაფ ფანგოლენშტეინის ეკუთვნოდა. კაპიტანი კონოვალოვი ვესტაბიულში დაგვხვდა და მაშინვე სასტუმროს დათვალეირება შემოგვთავაზა. ნათელი და მშვენიერი ოთახები მდიდრულად და გემოვნებით გახლდათ მორთული. დერეფნებში კედლებზე აკვარელოთ შესრულებული ლამაზი პეიზაჟები იყო გამოფენილი. რაკებში ეწყო ფაიფურისა და ბროლის ჭურჭელი, ორიგინალური ბოქემური მინა, რამდენიმე ქაშანურის ფიალაც. ყველაფერი ეს სენ-პერშეის სახელოსნოებიდან გახლდათ მოტანილი. კედლებიდან შემოგვცქერის ჩასუქებული ვაებატონი — ჰოლენშტაინების ოჯახის ყველაზე უმცროსი წევრი, ფაშისტი მფრინავი. ჩვენი ბავშვების, ქალების, ძმებისა და მამების რამდენი სისხლია მის სინდისზე (ლ.ისაა გავგიჟდე, როცა ამას ვიხსენებ). ოდნავ მოშორებით ამ ძველი გვარის წამამთავარის პორტრეტია, რომელსაც დამპყრობლის მტაცებლური სახე აქვს.

მეხუთე სართულზე ავდივართ. აქ თურმე უკანასკნელ წუთამდე ემალებოდა ხალხის შურისძიებას გამყიდველი ვლასოვი. როცა საბჭოთა ჯარები მოახლოვდნენ, ქალის კაბა გადაიკვა და გაქცევა დააპირა. მაგრამ არ გამოუვიდა, მხეცი შეიპყრეს!

კარლოვი ვარს წარმტაცი მთები შემოსჯარვია, აქ ყველაფერი ძალიან ჰგავს ბორჯომის ხეობას. სამკურნალო წყლებით, მრავალსართულიანი სასტუმროებით, მშვენიერი სანატორიუმებით. განთქმული ქალაქი გვაოცებს თავისი სიწყინარითა და მღუმარებით. შუა სეზონია და ხალხი თითქოს ბლომად უნდა იყოს! მაგრამ ვათავრსუფლებული ჩეხოსლოვაკიის ხალხი ჯერჯერობით სხვა წამლებით მკურნალობს, არც სხვა ქვეყნებიდან ჩამოდიან სტუმრები...

გალავანზე, რომ ლიც ერთ-ერთ წყაროს აკრავს, მემორიალური დაფაა: „ამ ადგილას იდგა პფაუს სახლი, რომლის მშენებლობაში 1712 წელს პეტრე დიდიც მონაწილეობდა, როგორც კალატონი“.

იქვე საბჭოთა მეომრების ცოცხალი ყვავილებით მორთული საფლავებია.

კვლავ „კავარნა“. ისეთივე საძაგელი კაფე. ისეთივე ცეკვები ჯაზ-ორკესტრის თანხლებით. ხალხს ჯერაც არ უსწავლია ნამდვილი მხიარულება.

12. VII. 1945.

მონადირხს მთაზე აველით. მთის კენწეროზე დგას პეტრე I საკმაროდ უგემოვნო ბრინჯაოს ბიუსტი. აქვეა რესტორანიც. მისი კედლები ირმის რქებითაა მორთული. გვთავაზობენ ცხელ ყავას და კიდევ შთაბეჭდილებათა წიგნს. არ იცი, რა ჩაწერო ამ წიგნში, უბრალოდ თავაზიანობის ვალს თუ მოიხდი, თორემ ჩასაწერი არაფერია.

ვისადილეთ თუ არა, მაშინვე პრალაში გავემგზავრეთ. გზად ერთმა ქალიშვილმა გვთხოვა თან წაგვეყვანა. ქალიშვილი გერმანელი ებრაელი აღმოჩნდა, ახლა სოფელში მიემგზავრებოდა ახლობლებთან. გზაში რასაკვირველია ერთმანეთს გამოველაპარაკეთ. ქალიშვილმა მორცხვად გვიამბო, რომ მისი ოცნება იყო ბალერინა გაქნადარიყო. ამისათვის მას, როგორც ებრაელს განცხადებით უნდა მიემართა ჰებელსისათვის. ნებართვა თითქოსდა მისცეს. ბერლინშიაც გაემგზავრა... მაგრამ ფეხი „განიერი“ აღმოაჩნდა და დაიწუნეს. ამ „ობიექტური მიზეზის“ ნამდვილი სარჩული, რა თქმა უნდა, სულ სხვა რამ იყო. ქალიშვილმა გვიამბო, თუ რა საშინელ ზღაპრებს ავრცელებდა ჩვენზე ჰებელსის პროპაგანდა. მერე რა გაირკვა, ჩვენ თურმე ჩვეულებრივი ადამიანები ვყოფილვართ და სუფთადაც ვლაპარაკობთ გერმანულად! ქალიშვილი განცვიფრებული და ნასიამოვნები იყო. მანქანიდან გადმოსვლისას ბედნიერი გზა გვისურვა.

რომელიდაც სოფელში იძულებული გავხდით შეეჩერებულებოდით და მანქანისათვის „გვემკურნალა“. გლეხის ბიჭი მორიდებით მოგვიახლოვდა. პატარა ჩეხი ძალიან დაინტერესდა ჩვენი, თუმცა სულ ათიოდე წლისა იყო, გაირკვა, რომ თურმე მას სმენია კრემლის, ლენინის, სტალინის შესახებ, ხოლო არტეკი მისი ოცნების წყარო ყოფილა. სანამ მანქანას ვუკირკიტებდით, მარდმა ბიჭუნამ საკუთარი ინიციატივით ცივი ლუდი მოგვიტანა და უამრავი ცნობისმოყვარე ბავშვიც მოგვაყენა.

13. VII. 1945.

და აი, კვლავ პრალაში ვართ. რუჟიჩკაც უკვე დაბრუნდა ბრნოდან და სტრახოვის ბიბლიოთეკაში მივეყვარ, რომელიც ჩეხურა კულტურის სიამაყეა.

სტრახოვის კლავტერი (ჩვენებურად მონასტერი) დაარსდა 1140 წელს. ბიბლიოთეკის დარბაზი ხუროთმოძღვრების სასწაულია. ის მოპირკეთებულია კაკლის დიდებული მოჩუქურთმებული პანელებით. შემკულია დიდებული სურათებით. დარბაზი 1790 წელს გაიხსნა. აქ ბიბლიოთეკაში 120.000 სხვადასხვა ტომი ინახება. შემოვიარე კლავტერის ყველა კუთხე, დავიარე აურაცხელი დარბაზი, სატრაპეზოები, სენაკები, დავათვალიერე ძველი რუკები და გლობუსები, უსარმაზარი ფოლიანტები და ძველი პერგამენტები. ამის შემდეგ ვეწვიე კარმელიტებისა და იესუიტების მონასტერს, რომელიც იქვე ახლოს მდებარეობდა. იგივე ლაზი, კეთილშობილური ქვები, რომლებისთვისაც ბაროკოს სტილის ოსტატებს შეუხსამთ ხორცი. აქ უამრავი მადონაა. ზოგი შეფერადებულია ძველ ბერძნული ნიმუშის თანახმად, სხვები ბალახონებით, მაქმანით და ფარჩით არიან შემოსილი. ყოველივე ეს საკმაოდ ველურ შთაბეჭდილებას სტოვებს. რუჟიჩკა საესებით მეთანხმება ამაში.

დიდხანს დავებებებოდით ქალაქში. ვიღაც გამელელმა რუსული ლაპარაკი რომ გაიგონა, შეგვაჩერა. უმალ ის მკითხა საიდანა ხარო? რომ ვუთხარი, რუსეთიდან-მეთქი, გადამხეხია, ინჟინერი ნიკოლაევი ვარო — გამეცნო. პირველი მსოფლიო ომის შემდეგ აქ გცხოვრობო. ახლა ამაყად მაჩვენებს საბჭოთა პასპორტს და პორტფელიდან იღებს მოსკოვში გამოცემულ „პარტიის ისტორიას“.

მიჭირს ლადია რუჟიჩკასთან გამოთხოვება. ამ ორ დღეში ძალიან შევეჩვიეთ ერთმანეთს და დაემეგობრდით. რუჟიჩკა ჩემთვის ჩეხოსლოვაკიის ახალგაზრდობის წარმომადგენელია. გამოთხოვებისას მასაც ნაღველი შევნიშნე, ლაპარაკი უჭირდა, თვალბზე ცრემლიც კი მოადგა.

— მეგობარო არჩილ! (ის მახვილს მუდამ პირველ მარცვალს ახვედრებდა) ჩვენი დოქტორი იადლიჩკა თარგმნის თქვენს რუსთაველს, ეს შესანიშნავი პოემაა მეგობრობასა და სიყვარულზე. ძალიან მინდა ჩვენც ისეთი მეგობრობა გვაკავშირებდეს, როგორსაც ასობით წლის წინათ უმღერა თქვენმა პოეტმა. მე აუცილებლად ჩამოვალ მოსკოვში განათლების დასამთავრებლად და იქ შევხვდებით ერთმანეთს.

მართალი გითხრათ, მეც კინაღამ მომერია ცრემლები. ერთმანეთს გადავეხვიეთ და შევთანხმდით, რომ დილას ის ჩემს გასაცილებლად მოვიდოდა.

კიდევ დიდხანს დავეხეტებოდი იმ ქალაქის ქუჩებში, რომელიც სულ რამდენიმე დღეში ასე მშობლიური და ახლობელი გახდა. მიჰქირდა მასთან გამოთხოვება... მაგრამ რას იზამ, წინ ვენა მელოდებოდა.

## 15. VII. 1945.

„ვენა ვენად რჩება!“ — ასე წერია ტრანსპარანტზე, რომლითაც გვხვდება ქალაქი, მეორე პარიზს რომ უწოდებენ. ევროპის მუსიკალური ცხოვრების ცენტრი XVIII და XIX საუკუნეებში, ქუჩის ბარიკადებისა და მუშათა გმირული გაფიცვების ქალაქი... შვიდი წლის წინათ ის ვერაგულად ხელთ იგდო ჰიტლერმა გულგრილი ევროპის თვალწინ.

მაგონდება დიდი ბეთჰოვენი. ისიც ხომ ამ ქალაქში ცხოვრობდა და აქვე გარდაიცვალა. „ხელოვნების მიზანი უნდა იყოს თავისუფლება, პროგრესი“, — ეუბნებოდა დიდი კომპოზიტორი თავის მეგობრებს ახალგაზრდობის წლებში. ამ რწმენის ერთგული დარჩა სი-ცოცხლის ბოლომდე. რა კეშმარითად ზედაშიანური შემოქმედებითი ენერჯია ჰქონდა-მომადღებელი ავადმყოფ, მარტოხელა, გაჭირვებისგან შეწუხებულ კომპოზიტორს, რომელმაც ცხოვრების უმძიმეს დროში შექმნა თავისი ყველაზე ოპტიმისტური ნაწარმოებო, სიხარულისა და თავისუფლების მსოფლიო ჰიმნი — მეცხრე სიმფონია.

პრალასთან შედარებით ვენა ბევრს აგებს. მას რალაცნაირი ქარაფშტული იერი დაჰკრავს.

„გრანდ-ოტელში“ დავბინავდით. თურმე ჩვენი მეგობრებიც აქ დაბინავებულიყვნენ. სასიამოვნო ამბავი შევიტყვეთ: ახლახან მოსკოვიდან საგასტროლოდ ჩამოფრენილან გალინა ულანოვა, ნატალია შპილერი, ლევ ობორინი. მათ თან ახლავს ჩემი მეგობარა, ხელოვნებათმცოდნე ოლგა ნიკოლოზის ასული ლიდოროვა.

სალამოა. მახარებს მეგობრებთან — დინასთან, ბორისთან და თამართან შეხვედრა. ასე მგონია, თითქოს მთელი წელი არ გვენახოს ერთმანეთი. მათ ჭერაც არ დაუთვალაიერებიათ ვენის ღირსშესანიშნაობანი, მე მელოდნენ. თამარს უთქვამს, რომ ჩემი ხელმძღვანელობით მეტს ნახავენ და უკეთაც გაერკვევიან ყველაფერ-



ში. მე მათთვის თითქოს მაგიური მინა ვარ. მაღლიერების ნიშნად თავი დავხარე და ხელზე ვეამბორე.

ჩვენს გასტროლოგობთან ერთად გავედით რინგზე სასეირნოდ. აქ თერთმეტ საათამდე შეიძლება სეირნობა, შემდეგ კომენდანტი საათი დგება. აფსუს, ქალაქის შესასვლელთან ნანახი მზიარული წარწერის მიუხედავად, ვენა ძალიან შეცვლილია! ყველაფერს ნგრევის, მოწყენილობისა და გაჭირვების დალი აზის. განსაკუთრებით ცუდად ცხოვრობენ მუშები, დაბალი თანამდებობის ხალხი — მშრომელები. არა. მათ ახლა მზიარული სიმღერებისა და ქარაფშუტული კარნავალების თავი არა აქვთ, ადამიანები ლუკმაპურის ძებნაში აღამებენ.

ვაჩერებთ კობტად ჩაცმულ ახალგაზრდა ქალს, რომელიც ალბათ ოჯახის დედაცაა. ვეკითხებით, როგორ წავიდეთ დიდ ოპერაში. ქალი მწარედ იღიმება და ძლივს ლულლულებს:

— უკაცრავად... მაპატიეთ... სამი დღეა პირში ნამცეცო არ ჩამიდვია. არაფერი მესმის...

ჩვენც კი, ადამიანები, რომლებსაც ვინიცის, რა არ აგემა—ომბა, სახტად დავრჩით. გული გვეტკინა კაცობრიობის ასე მწარედ გადასხვაფერების გამო. ოპერის შენობის ნახვის სურვილი უეცრად თავისთავად გაგვიქრა, უზმოდ დავბრუნდით სასტუმროში.

— ცოტათი მოგვეწყინდა უშენოდ, არჩილ, — ამბობს დინა. — მზერა გავუსწორე. — თამარს ჰკითხე.

არ ვიცი, რატომ, მაგრამ ახლა მის აღსარებას ჩემზე არ უმოქმედია. ცივად ვკითხე:

— ქორწილი როდისაა?

— რა ქორწილი? — გაიკვირვა დინამ.

— შენი და ბორისის...

— მე ჯერ მხოლოდ მეორე კურსზე ვარ ინსტიტუტში. დავამთავრებ და მერე ვიფიქრებ ქორწილზე...

მისმა სიტყვებმა გამახარა, მაშინვე გამომისწორდა განწყობილება. მაშასადამე, ჩემს განკარგულებაში კიდევ სამი წელია! ამ ხნის მანძილზე ქვის გულის მონადირება შეიძლება.

და მაინც დედამიწის ზურგზე არ არის მეორე ისეთი ქალაქი, როგორცაა ვენა. აქ ყოველ არქიტექტურულ სტილს, ყოველ ეპოქას ასე ნათლად დაუჩინებია თავისი კვალი. გოტიკა. ბაროკო. კლასიციზმი. ამპირი, და ჯერ კიდევ სულ ახლახან გაბატონებული „მოფერნი“, რომელიც ბევრის თვალსაზრისით აქ, ვენაში იშვა.

პირველი, რაც ჩვენ დავათვალიერეთ, იყო ფილოსოფოსი იმპერატორის მარკუს ავრელიუსის ქანდაკი, რომელმაც დაწერა წიგნი „საკუთარ თავთან განმარტობით“. იმპერატორი ორ ძუ ვეფხვშებმულ ეტლში ზის და ორჭოფულად იღიმება.

აგერ წმინდა სტეფანეს — სტეფანე-კირხეს განთქმული ტაძარიც. აქეთ რომ მოვდიოდი, უფრო მის სანახავად მოვისწრაფოდი, ნუთუ ავსტრიელებს დაავიწყდებათ ოდესმე, რომ ეს შესანიშნავი ძეგლი ჩვენმა, საბჭოთა მეომრებმა გადაარჩინეს დაღუპვას? ჰიტლერელ ბარბაროსებს ხომ მისი აფეთქება უნდოდათ. არა, ასეთი რამ არ უნდა მიეცეს დავიწყებას!

კინალამ ავტორიდი, როცა დავინახე, რა მდგომარეობაში იყო ტაძარი, ასე მეგონა, თითქოს დანახშირებული ქვების სულში ჩამვჯდომი კენესა მესმოდა. მაგრამ მაინც მწამს, რომ ის კვლავ აღსდგება მკვდრეთით, როგორც ფენიქსი. ტყუილად ხომ არ აგებდნენ მას მთელი ორი საუკუნე ხუროთმოძღვრები და ოსტატები და აი უკვე ხუთი საუკუნეა დგას. ცეცხლის ალივით მალლა აჭრილან შპილები, კოშკები, თალები. ქანდაკი, რომელიც ცისკენ ისწრაფის. გოტიკა — განუმეორებელი, იღუმალეებით მოსილი გოტიკა დასანანი, რომ ტაძრის ფანჯრებიდან ამოღებულია ვიტრაჟები, რომლებიც მოსპობისგან გადაურჩენიათ. მაგრამ მე კარგად მახსოვს ალბომებში ნანახი მათი რეპროდუქციები.

აქ გავიციანი ერთი უკრაინელი, ლეიტენანტი გაიდაი. ის მოყვარული მხატვარი აღმოჩნდა. კიევის სამხატრო აკადემიისათვის ტაძრის ჩანახატებს აკეთებს ფანქრით და აკვარელით. შემდეგ შევიტყვე, რომ ძალიან შეყვარებია ეს ქვისგან გამოთლილი მათიანე. ბევრი რამ უფრო გასაგები გახდა ჩემთვის, როცა მიაშობო თუ როგორ გადაარჩინა მან დაღუპვას ტაძარი. დიდხანს ვსაუბრობდით არქიტექტურაზე, ხელოვნებაზე, ფერწერაზე. გაიდაიმ მიჩნია 19 ივ-

ლის ფრანგული ხელოვნების ვერნისაჲზე კაცყოლოდი. მე და ჩემი მეგობრები სიამოვნებით დავეთანხმეთ.

ვენა არ არის მარტო შტრაუსის ცეცხლოვანი ვალსების, ფრანციოსების დაუსრულებელი მეფობის (რომლის დასაწყისს ხალხი ბარიკადებით შეხვდა), ჰამსბურგების მტაცებლური და მზაკვრული დაპლომატიის ქალაქი, ის მარტო მუსიკოსების, მომღერლების, მსახიობების „ასპარეზი“ და მხიარულობისა და ღამის კოცონების ქალაქი როდია. ვენა უწინარეს ყოვლისა ჰაიდნის, მოცარტის, შუბერტის, ბეთჰოვენის — მუსიკის ამ ჯადოქრების ქალაქია.

ვენა მუშათა კლასის განმათავისუფლებელი მოძრაობის აკვანია. აქედან გამოვიდა კაცობრიობის უკეთესი მომავლისათვის ათასობით მებრძოლი. ბევრმა მათგანმა სიცოცხლეც გასწირა მაღალი იდეალებისათვის.

ყურად ვიღეთ გაიდაის რჩევა და გიდი ავიყვანეთ. ეთნოგრაფიული მუზეუმის მახლობლად აღმოვაჩინეთ იგი, აქამდე მეგონა, რომ მარტო მელომანები, გრაფომანები, ბალიტომანები და სხვები არსებობდნენ. თურმე ვენომანებიც ყოფილან, ჩვენი გიდი დოქტორი შტილერი, ალბათ, მათი ზეგლადია. ეს ხანშიშესული კაცი, ვენის ფერწერის აკადემიის ყოფილი მასწავლებელი, ეტყობა, სილატაკეში ცხოვრობს, მაგრამ როგორც კი მისი მშობლიური ქალაქის ისტორიულ ძეგლებზე ჩამოვარდება სიტყვა, ნამდვილი ჰაბუკუკური აღვზნება დაეუფლება ხოლმე. ჩვენდამი ის დიდი პატივისცემით განიშკვალა, განსაკუთრებით, როცა გაიგო, რომ მე არქიტექტორი ვიყავი. ხოლო ჩემი ქართველობაც რომ შეიტყო, მაშინვე წამოიძახა:

—ო, აქ გამოდიოდა თქვენი პიანისტი ალოიზ მიზანდარი! ვენის პრესამ მას უწოდა გენიალური მანსტრო! ხოლო ერთხელ შალიაპინთან ერთად ჩამოვიდა პარიზის „გრანდ-ოპერის“ სოლისტი მიშელ დარიალი. აი კიდევ კურიოზი: თავისი სტუმრობით გაგვაბედნიერა იტალიელმა ბარიტონმა ჯირალდონიმ, მაყურებლები თეატრში, როგორც ერთი კაცი, არც მას უყურებდნენ, არც სცენას, არამედ იმ ლოჯას, სადაც იჯდა მისი მეუღლე მზეთუნახავი თამარ ერისთავი, რომელზეც მომღერალი თქვენთან, ქუთაისში დაქორწინდა. — დოქტორი შტილერი სულ უფრო და უფრო მეტი გზნებით ლაპარაკობდა: — მე ზუსტად ვიცი, რამდენჯერ გამოვიდა აქ ღვთაებრივი რუბინშტეინი და რა შემოსავალი ჰქონდა. ყველაფერი, ყველა...

წერია ჩემს დოსიეში! რახმანინოვის ყველა კონცერტს დავსწრებ-  
ვარ! მახსოვს „ვეგენი ონგენისა“ და „გედის ტბის“ პირველი დაღ-  
გმების თარიღები. ის თუ იცით, რომ ჩაიკოვსკი ვენის ერთ-ერთი  
უსაყვარლესი კომპოზიტორია? ან მოსტაკოვიჩი, პროკოფიევი?...  
არა, რუსი მუსიკოსები საუკეთესონი არიან მსოფლიოში! დიახ,  
დიახ! საუკეთესონი! — შტილერმა ისე აუმაღლა ხმას, თითქოს ვინ-  
მე საწინააღმდეგოს ამტკიცებდა.

იგი დიდი პატივისცემით განიმსჭვალა დინასადმი, რადგან მას  
ძალიან აინტერესებდა ბეთჰოვენის ცხოვრება. სამაგიეროდ სრუ-  
ლიად გულგრილი გახდა თამარისადმი, რომელიც უფრო იოჰან  
შტრაუსის შესახებ გამოჰკითხავდა — მე თქვენ მაოცებთ, მაღამ,—  
აღშფოთებას ვერ მალავდა დოქტორი შტილერი, — გაინტერესებ-  
დეს შტრაუსი ქალაქში, სადაც ცხოვრობდნენ და მოღვაწეობდნენ  
შუბერტი, ბეთჰოვენი, მოცარტი, ჰაიდნი! გინდათ იცოდეთ, რა  
არის შტრაუსის მუსიკა? მსუბუქი შამპანური და სხვა არაფერი...

გადაიტანა უცბად ყურადღება ვენის ოპერაზე. — პირველი და-  
სი, კარის ოპერა აქ ჯერ კიდევ XVII საუკუნეში ჩამოყალიბდა. პერ  
შტილერი ყურებს გვიჭედავს ოპერების სახელწოდებების ჩამოთ-  
ვლით. დადგმის თარიღებსაც ასახელებს, კომპოზიტორების, მოქ-  
ღერლების, დირიჟორების მითვლით. შტილერი მოგვიწოდებს ყუ-  
რადღება მივაქციოთ ოპერის ახლანდელი შენობის არქიტექტუ-  
რულ ღირსებებს. ამ შენობას ნალის ფორმა აქვს და დამშენებუ-  
ლია სამი ტალანით — ცენტრალურითა და გვერდითა ტალანებით,  
აივანი — ლოჯიები შენობას განსაკუთრებულ კოლორიტს ანიჭებს.  
თითოეული თავისებურადაა ნაგები. თანაც დეკორატიული თვალ-  
საზრისით ისინი უფრო ზევითაა განლაგებული. — ყოველი მომ-  
ღევნო საფეხური უფრო მდიდრულადაა მორთული წინასთან შედა-  
რებით. სამწუხაროდ, თეატრის შენობის მარტო კედლებიღა იდგა.  
შიგნიდან შენობა ძალზე დაზიანებული იყო ბომბებისაგან. მაგრამ  
მისი აღდგენა სწრაფად მიმდინარეობდა, მუსიკის ამ დიდებულ  
ტაძარში თავის დროზე გამოდიოდნენ პავანინი, ლისტი, შალიაპი-  
ნი, მღეროდა კარლა დონერი და დირიჟორობდა თავად შტრაუსი.  
ამ სცენაზე ფანი ელსლერი თავისი ცეკვებით ხიბლავდა ნებისყოფა-  
დაკარგულ მეტერნისის ტყვეს, ჰერცოგ რაინშტადსკის. დოქტორი  
შტილერი ჩამოგვითვლის ყველა მათსახელს: ეოზიფ ფრანსუა,  
შარლ ბონაპარტი... მე კი ვიხსენებ როსტანის დრამას „არწივის

მართვე“, რომელმაც ოდესღაც დიდი შთაბეჭდილება მოახდინა ჩემზე.

ოპერის შენობის შიგნით ნახავთ კედლის მშვენიერ მოხატულობას, მარმარილოს კიბეებს, მოაჯირების ბრინჯაოს მაქმანებს. მთელ ამ მორთულობას პირველად დასცქერის ასე უშუალოდ ლაჟვარდოვანი ცა.

მოდერნის სტილით გაშენებულ ქალაქის ბაღში შევიარეთ. აქ ძეგლები დაუდგამთ ორივე შტრაუსისათვის — იოჰანისა და რიჰარდისათვის, ირგვლივ კი შიშველი მზეთუნახავების ქანდაკებები აღუმართავთ. ბიუსტები, სკამები, ლარნაკები, არხზე გადებული პატარა ხიდები — ყოველივე პარფიუმერულ ეტიკეტს ჰგავს.

ახლა ვენის ტყეში მივემართებით. იქით-აქეთ აღმართულ მდივარულ სასახლეებს ლამაზი ვენეციური საარკმლები ამშვენებს. ღვლარქნილი არქიტექტურის მიუხედავად, ისინი მაინც საკმაოდ მიმზიდველია.

ვენის ტყე მართლაც უზარმაზარია. ყოვლისმცოდნე დოქტორი შტილერი გვიხსნის, აღმოსავლეთ ალპების ქედებამდეა გადაშლილიო. აქედან ცისფერი ღუნისა და უკიდვგანო ველების დიდებული ხედი იშლება. კაფე-რესტორანი კორბუზიეს სტილშია ნაგები მინისა და ლითონისაგან. სანამ ტოტალურ ძარცვას დაიწყებდნენ აქ, ამ კაფეში შეხვდა ერთმანეთს მსოფლიო ისტორიის ორი ყველაზე სისხლისმსმელი ავაზაკი — ჰიტლერი და მუსოლინი.

მთის ძირას აღმა-ტადემას სულისკვეთებით ნაგებ მომცრო სახლთან ვჩერდებით, რომლის ორივე მხარეს უზარმაზარი კერამიკული ლარნაკები დგას. ფრონტონზე წარწერაა: „სიყვარულისა და ხელოვნების გარეშე სიცოცხლე არა არს რა“. ეს ვენური „მოდერნის“ ერთ-ერთი შემქმნელის არქიტექტორ ოტო ვაგნერის სახლია. შტილერმა უიმედოდ ჩაიჭნია ხელი, რითაც ვაგნერის სახლისადმი ჩემი დამოკიდებულებაც გამოხატა. თუმცა, გულახდილად რომ ვთქვა, ვენის ვაგნერის მიერ ნაგებ ფოსტამტში როგორც იტყვიან, რაღაც არის საინტერესო.

ჩვენს დღევანდელ „ეპოპეას“ ვამთავრებთ პარლამენტის დათვალიერებით. ის ნაგებია კლასიკური სტილით. ეპიგონურადაა გამოვარებული ელინთა არქიტექტურა, ყველაფერი, თვით დეკორის უმცირეს დეტალებამდე.

მივდივართ და წმინდა კარლოსის ეკლესიის გუმბათი მივეაცილებს. ნეტა კიდევ სად წაგვიყვანს დაუცხრომელი შტილერი? ყველაფერი ნათელია, ის ჰარონის როლში გვევლინება, ახლა ვენის განთქმულ სასაფლაოზე მივყევართ, რათა უკვდავი კომპოზიტორების საფლავები გვანახოს. გარდა ამისა მე უკვე პროფესიული თვალსაზრისით — მაინტერესებს კრემატორიუმის შენობა.

მთელი ქალაქი უნდა გავიაროთ. ვენა რაღაც ძალის სამყაროს წააგავს. თუმცა ყველგან მოწყენილობა და სიცარიელეა, თვალს მაინც ახარებს დიდებული შენობების მწყობრი რიგები და ანსამბლები.

სასაფლაო. მძიმე შთაბეჭდილებას ახდენს „მოდერნის“ სტილიონაგები ეკლესია, რომელსაც გარს მალალი კვიპაროსები შემოსჯარვია. ყველგან ვარდებია, შესაძლოა ისინი მეტისმეტიც იყოს! წინა პლანზეა იოჰან შტრაუსის ყვავილებითა და ცოცხალი ვარდების გვირგვინებით შემკული საფლავი. საფლავის ქვაზე უამრავი ავტოგრაფია, ჩვენი ჯარისკაცებისა და ოფიცრების ავტოგრაფები, შტილერი უყურებს ამ თვითნებურ წარწერებს, უკმაყოფილოდ იქნევს თავს. მეც, ცოტა არ იყოს, უხერხულად ვილიმები... მაგრამ მიპატივებია ჩემი თანამემამულეებისათვის გრძნობათა ამგვარი გამოვლენა. ვაპატიოთ მათ ეს თვითნებობა, ისინი ხომ თავს არ იზოგავდნენ ევროპის გათავისუფლებისათვის.

აი, როგორც იქნა ბეთჰოვენის უბრალო საფლავი, ისეთივე უბრალო, როგორც მისი ცხოვრება იყო. მოშორებით არიან შუბერტი, მოცარტი. დოქტორი შტილერი განმარტავს: ეს მხოლოდ მოცარტის ძეგლია, თვითონ კი სხვაგან ასაფლავიაო. მაგრამ მე ბეთჰოვენზე ვფიქრობ და მაინცდამაინც ყურადღებით არ ვუსმენ, ნეტა ბედია ეს თუ შემთხვევითობა, რომ სამივე გენიოსი ერთმანეთის გვერდით აღმოჩნდა, სწორედ აქ, სადაც მარადისობა გამეფებულა?..

კრემატორიუმში იგივე „მოდერნის“ სტილითაა ნაგები. მასაც გავერანების დალი ატყვია.

უკან დაბრუნებისას შენბრუნის ციხე-სიმაგრეში შევიარეთ. უიმედოდ სიმეტრიული სასახლე, გადაკრეპილი პარკი ირგვლივ სიცივეს ჰფენს. მხოლოდ ტრიანონი თუ აცოცხლებს როგორღაც საერთო ხედს.

ვეწვიეთ ძველ სახლებს, სადაც ბეთჰოვენი და მოცარტი ცხოვრობდნენ... შთაბეჭდილება წარუშლელია, მაგრამ ამას ორი სიტყვით ველარ გამოთქვამ.

სალამოს მუსიკალური კომედიის თეატრში შუბერტისადმი მიძღვნილი პიესა ვნახეთ. მსახიობები თამაშობდნენ ჩინებულად, სიმღერითაც გვარიანად მღეროდნენ. საერთოდ მსიარული და ნათელი სპექტაკლია.

## 19. VII. 1945.

მეორე დღეს ვერნისაჟზე დაგვაგვიანდა. დამთვალე რებლები არც ისე ბევრნი იყვნენ. თანამედროვე ფრანგული ხელოვნება იყო წარმოდგენილი ფერწერით, გრაფიკით, სკულპტურითა და დიქორაციული ხელოვნებით. გამოფენილი გახლდათ ისეთი ოსტატების ნამუშევრები, როგორებიც არიან პიკასო, ბატისი და საფრანგოის ახალგაზრდა მხატვრები.

განმაცვიფრა თანამედროვე თემის სრულმა უგულვებელყოფამ. დღევანდელი პრობლემებისადმი გულგრილობამ. ამოდ ვაწყდებოდი იქით-აქეთ, დარბაზიდან დარბაზში, სტენდიდან სტენდს ზოგერთი ნაწარმოები ორიგინალური იყო ფორმით, ფერების შეხამებით, სინათლისა და ჩრდილის კონტრასტებით, მაგრამ ეს ხომ საკმარისი არ არის თანამედროვე ხელოვნებისთვის! მართალია, ერთმა ტილომ მიიპყრო ჩემი ყურადღება, მაგრამ ისიც კლოდ მონეს სურათის „კაპუცინების ბულვარის“ გაუარესებული ვარიანტი აღმოჩნდა.

ვერც ერთ ექსპონატზე ვერ იფიქრებდი თუ XX საუკუნის ორმოციან წლებში იყო შექმნილი. ისინი თითქოსდა ყველა ერთად XIX საუკუნის დამლევის საფრანგეთს ასახვდნენ. ვუყურებდი და განცვიფრებული ვრჩებოდი, თითქოს რომენ როლანის, ანრი ბარბიუსისა და მორის ტორეზის ქვეყანას თავს არ დასტეხოდეს საშინელი ტრაგედია და საერთოდ არ ყოფილიყოს მეორე მსოფლიო ომი; თითქოს მთელი ამ წლების მანძილზე არაფერი მომხდარიყოს ისეთი, რასაც მხატვრის გონებისა და გულის შეძვრა შეეძლო. ყველა დროისა და ხალხის ყველა ნამდვილი, დიდი მხატვარი ხომ მუდამ ძალზე მწვავედ ეხმაურებოდა თანამედროვეობის საკითხებს. სწორედ ამიტომ გახდნენ ისინი დიდნი. აი რამდენიმე ნახატის სურ-

უფეტი: კაცი თეატრში, ქალბატონ ვიენის პორტრეტი (მოხუცი ქალი საყვრავს უხის), ყვავილები, ნატურმორტი, ზაფხულის ბაღის კუთხე, ავტოპორტრეტი, ხილი, მოთამაშეები, ნიუ, ქრისტე ჭვარს ვზიდება გოლგოთაზე, შინ ფანჯარასთან და ა. შ.

ზოგიერთ ქმნილებაში იგრძნობა იმპრესიონიზმის შორეული გამოძახილი, სხვებში — ფორმის აბსტრაქტული, ნიადაგგამოცლილი ძიება. ნუთუ აქაც, ბეთჰოვენის ქალაქში ადამიანებმა არ გაიგონეს დიდი მუსიკოსის მოწოდება: „ხელოვნების მიზანი უნდა იყოს თავისუფლება, პროგრესი?“

არა, ეპეგარეშეა, აქ წარმოდგენილ მხატვრებსა და მოქანდაკეებს შორის არიან პირველხარისხოვანი ოსტატები და დიდად ნიჭიერი შემოქმედნი; ბევრი მათგანი აქტიური ანტიფაშისტია, ზოგიერთები კომუნისტური პარტიის წევრებიც კი არიან, მაგრამ სადღაა ნამდვილი საფრანგეთის ხმა, შეუღამაზებელი და ყვავილებით მოურთველი საფრანგეთისა? საფრანგეთის, რომელმაც გადაიტანა ფაშისტთა ბატონობის დამცირება და ტანჯვა-წამება? საფრანგეთის, რომელიც იბრძოდა და სისხლს ღვრიდა. მე იმ დარბაზებში ვერ ვნახე დედების ცრემლები, არ მესმოდა მოხუცებისა და ბავშვების კვნესა. ვერ ვიგრძენი ხალხის მრისხანება.

ვიყიდე ყოველკვირეული გაზეთის უკანასკნელი ნომერი. ჩემი ყურადღება მიიპყრო ჟაკ პუტმანის საკმაოდ უცნაურმა წერილმა „რატომ არის ასე ბევრი მხატვარი ბელგიაში?“ წერილში გამოთქმული იყო მეტად უცნაური აზრი, თითქოსდა ბარის ქვეყნებში, სადაც არ არის ქვის მომპოვებელი კარიერები, უფრო ვითარდება ფერწერა, ხოლო მთიან ქვეყნებში — სკულპტურა! საოცარია!

საღამოს ოპერაში „სევილიელ დალაქს“ მოვუსმინეთ, როსინი დღესაც „ვეროპის რჩეული ორფოსია“... კარგი მუსიკა კურნავს გულის. ტივილს.

21. VII. 1945.

მეორე დღეს დილიდანვე გავემგზავრეთ ბადენში. ამ წარმტაც ქალაქში ვენის მახლობლად რომ მდებარეობს, სამკურნალო წყლებსა და საუკუნოვან ხეებს შორის, ქმნიდა თავის ჯადოსნურ მუსიკას დიდი ბეთჰოვენი.

უკან რომ ვბრუნდებოდით, მთავარ ალენშტეინების შუასაუკუ-



ნოვან ციხე-კოშკს ვეწვიეთ. ციხე-კოშკის გავერანებულ პარკში ვენის სამხატვრო აკადემიის სტუდენტი იჭდა და ჩანახატებს აკეთებდა. მას ტიროლური კოსტიუმი ეცვა. ტყავის მოკლე შარვალი მუხლებამდე სცემდა, ტყავისავე ჟილეტი ჰქონდა მოსხმული და ფეტრის შლაპაზე ხოხბის ფრთა ეკეთა. ციხე-კოშკის ბასტიონებიდან იშლება გარემოს სრულიად უჩვეულო ხედები. ეს ხედები მართლაც რომ შეძლებდნენ შთაეგონებინათ მაისტერზინგერები.

წმინდა ჭვრის მონასტერში ვენის მახლობლად ახალგაზრდა, ჩასუქებულმა და ლოყებდაჟდაჟა პასტერმა წყალი დაგვალევიანა, მანვე დაგვათვალეიერებინა სავანე, მოგვიძღვნა ფოტოსურათები და მონასტრის აღწერილობა.

სალამოს ჩვენი მსახიობების კონცერტს დავესწართ. ეს საბჭოთა ხელოვნების ნამდვილი ტრიუმფი იყო!

•

25. VII. 1945.

ასე მგონია, თითქოს ლისტის მეექვსე სიმფონია ჩამესმის — შემდეგ მისი განუმეორებელი ბგერები ერთდება მძლავრ ხორალში. უეცრად ირგვლივ ცეცხლოვანი უნგრელი ქალები დატრიალდნენ. ისინი ჩარდაშს ცეკვავდნენ. და აი უკვე ჩემს თვალწინ მიჭრის უშიშარი არპადი, რომელსაც თავისი ხალხი უკიდევანო ღუნაის ნაპირებისკენ მიჰყავს.

შანდორ პეტეფის მგზნებარე ლექსებს ვისმენ. მისი მოწოდება ბარიკადებიდან და მოედნებიდან ისტორიის ანფილადებს არღვევს და ჩვენამდე აღწევს, აი ლომგული კოშუტიც, რომელიც განდევნილი იტანჯებოდა უცხო ქვეყანაში...

უნგრელები ნიჭიერი, პატიოსანი და მამაცი ხალხია. უნგრეთი იყო პირველი ქვეყანა, რუსეთის შემდეგ, სადაც 1919 წელს რაიმდენიმე თვე იარსება საბჭოთა ხელისუფლებამ. მაშინ თუ ის არ განმტკიცდა, ამაში ბრალი უნგრელ ხალხს კი არა, მის მტრებს, ფაშისტებს მიუძღვით.

ბუდაპეშტი... მდოვრედ მიედინება ცისფერი ღუნაი, რომელიც ყოფს ძველსა და ახალ ქალაქს, ხუთსართულიანი სახლის სახურავ-ქვეშ გაჩხირულა აქ ჩამოვარდნილი თვითმფრინავი, ფიუზელაჟის

ნახევარი მალა აკრილა. დუნაიზე არც ერთი ხიდი მთელი არ დარჩენილა, ისინი კი ბუდაპეშტის მშვენება და სიამაყე იყო! ძველი ქალაქი დანგრეულია, სიძველის ყველა ძეგლთან და ხელმწიფის სასახლესთან ერთად. მდინარის მეორე ნაპირზე ამაყად აღმართულა პარლამენტის დიდებული შენობა (სტილიზებული გოტიკა), თითქოს და ნაყავილარი დასჩენიაო, ტყვიის უამრავი ჭრილობებითაა დაცხრილული.

ახალი ბუდაპეშტი ტიპიური თანამედროვე ევროპული ქალაქია. მრავალსართულიანი შენობები, ფეშენებლური მაღაზიები, უამრავი რეკლამა (ახლა ისინი ჩამქრალან). ისმის მაღიართა ხმამალალი შეძახილი. ეს ენა არც ერთ ევროპულს არა ჰგავს.

სასტუმრო „ბრიტანეთში“ შევჩერდით. აქ სისუფთავე და მყუდროებაა. მარტო კაფეში მთრგუნავდა ულაზათო ფრესკები, თანაც შექსპირის ტრაგედიების სიუჟეტებზე შექმნილნი.

## 26. VII. 1945.

მაღაზიები სხვადასხვა საქონლითაა სავსე. თამარი და დინა დღიდან საყიდლებზე დადიან. მეც სიამოვნებით მივაცილებ მათ.

სულ უფრო და უფრო ვრწმუნდები უნგრელები რომ საინტერესო და ტემპერამენტიანი არიან. წამდვილი სამხრეთელები! მამაკაცები მალეები, ტანადები არიან, უმრავლესობა შავგვრემანია, ქალები იდეალური აღნაგობით გამოირჩევიან. ყველას თითქმის დუნაის ფერი თვალები აქვს. ოღონდ დასანანია, რომ ბევრი ატარებს შავ სათვალეს — თვალები კი არა, შავი ლაქებია!

— ყველა უნგრელი ქალი, — ვაცხადებ მე, — სასამართლოში უნდა მისცე!

დინამ და თამარმა განცვიფრებით შემომხედეს.

— რატომო?

— ეროვნული სიმდიდრის დამალვისათვის.

— არაფერი მესმის! — მხრები აიჩეჩა დინამ.

— რა და, მუქი სათვალეებით იფარავენ მშვენიერ თვალებს.

ყველანი ვიცინით.

ბუდაპეშტი კიდევ დიდხანს არ მოსულიერდება. ის რამდენჯერმე გადავიდა ხელიდან ხელში, მაგრად დაანგრეის და ასე ერთბაშად ვერ მოიშუშებს მძიმე ჭრილობებს.

საღამოს დუნაიზე გაშენებულ კაფეში წავედით. ძალიან კარგი ორკესტრი უკრავდა. ხალხი ცოტა იყო, სულ რამდენიმე მაგიდა დაეკავებინათ, ისიც მხოლოდ ახალგაზრდობა იყო, მხოლოდ ახალგაზრდობა. ალბათ სტუდენტები არიან, გავიფიქრე. ჩვენმა გამოჩენამ ყველა დააინტერესა. მინდოდა გამესინჯა ნამდვილი გულიაში, — უნგრელების ეროვნული კერძი. „ტოკაიურიც“ შევუკვეთეთ. დინა ჩინებულ გუნებაზე ეხლდათ. და სულ გონებამახვილურ აზრებს აფრქვევდა. ორკესტრმა „ბნელი ღამე“ დაუკრა. ბოგოსლოვსკის სიმღერა კინოფილმიდან „ორი მებრძოლი“. უეცრად დინამ სიმღერა დაიწყო, მას ხავერდოვანი ტემბრის, სასიამოვნო, გულის სიღრმიდან ამოსული ხმა ჰქონდა. მეზობლებს ვასწავი გადაავიწყდათ, გულმოდგინედ გვისმენდნენ, პირველი შევიოლინე ესტრადიდან მკვირცხლად ჩამოხტა, დინასთან მივიდა და ვირტუოზული დაკვრით კიდევ უფრო გააძლიერა დინას ხმის მომხიბლაობა. გაბრუებული ვიჭექი, დინასაგან ამას ნამდვილად არ ველოდი, ვერც კი წარმოვიდგენდი თუ ასე მშვენივრად შეეძლო ემღერა. იმდენად კარგად და ისეთი გრძნობით მღეროდა, მეგონა გონებას დავკარგავ-მეთქი. არ ვიცი, იქნებ ცოტა ისიც იყო ბრალში, რომ ამ ქალიშვილით გატაცებული ვიყავი... ეს მშვენიერი, მომხიბვლელი ხმა, ღღემდე ჩამესმის და მგონია, არასოდეს არ დამავიწყდება.

დინამ სიმღერა დაამთავრა თუ არა, ტაშმაც დაიგრიალა. მეზობელ მაგიდებთან მსხდომი უცნობები მოგვიახლოვდნენ. ხელში მჩქეფარე „კაგორით“ სავსე ჭიქები ეჭირათ. ყველამ გატაცებით დალია მომღერლის სადღეგრძელო. სტუდენტები იყვნენ და ძალიან გაიხარეს ჩვენთან შეხვედრით. სეტყვასავეით დაგვყარეს შეკითხვები. შემდეგ ერთ-ერთმა ჭაბუკმა, სხვებზე ახალგაზრდამ და მ.ღალმა, მუსიკოსებს ნიშანი მისცა. ორკესტრმა ჩარდაში დაუკრა. ორკესტრის წინ მშვენიერი ქალიშვილი დადგა. მომხიბვლელად იღიმებოდა. მომეჩვენა თითქოსდა ძალიან ჰგავდა დინას, ქალიშვილმა წყრიალა, დიდებული ხმით დაიწყო. ერთხანს მაგიდების წინ იდგა და ისე მღეროდა. მერე დაიძრა, მევიოლინეს თანხლებით მიდიოდა მაგიდებთან და სიმღერას იქ მსხდომთ უძღვნიდა. რასაკვირველია, ჩვენს მაგიდასთანაც გამოჩნდა და ძალიანაც გვასიამოვნა.

ორკესტრი კი სულ უმატებდა და უმატებდა ტემპს. ჩარდაში უკვე გრიგალივით დატრიალდა, მომღერალი ახლა მაღალ ჭაბუკთან ერთად საცეკვაოდ გავიდა. სიმღერა ახლა სხვებმა გააგრძელეს, თან

ხმაალაღი შეძახილებით აქეზებდნენ მოცეკვავეებს. ეს სიმღერა ჩვენ გვიძღვნეს უნგრელებმა.

ჩარდაშის შემდეგ ყველანი ერთად გავედით კაფედან. ახალმა მეგობრებმა დუნაიზე ნავით გასასეირნებლად მიგვიპატიჟეს (დინამ მაშინვე შენიშნა, რომ ჩვენთან არ იყო ჩერნოვი). შესანიშნავი დამე გახლდათ. მდინარეზე დიდებულად აღმართულიყო მებაღურთა ბასტიონის კოშკი, ნავებიდან ეს ვავედით ტაძრების შპილებსა და სახლების სახურავებს. აქედან, ქალაქის ქრილობები არც ისე შესამჩნევი ჩანდა. შემდეგ ნავები დავტოვეთ და ბუდაპეშტის ქუჩებს გავყევით. მეგობრები გვიჩვენებდნენ ღირსშესანიშნაობებს. ბოლოს კი სასტუმრომდე მიგვაცილეს, სადაც სინანულით გამოგვეთხოვენ. კიდეე დიდხანს ვიდექით „ბრიტანიის“ შესასვლელთან, შემდეგ ჩვენს საართულზე დაღლილები ავედით.

27. VII. 1945.

ხვალ დინა, თამარი და ვოლკოვი მიემგზავრებიან. ნუთუ დინა არ შემოვა ჩემთან გამოსათხოვებლად? ვილაცამ დარეკა... ვღელავ, ალბათ ისაა! დიახ-დიახ, ის არის და სხვა არავინ... მართლაც და დინას ხმა მაშინვე ვიცანი. მთხოვა, თუ რაიმე საქმე არ მქონდა, ქალაქში გავგესეირნა. რასაკვირველია, მაშინვე დავთანხმდი. სასტუმროდან გამოვედით და დუნაის სანაპიროს გავყევით. მე შევთავაზე კაფეში შევსულიყავით, მაგრამ არ ისურვა. ქვის მოაჯირთან ნაბიჯები შევანეღე.

— მაშასადამე: გადაწყვეტილია, მიემგზავრები?

— კი, არჩილ, აუცილებლად უნდა დავბრუნდე მოსკოვში. ჩემი მოვალეობა მოვიხადე — მოხალისედ წავედი ფრონტზე. ახლა კი უფლება მაქვს შინ დავბრუნდე. ინსტიტუტშიც უნდა აღვსდგასწავლა სიბერემდე.

— რომელ ფაკულტეტზე გსურს ისწავლო?

— მე ხომ გეოლოგი ვარ. ძიების, შორეული ექსპედიციების რომანტიკა მუდამ მიზიდავდა. რა ჯობია, ითვისებდე სამშობლოს უცნობ სივრცეებსა და სიმდიდრეებს?!

იმ წუთში გული შემეკუმშა. თვითონაც არ ვიცი, რატომ? იქნებ იმიტომ, რომ რაოც წამით წარმოვიდგინე დინა მარტოკა, უჩემოლ, გეოლოგიურ პარტიაში — ბედნიერი დინა, რომელსაც მე არც

ვაგონდები. მე კი ვოცნებობდი, რა გზაც არ უნდა აერჩია მას, ყოველთვის მის გვერდით ვმდგარიყავი, გამეზიარებინა მისი სიხარულიცა და მწუხარებაც. დინა თითქოს მიხვდა ჩემს ფიქრებს, გამიღამა.

— რა თქმა უნდა, უშენოდ მომწყინდება, არჩილ, — თვალეში ჩამაშტერდა, ალბათ უნდოდა გაეგო, რა შთაბეჭდილება მოახდინა მისმა სიტყვებმა, დიდხანს მიყურებდა, მერე თავი გადააქნია და განაგრძო — ამას გულწრფელად ვამბობ, მეგობარო.

— დინა, ეს ძალიან ცოტაა ჩემთვის.

— მეტის იმედი ნუ გექნება, ძვირფასო. არაფერი გამოვა. ვერ დაგიმაღავ, მე შენ შემოიყვარდი, მაგრამ არსებობს ადამიანი, რომელიც კიდევ უფრო მიყვარს და მჭირდება... შენი მეგობრობაც არ მინდა დავკაგრო... შენ ყოველივე საუკეთესოს ღირსი ხარ ცხოვრებაში... — გაიცინა და ჩურჩულით დაამთავრა, — არ მომწონს შენი ღუმელი, არჩილ!

იმ წუთებში ვერც ვერაფერს ვხედავდი და ვერც ვგრძნობდი. რა შემეძლო მეთქვა ამ საოცრად მშვენიერი არსებისათვის ასე რომ შემოიპარა ჩემს გულში და სამუდამოდ ჩასახლდა. რა სიტყვებით შეიძლებოდა იმის გადმოცემა, რაც ჩემს სულში ხდებოდა?

ამის გადმოცემა ძნელია. ხელები მხრებზე დავაწყვე და თვალეში მწყრაღად ჩავხედე.

— მიბრაზდები, არა? რატომ არაფერს ამბობ? — უბრად გავიარეთ. უკან რომ მოვბრუნდით, დინა თავისი ნომრის კარამდე მივაცილეთ.

— მშვიდობით, არჩილ, — თქვა მან და გამიღამა. მერე ჩემსკენ ოდნავ გადმოიხარა. მე წილზე შემოვსალტე ხელი და ცხელსა და ვნებიან ტუჩებს დავაცხრი.

28. VII. 1945.

ღმერთო, სიყვარულის წინაშე არავითარი ბარიერი არ არსებობს!

დილით, იმის შეგნება, რომ ისინი უნდა გაფრენილიყვნენ, მზარავდა. დინას ნაცრისფერი კოსტიუმი ეცვა. მწვანე „ლენინგრადულსა“ და ტიუბეტეიკაში იყო გამოწყობილი. თვალეები ხალისი-

ნად უციმციმებდა. ჩემს გამხიარულებასაც ცდილობდა, მაგრამ გულზე დიდი, უშველებელი ცხელი ლოდი მედო. გამოთხოვებისას როგორღაც, ჩემდაუნებურად ბორისს გადავებვიე და გადავკოცნე, დინას ხელის სითბოლა დამამახსოვრდა... შემდეგ სამივე ერთად ჩაჯდა თვითმფრინავში, თვითმფრინავი მიწას რომ მოწყდა, მკერდის არეში მწვავე ტკივილი ვიგრძენი.

ჩერნოვიც მოწყენილი იყო. მანქანაში უხმოდ ჩამსვა და ცოტა რომ გავიგრიალეთ ქალაქისაკენ, გადმომხედა.

— არჩილ, დანა პირს არ მიხსნის, სადმე რესტორანში შევიდეთ და ცოტა ჩავცეცხოთ. იქნებ გულზე მომეშვას. რას იტყვი, არჩილ, ხომ დავლიოთ?

თავი თანხმობის ნიშნად უხმოდ დავუქნიე. ბორისმა არაყი და ცხელი საუზმე შეუკვთა. მერე გადმომხედა და გაიღიმა.

— ნუ მოიწყინე, საყვარელ ადამიანთან გამოთხოვება, რასაკვირველია, ყოველთვის ძნელია.

ის ნათლად ხედავდა, რა დღეშიც ვიყავი. მაგიდაზე თითებით დააკაუნა და გააგრძელა:

— განა ვოლკოვი შენი საყვარელი მეგობარი არ არის?

მიუხვდი წყაროს სათავე საითაც მიუგდო, ჭკვიანური სვლა გააკეთა. ცოტათი გამოეცოცხლდი. უკვე დრო იყო მეც თამაშში ჩაებმულიყავი:

— რა თქმა უნდა, ახლო მეგობარიცაა და ფრონტელი ამხანაგიც.

— გაცილება არასასიამოვნო საქმეა, ცხოვრება მხოლოდ შეხვედრებისგან უნდა იყოს შეკინძული. აბა, ეს შენი ყველა სურვილის შესრულებისა იყოს! — თქვა და ჭიქა მომიჭახუნა.

— შენც ავხლომოდეს ყველა სურვილი!

— ასე იყოს, ძმაო! მაგრამ ვაი თუ ჩვენი სურვილები ერთმანეთს შეეჯახოს.

აბი უხმოდ გადავყლაპე, თუმცა არც ისე მწარე იყო.

— შემდგომში რას აპირებ, არჩილ?

— ამხანაგებს დაველოდები — არქიტექტორებსა და მხატვრებს. მთელ ჯგუფად მივემგზავრებით იტალიაში. უნდა მოვინახულოთ რომი, ვენეცია, ნეაპოლი, ფლორენცია, გენუა, მილანი. თუ დრო დაგვრჩა, საფრანგეთსაც ვეწვევით. სამი თვის შემდეგ მოსკოვს დავბრუნდები და შენებას შევეუდგები...

— აი ეს მესმის, ჩემო ძმავო ნამდვილად მშურს... მაგრამ შენებას რომ დაიწყებ, სულ გახსოვდეს ადამიანი, შენ ხომ სწორედ მისთვის უნდა აშენო!

— შენ რას აპირებ, ბორის?

მაშინვე არ უპასუხნია.

— რას ვაპირებ... რა და მომავალი მფრინავეების მომზადებას შევუდგები, ალვზრდი ადამიანებს.. ხმამალლა ნათქვამი, არა? — გაიცინა ბორისმა.

— როცა შენ წარმოთქვამ, სულაც არ ეღერს ხმამალალ ფრაზებად.

— რატომ? — დაინტერესდა იგი.

— იმიტომ, რომ მე მჭერა შენი.

— მე, ძმავო, თვითონ მჭერა ჩემი თავისა... აბა ჩვენი, დედამიწის ზურგზე მცხოვრები ყველა პატიოსანი ადამიანის ნათელი მომავლისა იყოს!

რესტორნიდან გამოსულები ერთხანს ვიდექით და ვტკბებოდით ღუნაის სილამაზით. შემდეგ ერთმანეთს გამოვეთხოვეთ.

მაინც, ნეტა რა მომელის, როგორ წარიმართება ჩემი ცხოვრება? ვნახოთ...

მივყვებოდი ღუნაის ნაპირს და ფიქრების გრძელი უშველებელი ძაფი სულ სხვა სამყაროში მიმათრევდა.

**. ხ ა რ ა ე ზ ი**

როცა წვიმა მღერის

პოეტის უკვდავება

ქაში დიდებისა

ლადო გუდიაშვილისათვის ერთი ლამე

უკვდავო სიმღერა

გარიჟრაჟზე მოფრინდება თეთრი მერცხალი

არჩილ არენდაულის დღიური



რედაქტორი ქ. კვინტრაძე  
მხატვარი გ. წერეთელი  
მხატვრული რედაქტორი თ. შარიფაშვილი  
ტექნიკური რედაქტორი ზ. გვიშრაძე  
კორექტორები: ზ. მამასახლისი, ი. ხალარაძე  
გამომშვები ნ. თათარაშვილი

ს. ბ. № 4148

გადაეცა წარმოებას 25.06.85. ხელმოწერილია დასაბეჭდად 04.06.87.  
უე 01352. საბეჭდი ქაღალდი № 2. 60X84<sup>1</sup>/<sub>16</sub>. გარნიტური ვენა.  
ბეჭდვის ხერხი მაღალი. პირობითი ნაბეჭდი თაბახი 14,12. პირ.  
საღებავგატარება 14,37. სააღრიცხვო-საგამომცემლო თაბახი 11,94.  
ტირაჟი 15.000, შეკვ. № 7706

ფასი 76 კაპ.

გამომცემლობა „საბჭოთა საქართველო“  
თბილისი, მარჯანიშვილის 5.

საქართველოს სსრ გამომცემლობათა, პოლიგრაფიისა და  
წიგნის ვაჭრობის საქმეთა სახელმწიფო კომიტეტის  
ქუთაისის პოლიგრაფიული საწარმოო გაერთიანება,  
ქ. ქუთაისი, ი. ჭავჭავაძის პროსპექტი, 33.

Кутаисское полиграфическое производственное объединение  
Государственного комитета по делам издательства, полиграфии  
и книжной торговли Грузинской ССР  
г. Кутаиси, пр. И. Чавчавадзе, 33